

Natus A^o
1582

Denatus A^o
1637.

IOHANNES GERHARDUS DOCTOR.



Joh. Dürr sculp.



4. Adest beatitudo

spiritus
altitudo
vera
et
quid
liber

2. Tunc curat

penititudo

D. JOHANNIS GER
HARDI LI.
MEDITATIONES SACRAE
Eiusdemq;
EXERCITIUM
PIETATIS
Cum
PRIVILEGIO

1. Cum urget mœstitudo

Lipsiæ
Impensis Davidis Fleischeri.

MEDITATIONES
SACRÆ,
AD VERAM PIETATEM
EXCITANDAM,
&
interioris hominis profectum
promovendum accommodatæ.

Item,

EXERCITIUM
PIETATIS

quotidianum quadri-partitum.

EDITIO

*emendatior, additisque Scriptu-
ræ S. & Patrum testimoniis,*

Opera & studio

JOHANNIS GERHARDI,
SS. Theol. Doct. & in Acad.

Jenens. Prof.

*Accesserunt de novo figuræ æri incisæ
nec non HODEGUS.*

cum Privileg. Sereniss. Elect. Sax.

L I P S IÆ,

DAVIDIS FLEISCHERI



*Amplissimis, Consultissimis ac
Prudentissimis*

VIRIS,

DNN. CONSULIBUS
EX CONSS.

totique

ORDINI SENATORIO

Inclytæ Reipubl. Halberstatensis,

*Dominis & Promotoribus suis omni
observantiâ honorandis,*

S.



Uti Theologiam Medicinæ conferunt, & multi sunt, & recte explicare videntur. Ut enim duplex Medicinæ

finis, sanitatem in corpore humano conservare, eandemque amissam recu-

perare : Ita Theologia , quoad animæ morbos , eodem modo duplicem agnoscit finem , ostendit namque non solum , quomodo à peccatis liberemur , sed etiam , quomodo in gratia conservemur. Ultraque Medicina tam corporis , quàm animæ , à Deo est , dicebat Gregorius : ergo etiam in autore consentiunt. Habet Medicina , certa sua principia, λόγον scil. καὶ πείραν , quæ ob id crura quædam ejusdem appellantur , cum quibus quod consonum , acceptat ; quid dissonum , respuit : Sic Theologia certum & immotum habet principium verbum D E I Propheticis & Apostolicis scriptis comprehensum , cum quo quod consentit , acceptat : quod dissentit , respuit. Atque progrediuntur ulterius & ostendunt quod omnis vera Medicina ex regeneratione , siquidem nihil potest regenerare , quod non ipsum regeneratum , ad emundationem ergo spiritus vitalis ab impuris morborum tincturis , quæ est quasi regeneratio quædam , requi-

runtur corpora regenerata, id est, spiritus, qui sunt corpora spiritualia propter penetrationem & tincturam: ac nihilominus sunt etiam spiritus corporei: ita quoque verus Theologiæ finis est, spiritualis illa interioris hominis regeneratio, quam ex aqua & Spiritu fieri testatur veritas. a) Addunt etiam collationem Lapidis Philosophici cum lapide benedicto in Ecclesia: sed quia hæc nec omnibus nota, nec ab omnibus concessa, eis immorari nolo; sufficit instituto meo, quod ex collatione Theologiæ cum Medicina, optima ratione colligere possim, Theologiam esse doctrinam practicam, ac proinde minus rectè eos sentire, qui speculativam esse contendunt, quo in numero sunt quidam ex Scholasticis. His enim non solum agenda, sed credenda ac speranda in hac cœlesti philosophia proponantur, id tamen non impedit, quo minùs practica adhuc dicatur, nam & Medicina in quo-

A 3

a) Job. 3. 6. 5.

rundam θεωρία occupata est, nec tamen propterea Theoretica disciplina est, quia hanc ipsam θεωρίαν praxeos ratione ac in ordine ad praxin sectatur; perinde se res habet in Theologia: ut jam non addam, in illis ipsis credendis sive in fidei articulis non nudam notitiam, sed & assensum requiri, quem esse ex parte voluntatis actum, idoneis argumentis confirmant illi, ad quos hæc cura pertinet. Quod si Theologia est doctrina practica, utique etiam finis ejus non erit nuda γνώσις, & subtilis θεωρία, sed potius praxis. Hæc si sciveritis, beati si feceritis, dicit Salvator ad discipulos. a) Non in verbis sed in factis res nostræ religionis consistunt, dicit Justinus: b) ἢ λέγειν μόνον, ἀλλὰ καὶ εἶναι ποιεῖν χριστιανὸς, dicit Ignatius. c) Summa Christianæ religionis est, imitari eum, quem colis, dicit Augustinus: d) πῶς ἐστὶν χριστιανισμὸς; θεὸς ὁμολοῖς

a) Job. 18, 17. b) In Parenet. 1. ad Græcos p. 25. c) Ep. 3. ad Magnes. d) lib. 2. de Civ. Dei c. 17.

σι κατὰ τὸ εὐδαχόμενον ἀνθρώπων φῦος, dicit Basilius. a) Quod si Christianæ religionis finis ac perfectio non est nuda γνῶσις, sed πρᾶξις, quàm paucos hodiè invenies vere Christianos ! Multum ubique scientiæ, conscientiæ parùm. Recte quidem fit, quod ὁρθοδοξία libris, disputationibus, concionibus & modis omnibus defenditur, sed & vita professioni Christianæ ut respondeat, operanda. b) Si omnium mysteriorum notitiam habeam, caritatem non habeam, nihil sum, inquit Apostolus. Quid ergo olim respondebunt, qui non omnium, sed paucorum; non perfectam, sed tenuem saltem mysteriorum notitiam habent, & tamen ob eam superbiunt, alios contemnunt, aliis invident, vix ulla caritatis Christianæ habitâ ratione? Asscribam hûc locum ex egregio quodam libello: c) Qui vult plenè & sapidè verba Christi intelligere, oportet ut vitam suam studeat illi confor-

A 4 ma-

a) Hom. 10. hexaëm. b) 1 Cor. 13, 2. c)

Kempisus de imitat. Christi l. 1. c. 1.

formare. Quid prodest tibi alta de Trinitate disputare, si careas humilitate, unde displiceas Trinitati? Si scires tota Biblia, & omnium Philosophorum dicta, quid totum prodesset sine caritate DEI & gratia? Vanitas vanitatum & omnia vanitas præter amare Deum, & illi soli servire. *a*) Scientia sine timore Dei quid importat? Si scirem omnia, quæ in mundo sunt: & non essem in caritate, quid me juvaret coram Deo? Quanto plus & melius scis, tanto gravius inde judicaberis, nisi sanctius vixeris: noli ergo extolli de ulla vel arte vel scientia: sed potius time de data tibi notitia. Pertinet etiam hûc Erasmi locus: *b*) Quorsum attinet decertare, quot modis accipiatur peccatum, privatio duntaxat sit, an macula inhærens animæ? hoc potius agat Theologus, ut omnes horreant, oderintque peccatum. Digladiamur sine fine, quid distinguat Patrem à Filio, & utrumque à Spiritu Sancto, res

a) Cap. 2. b) In annot. 1. Timoth. 1. p.
464.

Dedicatio.

res an relatio, & qui consistat, tres dici, quorum nullus sit qui alius, cum sint una essentia; quanto magis ad rem pertinet, hoc modis omnibus agere, ut Trinitatem illam, cujus majestatem scrutari fas non est, pie sancteque colamus & adoremus, illiusque concordiam ineffabilem, nostrâ concordia, quoad licet, exprimamus, quo contingat aliquando & in illius adscisci consortium? Disputamus, qui fieri possit, ut ignis, quo cruciabuntur impiorum animæ cum sit materialis, agat in rem incorpoream: quanto magis referebat, huc totis viribus eniti, ne quid in nobis reperiatur ignis ille, quod exurat, &c. Repeto autem denuo, non rem ipsam, sed abusum rei taxari: rectè fit quod opera ac studium accuratæ cognitioni articulorum fidei impenditur, rectè fit, quod *ὁρθοδοξία* contra hæreses defenditur, modo in illis summa ac perfectio Christianæ religionis non judicatur consistere, modo etiam vitæ Christianæ ac caritatis habeatur ratio. Ma-

le vivitur, ubi de Deo non benè creditur: sed vicissim inutiliter creditur, ubi non bene vivitur: vera fides non est interiùs, ubi opera non apparent exteriùs qui non ambulant in luce, nondum sunt filii lucis. a) Christiani non sunt, qui non Christiano dignam vitam agunt.

Ut igitur extinctæ ferè in hac frigidissima mundi senectâ pietati *ἐπιπνεῦμα*, tardis in via Domini *ἐμπνεύματος* adderem, ac me ipsum, & alios officii commonerem, horis succisivis libellum hunc sacrarum meditationum conscripsi: Augustini, Bernhardi, Anselmi, Tauleri, & aliorum in hoc genere vestigiis insistentis, quorum dicta huic Enchiridio aliquoties inspergo, nuspiam tamen, quod factu fuisset facillimum, in prima editione autorum nomina addidi, sicut nec Scripturæ loca annotavi: Verebar enim, ne legentium meditatio turbaretur: non arbitror multum referre sciri, an Patrum an meis verbis aliquid exprimatur, modo quid dicatur;

a) Ephes. 5, 6.

tur, sedulo attendatur : si cui placet omnia, quæ in hoc libello aptè & convenienter dicta, S. Patribus tribuere, mihi ea, quæ minùs commode prolata, assignare non repugno, id solum quæro, ut fructus inde aliquis ad Ecclesiæ filios redundet: & sane voti me participem statuam, si vel uni animæ uno momento una aliqua pia & sancta cogitatio ex hujus libelli lectione exurgat. Si cui verba minus Ciceroniana, minùs aptè adhibita, addo etiam si vculæ quædam analogiæ fidei minus commodæ (quod tamen non spero) occurrerint, non statim hæreseos notam mihi inurat, sed scripti genus perpendat: sacra tracto, quæ ornatum Rhetoricum non admodum desiderant: homilias scribo non exactas disputationes: rerum quam verborum majorem habere volui curam. Non hic invenies spinosas quæstiones, sed ad vitam sanctam sedulas cohortationes: non hîc invenies scurriles facetias, sed spirituales interioris hominis divitias:

non hic invenies, quod subtilitate disputandi te exerceat, sed quod in humilitatis via te instruat. Allegorias interdum sector, non quod omnia in allegorias transformanda censeam; Sed quia scripti genus ad docendum ac monendum, non ad pugnandum directum, eas non videbatur respuere. Sed quid plura hac de re addo, & quare tam multa ad muniendum me affero, cum æquis lectoribus jam dum satisfactum sit, iniquis vero censoribus nunquam satis fieri possit.

Vobis autem, Viri Amplissimi, Consultissimi ac Prudentissimi, hasce sacras Meditationes inscribo atque offero, ut publicum aliquod observantiæ erga VV. AA. meæ extet testimonium. Nota & deprædicata omnibus vestra in puritate religionis conservanda constantia, in Reipubl. gubernatione singularis prudentia, erga literatos quosvis benevolentia: hæc & similia à me facile impetrarunt, ut qualescunque has studiorum meorum primitias, otii mei hyemalis

lis usuram qualemcunque VV. AA. debita cum reverentiæ significatione offerre non dubitarem, maximè cum propter avos paternum ac maternum piæ memoriæ, quidam ex inclyto VV. AA. ordine consanguinitate ac affinitate me attingant. Accipite ergo, Viri Præstantissimi, hilari fronte ac æquo animo chartaceum à mea tenuitate munusculum, recipite me in clientelam vestram, meisque Audiis, ut ante hac, ita in posterum favere pergite. Deum Opt. Max. supplicibus oro gemitibus, ut bona vestra Vobis velit esse perpetua, id est, ut sanctum verbi depositum, pacem & tranquillitatem, felix Reipub. incrementum ac omnia omnino, quæ largissime in civitatem vestram contulit bona, clementissimè conservare, ac ad posteritatem, si qua futura est, transmittere non dedigneretur. JENÆ mense Apr. A. 1606.

VV. AA. Observ.

M. JOHANNES GERHARDI,
Quedlinburg.

A 7

Be-



Benevolo Lectori

S.

Editus est ante septennium præ-
sens hic Meditationum libellus,
atque ab eo tempore aliquoties sub
incudem operarum Typographica-
rum revocatus. Quamvis vero quedam
non inutiliter addi potuerint, nolui tamen
in prima editione quicquam immutare,
in eo solum multorum postulatis satisfac-
iendum esse tandem visum fuit, ut subla-
tis mendis Typographicis loca scripturæ &
cutorum annotarem, quæ in relectione hu-
jus opellæ occurrebant, quo labore vestro
amicè fruiere, ac tuis precibus me
commendatum habe.



Mors homini certa est hora incertissima mor-
 ti periream semper fac mihi quo moriar^{tis}.

Laß mich zu stets gedenden
 ahnden Todts so werd ich lenken.
 Niem Herr von der Eitelkeit.
 Laß mich auch dund ino sterben.
 daß ich möge bey dir erben.
 dort die ewige Teeligkeit.



Mortuus ecce I B I sum T l mihi Mor-
tuus. xpo

In I E S u vivam quia nova vite mihi est.

Ich bin aller Eitelkeit
nunmehr abgestorben
Dann es hat die Seeligkeit
Jesus nur erworben.



De Meditationibus
DOMINI JOHANNIS
GERHARDI, SS. Theologiae
Doctoris, & Prof. illustris
Academiae Jenensis
eximii.

Est BREVIS in Verbis, at MULTUS
pondere CODEX:

RES certant Verbis, singula pondus
habent.

Quæ PATRES multis, paucis comple-
ctitur UNUS,

Nobilis UNIUS continet OMNE
liber.

RES, ORDOque probant: argutâ per-
lege mente,

Atque DEI digito scripta fuisse putes.

Christoph. Schwanmann,
Stadensis, Syndicus Reipubl.
Buxtehudensis subsc.

INDEX MEDITATIONUM.

1. De vera peccatorum agnitione.
2. Exercit pœnitent. ex Dominica passione.
3. De fructu veræ & seriæ pœnitentia.
4. Meditatio de nomine J E S U.
5. Exercitium fidei ex amore Christi.
6. Consolatio pœnitentis ex passione Christi.
7. De fructu passionis Dominicæ.
8. De certitudine salutis nostræ.
9. De amando solo Deo.
10. De nostra cum Deo reconciliatione.
11. De satisfactione pro peccatis nostris.
12. De Natura ac proprietatibus veræ fidei.
13. De spiritali conjugio Christi & animæ.
14. De mysteriis incarnationis.
15. De salutari fructu incarnationis.
16. De spiritali piorum resurrectione.
17. De baptismi fructibus.
18. De salutari corporis & sanguinis Christi participatione.
19. De Cœnæ Dominicæ mysterio.
20. De seriâ ante usum sacre Cœnæ præparat.
21. De Christi ascensione. (ratione.
22. Homilia de Spiritu Sancto.
23. De Ecclesiæ dignitate.
24. Meditatio de prædestinatione.
25. De salutari precum efficacia.




*Est via strata plagis, pereoni Christe
prehendas:*

Ut mihi sit rogito Lex tua clara Phari-

Wirt mir bereit die Seeligkeit,
 Soluß mich nicht weiche
 Von demen Wort, so werd ich dort
 die Ehren-Eron erreichen.



26. De sanctorum Angelorum custodia.
27. De insidiis Diabolicis.
28. Generales pie vivendi regula.
29. De securitate excutienda.
30. De sancta vite Christi imitatione.
31. De sui abnegatione.
32. De vera quiete animæ.
33. De conscientie puritate.
34. De studio vere humilitatis.
35. De avaritia fugienda.
36. De proprietatibus & itatis.
37. De studio castitatis.
38. De presentis vite fugacitate.
39. De mundi vanitate.
40. De utilitate tentationum.
41. Fundamenta Christiane patientie.
42. Quomodo vincenda tentatio de perseve-
rantia.
43. De quotidiana mortis nostre considera-
44. Consolatio in morte amicorum. (tione.
45. De Judicio extremo.
46. De vite eterne desiderio.
47. De beatissima Dei in cælo visione.
48. De suavissima Ang. in cælo associatione.
49. De tormentorum infernalium gravitate.
50. De poenarum infernalium aternitate.
51. De spiritali piorum resurrectione. DE



I.

DE VERA PECCATORUM AGNITIONE.

SANAT CONFESSIO MORBI.



Ante *a*) Deus, *b*) iuste
Judex, obversantur oculis & animo peccata mea : in omni die de iudicio cogito, quia mors impendet omni hora : in omni die de iudicio cogito, *c*) quia de omni die reddenda erit ratio in iudicio. Executio vitam meam, & ecce tota est vana aut profana. Vanæ & inutiles multæ actiones meæ, vanæ adhuc plures locutiones, vanæ insuper plurimæ cogitationes : Nec solum vana est vita mea, sed etiam profana & impia : nihil in ea invenio boni, si quid enim in ea videtur boni, verè bonum & perfectum non est, quia peccati origi-

a) Lev. 11, 45. *b*) Ps. 7, 12. *c*) 2. Cor. 5, 10.

ginalis & corruptæ Naturæ vitiavit id contagium. Dicebat sanctus Job : *a)* Verebar omnia opera ; si ita conqueritur sanctus , quid facere debet impius ? *b)* Omnes nostræ justitiæ sunt sicut pannus menstruatus ; si tales nostræ justitiæ , quales tandem erunt nostræ injustitiæ ? Si omnia feceritis , *c)* dicit Salvator , quæ mandata sunt vobis , dicite , servi inutiles sumus ; si inutiles sumus obediendo , certe abominabiles erimus transgrediendo. *d)* Si meipsum & quicquid possum , etiam quando non pecco , tibi , sancte Deus , debeo , quid erit , quod pro peccato reddere possim ? Ipsa nostra , quæ talis videtur , justitia , divinæ justitiæ comparata , est mera injustitia ; lucerna in tenebris fulgere cernitur , sed in Solis radiis posita obtenebratur : sæpè lignum creditur rectum , si ad regulam non ducitur , sed tamen si regulæ conjungitur , per quam

a) Job. 9, 28. *b)* Esa. 64, 6. *c)* Luc. 17, 10. *d)* Ansh. l. 1. cur Deus homo. c. 20. Gregor. in moral.

quandam tortuositatem, ut tumescat, invenitur; sæpe imago sigilli videbitur perfecta in oculis intuentium; & tamen multum est imperfecta in oculis artificis: ita sæpe sordet in discretionem, iudicis, quod in æstimatione fulget operantis: alia enim DEI, alia hominum iudicia. *a)* Multorum me peccatorum terret memoria, sed plura adhuc cognitionem meam fugiunt: delicta quis intelligit? ab occultis meis munda me Domine. *b)* Ad cœlum oculos levare non audeo, quia offendi eum, qui in cœlis habitat; *c)* nec in terra invenio refugium, quem enim favorem sperare ausim à creaturis: cum offenderim creaturarum Dominum? *d)* Adversarius meus Diabolus accusat me: *e)* Æquissime iudex, dicit ad Deum, iudica istum meum esse ob culpam, qui noluit tuus esse per gratiam: tuus est per Na-

a) Agathon Erem. ex Esa. 45, 5. *b)* Ps. 19, 15. *c)* Luc. 15, 19. *d)* Ap. 2, 9. *e)* Aug. sermon. contra pagan. Judæos & Arian.



Transilit ut superas hac missa sa-
 gitta per auras:
 Ipsos sic caelos findo p[ro]p[ri]e:
 cibus.

Gleich wie ein Pfeil mit schneller eil
 Wann durch die Wolcken zwünget
 So auch hinein durch Wolcken dach
 ganz ungehindert dringet:

Naturam, meus est per delictorum complacentiam: tuus est per passionem, meus per suasionem: tibi inobediens, mihi obediens: à te accepit immortalitatis & innocentiae stolam, à me accepit pannosam hanc pessimae vitae tunicam, tuam vestem dimisit, cum mea ad te venit. Judica istum meum esse & mecum damnandum esse. a) Accusant me omnia Elementa. Coelum dicit; Ego lucem tibi ministravi ad solatium: Aer dicit; Ego omne genus avium tibi dedi ad obsequium: Aqua dicit; Ego diversa genera piscium tibi dedi ad esum: Terra dicit; Ego panem & vinum tibi dedi ad nutrimentum; sed tamen his omnibus abusus es ad creatoris nostri contemptum: omnia ergo nostra beneficia convertantur tibi ad supplicia. Ignis dicit, in me comburatur; Aqua dicit, in me demergatur: Aer dicit, in me ventiletur: Terra dicit, à me absorbeatur: Ignis dicit, à me deglutiatur. Accusant me Angeli

a) Iugo de s. victore.

geli sancti, quos mihi dederat Deus ad ministerium & in futura vita ad consortium, sed peccatis meis sancto eorum ministerio in hac vita & spe consortii in futura vita me privavi: Accusat me ipsa Dei vox, lex scilicet divina; aut implenda est lex divina; aut mihi pereundum, sed legem à me impleri impossibile, in æternum perire intolerabile: Accusat me Deus Judex severissimus, executor æternæ suæ legis potentissimus, illum fallere non possum, est enim ipsa sapientia, a) ab eo fugere non possum, est enim ubique regnans potentia. Quo ergo fugiam? b) ad te, ô pie Christe, Redemptor & Salvator noster unice, magna sunt peccata mea, sed major est satisfactio tua, magna est injustitia mea, sed major tua justitia: Agnosco ego, tu ignosce: aperio ego, tu operi: detego ego, tu tege: in me nihil est, nisi unde damner; in te nihil est, nisi unde salver: commisi ego multa, unde justissime da-

damnari possim, sed tu non amisisti, unde misericorditer me salvare possis: audio vocem in Cantico, *a*) quæ jubet me abscondere in foraminibus petrae, *b*) tu es petra firmissima, foramina petrae sunt vulnera tua, in illis me abscondam contra accusationes omnium creaturarum. *c*) Clamant ad coelum peccata mea, sed fortiùs clamat sanguis tuus pro peccatis meis effusus: valida sunt peccata mea ad me coram Deo accusandum, sed validior est tua passio ad me defendendum: injustissima vita mea potens est ad me damnandum, sed justissima vita tua potentior ad me salvandum: Appello à throno justitiæ ad thronum misericordiæ, nec ad judicium venire cupio, nisi sanctissimo tuo inter me & judicium tuum interposito merito.

B 2 EX-

a) Cant. 2, 14. *b*) 1. Cor. 10, 5. *c*)
Heb. 12, 24.

II.

EXERCITIUM POENITENTIAE EX DOMINICA PASSIONE.

PATIENTEM RESPICE CHRISTUM.

A Spice, fidelis anima, dolorem in cruce patientis, vulnera pendentis, cruciatum morientis. *a)* Caput illud Angelicis tremendum spiritibus, densitate spinarum pungitur: facies pulchra præ filiis hominum sputis impiorum deformatur. *b)* Oculi lucidiores sole caligant in morte: aures, quæ audiunt Angelicas laudes, peccatorum insultibus & sarcasmis perstrepunt: os, quod divina profert eloquia, & Angelos docet, felle potatur atque aceto: pedes, *c)* ad quorum scabellum adoratur, clavis affiguntur: manus, quæ tenderunt cœlos, in cruce extensæ sunt, & clavis affixæ: corpus sanctissima Deitatis sedes & purissimum habitaculum, verberatur & lanceâ perfoditur, nec re-

man-

a) Bernh. Ps. 45, 3. *b)* Str. 25, 28. *c)* Es. 66, 1. Job. 9, 8.

mansit in eo nisi lingua, ut pro cruci-
figentibus oraret. *a)* Qui in cœlis re-
gnat cum Patre; tristissimè affligitur à
peccatoribus in cruce. Deus moritur,
Deus patitur, Deus sanguinem fundit.
b) Ex pretii magnitudine periculi æsti-
ma quantitatem: ex remedii pretio
morbi æstima periculum. Magna o-
mnino vulnera, quæ non nisi vulneri-
bus vivificæ & vivificantis carnis potu-
erunt sanari: magnus certè morbus,
qui non nisi morte Medici curari po-
tuit.

Confidera, fidelis anima, flagrantissi-
mam Dei iram: Deprecator erat factus
post primi parentis lapsum æternus
ipsius & unigenitus & unicè dilectus
Filius, nondum tamen aversus furor
ejus: intercedebat is, per quem condi-
dit secula, *c)* & miserorum causam in
se recipiebat summus ille salutis nostræ
advocatus, *d)* nondum tamen aversus
furor ejus: carnem sibi induit Salvator,

B 3

ut

a) Luc. 23, 35. *b)* Act. 20, 26. *c)* Heb.
1, 2. *d)* 1 Joh. 2, 1.

ut divinitatis gloria carni communicata peccatricem carnem expiaret, ut vis medica iustitiæ perfectæ carni communicata, venenatam peccati qualitatem, in nostra carne hærentem extingeret, & carni nostræ gratia obtingeret, nondum tamen averfus furor ejus: peccata & peccatorum merita in se transfert: corpus ligatur, cæditur, vulneratur, configitur, crucifigitur, in sepulcrum deponitur: sanguis copiosè instar ro-
ris per omnia patientis membra profluit: sanctissima anima supra modum contristatur, imo usque ad mortem tristis est: a) doloribus inferni subjicitur; derelinqui se à Deo clamat b) æternus Dei Filius: tantam sanguinei sudoris copiam profundit, tantos angores persentiscit, ut Angeli confortatione indigeat, c) moritur, qui omnibus viventibus vitæ dator.

Quid fiet in arido ligno, si hoc fit in viridi: d) quid fiet peccatoribus, si hoc
fit

a) Matth. 26, 38. b) Matth. 27, 46.

c) Luc. 22, 45. d) Luc. 23, 31.

fit in iusto & sancto? quomodo puniet
peccata propria, qui sic sævit in aliena?
quomodo id tolerabit perpetuo in ser-
vis, quod tam atrociter punit in Filio?
quid passuri sunt, quos reprobat, si
tanta patitur, quem unice amat? Si
Christus sine flagello non exiit, qui
tamen sine peccato venit, quantis fla-
gellis digni, qui cum peccato in mun-
dum veniunt, in peccato vivunt & cum
peccato exeunt? Lætatur servus, dum
pro delicto ipsius tam graviter dilectus
dolet filius. Iram Domini accumulat
servus, dum pro leniendâ & placandâ
patris ira tantum laborat filius. O in-
finitam Dei iram! ô furorem ineffabi-
lem! O justitiæ rigorem inæstimabilem!
Qui in unicum, dilectissimum, suæque
essentiæ participem Filium sic sævit,
non propter aliquod delictum propri-
um, sed quia pro servulo deprecatur:
quid servo faciet, qui in peccatis &
offensionibus securè perseverat? Time-
at servus & exhorrescat & contristetur
de suis meritis, dum ob merita non sua.

punitur Filius : Timeat servus, qui peccare non cessat, dum pro peccato sic laborat Filius : Timeat creatura, quæ creatorem crucifixit : timeat servus, qui occidit Dominum : timeat impius & peccator, qui pium & sanctum sic afflixit. Audiamus, charissimi, clamantem, audiamus lachrymantem, clamat de cruce: *a*) Vide homo, quæ pro te patior, ad te clamo, quia pro te morior, vide pœnas, quibus afficior, vide clavos, quibus confodior; non est dolor, sicut quo crucior : cum sit tantus dolor exterior, interior planctus est gravior, cum te tam ingratum experior. Miserere, miserere nostri, miserator unice, & saxea nostra corda *b*) ad te converte.

a) Bernh. in serm. de pass. *b*) Ezech. 16, 14.

III.

DE FRUCTU VERÆ ET SERIÆ POENITENTIÆ.

CHRISTUS, RESIPISCITE, CLAMAT.

Fundamentum & principium sanctæ vitæ

vitæ est salutaris Pœnitentia. Ubi enim vera pœnitentia, ibi remissio peccatorum; Ubi peccatorum remissio, ibi gratia Dei; Ubi gratia Dei, ibi Christus; Ubi Christus, ibi ipsius meritum; Ubi Christi meritum, ibi satisfactio pro peccatis; Ubi satisfactio pro peccatis, ibi iustitia; Ubi iustitia, ibi læta & tranquilla conscientia; Ubi tranquillitas conscientiæ, ibi Spiritus Sanctus; Ubi Spiritus Sanctus, ibi tota Sacrosancta Trinitas; Ubi sancta Trinitas, ibi vita æterna. Ergo ubi vera pœnitentia, ibi vita æterna. Ubi vera pœnitentia non est, ibi nec peccatorum remissio, nec Dei gratia, nec Christus, nec ipsius meritum, nec pro peccatis satisfactio, nec iustitia, nec tranquilla conscientia, nec Spiritus sanctus, nec sancta Trinitas, nec vita æterna.

a) Quid ergo pœnitentiam nostram differimus? cur in crastinum eam rejicimus? nec dies crastinus, nec ve-

ra

ra pœnitentia in nostrarum virium sunt potentia. Neque solùm de die crastino, sed etiam de hodierno reddenda est aliquando ratio in iudicio. Non tam certus dies crastinus, quam certus est impœnitentibus interitus. Promisit Deus pœniteni veniam, sed diem non promisit crastinum: *a*) Non habet locum Christi satisfactio, nisi in corde verè contrito. Peccata nostra dividunt inter Deum & nos, testatur Esaias Propheta: *b*) per pœnitentiam autem ad ipsum revertimur. Agnosce & dole ob peccati tui reatum, sic Deum in Christo tibi senties placatum. *c*) Deleo iniquitates tuas, dicit Dominus: Ergo peccata nostra conscripta erant in cœlesti curia. Averte faciem tuam à peccatis meis, petit Propheta: *d*) Ergo punit Deus iniquitates nostras in conspectu suo. *e*) Convertere ad nos DEUS, orat Moses: Ergo peccata dividunt

a) Aug. hom. 2. de Innoc. *b*) Es. 59, 2. *c*) Es. 44, 22. *d*) Ps. 51, 11. *e*) Ps. 90, 9. & 14.

dunt nos à Deo. Peccata nostra responderunt nobis, conqueritur Esaias : *a*) Ergo accusant nos coram tribunali divinæ justitiæ. A peccatis meis munda me, orat David : *b*) Ergo peccatum turpissima fœditas coram Deo. Sana animam meam, quia peccavi tibi, orat idem : *c*) Ergo peccatum est animæ morbus. Quicumque peccaverit mihi, delebo eum de libro meo, dicit Dominus : *d*) Ergo propter peccata ex libro vitæ delemur. Ne projicias me à facie tua, orat Psaltes : *e*) Ergo propter peccata à Deo projicimur. Spiritum sanctum tuum ne auferas à me : *f*) Ergo peccatis ex templo cordis Spiritus sanctus ejicitur, sicut fumo apes, & fœrore columbæ fugantur. *g*) Redde mihi lætitiā salutaris tui : *h*) Ergo peccata animum angunt, atque cordis succum exhauriunt. Terra infecta est ab habita-

a) *Es.* 59, 2. & 12. *b*) *Pf.* 51, 4. *c*) *Pf.* 51, 6. *d*) *Exod.* 32, 32. *e*) *Pf.* 51, 31. *f*) *Basil. in Pf.* 33. *g*) *Pf.* 51, 10. *h*) *Es.* 24, 5.

bitatoribus suis, qui transgressi sunt legem, clamat Esaias: Ergo peccatum est contagiosum quoddam venenum.

a) De profundis clamavi ad te, Domine, ait Psaltes: Ergo peccatis ad infernum deprimimur. Olim eramus mortui in peccatis, *b)* dicit Apostolus: Ergo peccatum est spiritualis mors animæ. Per peccatum mortale homo amittit Deum, Deus est infinitum & incomprehensibile bonum: *c)* Deum ergo amittere est infinitum & incomprehensibile malum. Sicut Deus summum bonum, ita peccatum est summum malum: pœnæ & calamitates non sunt vera mala, quia ex illis multa eliciuntur bona, quin imo, quod & bona sint, inde patet, quia sunt à summo bono scilicet Deo, à quo non potest procedere nisi bonum, fuerunt in summo bono scilicet Christo, summum autem bonum non est particeps veri mali, ducunt etiam ad summum bonum scilicet

a) Ps. 130, 1. *b)* Eph. 2, 1. *c)* Granat. lib. 2. memor. c. 1.

cet vitam æternam : per passionem Christus intravit in suam gloriam, per tribulationes Christiani ingrediuntur vitam æternam : *a* Summum ergo malum peccatum est, quia abstrahit à summo bono; quantum appropinquas Deo, tantum recedis à peccato, quantum appropinquas peccato, tantum recedis à Deo. Quam salutaris ergo pœnitentia, quæ à peccato nos abstrahit, & ad Deum nos reducit! Verè tam magnum est peccatum, quam magnus is, qui peccato offenditur, eum vero cœlum & terra non capiunt. Vicissim vero tam magna est pœnitentia, quam magnus is, ad quem per pœnitentiam redimus. Accusat peccatorem conscientia, quam polluit, creator, quem offendit, culpa, quâ transgressus est, creatura, quâ abusus est, Diabolus, cujus impulsu secutus est : quam salutaris pœnitentia, quæ à tantis accusationibus liberat!

C

a Pro.

(a) Act. 14. 5. 22.

a Properemus ergo, properemus ad tam salutarem tanti morbi medicinam! in morte si agas poenitentiam, non relinquis peccata, sed peccata te relinquunt: vix invenies quenquam veram poenitentiam egisse in morte, nisi unicum latronem in cruce. Quatuordecim annis servivi tibi, dicebat Jacobus *b* Labano, tempus est, ut prospiciam domui meæ, & tu, si tot annis huic mundo & vitæ servivisti, an non æquum, ut animæ incipias providere? singulis diebus caro nostra cumulat delicta, singulis ergo diebus Spiritus per poenitentiam eadem lavet. Mortuus est Christus, ut moreretur in nobis peccatum, & nos volumus, ut vivat & regnet in cordibus nostris id, cui, ut vitam auferret, ipse Filius Dei mortuus est.

Christus non intrat in cor hominis per gratiam, nisi Joh. Baptista viam ei paret per poenitentiam: *c* Non effundit

(*a*) Aug. de vera & falsa poenit. (*b*) Gen. 31, 41. (*c*) Bernh.

dit DEUS misericordiæ oleum, nisi in vas probè contritum. *a* DEUS mortificat prius per contritionem, ut postea vivificet per spiritus consolationem: prius in infernum ducit per ferium dolorem, ut ex inferno reducat per gratiæ saporem. Audiit Helias *b* prius spiritum grandem & fortem, subvertentem montes & conterentem petras, & post spiritum commotionem, & post commotionem ignem: tandem vero subsecutus tenuis & tranquillæ auræ sibilus: ita quoque gustum amoris divini præcedit terror, consolationem præcedit tristitia. Non alligat Deus vulnera tua, nisi prius illa agnoscas & deplores; non tegit DEUS, nisi prius detegas; non ignoscit, nisi prius agnoscas; non justificat, nisi prius teipsum damnes: non consolatur, nisi prius in te desperes. Hanc veram pœnitentiam efficiat in nobis DEUS per Spiritum suum.

C. 2

IV.

(*a*) 1. Sam. 26. (*b*) 1. Reg. 19, 12.

IV.

MEDITATIO DE NO-
MINE JESU.NOMINE QUID JESU SVAVIUS
ESSE POTES?

O Bone Jesu, sis etiam mihi JESUS, propter sanctum tuum nomen miserere mei: condemnat me vita mea, sed nomen JESU salvabit me. *a* Propter hoc nomen tuum fac mihi secundum nomen tuum: cumque verus & magnus sis Salvator, utique etiam veros & magnos respicis peccatores: *b* miserere mei, bone Jesu, in tempore miserendi, ne damnes me in tempore judicandi. Si me intra misericordiæ gremium receperis, non eris propter me angustior, si mihi micæ bonitatis tuæ distribueris, non eris propterea indigentior; *c* mihi natus es, mihi circumcissus, mihi etiam Jesus es. Quam hoc nomen suave & delecta-

(a) Bernh. (b) Ansh. in medit. at.
(c) Esa. 9. 6. 6.



det amor verus. ce den non imbrib. undis
 sine flamma ignis. nec sine amore fides.

Las. Herr Christ der Liebeglüt
 so mein Herz durchstreichere,
 daß auch kein edel Lust
 sich emögen weise.

lectabile! quid enim JESUS, nisi Salvator? quid autem salvatis incommodi accidere possit? quid ultra salutem adhuc aut petere, aut expectare possumus? accipe me, Domine JESU, intra filiorum tuorum numerum, ut unà cum illis sanctum & salvificum nomen tuum laudare possim. Si mihi integritatem meam ademi, nunquid tibi misericordiam tuam peremi? Si me perdere & damnare miser ego potui, nunquid propterea misericors tu salvare me non possis? Noli, Domine, sic attendere ad peccata mea, ut obliviscaris misericordiæ tuæ; noli sic expendere & penitare delicta mea, ut præponderent merito tuo. Noli sic attendere ad malum meum, ut propterea obliviscaris boni tui. Ne memineris iræ adversus reum, sed memor esto miserationis adversus miserum. Qui dedisti mihi animum, ut te desiderare potuerim, num desiderio meo te subtrahes? qui meam indignitatem & justam damnationem

mihi ostendisti, num meritum tuum
 & vitæ æternæ promissionem à me
 abscondas? Coram cœlesti tribunali
 causa mea agenda, sed solatur me,
 quod in cœlesti curia Salvatoris no-
 men tibi assignatum, quia de cœlo no-
 men istud per Angelum delatum. *a*
 O misericordissime Jesu, cui eris JESUS,
 si miseris peccatoribus gratiam & sa-
 lutem quærentibus non eris JESUS?
 Qui suæ justitiæ, suæquæ confidunt
 sanctitati, illi in se quærunt salutem:
 ego autem, quia in me nihil æterna
 vita dignum invenio, ad te Salvato-
 rem confugio. Damnatum salva,
 peccatoris miserere, injustum justifi-
 ca, accusatum absolve. Tu Domine
 veritas es, *b* nomen tuum sanctum &
 verum! sis etiam mihi JESUS & Sal-
 vator.

Sis mihi JESUS in vita præsentē, sis
 mihi JESUS in morte, sis mihi JESUS in
 extremo judicio, sis mihi JESUS in æ-
 terna vita: Utique eris bone Jesu, quia
 ut

(*a*) Luc. 2, 21. (*b*) Joh. 14, 6.

ut ipse, invariabilis es in essentia, ita invariabilis in misericordia: non mutabitur tibi nomen tuum, Domine JESU, propter me unicum miserum peccatorem, quinimo etiam mihi eris Salvator, venientem enim non ejicis foras: qui dedisti, ut venire voluerim, dabis etiam, ut veniens recipiar, verba enim tua veritas & vita. *a*

Damnet me peccati originalis in me propagatio, tu tamen mihi JESUS es: damnet me conceptio mea in peccatis facta, tu tamen mihi JESUS: damnet me formatio mea in peccatis & sub maledictione facta, tu tamen Salvator meus es: damnet me corrupta nativitas mea, tu tamen salus mea: damnent me juventutis meæ peccata, tu tamen JESUS meus: damnet me totius vitæ peccatis gravissimis maculatæ transactio, tu tamen JESUS meus manes: damnet me mors pro peccatis & culpis variis mihi infligenda, tu tamen Salvator meus: damnet me

C 4

di-

(a) Joh. 6. 6. 63. Joh. 14. 6. 6.

districtissima extremi iudicii sententia, tu tamen JESUS meus.

In me peccatum, reprobatio, damnatio: in tuo nomine justitia, electio, salus: sed in nomen tuum baptizatus sum, in nomen tuum credo, in tuo nomine moriar, in tuo nomine resurgam, in tuo nomine coram iudicio comparebo. Omnia in hoc nomine nobis parata, & instar thesauri conclusa: tantum de bonis illis decedit, quantum diffidentia mea detraho; quod à me ut abesse jubeas, per illud ipsum nomen precor, ô bone JESU, ne mea culpa & incredulitate damner, quem pretioso tuo merito & salvifico nomine tuo servatum cupis.

V.

*EXERCITIUM FIDEI EX
AMORE CHRISTI IN AGONE
MORTIS.*

MIHI JESU GRATIA QUÆSTUS.

Vide, Domine JESU, quàm injuriosus
sim



*Iuxta in laudes mea mens est, ecclia sentit
Angelis juncta mens mea mysta choris.*

Dem Herk muß jahier Gott loben,
daß es der mahlens dort oben
und in seinen Ehren Reich
driften Engeln Ihn soll preisen
nach himlischen Honn weissen
ia den Engeln werden gleich.

sim in passionem tuam: cor meum
angitur, & contristatur anima mea
valde, quia non adsunt opera mea, ne-
que præsto sunt quædam merita, cum
tamen tua passio, mea sit actio, tua o-
pera sint mea merita: Injurius sum in
tuam passionem, quia cum illa sit suf-
ficientissima, supplementum operum
meorum anxius adhuc quæro. Quod
si justitiam in me invenirem, justitia
tua nihil mihi prodesset, vel certè eam
tantoperè non desiderarem; si opera
legis requiro, ex lege damnabor. Scio
autem, quod jam non amplius sim sub
lege, sed sub gratia. *a* Perditè vixi,
peccavi, sancte Pater, in coelum, nec
sum dignus vocari filius tuus, *b* non
tamen renues me appellare servum.
Ne quæso denegetur mihi sanctissi-
mus tuæ passionis fructus: non steri-
lescer tuus sanguis, quin fructum in
liberanda anima mea proferat. Sem-
per vixerunt in carne mea peccata, tan-
dem quæso mecum moriantur. Sem-

C 5 per

(*a*) *Rom. 6. 6. 14.* (*b*) *Luc. 15. 8. 19.*

per huc usque dominata est mihi caro mea, tandem triumphet spiritus: Exterior homo pütredini & vermibus subjiçiat, ut ad gloriam emergat interior. Semper huc usque obsecutus sum dæmonis suggestionibus, tandem quæso conteratur sub meis pedibus. *a* Præsto est Satan, & accusat me, sed in me non habet quicquam; terret me mortis species, sed mors finis erit meorum peccatorum, & initium sanctæ vitæ: Jam demum perfectè tibi placere poterò, DEUS meus: jam demum in bonitate & virtute confirmabor. Terret me peccatis meis, sed accuset eum, qui suscepit infirmitates meas, quem propter peccata mea percussit Dominus: *b* debitum meum magnum valdè, neque persolvere quicquam de eo poterò; sed in sponsoris divitiis & benignitate confido: liberet me, qui sponsionem fecit pro me: persolvat pro me, qui



TE IESU, teneo, tenor sed firmius a te:
 ne rapiat mundus. Tu trahe, ^{tene}CHRISTE
 Will ich ^{tene}ESU nicht aumbfasse. Don will ich ihn
 hier aus meines Herzens Daal. ^{nimmer lassen}
 Sieh mich ^{tene}ESU trahe zu lieb zu nicht wieder
 hierin disem Zammerthal. ^{duh hauben}

qui debitum meum recepit in se, Pec-
cavi, Domine, & peccata mea multa
& magna nimis; nolim tamen atro-
cissimum illud peccatum committe-
re, ut mendacii te arguam, qui verbis
& operibus & juramento testaris, sa-
tisfactum esse pro iniquitatibus meis;
peccata mea non metuo, quia tu ju-
stitia mea; ignorantiam meam non
metuo, quia tu sapientia mea; *a* mor-
tem non metuo, quia tu vita mea; *b*
errores non metuo, quia tu veritas
mea; corruptionem non metuo, quia
tu resurrectio mea; dolores mortis
non timeo, quia tu gaudium meum;
Judicii severitatem non timeo, quia
tu justitia mea. Instilletur exarescen-
ti animæ meæ ros tuæ gratiæ & con-
solationis vivifiæ. Exarescit spiritus
meus, sed brevi in te exultabit; lan-
guet & flaccida est caro mea, sed pro-
pediem germinabit; Corruptionem
subire cogor, sed ex corruptione libe-

C 6 ra-

(a) 1. Cor. 1, 30. (b) Job. 14, 6.

rabis me, quia ex omnibus malis liberaſti. Creasti me, quomodo figmentum manuuni tuarum dissolvi poterit?

Redemisti me ab omnibus hostibus, quomodo unica mors prædominari poterit? Corpus & sanguinem & omnia tua, imo, te ipsum impendisti pro salute mea, quomodo mors detinebit ea, quæ tam pretioso *λύτρω* sunt redempta? Justitia es, Domine JESU, non prævalebunt tibi peccata mea: Vita es & resurrectio, non prævalebit tibi mors mea: DEUS es, non prævalebit tibi Satanas. Dedisti mihi artham Spiritus tui, *a* isthac glorior, isthac triumpho, & firmissimè credo nulloatenus dubitans, quod ad nuptias Agni *b* introire mihi concedetur: Tu vestis mea nuptialis, Sponse carissime, quem in Baptismate indui: *c* tu operies meam nuditatem, neque huic pretiosæ & pulcherrimæ vesti supplementum.

(a) 2. Cor. 1. 6. 22. (b) Apoc. 19. 6. 7.
(c) Gal. 3. 6. 27.



Non moritur justus sed et nova se in auita
 Flos nisi marcescat semina nulla dabit.

Ist mein Freund geschickts gestorbe,
 Docht Er doch nicht sterben
 Sondern lebt in stoltzer Ruh,
 Weil Er Jesum hier geliebet,
 Darß ihn gar nicht mehr betrübet
 Gott selbst spricht ihn freundlich zu.



THE
LIBRARY OF THE
MUSEUM OF
COMPARATIVE ZOOLOGY
AT HARVARD UNIVERSITY
CAMBRIDGE, MASS.



Addextram laetus quæstis tæ rogos ESU
 En facies: nescis deservisse Tuos.

Nich brenn ich sū laß mich stehen
 Zu erst recht unanmünd gehen
 Die posanne zum Gericht
 Ich schmeiß dich mein vertraue
 Drück will ich dich fremd anschauē
 Und fürm Urtheil fürcht nicht.



Illegible text block, likely bleed-through from the reverse side of the page.

mentum justitiæ meæ assuam, quid hominis justitiæ, nisi pannus menstruatus, *a* quomodo ergo abominabilem istum pannum pretiosissimæ justitiæ vesti assuere auderem? In hac veste apparebo coram facie tua in Judicio tuo, quando judicabis orbem terrarum in justitia & æquitate. *b* In hac veste apparebo coram facie tua in coelesti regno: hæc vestis tegit meam confusionem & opprobrium meum, ne in æternum recordetur ejus quisquam amplius. Ibi apparebo gloriosus & sanctus in facie tua, & hæc caro mea, hoc corpus meum beatissimâ induetur gloriâ: gloria autem perrenni & æternis sæculis nunquam intermoritura. *c* Veni, Domine JESU, & qui te amat, dicat: Veni!

(*a*) *Esa.* 64. 6. 6. (*b*) *Actor.* 17. 6. 31,

(*c*) *Apec.* 22. 6. 29.

VI.

CONSOLATIO POENITEN-
TIS EX PASSIONE CHRISTI, EX
ANSHELMO POTISSI-
MUM.

CRUX CHRISTI NOSTRA CO-
RONA EST.

OMnis a piorum gloria est in Do-
minicæ passionis ignominia. O-
mnis piorum requies est in vulneribus
Salvatoris nostri. Vita nostra in ipsi-
us morte, gloria nostra in ipsius exal-
tatione. Quam magna est miseri-
cordia tua, cœlestis pater, omnipotens
DEUS, potui per me te offendere, sed
non potui per me te mihi placare,
tu igitur in Christo me reconcilias tibi
ipsi.^b Vide ergo, sancte Deus, carnis sa-
cramentum & carnis meæ remitte rea-
tum. Respice, quod bonus perpeffus est
filius, & obliviscere, quod malus ope-
ratus est servus. Caro mea te laceffiv
ad iram, caro Christi te inflectat, pre-
cor

(a) Bernh. serm. 4. in ass. Mar.

(b) Ansh. lib. de Redemt. gen. hum.



*Respice meus sursū, sunt hic modo gaudia fūta
 In coelis capies gaudia vera, mera.*
 Du wenn wolte nicht verlangen das bereitet zu
 Welchen JESUS Lieb und Lust empfangen,
 Was hat kein Auge gesehen was wir dir nicht
 Es ist uns hier unbekant. geschehen



cor, ad misericordiam. Magnum est, quod mea meretur iniquitas, sed longè majus, quod Redemptionis meæ promerita est pietas, magna est mea injustitia, sed multo major Redemptoris mei justitia. Quanto enim DEUS superior homine, tanto mea malitia est inferior ipsius bonitate; ut qualitate, ita etiam quantitate. Totum quod sum, tuum est conditione fac ut sit etiam totum tuum dilectione. Qui me facis petere, *a* fac & accipere; das mihi q̄rere, da etiam invenire; doces pulsare, aperi ergo mihi pulsanti. A te habeo desiderare, à te habeam impetrare: à te habeo velle, à te habeam perficere. *b* Sancte DEUS, jūste judex, si peccata mea celantur, *c* sunt insanabilia; si videntur, sunt detestabilia; urunt me dolore, sed magis terrent timore. Ne contineas, precor, tàm veram misericordiam, ubi tam veram agnoscis misericordiam.

(a) *Matth.* 7.6.7. (b) *Philip.* 2.6.13.
(c) *Psal.* 32.6.3.

feriam. Magnum hic peccatum invenis, major adhuc sit & uberior tua gratia. *Sancte Pater*, ne quæso effundas super me iram tuam, cum propter peccata mea Filium tuum percusseris.

Sancte JESU, libera me ab ira divina, qui in te sustulisti eam propter me in cruce. *Sancte Spiritus*, protege me tuâ consolatione contra iram Dei, qui in Evangelio misericordiam poenitentibus & contritis annuntiasti.

Sancte Deus, juste Judex, non invenio a locum, in quem confugere possim à facie iræ tuæ. Si in cœlum ascendero, illic præsens es : Si in infernum descendero, ecce tu ades : si assumam alas auroræ, & habitem in novissimo maris, etiam illic manus tua deducet me, & apprehendet me dextra tua : ad Christum igitur fugiam, & in illius vulneribus me abscondam. O misericors Deus, respice corpus filii tui vulneribus omni ex parte sauciatum, & vul-

vulnera peccatorum meorum ne respexeris: sanguis filii tui lavet me ab omnibus peccati maculis: *a* audi preces ipsius ardentissimas, pro salute electorum tibi oblatas. *b*

c Sancte Deus, iuste Judex, terret me vita mea, namque diligenter discussa tota, aut peccatum, aut sterilitas apparet: & si quid fructus in ea videtur, sic est aut simulatum aut imperfectum, aut aliquo modo corruptum, ut possit, aut non placere, aut etiam displicere oculis tuis. Certè tota mea vita aut in peccato est & damnabilis: aut infructuosa & contemtibilis: sed quid separe infructuosam à damnabili? Utique si est infructuosa, est damnabilis: omnis enim arbor, quæ non facit fructum bonum, in ignem projicietur: *d* non solum illa arbor igni traditur, quæ malos, sed etiam quæ nullos profert fructus. Terrent me
hœ-

(*a*) I. *Joh.* I. 6. 7. (*b*) *Joh.* 17. 6. II.

(*c*) *Anselm. in medit.* (*d*) *Matth.*

hœdi ad sinistram judicis constituti, *a* non quia aliquid mali fecerunt, sed quia nihil boni egerunt: esurientibus non dederunt cibum, nec sitientibus potum. O ergo lignum aridum & inutile, & æternis ignibus dignum! Quid respondebis in illa die, cum exigetur à te usque ad ictum oculi omne tempus vivendi tibi impensum, qualiter à te fuerit expensum? non peribit capillus de capite, neque momentum de tempore. O angustia! *hinc* erunt peccata accusantia, *inde* terrens justitia; *subtus* patens horrendum chaos inferni, *desuper* iratus judex; *intus* conscientia urens, *foris* mundus ardens. Vix justus salvabitur; *b* peccator sic deprehensus in quem partem se convertet? *c* latere erit impossibile, apparere intolerabile.

Unde ergo animæ meæ salus, unde consilium? Quis est, qui dicitur magni

(a) Matth. 25, 32. (b) 2. Pet. 4. 18.

(c) Bernh. de inter. damn. 38.

gni consilii & Angelus? Ipse est JESUS, idem est judex, inter cujus manus tremo. Respira, ô anima, ne desperes! Spera in eo, quem times, confuge ad eum, à quo fugisti. Jesu Christe, propter hoc nomen tuum fac mihi secundum nomen tuum, respice me miserum invocantem nomen tuum. Si me admiseris intra latissimum misericordiae tuæ sinum, non erit propter me angustior. Verum est, ô Domine, conscientia mea meruit damnationem, & pœnitentia mea non sufficit ad satisfactionem, sed certum est, quod misericordia tua superat omnem offensionem. In te, Domine, confido, non confundar in æternum! (a) Es. 9, 6.

VII.

*DE FRUCTU PASSIONIS
DOMINICÆ.*

MEA SPES EST PASSIO CHRISTI.

Quoties & de passione Domini cogito, toties de amore DEI & peccatorum meorum veniâ, magna omni-

(a) Bernhard. serm. de pass.

mnino præsumo. Inclinat caput ad osculandum, brachia distendit [ad amplexandum, manus aperit ad elargiendum, latus aperit ad cor amore ardens aspiciendum: exaltatur de terra, *a* ut omnes trahat ad seipsum: vulnera ejus sunt dolore livida, amore fulgida: *b* ideo per aperturam vulneris intrare debemus ad secretum cordis; Prorsus *c* copiosa apud eum redemptio, quia non gutta aliqua, seu unda sanguinis largiter per quinque partes corporis emanavit: *d* sicut uva in torcular coniecta onere superimposito frangitur, ac undique liquorem effundit; ita caro Christi pondere iræ divinæ & gravitate peccatorum pressa, liquorem sanguinis undiquaque diffundit. Cùm Abraham filium suum in sacrificium offerre vellet, dicebat Dominus: nunc

verè

(*a*) Joh. 12. B. 32. (*b*) Kempis. *de quatuor mod. vid. Christum. Granat. præf. lib. de vita Christi.* (*c*) Ps. 130. 6. 7. (*d*) Bernhard. *Sermon. 22. in Cant.*

verè cognovi, quod me diligas: *a* tu quoque immensam æterni Patris dilectionem agnosce, *b* quod filium unigenitum pro nobis in mortem tradere voluerit; dilecti sumus, *c* cum adhuc inimici essemus, an nostri obliviscetur, cum per mortem filii jam reconciliati simus? an in oblivione coram ipso esse poterit tam pretiosus filii sui sanguis, cum etiam *d* lacrymas & gressus piorum hominum numeret? an Christus eorum in sua vita oblivisci poterit, pro quibus mortem sustinere voluit; an oblivisci eorum poterit in gloria, pro quibus tanta sustinuit tormenta? *e* Considera, fidelis anima, multiplicem passionis Domini fructum. Christus pro nobis sanguineum sudorem fudit, ne frigidissimus in mortis agone sudor nos opprimeret: luctari voluit cum morte, ne in agone mortis deficeremus: anxietatem gravi-

(*a*) *Gen.* 22. *Eccl.* 12. (*b*) *Joh.* 3. *Eccl.* 16.
(*c*) *Rom.* 5. *Eccl.* 6. (*d*) *Psf.* 50. *Eccl.* 9. (*e*) *D.*
Luth. in hom. de pass.

vissimam & tristitiam usque ad mortem sustinere voluit, ut æternæ lætitiæ in cœlis participes redderemur. Osculo, quod amicitiae & benevolentiae signum, prodi voluit, ut peccatum, quo Satan primos parentes sub specie singularis benevolentiae prodidit, extingueretur: à Judæis capi & ligari voluit, ut nos peccati vinculis ligatos, & in æternam damnationem conjiciendos solveret: In horto fieri voluit passionis initium, ut expiaret peccatum, quod in horto Paradisi habuerat principium: ab Angelo confortari voluit, ut Angelorum nos redderet in cælis socios: à propriis deseritur discipulis, ut nos turpi defectione à DEo avulsos sibi agglutinaret: coram concilio à falsis testibus est accusatus, ne nos à Satana per legem Dei accusaremur: condemnatus est in terris, ut nos absolveremur in cœlis: pro peccatis tacuit, qui peccata non fecit, ne propter peccata nostra in judicium Dei adducti obmutescere cogeremur:

alapis cædi voluit, ut nos à conscientia & Satanæ stimulis absolveremur: illudi sibi passus est, ut nos insultori Satanæ illudere possemus: facies ipsius tegitur, ut à nobis removeret velum peccati, quod in nobis aspectum Dei impedit, & damnabilem ignorantiam inducit: vestibus exui voluit, ut innocentia vestis per peccatum amissa nobis restitueretur: spiritus compunctus est, ut cordis nostri compunctiones sanaret: crucis pondus portavit, ut onus æternæ poenæ à nobis submoveret: à DEO se derelictum clamavit, ut æternam Dei cohabitationem nobis pararet: sitivit in cruce, ut rorem divinæ gratiæ nobis promereretur, ac ne æternâ siti perire cogeremur: æstu iræ divinæ torreri voluit, ut infernalem ignem à nobis tolleret: judicatus est, ut à Dei iudicio nos liberaret: reus peractus est, ut nos reos absolveret: iniquis manibus cæsus est, ut Diaboli verbera à nobis tolleret: præ dolore clamavit,

ut ab æternis ululatibus nos servaret :
lachrymas profudit, ut nostras abster-
geret lachrymas : mortuus est, ut nos
viveremus, dolores inferni persensit,
ut nunquam illos sentiremus, humi-
liatus est, ut nostri tumori medicina
afferretur, coronâ spineâ coronatus
est, ut cœlestem coronam nobis pro-
mereretur, ab omnibus passus est, ut
omnibus salutem præstaret, caligave-
runt ejus oculi in morte, ut nos in lu-
ce cœlestis viveremus gloriæ, audivit
ignominias & contumelias, ut in cœ-
lis audiremus jubilationes Angelicas.
Ne igitur desperes, fidelis anima, infi-
nitum bonum per peccata tua est of-
fensum, sed infinitum persolutum est
pretium : judicanda es propter pec-
cata tua, sed DEI Filius pro totius
mundi peccatis, quæ in se receperat,
jam judicatus est : punienda sunt pec-
cata tua, sed DEUS ea jam punivit in
Filio suo : magna sunt peccatorum
tuorum vulnera, sed pretiosum est
sanguinis Christi balsamum : male-
di-



Ensequar hunc patiens, Satana quicquid atrocem:
Sic inimica militis fors, Deus æquus erit.

Ich wil ganz geduldig tragen Mein Herr Jesu deine Plage
die der Liebe Zeichen sein:
Denn du durch mich gelangen zu den Rechten willst
die Trühträgerin gemein. Praxigen

dictum te pronunciat Moyses, *a* quia non servasti omnia, quæ scripta sunt in libro legis, sed Christus pro te factus est maledictum: *b* scriptum est contra te in cœlesti curia chirographum, sed illud Christi sanguine est deletum. *c* Tua ergo passio, o pie Christe, ultimum meum refugium. *d*

(a) Deut. 27. 6, ult. (b) Gal. 3. 6. 13.

(c) Col. 2. 6. 14. (d) Bernh. serm. 22.
in Cant.

VIII.

DE CERTITUDINE SALU-
TIS NOSTRÆ.

BONA SPES CONFUNDERE
NESCIT.

Quid turbaris, anima mea, quid de misericordia DEI adhuc dubitas? Memento creatoris tui; qui creavit te sine te; qui formavit corpus tuum in occulto, *a* quando formatum corporis tui habitaculum in inferioribus terræ? Qui igitur curam tui suscepit, cū nondum esses, nonne & is curam

D tuĩ

(a) Ps. 139. 6. 15.

tui ageret, postquam ad imaginem suam condidit? Creatura DEI sum, ad creatorem me converto; Quod si natura mea infecta est à Diabolo, si sauciata & vulnerata est à latronibus, a scilicet peccatis, vivit tamen adhuc creator meus; qui me potuit facere, ille poterit etiam reficere: qui me creavit sine ullo malo, poterit à me tollere omne malum, quod Diaboli suggestionem, Adami pravaricatione propria etiam meâ actione ad me ingressum pervasit omnem substantiam meam, poterit igitur creator meus me reficere, modo etiam velit. Utique vult, quis enim opus suum odio habet? nonne coram eo sumus, sicut lutum in manibus figuli? b quod si me odio haberet, ex nihilo utique non creasset? ipse Salvator est omnium, c maxime vero credentium. Mirabiliter me creavit, mirabilius tamen redemit. Nunquam illuxit clari-

(a) *Luc. 10. 6. 30.* (b) *Jer. 18. 6. 6.*
 (c) *1. Tim. 4, 10.*

rius, quo nos dilexit Dominus, quam in ipsius passione & vulneribus. *a* Verè diligitur, propter quem unigenitus ex sinu patris mittitur. Quod si salutem meam non desiderares, Domine Jesu, quare de cœlo descenderes? sed descendisti in terram, in mortem, in crucem. *b* Ut servum redimeret DEus, filio non pepercit. *c* Verè igitur magno amore genus humanum complectitur, qui propter generis humani redemptionem Filium suum tradidit affligendum, occidendum, crucifigendum. Carum omnino & verè mugnum precium, quo redempti sumus: *d* cara igitur & magna redemptoris misericordia. Videri aliqui posset, quod DEus æquè magno amore electos suos filios diligat, quo filium unigenitum: cui enim aliquid impendimus, illud carius est eo, quod impendimus: Ut adoptivos haberet

D 2

fi-

(*a*) *Bernb. Clem. Alex. l. 1. Padag. c. 3.* (*b*) *Phil. 2, 8.* (*c*) *Rom. 8, 32.* (*d*) *Pet. 1, 18.*

filios, naturali & coessentiali Filio non pepercit. Quid ergo magnum est, quod in domo cœlesti mansiones nobis paraverit, *a* cum Filium suum dederit, in quo est tota plenitudo divinitatis. Certè ubi divinitatis plenitudo, *b* ibi quoque plenitudo æternæ vitæ & gloriæ: Quod si in Christo dedit plenitudinem vitæ æternæ, quomodo parvulam ejus particulam denegabit: Verè mago amore nos adoptivos filios cœlestis pater amplectitur, propter quos unigenitum Filium tradidit: Verè magno amore Filius nos complectitur, qui propter nos seipsum tradidit: ut divites nos faceret, extremam toleravit pauperiem, non enim habuit, ubi caput reclinaret suum; *c* ut nos DEI filios faceret, ipse homo nascitur, neque peracto semel redemptionis opere in posterum nos negligit, sed adhuc in dextra majestatis divinæ constitutus interpellat pro nobis. *d* Quid ad salutem

(*a*) Joh. 14, 3. (*b*) Col. 2, 9. (*c*) Matth. 8, 20. (*d*) Rom. 8, 34.

tem necessarium mihi non impetrabit, cum ad salutem mihi promerendam seipsum impertiverit? Quid Pater denegabit Filio, qui obediens ei factus usque ad mortem, mortem autem crucis? *a* Quid Pater denegabit Filio, qui *λύτρον* à Filio præstitum jam ante acceptavit? Accusent me peccata mea, in hoc intercessore confido; major est, qui excusat, quam qui accusat. Terreant me imbecillitas mea, in ipsius virtute glorior. Accuset me Satanas, modo excuset me hic Mediator. Accuset me cælum & terra, & iniquitatis meæ reum me peragant, sufficit mihi, quod pro me cœli & terræ creator, & ipsa justitia deprecatur. *b* Sufficit mihi ad meritum; scire, quod non sufficiat meritum; sufficit mihi, eum habere propitium, cui soli peccavi, quicquid ille non imputare decreverit, sic erit, quasi non fuerit. Neque me movet, quod peccata mea

D 3 &

(a) Phil. 2, 8. (b) Bernh. serm. 68.
super cant. Idem de inter. domo c. 31.

& gravia & varia , & sæpius iterata : nisi enim peccatis onerarer , justitiam illius non desiderarem : nisi morbum haberem , medici opem non implorarem. *a* Ipse Medicus est, *b* ipse Salvator, *c* ipse justitia est, *d* seipsum negare non potest : ego ægrotus , ego damnatus, ego peccator, meipsum negare non possum. Miserere mei, ô Medice, ô Salvator, ô Justitia, Amen.

(*a*) *Aug. 10. Conf. c. 28.* (*b*) *Matth. 9, 12.* (*c*) *Matth. 1, 21.* (*d*) *1 Cor. I, 30.*

IX.

DE AMANDO SOLO
DEO.

DOMINO JUNGARIS AMORE.

ERige *a* te, fidelis anima , & ama illud summum bonum, in quo omnia bona, sine quo nullum aliud verum bonum. Nulla creatura voluntatem nostram exfatiare potest, quia nulla creatura perfectum bonum obtinet,

sed

(*a*) *Auch. in persol. c. 25.*



Fac IESU ut portem crucis hie bene
pondera: tempo

rumq; erit, auxilio quando virebo

Laß Herr Christ doch endlich dich
durch geduld versüßen
Wie die palmen so werd ich
unter dem Creutz auch grüner.



[Faint, illegible handwritten text or bleed-through from the reverse side of the page.]



Sprinsete arager est con Tubona semi-
 nav' erbi
 Spu' g' neperant. tu quoq; Christe. dabis
 Laß Herr, Christ die Dornennicht
 deine Frücht ersticken,
 Sondern laß sie durch dein' ich
 in mir stets erquicken.

sed tantum participatum. Rivulus quidam boni à divinitate ad eam traducitur, sed fons in DEO semper manet: quare ergo fonte relicto rivulos consecrari velimus? omne bonum in creaturis est imago quædam perfecti illius boni, quod in DEO, imo, quod ipse DEUS est: quare ergo arreptâ imagine ipsam rem deferere velimus? Columba ex arca Nohe emissa non poterat in aquarum volubilitate invenire, ubi requiesceret pes ejus: *a* ita anima nostra in omnium rerum sub-lunarium numero non potest quicquam invenire, quod desiderium ejus plenè impleat, propter summam earum inconstantiam & fragilitatem. Annon sibi ipsi injuriam facit, qui infra dignitatem suam aliquid amat? Jam vero anima nostra omnibus creaturis nobilior, quæ DEI passione & morte redempta: quare ergo creaturas amare velit? Annon id majestati, in quam evexit illam Deus, contrarium?

D 4

rium? Quicquid amamus, id vel propter potentiam, vel propter sapientiam, vel propter pulchritudinem amamus: quid vero DEO potentius, quid DEO sapientius, quid DEO pulchrius? omnis Regum mundanorum potentia ab eo & sub eo: omnis hominum sapientia ad divinam collata stultitia est: omnis creaturarum pulchritudo ad divinam collata, deformitas est. Si potentissimus Rex quispiam cum tenuis fortis ac conditionis virgine per internuncios de conjugio ageret, an non stolide ageret illa virgo, si prætermisso Rege potentissimo, egenis vellet adhærere internunciis & Regis ministris? Sic DEUS per omnem illam creaturarum pulchritudinem nos ad se vocare, ad sui amorem excitare voluit, quare ergo anima nostra, quam sponsus Christus expetit, creaturis velut internunciis hujus spiritualis conjugii, adhæreret? Ipsæ creaturæ clamant, quare nobis adhærescitis? quare in
no-

nobis finem desiderii vestri ponitis ? non possumus appetitum vestrum exsatiare, ad utriusque nostrum creatorem accedite : à creaturis nullus amor reciprocus sperandus, à creaturis etiam nullus amor erga nos cœpit : sed DEUS , qui est ipsa charitas, *a* amantem se non potest non amare, quinimo amore suo omnia desideria nostra & omnem amorem nostrum prævenit, quantum ergo diligendus, qui prior tantum nos dilexit ? Dilexit nos, cum nondum essemus : nam dilectionis divinæ est, quod in hunc mundum nati sumus. Dilexit, cum inimici essemus : *b* nam misericordiæ & dilectionis divinæ est, quod Filium redemptorem miserit : dilexit, cum in peccata prolapsi eramus : nam dilectionis divinæ est, quod non continuo, si delinquimus, morti nostradit, sed conversionem nostram expectat. Dilectionis divinæ est, quod præter

D S no-

(*a*) 1. *Johan.* 4. 16. (*b*) *Roman.* 5. 6. 8.

nostrum meritum, imo contra meritum ad coelestia nos traducit palatia. Sine amore Dei nunquam ad salutarem ejus cognitionem pervenies: sine amore Dei omnis scientia inutilis, imo noxia. Quare caritas excedit omnium mysteriorum notitiam? *a* quia hæc etiam in Diabolis, illa non nisi in piis. Quare Diabolus infelicissimus? quia summum bonum amare nequit. Quare DEUS contrà felicissimus & beatissimus? quia omnia amat, delectatur in omnibus operibus suis. *b* Quare amor Dei in hac vita perfectus non est? quia tantum diligimus, quantum cognoscimus. Jam vero in hac vita ex parte solum cognoscimus & in ænigmate. *c* In æterna vita perfectè beati erimus, quia perfectè amabimus DEUM; perfectè amabimus, quia perfectè cognoscemus. Nemo poterit spem habere perfecti amoris divini in futuro seculo,

(a) 1. Cor. 13, 2. (b) Sap. 11, 25. (c) 1. Cor. 13, 12.

lo, qui in hoc non incipit DEUM
amare: regnum DEI in corde homi-
nis in hac vita incipere debet, aliàs
non consummabitur in futura. Sine
amore DEI nullum est æternæ vitæ de-
siderium, quomodo ergo illius summi
boni particeps erit, qui non amat?
qui non quærit? qui non desiderat?
a Qualis amor tuus, talis ipse es, quia
amor tuus te in se transmutat: amor
est summum vinculum, quia amans
& res amata fiunt unum. Quid DEUM
justissimum & peccatores perditos,
quid hæc à se invicem in infinitum
distantia conjunxit? amor infinitus.
Ne tamen justitia Dei labefactaretur,
intercessit pretium Christi infinitum.
Quid adhuc DEUM Creatorem, &
animam fidelem creatam res infini-
tè distantes conjungit? amor. In vi-
ta æterna summo gradu jungemur
Deo, quare? quia summo gradu amabi-
mus. Amor unit & transmutat: si carna-
lia diliges, carnalis es; si mundum amas,
mun-

(a) *Renovar. in Ps. 51.*

mundanus efficiêris. Jam verò caro & sanguis non possidebit regnum Dei. *a* Si DEUM & divina diligis, efficiêris divinus. *b* Amor DEI est currus Eliæ ascendentis in cœlum : Amor DEI jucunditas est mentis, paradisus animæ, excludit mundum, vincit Diabolum, claudit infernum, aperit cœlum. Amor Dei est illud sigillum, *c* quo Deus electos & credentes obsignat : nullum DEUS in iudicio extremo agnoscet pro suo, qui non hoc sigillo obsignatus. Etenim ipsa fides, unica iustitiæ & Salutis nostræ causa, vera non est, nisi per charitatem se exerat : *d* non est vera fides, nisi sit firma fiducia ; non est fiducia sine amore DEI : non agnoscitur beneficium, pro quo non aguntur gratiæ ; non agimus ei gratias, quem non amamus. Si ergo vera tua fides est, agnoscet Christi redemptoris beneficium : agnoscet & gratias aget ; gratias aget & amabit.

Amor

(*a*) 1. Cor. 15, 50. (*b*) Kemp. in hort. ro. r. cap. 16. (*c*) Apoc. 7, 3. (*d*) Gal. 5, 6.

Amor D E I est vita & requies animæ nostræ, recedente anima per mortem interit vita corporis : recedente DEO ab anima per peccata, interit vita animæ. Vicissim DEUS habitat per fidem in cordibus nostris, *a* habitat per amorem in anima nostra, quia *b* caritas D E I effunditur in cordibus electorum per Spiritum sanctum: nulla animæ tranquillitas absque amore DEI, mundus & Satanas maxima illius perturbatio. DEUS autem summa animæ requies: nulla est pax conscientiae, nisi in iis, qui filiali fiducia erga DEUM affecti. Moriatur ergo in nobis amor nostri, amor mundi, amor creaturarum, ut vivat in nobis amor DEI, qui incipiat in hoc seculo, ut perficiatur in futuro.

(a) *Eph. 3, 17.* (b) *Rom. 5, 5.*

X.

*DE NOSTRA CUM DEO RE-
CONCILIATIONE.*

SOLVIT MEA DEBITA CHRISTO

VEre languores nostros Christus tulit, & dolores nostros ipse portavit. *a* O Domine JESU, quod in nobis meretur æternas pœnas, illud in te transtulisti onus, quod ad infernum usque nos depresso- rum erat, in te recepisti: Vulneratus es *b* propter iniquitates nostras, attritus propter scelera nostra: Tuo livore sanati sumus, posuit Dominus in te iniquitates omnium nostrum. Mirabilis omnino commutatio: transfers in te peccata nostra, & donas tuam justitiam; mortem nobis debitam tibi irrogas, & donas nobis vitam. Non igitur jam possum ullo modo dubitare de tua gratia, aut desperare propter mea peccata. Quod in nobis pessimum, in te transtulisti: quod optimum, in nobis, & tuum opus, videlicet corpus & animam, quomodo

(a) *Es. a*, 53, s. (b) *E. 6*,



Mundi depereat laudem hic, tum di-
 tiasq;
 VULNERA me, recreant Vulnera amo-
 ris amo.

Was mein Herzk und Sinn erquicket
 Was mich fest verhängen,
 Ist hier ahn ein Creuk verstrickt,
 O der liebeswunden,



despicias? Non *a* derelinques animam meam in inferno, neque dabis, ut sanctus tuus videat corruptionem. Vere enim sanctus est, ejus peccata abolita atque ablata, beatus, cui remissæ sunt iniquitates, beatus, *b* cui Dominus non imputat peccata. Quomodo peccata nostra imputare nobis poterit Dominus, cum imputaverit ea alteri? propter scelus populi sui filium percussit dilectissimum, ipse ergo in scientia *c* sui justificabit multos, & iniquitates eorum ipse portabit. Quomodo justificabit suos? audi anima & attende: justificabit eos sui scientiâ, id est, salutare divinæ misericordiæ & gratiæ in Christo agnitione, ac firma per fidem apprehensione. Hæc *d* est vita æterna, ut cognoscant te solum verum Deum, & quem misisti, Filium tuum Jesum Christum: ac proinde, si confiteris *e* ore tuo Dominum Jesum, & in corde tuo credideris,

E 2

quod

(a) *Ps.* 16, 10. (b) *Ps.* 32, 1. 2. (c) *Es.* 53,

12. (d) *Joh.* 17, 3. (e) *Rom.* 10, 10.

quod Deus illum suscitavit à mortuis, salvus eris. Apprehendit autem fides Christi satisfactionem, iniquitates enim suorum ipse portavit, peccata multorum tulit, & pro transgressoribus rogavit. Verè enim paucos habuisset justos, nisi peccatores misericorditer recepisset. Paucos, ô JESU, haberes justos, nisi peccata remitteres injustis. Quomodo igitur severo judicio peccata poenitentium judicabit Christus, quæ in se recepit? quomodo damnabit reum peccatorum, cùm *a* ipse factus sit peccatum? Judicabit illos, quos *b* amicos suos vocat? Judicabit illos, pro quibus rogavit? Judicabit, illos pro quibus mortuus? E-rige te, anima mea, & peccatorum tuorum obliviscere, quia oblitus *c* eorum Dominus. Quem times peccatorum vindicem, nisi Dominum, qui pro peccatis satisfecit ipse? Quod si aliquis alius pro peccatis meis *λύτρον* per-

(a) 2. Cor. 5, 21. (b) Joh. 15, 14.
(c) Ezech. 81, 22.

persolvisset, utique adhuc dubitare possem, an etiam satisfactionem illam acceptare velit justus Judex? Quod si homo aut Angelus aliquis pro me satisfecisset, utique dubium esset, an sufficiens sit redemptionis pretium? jam vero nullus relinquitur dubitationi locus. Quomodo non accipiet pretium, quod persolvit ipse? quomodo non sit sufficiens, quod ab ipso DEO? Quid adhuc conturbaris anima mea? Universæ *a* viæ Domini misericordia & veritas: Justus etiam Dominus & justum ipsius judicium. *b* Quid conturbaris anima? Erigat te divina misericordia, erigat etiam divina justitia, quod si enim justus DEUS est, utique pro delicto unico duplex non exiget pretium. Propter peccata nostra percussit Filium, quomodo propter eadem nos servos percutiet? quomodo peccata in Filio punita, in nobis quoque puniet?

E 3 Ve-

(a) *Pf.* 25. 6. 10. (b) *Psal.* 119. 6.

Veritas *a* etiam Domini non labefabitur in æternum: *nolo mortem peccatoris, sed ut convertatur* *Et* *bi-*
bat, clamat Deus noster: *b Venite c*
ad me, qui laboratis Et onerati estis, Et
ego reficiam *bos*, exclamat Salvator
 noster; num mendacii arguemus
 Dominum, & peccatorum nostrorum
 pondere misericordiam ipsius depri-
 mere conabimur? Mendacii arguere
 Dominum & misericordiam ipsius
 negare, majus est peccatum, quàm o-
 mnia totius mundi peccata, unde et-
 iam plus peccavit Judas desperando,
 quam Judæi Christum crucifigendo.
d Quin potius ubi abundavit deli-
 ctum, ibi quoque abundavit gratia, *e*
 quæ peccatorum nostrorum lanci in-
 finitis modis præponderat; peccata e-
 nim hominum sunt, sed gratia D E I
 est: peccata temporalia, gratia autem
 Domini nostri ab æterno in æternum.

Pro

(*a*) *Pf.* 117, 2. (*b*) *Ezech.* 33, 11. (*c*)
Matth. 11, 28. (*d*) *Aug.* (*e*) *Rom.* 5, 10.

Pro peccatis satisfactum, gratia DEI
Christi morte reparata, & in æternum
stabilita, ad quam confugio devotus
& supplex.

XI.

*DE SATISFACTIONE PRO
PECCATIS NOSTRIS.*

MORS CHRISTI VITA PIORUM.

V*enite ad me, qui laboratis &
onerati estis, ego reficiam vos,*
verba sunt Salvatoris nostri. *a* Verè,
Domine Jesu, oneratus sum nimis,
& sub peccati pondere ingemisco, sed
ad te, fontem aquæ vivæ, propero. Ve-
ni ad me, Domine Jesu, ut possim ve-
nire ad te. Venio ad te, Domine,
quia prius venisti ad me. Venio ad
te, Domine Jesu, & anxie te desidero,
neque enim in me quicquam boni in-
venio. Quod si in me aliquid boni
invenirem, non tam anxie te deside-
rarem. Verè, Domine Jesu, laboro

E 4 &

(a) *Matth. 11, 28.*

& oneratus sum : neque cuiquam
 sanctorum tuorum vel etiam peccato-
 rum poenitentium me conferre pos-
 sem, nisi fortè latroni in cruce. Mife-
 rere mei, Domine, qui misertus es la-
 tronis in cruce. Perditè vixi, in pec-
 catis vixi, sed piè mori, sed in iustitia
 mori desidero. Pietas autem & iustitia
 procul à corde meo, ideoque ad tuam
 pietatem & iustitiam confugio. Sub-
 veniat mihi, Domine Jesu, anima tua,
 quam posuisti in *ἀντίλυτρον* pro multis.
a Subveniat mihi sanctissimum tuum
 corpus flagellis, sputis, colaphis & spinis
 pro me afflictum, & crucis patibulo af-
 fixum. Subveniat mihi, o Jesu, sacro-
 sanctus tuus sanguis è patientis & mo-
 rientis latere effusus, *b* qui ab omnibus
 peccatis nos emundat. *c* Subveniat mi-
 hi sanctissima tua divinitas, quæ huma-
 nam naturam in passione sustinuit, &
 quâ requiescente neque se exerente
 peractum est adorandum redemptionis
 meæ

(a) Matth. 20, 28. (b) Joh. 19, 34.
 (c) 1. Joh. 1, 7.

meæ mysterium : *a* & quæ sanctæ tuæ
passioni infinitum robur ac pondus
addidit, ita, ut Deus suo *b* sanguine
me miserum sibi acquisiverit. Sub-
veniant mihi tua vulnera, in quibus
omnis mea medicina. Subveniat
sanctissima tua passio. Subveniat tu-
um meritum, ultimum meum refugi-
um, & adversus peccata remedium.
Quod enim passus es, hoc mihi passus
es. Quod igitur mereris, itidem mihi
& indignitati meæ promereri. Com-
mendat *c* igitur charitatem suam De-
us in nobis, & testimonio omnium
hominum, imo Angelorum intelle-
ctum exuperante, eam comprobat,
quod Christus pro nobis mortuus,
cum adhuc essemus peccatores & ini-
mici DEI. Quis non admiretur?
Quis non obstupescat? à nemine ro-
gatus, imo ab hominibus odio habitus
pro peccatoribus & hostibus suis mi-
sericordissimus Dei Filius deprecatur,

E 5 ne-

(*a*) *Iren. lib. 2. c. 36, l. 3. c. 21.* (*b*)

Act. 20, 28. (*c*) *Rom. 5, 8.*

neque solum deprecatur, sed etiam divinæ justitiæ satisfactionem præstat, nativitate pauperrimâ, vitâ sanctissimâ, passione acerbissima, morte crudelissimâ.

O Domine Jesu, qui pro me deprecatus, passus atque mortuus es, antequam meritum & passionem tuam desiderarem aut precibus ad *λύτρον* persolvendum te sollicitarem, quomodo me projicere à facie tua poteris? quomodo fructum sanctissimæ tuæ passionis denegabis, postquam ex profundis *a* jam ad te clamo, & fructum meriti tui lachrymis atque gemitibus exposco. Inimicus eram per naturam, quando pro me mortuus es, factus sum amicus, frater & filius per gratiam. Exaudivisti inimicum nondum te deprecantem, quomodo despicies amicum tuum cum lachrymis & precibus ad te accedentem? Venientem *b* ad te non ejicies foras, quia sermo

(a) Ps. 130, 1. (b) Joh. 6, 37.

mo tuus veritas est. Locutus es nobis in spiritu & veritate, & verba *a* vitæ æternæ à te accepimus. Attende atque erige te, anima mea, antea eramus peccatores per naturam, jam vero iusti per gratiam; antea eramus inimici, jam vero amici atq; propinqui; antea subsidium nostrum in morte Christi, jam vero in ipsius etiam vitâ; antea eramus *b* mortui in peccatis nostris, jam vero vivificati in Christo. O nimiam Dei charitatem, quâ dilexit nos! O abundantes divitias divinæ gratiæ, qua nos confidere fecit id coelestibus! O *c* viscera misericordiæ Dei nostri, in quibus nos visitavit oriens ex alto! Quod si Christi mors iustitiam & vitam nobis attulit, quid ipsius vita poterit! Si Salvator pretium patri persolvit moriens, quid faciet vivus & pro nobis intercedens? Vivit enim & habitat *d* in corde nostro Christus, modo vivat at-

E 6

que

(*a*) *Joh.* 6, 68. (*b*) *Eph.* 2, 5. (*c*) *Luc.* 6, 78. (*d*) *Eph.* 3, 17.

que vigeat in eo sanctissimi ipsius meriti recordatio. Trahe me, Domine Jesu, ut possideam in rei veritate, quod hic expecto in spei firmitate: sit tecum, quæso, minister tuus, & videat *a* claritatem, quam dedit tibi Pater, inhabitet mansionem, quam *b* parasti illi in domo patris tui. Beati, *c* qui habitant in domo tua, Domine, laudabunt te in seculum seculi.

(*a*) *Joh. 17, 24.* (*b*) *Joh. 14, 2.* (*c*) *Pf. 84, 5.*

XII.

DE NATURA AC PROPRIETATIBUS VERÆ FIDEI.

VIVA EST ET VICTRIX, SI MODO VERA FIDES.

O Dilecta anima, fidei virtutem considera, & Deo fidei datori unico gratias age. Fides unica Salvatori nostro vicissim nos inserit, ut veluti *a* palmites ex vite succum, ita nos ex ipso vitam, justitiam & salutem hauria-

(*a*) *Joh. 15, 4.*

riamus. Excidit Adamus gratiâ Dei, & imaginem divinam amisit suâ incredulitate, sed vicissim in gratiam recipimur, & imago Dei in nobis reformari incipit fide. Per fidem *a* Christus noster efficitur, & in nobis habitat: ubi autem Christus, ibi gratia Dei, ubi gratia Dei, ibi hæreditas vitæ æternæ. Fide *b* Abel majorem hostiam obtulit Deo, quam Cain: ita spirituales hostias offerimus Deo per fidem, *c* fructum scilicet labiorum nostrorum. Fide *d* Henoch translatus est: ita fides ex consortio humano in societatem cœlestem nos transfert, etiamnum in hac vita. Jam enim Christus in nobis habitat, jam in nobis est vita æterna, sed abscondita. *e* Fide Noa *f* arcam apparavit: ita fide ingredimur Ecclesiam, in qua animæ servantur, reliquis omnibus in vasto mundi pelago pereuntibus. Fide *g*

E 7 Abra-

(*a*) *Eph.* 3, 17. (*b*) *Heb.* 11, 4. (*c*) *Heb.* 13, 15. (*d*) *Heb.* 11, 5. (*e*) *Col.* 3, 3. (*f*) *Heb.* 11, 7. (*g*) *Heb.* 11, 8.

Abraham terram idololatricam relinquebat: ita fide eximus ex mundo, parentes, fratres & cognatos relinquentes, & Christi vocantis verbo adherentes. Fide peregrinatus est, & expectavit promissam terram: ita & nos fide expectamus cœlestem *a* Hierosolymam, quam Deus in cœlis præparavit: advenæ *b* sumus & peregrini in hoc mundo, ad cœlestem patriam fide aspirantes. Fide *c* concepit Sara in senectute filium Isaac: Ita & nos spiritualiter emortui accipimus virtutem Christum spiritualiter concipiendi: Ut enim Christus in sanctis Mariæ virginis visceribus semel conceptus: ita quotidie in fideli anima, quæ se puram conservat à mundanis congressibus, spiritualiter nascitur. Fide *d* obtulit Abraham Isaac: ita & nos propriam voluntatem, dilectum animæ filium, fide spiritualiter mactamus

(*a*) *Apoc.* 21, 2. (*b*) *Psf.* 39, 14. (*c*) *Hebr.* 11, 11. (*d*) *Hebr.* 11, 17.

mus & sacrificamus: qui enim Christum *a* sequi desiderat, semetipsum abnegare debet, id est, propriæ voluntati, proprio honori, proprio amori renunciare. Fide *b* Isaac benedicit Jacob, ita fide participes reddimur omnium divinarum benedictionum: nam in semine *c* Abrahæ, id est, in Christo, omnes gentes benedicuntur. Fide *d* prophetavit Joseph de exitu Israelitarum ex Ægypto, & de ossibus suis mandabat: ita fide expectamus ex hac spirituali Ægypto, scilicet mundo, exitum, & beatum corporis resurrectionem. Fide *e* Moses per tres menses servatus est: ita fides à Sathanæ Tyrannide nos abscondit, donec tandem in regale Dei palatium adducamur, & in Reges spirituales adoptemur. Fide *f* Moses elegit, calamitatum populi sui particeps esse potius, quam in Ægypti gloria vivere: ita

(*a*) *Matth.* 16, 24. (*b*) *Hebr.* 11, 20.
(*c*) *Gen.* 21, 18. (*d*) *Gal.* 3, 8. (*e*) *Hebr.* 11, 22. 23. (*f*) *Exod.* 23.

ita fides excitat in nobis contemtum gloriæ, honoris, divitiarum & voluptatum hujus seculi, & desiderium cœlestis regni. Fide eligimus potius ignominiam Christi, quam thesauros hujus seculi. Fide *a* reliquit Moses Ægyptum, nec metuebat Regis iram: sic fides nos animat & confirmat, ne minis Tyrannorum hujus mundi terreamur, sed forti & constanti animo Deo vocanti obediamus. Fide *b* celebravit Israel Pascha; ita & nos Pascha celebramus fide: Pascha *c* nostrum immolatus est Christus, cujus caro *d* vere est cibus & cujus sanguis verè potus. Fide *e* Israelitæ transierunt per mare rubrum; ita fide pertransimus mare hujus seculi. Fide conciderunt *f* muri Hierichuntos; ita fide *g* destruimus omnes munitiones Satanæ. Fide *h* Rahab servata est; ita in illa universali hujus mundi

(*a*) Heb. 11, 25. 27. (*b*) 6, 28. (*c*) 1. Cor. 5, 7. (*d*) Job. 6, 55. (*e*) Heb. 11, 29. (*f*) Jos. 6, 20. (*g*) 1. Cor. 10, 5. (*h*) Heb. 11, 31.

di panoletria fide servabimur ab interitu. Fide *a* Patres devicerunt regna, leonum ora obturarunt, ignis vim extinxerunt: ita & nos fide regnum Satanæ destruimus, infernalis leonis insidias & furorem evadimus, & ab ignis infernalis ardore liberamur.

Fides autem non est nuda opinio & professio, sed viva & efficax Christi in Evangelio propositi apprehensio; est plenissima de gratia Dei persuasio, fiducialis cordis nostri quies, & pax in Christi merito recumbens. Nasce-
tur hæc fides ex verbi divini semine; nam fides & spiritus unum sunt, verbum autem Spiritus sancti vehiculum: fructus sequitur naturam sui seminis, fides divinus fructus est, ergo & semen divinum adesse oportet, sc. verbum: sicut in creatione lux oriebatur ex verbo Dei, nam dixit Deus, *b* & facta est lux: ita lux fidei oritur ex luce verbi divini: *in lumine tuo c*

bi-

(*a*) *Hebr.* 11, 33.

(*b*) *Gen.* 1, 14. (*c*) *Pf.* 36, 10.

Eidebimus lumen, ait Psaltes. Cum fides nos Christo jungat, nos cum Christo uniat, ideo etiam est in nobis mater omnium virtutum: ubi fides, ibi Christus: ubi Christus, ibi sancta vita, scilicet vera humilitas, vera mansuetudo, vera dilectio: Christus & Spiritus sanctus non divelluntur: ubi Spiritus sanctus, ibi vera sanctitas. Ergo, ubi non est vita sancta, ibi non est sanctificans Spiritus: ubi non est Spiritus, ibi nec Christus: ubi non est Christus, ibi nec vera fides. Quicumque a palme non haurit vitam & succum ex vite, non iudicandus est cum vite conjunctus: ita nondum per fidem Christo sumus conjuncti, nisi vitam & succum ex ipso trahamus: fides est quædam spiritualis lux, corda enim illuminantur fide: ergo spargit radios bonorum operum: ubi vero non sunt radii spiritualis vitæ, ibi etiam nondum est vera lux fidei. Opera mala sunt opera

(a) *Joh. 15, 4.*

pera tenebrarum, *a* fides autem lux est, quæ vero societas *b* luci cum tenebris? opera mala sunt semen Sathanæ, fides est semen Christi, quæ vero societas Christo cum Satana? Fide *d* purificantur corda, quomodo vero potest esse interna puritas cordis, ubi impura verba, & impura opera exterius apperent. Fides *e* est victoria nostra, quomodo ergo ibi potest esse vera fides, ubi caro vincit spiritum, & captivum quasi ducit? per fidem habemus Christum, & in Christo vitam æternam: sed nullus impœnitens, & in peccatis perseverans vitæ æternæ particeps; quomodo ergo Christi? quomodo fidei? Accende in nobis, ô pie Christe, veræ fidei lucem, ut per fidem consequamur æternam salutem.

(*a*) Rom. 13, 12. (*b*) 2. Cor. 6, 14.
 (*c*) Matth. 13, 25. (*d*) Act. 15, 9. (*e*)
 Job. 5, 4.

XIII.

DE SPIRITUALI CONJUGIO
CHRISTI ET ANIMÆ.

ANIMARUM SPONSUS JESUS.

D*E*ſponſabo (a) te mihi in ſempiternum, dicit Chriſtus ad fidelem animam. Chriſtus nuptiis b in Cana Galilæa celebratis intereſſe voluit, ut oſtenderet, quod ad nuptias ſpirituales in mundum venerit. c Gaudens d gaude in Domino, & exulta, fidelis anima, in Deo tuo, qui induit te veſtimentiſ ſalutis, & indumento juſtitia circumdat te, tanquam ſponſam ornatam monilibus. Gaude propter ſponſi honorem, gaude propter ſponſi decorem, gaude propter ſponſi amorem. HONOR illius maximus: eſt e enim verus Deus in ſecula benedictus: quanta ergo dignitas hujus creaturæ, fidelis ſcilicet animæ, quod ipſe creator eam ſibi vult deſponſare. DECOR ipſius maximus: eſt

(a) Hoſ. 2, 19. (b) Job. 2, 2. (c) Aug. tract. 8. in Job. (d) Eſa. 61, 10. (e) Rom. 9, 5.



Pauperiem cerno, laudo, ditissime

I E S U:

numquid opes curem? Tu mihi
divitiæ es.

Ich will mich hier sehenes soll mich ergehen
dein Kriplein Herr Christ.
Zueh willich anschauen dein Armuth dir traue
Mein Reichthum du bist.

est *a* enim speciosus formâ præ filiis hominum, si quidem videbant *b* gloriam ejus, gloriam quasi unigeniti â Patre, splendebat *c* facies ejus sicut Sol, vestimenta erant sicut nix: diffusa *d* etiam est gratia in labiis ejus, gloria *e* & honore est coronatus: quantæ ergo est misericordiæ, quod summa illa pulchritudo animam peccatorum maculis deformatam in sponsam non dedignatur sibi eligere? summa ex parte sponsi majestas, summa ex parte sponsæ infirmitas: summa ex parte sponsi venustas, summa ex parte sponsæ deformitas: & tamen major adhuc amor sponsi erga sponsam, quam sponsæ erga honoratissimum & pulcerrimum illum sponsum: Vide *AMOREM* immensum tui sponsi, ô fidelis anima: *f* amor è cœlo ad terram eum traxit, ad columnam ligavit, cruci affixit, sepulchro clausit, & ad

in-

(*a*) *Pf.* 45, 3. (*b*) *Job.* 1. 14. (*c*) *Matt.* 17, 2. (*d*) *Pf.* 45, 3. (*e*) *Pf.* 8. 6. (*f*) *Ansh. de lib. simil.*

inferos attraxit : quis fecit hæc omnia, nisi amor erga sponsam ? sed cor nostrum saxo & plumbo gravius, quod tanti amoris vinculum non trahit sursum ad Deum, ex quo prius traxit Deum ad homines, nuda *a* erat sponsa, nec poterat ad regale cœlestis regni palatium ita nuda introduci : ipse induit *b* eam vestimentis salutis & iustitiæ, cum in sordida peccatorum tunica, & turpissimo iniquitatis panno involuta jaceret; dedit illi, *c* ut cooperiret se byssino splendenti & candido, byssinum justificationes sunt sanctorum : vestis illa est iustitia, morte & passione ipsius sponsi parta. Laborabat *d* Jacob quatuordecim annis, ut Rachaelem obtineret sponsam : Christus per triginta quatuor ferè annos sustinuit famem, sitim, frigus, paupertatem, ignominias, contumelias, vincula, flagella, fellis amaritudinem, mortem, crucem, ut fidelem animam sibi parare

&

(*a*) *Ezech.* 16, 22. (*b*) *Esa.* 61, 10. (*c*) *Apoc.* 19, 8. (*d*) *Gen.* 29, 17.

& acquirere posset sponfam. Descendebat *a* Samson, & ex Philistæis exitio adjudicatis populis sibi sponfam quærebat : descendit Dei filius & sponfam sibi elegit ex damnatis & æternæ morti addictis hominibus. Inimicum erat sponsæ genus cœlesti patri, sed ipse illud per acerbissimam passionem patri reconciliavit. Conculcata erat sponsa in sanguine suo, *b* projecta super faciem terræ : sed ipse eam lavit baptismi aquâ, *c* & lavacro mundavit sanctissimo ; emundavit Sponsæ sanguinem proprio suo sanguine, quia *d* filii Dei sanguis emundat ab omnibus peccatis. Sordida & deformis erat sponsa, sed ipse eam unxit oleo, *e* misericordia scilicet & gratiâ. Non erat honorificè vestita sponsa, sed ipse dedit ei *f* armillas & inaures, ornavit eam virtutibus & Spiritus sancti variis muneribus. Pauperrima erat
spon-

(*a*) *Jud.* 14, 3. (*b*) *Ezech.* 16, 22.
(*c*) *Eph.* 5, 26. (*d*) *1. Joh.* 1, 7. (*e*) *Ezech.* 16, 9. (*f*) *S.* 11.

Sponsa, & quod arrhæ loco daret, non habebat, ideo reliquit ei *a* arrham Spiritus & arrham carnis ab eadem accepit, & in cœlum adduxit. Famelica erat Sponsa, sed *b* ipse similam & mel & oleum dedit ei ad comedendum; carne & sanguine proprio eam pascit ad vitam æternam. Immorigera est Sponsa, & sæpe fidem conjugalem frangit, fornicatur cum Mundo & Diabolo, sed ex immenso amore in gratiam vicissim eam recipit Sponsus, quoties in vera conversione ad eum revertitur. Agnosce, ò fidelis anima, tot ac tanta infiniti amoris indicia: ama, ò fidelis anima, amorem illius, qui ex amore tui descendit in uterum virginis: *c* tanto eum amare debemus plus nobis ipsis, quanto major ipse est, qui se pro nobis tradidit: *d* omnis vita nostra conformis illi reddatur, qui ex amore nostri totum

(*a*) Eph. I, 14. Tertull. (*b*) Ezech. 16, 19. (*c*) Aug. de cate. rudib. (*d*) Ansh. de similit. c. 180.

tum se nobis conformavit: ingratis-
simus merito habetur, qui amantem
se vicissim non amat, quantum ergo
diligendus à nobis is, qui ex amore
nostri suæ quasi majestatis oblitus:
felix anima, quæ spiritualis hujus
conjugii vinculo Christo conjungi-
tur, illa omnia Christi beneficia tuto
ac confidenter sibi applicat, quemad-
modum alias in conjugio corruscat
uxor radiis mariti: participes autem
reddimur beati & spiritualis hujus
conjugii solâ fide, sicut scriptum est:
(a) *d'spensabo te mihi in fide*: fides
Christo tanquam spirituali *b* viti nos
palmites inserit, ut vitam & succum
ex eo trahamus, & veluti, qui in con-
jugio vivunt, *c* non amplius sunt
duo, sed una caro: ita, qui *d* per fi-
dem Domino adhærent, fiunt unus
spiritus cum eo, quia per fidem Chri-
stus *e* habitat in cordibus nostris; fi-

Fides

(a) *Hos.* 2, 19. (b) *Joh.* 15, 5. (c)
Matth. 19, 6. (d) *1. Cor.* 6, 17. (e) *Eph.*
3, 17.

des illa, si vera est, *a* per dilectionem
 efficax est. Quemadmodum in V. T.
b sacerdotes ducere cogebantur vir-
 gines: ita coelestis ille sacerdos ta-
 lem sibi virginem spiritualiter copu-
 lat, quæ à Diaboli, mundi ac pro-
 priæ carnis complexibus sese inte-
 gram ac immaculatam servat. Effice,
 o Christe, nos dignos, ut ad nuptias
 t Agni aliquando introducatur,
 Amen.

(a) *Gal.* 5, 6. (b) *Lev.* 21, 7. 13.

(c) *Ap.* 19, 7.

XIV.

DE MYSTERIIS INCARNA- TIONIS.

FULGENT CUNABULA CHRISTI.

ABducamus paulisper animos no-
 stros ab his temporalibus, & my-
 steria nativitatæ Dominicæ contem-
 plumur. *Filius Dei a* ad nos de cœlo
 descendit, ut adoptionem filiorum
 consequamur. *Deus* homo fit, ut
 ho-

(a) *Gal.* 4, 4. 5.



Fac IESU induear speculum hoc,
 fac mente recondam.
 Deservi pariter. da pariter.
 redetm.

Laß mich, IESU meine sünd
 also auch beweinen,
 Ich kan weil die künbar sind,
 doch sie nicht beschenen.



Ms. 5. 2. 1. 1. 1.
The following is a list of the
contents of the volume.
The first part of the volume
contains a list of the
contents of the volume.
The second part of the volume
contains a list of the
contents of the volume.

homo divinæ gratiæ & a naturæ particeps fiat. *Circa mundi æsperam* nasci Christus voluit, ut significaret incarnationis beneficia non præsentem hanc, sed æternam vitam attingere. *Tempore Augusti pacifici* nasci voluit, qui humanum genus cum Deo pacificavit. *Tempore servitutis Israelitiæ* nasci voluit, qui verus liberator & vindex populi sui. *Sub imperio alieni Domini* nasci voluit, utpote *b* cujus regnum non erat de hoc mundo. Nascitur *de Virgine*, ut significet, se non concipi aut nasci, nisi in cordibus eorum, qui spirituales *c* virgines sunt, hoc est, quorum mentes nec mundo, nec Diabolo, sed Deo in uno spiritu adhærent. Nascitur *purus & sanctus*, ut impuram & contaminatam nativitatem nostram sanctificet. Nascitur à virgine *siro desponsata*, in matrimonii divinitus instituti honorem. *d* Nascitur *in noctis*

F 2 te-

(a) 2. Petr. 1, 4. (b) Job. 18, 36. (c) 2. Cor. 11, 2. (d) Tertul. l. 5. ad 6. Marc.

tenebris, qui erat vera lux mundi *tenebras* illuminans. Reponitur *in praſepe*, qui eſt verum animæ noſtræ pabulum. Nascitur *inter boem & aſinam*, ut homines, qui jumentis per peccatum aſſimulati erant, ad priſtinam dignitatem reducat. Nascitur *in Bethlehem*, id eſt, domo panis, qui uberrimum divinorum beneficiorum ſecum afferebat pabulum. *Primogenitus eſt unigenitus matris ſuæ in terris*, qui ſecundam divinam Naturam eſt primogenitus, & unigenitus Patris in cœlis. Nascitur *pauper & inops*, a ut cœleſtes divitias nobis comparet. Nascitur *in ſili pecorum ſtabulo*, ut ad cœleſtis aulæ nos deducat palatia. *E cœlis* tanti beneficii mittitur nuncius, quia nemo in terris illius magnitudinem intelligebat. Cœleſtium munerum merito etiam cœleſtis nuncius eſt. Gaudent *Angelorum exercitus*, qui nos ob incarnationem Filii Dei, beatitudinis ſuæ poſſunt

sunt habere socios. *Pastoribus tantum miraculum prius nunciatur*, quia verus animarum pastor venerat perditas oves in viam reducturus. *Contemptis & ignobilibus tanti gaudii materia nunciatur*, quia nemo ejus particeps fieri potest, qui non in oculis suis sibi displicet. *Vigilantibus juxta gregem hæc nativitas nunciatur*, quia non illi, qui in peccatis stertunt, sed quorum cor ad Deum vigilat, tanti muneris participes fiunt. *Jubilat cœlestis militiæ chorus*, qui ob primi parentis culpam misere erat contristatus. *Claritas Domini & Regis illius apparet in cœlis*, cujus vilitatem homines despiciebant in terris. *Timorem dimittere jubet Angelus*, quia natus erat is, qui omnis timoris causas è medio erat sublaturus. *Gaudium è cœlo nuntiatur*, quia natus erat omnis gaudii autor & dator. *Gaudium precipitur*, quia inimicitia inter Deum & homines, omnis tristitiæ causa, erat re-

mota. *Gloria in excelsis Deo redditur*, quam primus parens illicitâ mandati transgressione rapere voluerat. *Vera pax hâc nativitate parta est*, quia antea homines erant Dei inimici, antea adversa ipsis erat propria conscientia, antea à semetipsis diffidebant invicem. *Vera pax terris est reddita*, quia superatus is, qui nos captivos detinebat. Adeamus & nos cum pastoribus Christi præsepe, hoc est, Ecclesiam, & in fasciis, id est, scripturis sacris involutum inveniemus hunc infantulum. Conserveamus & nos cum Maria, sancta Domini matre, tanti mysterii verba, & quotidianâ memoriâ jugiter ea recolamus. Subsequamur voce nostrâ præcinentes Angelos, & meritis pro tanto beneficio agamus gratias. Jubilemus & lætemur cum toto cœlesti exercitu. Si enim Angeli tantoperè gaudent nostri causa, quanto magis nobis gaudendum erit, quibus a natus,

tus, & datus hic infans ? Si *a* voces & júbila tollebant Israëlité, cum arca fœderis ad illos adduceretur, quæ figura & umbra fuit incarnationis Dominicæ, quanto magis nobis lætandum, ad quos ipse Dominus in assumpta carne nostra descendit. Si Abraham *b* gavissus est, cum diem Domini videret, & *c* in specie humana ad tempus assumpta Dominus ipsi appareret, quid nobis faciendum erit, cum jam naturam nostram perpetuo & indissolubili fœdere sibi junxerit ? Miremur hic immensam DEI bonitatem, qui cum ad ipsum nos ascendere non poteramus, ipse ad nos descendere voluit. Miremur immensam Dei potentiã, qui ex duobus distantissimis, divina sc. & humana natura, facere potuit unum conjunctissimum, ut jam unus idemq; sit Deus & homo. Miremur immensã Dei sapientiã, qui de nostri redemptio-

F 4

ne mo-

(*a*) 2. Sam. 6, 16. (*b*) Joh. 8, 56. (*c*)

Gen. 18, 2.

modum invenire potuit, cum nec Angeli nec homines modum viderent: infinitum bonum offensum erat; infinita requirebatur satisfactio: homo Deum offenderat; ab homine requirebatur satisfactio: sed ab homine nec infinita præstari poterat satisfactio, nec justitiæ divinæ satisfieri poterat sine infinito precio. *a* Factus igitur Deus homo, ut & qui peccaverat, satisfaceret, & qui infinitus erat, infinitum pretium persolveret. Miremur hoc stupendum justitiæ & misericordiæ divinæ temperamentum, quod nulla creatura, antequam Deus manifestaret, invenire poterat, nec, postquam manifestatum est, plene percipere potest. Miremur hæc, non curiosius rimemur: introspicere cupiamus, etsi totum non capiamus, fateamur potius nostram ignorantiam, quam Dei negare velimus potentiam.

XV.

(a) *Ansh. 2. cur Deus homo c. 18.*

XV.

DE SALUTARI FRUCTU
INCARNATIONIS.

IT GRATA REDEMPTIO CHR.

A Nuncio (a) vobis gaudium maximum, dicit in nativitate Salvatoris nostri Angelus. Verè magnum est, & majus, quam humana capit intelligentia. Maximum erat malum, quod sub ira Dei, sub potestate Diaboli, sub æterna damnatione captivi tenebamur; majus adhuc erat malum, quod maxima illa mala vel ignorarent, vel negligenter homines: jam vero magnum nobis nunciatur gaudium, quia venerat in mundum, qui nos ab omnibus illis malis liberaret. b Venit Medicus ad ægrotos, redemptor ad captivos, ad errantes via, ad mortuos vita, ad damnatos salus. Sicut Moyses c missus à Domino ad populum Israeliticum è servitute Ægyptiaca liberandum: ita

F 5

Chri-

(a) Luc. 2, 10. (b) Hugo de prato
dom. 1. Advent. (c) Exod. 3, 10.

Christus à Patre missus ad totum genus humanum redimendum à captivitate Diabolica. Sicut *a* columba, siccatis post diluvium terris, olivæ ramusculum ad Arcam Noë ferebat: ita Christus in mundum venit ad prædicandam pacem & generis humani cum DEO reconciliationem. Merito ergo lætamur, & de misericordia Dei magna concipimus. Qui *b* nos adhuc inimicos existentes adeo dilexit, ut naturam nostram in arctissimum divinitatis complexum assumere non fuerit dedignatus, quid per carnis participationem sibi conjunctis denegabit? *c* quis unquam carnem suam odio habuit? quomodo ergo summa illa & infinita misericordia nos suæ naturæ jam participes factos à se repellere poterit?

Quis magnitudinem hujus mysterii cogitatione, nedum verbis assequi potest? summa ibi sublimitas & sum-

(*a*) Gen. 8, 11. (*b*) Rom. 5, 8. (*c*) Eph. 5, 29.

summa vilitas, summa ibi potentia & summa infirmitas, summa ibi majestas & summa fragilitas, quid Deo sublimius & homine vilius? quid DEO potentius & homine infirmius? quid Deo gloriosius & fragilius homine? sed summa illa potentia invenit modum, quo hæc jungerentur, cum summa illa justitia talis conjunctionis necessitatem requireret. Quis magnitudinem etiam hujus mysterii percipere potest? *a* Æquivalens & infinitum pretium requirebatur pro offensa hominis, quia ab infinito bono, scilicet Deo, homo se averterat, sed quid infinito Deo æquivalens esse poterat? Ipsa igitur infinita justitia quasi de se ipsa sumit sibi æquivalens pretium, ac in *b* carne patitur Deus creator, ne creaturæ caro in æternum patiatur. *c* Læsum erat infinitum bonum, non poterat intercedere nisi infinitæ potestatis Mediator, quid

(a) *Ansh. lib. 2. cur Deus homo c. 7.*
(b) *1. Petr. 4, 1.* (c) *2. Cor. 5, 19.*

quid autem præter Deum infinitum ? ipse igitur DEUS sibi reconciliavit mundum , ipse Deus fit Mediator, ipse a Deus suo sanguine humanum genus redemit.

Quis magnitudinem hujus mysterii percipere potest ? offensus erat summus creator , nec de placatione & reconciliatione creatura erat sollicita , idem, qui offensus erat, creaturæ carne assumptâ , fit reconciliator. Deseruerat homo Deum, atque ad inimicum Dei Diabolum se converterat , sed idem , qui desertus erat , desertorem suum sollicitus inquit , & ad se benignissime iterum invitat. Recesserat homo ab infinito illo bono , & prolapsus erat in infinitum malum , sed idem illud infinitum bonum , dato infinito redemptionis pretio , ab infinito illo malo creaturam liberat. An non hæc infinita misericordia , omnem hominis finitum intellectum & cogitationem excedens ? Glorior

lior est effecta Natura nostra per Christum, quam per Adami peccatum decorata fuerat: plus in Christo recepimus, quam in Adamo amisimus: abundaverat peccatum, sed superabundavit divina gratia. Perdidimus in Adamo innocentiam, in Christo recepimus plenam justitiam. Mirentur alii divinam potentiam, magis adhuc miranda est divina beneficentia: quamvis in Deo æqualis sit potentia & misericordia, utraque scilicet infinita. Mirentur alii creationem, mihi magis libet mirari redemptionem, quamvis & creatio & redemptio sit infinitæ virtutis actio. Magnum est, hominem nihil quicquam meritum, quippe nondum existentem, creare, majus adhuc esse videtur, hominem malè meritum redimere, & debiti satisfactionem in se recipere. Mirabile est, quod caro nostra & ossa nostra à Deo nobis sint formata; mirabilibus adhuc est, quod ipse Deus *b* caro de

G

car.

(a) *Rom.* 5, 18. (b) *Ephes.* 5, 30

carne nostra, & os de ossibus nostris fieri voluit. O anima mea, esto grata Deo tuo, qui te creavit, cum nondum esses, qui te redemit, cum per peccatum damnata esses, qui tibi per fidem Christo adhærenti cœlestia præparavit gaudia.

XVI.

DE SPIRITUALI PIORUM
REFECTIONE.

QUID DEUS EST ANIMÆ? LUX,
MEDICINA, CIBUS.

MAgnum benignissimus Deus præparavit convivium, sed famelica corda ad illud afferenda sunt. Non percipit cœlestis convivii suavitatem, qui non gustat: non gustat, qui non esurit. In Christum credere, est ad convivium cœleste accedere: nemo autem potest credere, nisi qui peccatis suis agnitis verè conteritur atque pœnitet. Contritio est animæ spiritualis esuritio: fides est spiritualis pa-



Hanc animæ requiem quæsiui. CHRISTE
dedisti.
Manserosi Tecum. Basia dextra dabit.

Beß dir Jesu. hab ich Raft,
Will auch beß dir bleiben.
Deine Rechte mich umfaßt.
Nichts soll mich verreiben.

pastio. *a* Israelitis Deus in deserto dabat manna *b* Angelorum panem, in hoc convivio Nov. T. Deus cœleste manna, scilicet gratiam suam, peccatorum condonationem, imo filium suum, Angelorum Dominum, nobis donat. *c* Christus est verus ille cœlestis panis, qui de cœlo descendit, ut daret vitam mundo. Plenus porcorum filiquis, hoc est, hujus mundi delitiis, non desiderat illam suavitatem. Exterior homo non percipit, quid interiori dulce sit: in deserto dat DEUS suum manna, id est, ubi omnis terrenus cibus, omnis terrena consolatio animæ subtrahitur. Qui uxores habent, *d* venire detrectabant: castæ virgines, id est, animæ nec Diabolo per peccata, nec mundo per delitias adhærentes, accedunt ad hoc convivium: *Despondi (e) vos castam virginem uni viro*, inquit Apostolus; G 2 lus;

(*a*) Exod. 16, 4. (*b*) Ps. 78, 26.

(*c*) Joh. 6, 51. (*d*) Luc. 14, 20. (*e*) 2.

Cer. 11, 2.

lus: anima nostra non debet adulterio spirituali indulgere, ut Deus cum ipsa spirituale conjugium possit contrahere: qui *a* agri visendi delectatione tenebantur, venire recusabant: qui hujus mundi voluptates amant, ad cœlestem suavitatem non aspirant: desiderium est pes animæ, non accedit anima nostra ad convivium hoc mysticum, si non desiderat; non potest anima hujus mundi consolatione repleta cœlestem suavitatem desiderare. Cum *b* dives juvenis audiret propter Christum divitias, quibus anima ejus adhærebat, esse deferendas, discedebat tristis: cœlestis *c* Elisæus Christus non infundit oleum cœlestis suavitatis, nisi omnia vasa prius vacua: non ingreditur in animam amor Dei, nisi prius exeat amor proprius, & amor mundi. Ubi *d* thesaurus noster, ibi cor nostrum: si pro thesauro habes

(*a*) *Luc.* 14, 18: (*b*) *Matth.* 19, 22, (*c*)
2. *Reg.* 4, 4. (*d*) *Matth.* 6, 21.

bes mundum, cor tuum est in mundo: *a* Amoris vis est unitiva, si terram amas, terræ unitus es: amoris vis immutativa, si mundum amas, mundanus efficieris, si cœlum amas, cœlestis eris. Qui boves *b* emunt & negotiantur, non veniunt ad Christum. Qui corde *c* suo divitiis adhærent, cœlestes divitias non requirunt: divitiæ terrenæ falsâ quâdam sufficientiæ specie animæ desiderium explent, ne veram suam sufficientiam, quæ planè satiat appetitum, in Deo requirat; omnes divitiæ terrenæ consistunt in creaturis, in argento, auro, ædificiis, fundis, pecoribus: nulla autem creatura verè satiat animam nostram: quia illa est omnibus creaturis præstantior, omnes enim in ipsius usum conditæ: quam infirmæ sint creaturæ ad nostra desideria implenda & satianda, patet in morte, in qua ab omnibus deserimur creaturis;

G 5 mi-

(*a*), *Sabanar. in Ps. 51.* (*b*) *Luc. 14.*
19. (*c*) *Ps. 62, 11.*

mirum est, nos tam firmiter creaturis adhærere, cum tam infirmiter & instabiliter, illæ adhæreant nobis. *a* Adamus, cum à Dei consolatione se averteret, & in arbore scientiæ boni & mali delectationem quæreretur, è Paradiso expellebatur: anima nostra, si à Deo ad creaturas se adverterit, cœlesti consolatione privatur, & ab arbore vitæ penitus arcetur. Quid vero restat illis, qui hoc convivium negligunt? *b* transit mundus & omnes, qui adhærent ipsi, transeunt creaturæ, & omnes, qui spem posuerunt in eis: jurat cœlestis Pater, *c* non gustaturos illos cœnam, qui boves, agros, uxores, hoc est, quicunque terrena cœlestis convivii suavitati præferunt: post cœnam non ulterius cibus apparatur; neglecto Christo, nullum amplius restat remedium: contemtores æternâ fame punientur, & in æternis vivent tenebris: qui

no-

(*a*) Gen. 3, 24. (*b*) 1. Cor. 7, 31. 1. Joh. 2, 17. (*c*) Luc. 14, 24.

noluerunt audire Christum vocantem: *a Venite ad me, qui laboratis. & onerati estis*: audient aliquando ipsum præcipientem: *Ite maledicti in ignem æternum.* *b* Sodomitæ *c* igne absumebantur, cum per Lothi concionem ad hoc convivium vocati venire recusabant: ignis divini furoris in æternum durans absumet illos, qui per Evangelium vocati convivium hoc speraverunt: sponso *d* veniente virgines, quarum lampades oleo destituebantur, moras nectunt, interim janua clauditur: quorum corda Spiritus sancti oleo non repleta in hoc mundo, non intromittet illos. Christus ad suum gaudium, sed claudetur illis janua indulgentiæ, janua misericordiæ, janua consolationis, janua spei, janua gratiæ, janua bonorum operum. *e* Est adhuc interna quædam Christi vocatio, felix, qui

G 4 au-

(*a*) *Matth.* 11, 28. (*b*) *Matth.* 25, 41
(*c*) *Gen.* 19, 24. (*d*) *Matth.* 25, 10. (*e*)
Granat. lib. 1. *memorial. carp.* 1.

audit eam ! *a* pulsat sæpius januam cordis nostri Christus sanctis desideriis, devotis gemitibus, piis cogitationibus; felix, qui pulsanti aperit ! Quam primum sanctum aliquod celestis gratiæ desiderium in corde sentis, certo statue, Christum cor tuum pulsare, intromitte eum, ne transeat, ne tibi misericordiæ suæ januam ipse postea occludat. Quamprimum flammulam aliquam piarum meditationum in corde sentis, judica à fervore divini amoris, sancti scilicet Spiritus, eam accensam, fove & ale flammam illam, ut in ignem amoris excreseat; cave *b* ne Spiritum extinguas, & opus Domini impendas: Qui *c* destruit templum Domini, severum ejus judicium sentiet. Templum Domini est cor nostrum: illud destruit, qui Spiritui sancto interius per verbum vocanti locum dare renuit. In V. T. Prophetæ *d* interius loquentem audire poterat.

(*a*) *Apoc.* 3, 20. (*b*) *1. Thess.* 5, 19.
 (*c*) *1. Cor.* 3, 17. (*d*) *2. Pet.* 1, 21.

terant Dominum: in N. T. omnes vere pii internos illos Spiritus sancti motus atque tractus sentiunt: Beati omnes, qui audiunt & sequuntur.

XVII.

DE BAPTISMI FRUITIBUS.

SACRUM BAPTISMA LAVACRUM EST.

Recordare, fidelis anima, magnæ Dei gratiæ in salutari Baptismi lavacro tibi præstitæ, Baptismus *a* est lavacrum regenerationis, ergo Baptismi lavacro tinctus non amplius totus est in vetustate carnalis natiuitatis, sed quia *b* ex Deo natus, per aquam scilicet & spiritum, ideo etiam Dei Filius, & quia filius, *c* ideo etiam æternæ felicitatis hæres. Ut *d* Pater æternus in baptismo Christi edidit hanc vocem: *Hic est Filius meus dilectus*: ita omnes, qui credunt & baptizantur, in filios adoptat. Sicut

G 5 in

(a) Tit. 3, 5. (b) Joh. 3, 5. (c) Rom. 8, 17. (d) Matth. 3, 17.

in Baptismo Christi Spiritus sanctus adparuit in specie columbæ; ita quoque in nostro baptismo adest, eique vim tribuit; imo etiam per baptismum confertur credentibus, atque in eis novos motus efficit, ut sint *a* prudentes sicut serpentes, & simplices sicut columbæ. Sicut erat in creatione; ita quoque res se habet in nostra regeneratione. In prima rerum creatione Spiritus Domini *b* incubabat aquis & vitalem vim eis conferrebat: ita quoque in aqua baptismatis adest sanctus Spiritus, eamque salutare nostræ regenerationis medium efficit. *c* Ipse Salvator noster Christus baptizari voluit; ut testatum faceret, nos per baptismum ejus membra effici: sæpius medicina capiti adhibetur, ut alia corporis membra sanentur; caput nostrum spirituale Christus est, baptismi medicinam pro salute mystici corporis assumsit: In
cir-

(a) Matth. 10, 16. (b) Gen. 1, 2. (c)
Rabanus l. 5. de ser. prop. l. 11.

circumcisione Deus *a* fœdus inibat cum suo populo in V. T. ita per baptismum recipimur in fœdus Dei in N. T. *b* quia in locum circumcisionis baptismus successit : qui ergo est in Dei fœdere , non timeat à Diaboli accusatione. In Baptismo *c* Christus induitur, hinc sancti dicuntur *d* dealbâsse stolas suas in sanguine agni: perfecta Christi iustitia est vestis illa pulcherrima; qui ergo hac indutus est veste, non timeat à peccatorum labe. Erat *e* Hierosolymis piscina circa probaticam , in eam certo tempore descendebat Angelus, eamque turbabat, qui primus post turbationem in eam descendebat, sanabatur, à quocunque detineretur morbo; aqua baptismi est piscina ista, quæ ab omni peccatorum morbo nos sanat, quando Spiritus sanctus in eam descendit , eamque sanguine Christi;

G 6 qui

(*a*) Gen. 17, 11. (*b*) Col. 2, 11. (*c*) Gal. 3, 27. (*d*) Apoc. 7, 14. (*e*) Joh. 5, 4.

qui pro nobis victima factus, turbat: sicut & olim in Hierosolymitana ista piscina victimæ abluebantur. Circa *a* baptismum Christi aperiebantur cœli: ita quoque in nostro baptismo cœlestis aperitur janua. In Christi baptismo aderat tota sacrosancta Trinitas: ita quoque in nostro baptismo adest: & sic in verbo illo promissionis, quod annexum est elemento aquæ, fides accipit gratiam Patris adoptantis, & meritum Filii mundantis, & efficaciam Spiritus sancti regenerantis. *b* Pharaon & omnis exercitus submergebatur in mari rubro, Israelitæ salvi & incolumes pertransibant: sic in baptismo submergitur omnis exercitus vitiorum, & fideles salvi ad promissam cœlestis regni hæreditatem perveniunt, ideo quoque baptismus est *d* mare illud vitreum, quod videbat Johannes, per eum, velut

(*a*) *Matth.* 3, 16. (*c*) *Luther. art.* 5. *conc Matth.* (*c*) *Exod.* 14, 28. (*a*) *Apoc.* 4, 6. *Dionys. Cart. ib.*

lut per vitrum quoddam, splendor Solis justitiæ mentes nostras intrat: erat autem illud mare ante thronum agni. Thronus agni est Ecclesia, in qua solà habetur sancti baptismatis gratia. Videbat *a* Propheta Ezechiel aquas egredientes ex templo, quæ vivificabant & sanabant omnia: in templo Dei spirituali, hoc est, Ecclesiâ, scaturiunt adhuc salutare baptismi aquæ, in quarum *b* profundum projiciuntur peccata nostra, sanabuntur & vivent omnia, ad quæ venerit torrens iste. Baptismus est spirituale diluvium, quo omnis caro peccati mergitur; corvus immundus seu Diabolus exit, columba vero seu Spiritus sanctus devolat, & folium olivæ, id est, pacem ac tranquillitatem mentibus inspirat. Recordare ergo, fidelis anima, maximæ istius gratiæ in baptismo tibi præstitæ, & debitas Deo gratias age.

G 71 Cz.

Cæterum, quo uberior in nos collata est per baptismum gratia, eo diligentior collatorum donorum esse debet custodia. *a* Sepulti sumus cum Christo per baptismum in mortem, ideo, ut Christus excitatus ex mortuis in gloriam patris, ita & nos in nova vita incedamus. Sani facti sumus, ergo non peccemus amplius, *b* ne quid deterius nobis contingat: induimus Christi justitiam, vestem longe pretiosissimā, ergo peccatorum maculis eam non inquinemus, vetus noster homo crucifixus & mortuus est in baptismo, vivat ergo novus homo: *c* regenerati sumus, & Spiritu mentis renovati in baptismo, ergo caro non dominetur Spiritui: *d* vetera transierunt, ecce nova facta sunt omnia, vetustas ergo carnis non prævaleat novitati Spiritus: Filii Dei facti sumus per spiritualem regenerationem: agamus ergo vitam tali patre dignam; templum

(*a*) Rom. 6, 4. (*b*) Joh. 5, 14. (*c*) Eph. 4, 23. (*d*) 1. Corinth. 5, 17.

plum sancti Spiritus facti sumus, paremus ergo gratam tanto hospiti sedem: in foedus DEI recepti sumus, caveamus ergo, ne Diaboli stipendiis mereamur, & sic foederis gratia excidamus. Effice in nobis hæc omnia, ô benedicta Trinitas, unus Deus, qui dedisti tantam in baptismo gratiam, da etiam in tanta gratia perseverantiam!

XVIII.

*DE SALUTARI CORPORIS
ET SANGUINIS CHRISTI PARTICIPATIONE.*

VITÆ FONS EST CARO
CHRISTI.

Qui *a* manducat carnem meam, & bibit sanguinem meum, vivet in æternum, dicit Christus. Magnum omnino Salvatoris nostri beneficium, quod non solum carnem nostram assumpsit, & in cœlestis gloriæ thronum evexit: sed etiam corpore & sanguine suo ad vitam æternam

nos-

(a) *Joh. 6, 54.*

nosmet pascit. O salutare animæ delicias! O exoptatum convivium! O cœlestem & Angelicum cibum! Quamvis angeli *a* desiderent in magnum illud mysterium introspicere; non tamen *b* Angelos, sed Abrahæ semen assumpsit: propinquior nobis Salvator noster, quam ipsis Angelis, quia dilectionem ipsius ex eo cognovimus, *c* quod de spiritu suo dedit nobis: neque solum de Spiritu, sed etiam de corpore & sanguine suo: sic enim de pane & vino Eucharistico dicit Veritas: *d* *Hoc corpus meum, hic sanguis meus.* Quomodo oblivisci eorum poterit Dominus, quos suo corpore & sanguine redemit, quos suo corpore & sanguine aluit? Qui *e* manducat carnem & bibit sanguinem Christi, manet in Christo & Christus in ipso. Non igitur magnopere admiror, quod *f* capilli capitis nostri numerati, quod

no-

(a) 1. Pet. 1, 12. (b) Hebr. 2, 16. (c) 1. Joh. 4, 13. (d) Matth 26, 26. (e) Joh. 6, 56. (f) Matth. 10, 30.

a nomina nostra in cœlo scripta, quod
b in manibus Domini descripti si-
mus, & in *c* sinu ejus ac matrice por-
temur: quia Christi corpore & san-
guine pascimur. Magna profecto
dignitas animarum nostrarum, quæ
pretioso redemptionis suæ λύτρω-
σις pascuntur. Magna etiam dignitas
corporum nostrorum, quæ animæ
Christi corpore redemptæ, Christi
corpore saturatæ habitacula, Spiri-
tus sancti Tempa, totiusque sacratis-
simæ Trinitatis domicilia; *d* fieri non
potest, ut eadem in sepulchro mane-
ant, cum nutrita sint corpore & san-
guine Domini nostri. Hic ille cibus
grandium, manducamus eum, nec ta-
men mutamus eum in corpus nostrum,
sed mutamur in ipsum. Christi mem-
bra sumus, & ipsius Spiritu animamur,
corpore & sanguine pascimur. Hic
a pa-

(*a*) *Luc.* 10, 20. (*b*) *Esa.* 49, 16.

(*c*) *Esa.* 46, 3. (*d*) *Iren. lib.* 4. c. 14.

Aug.

a panis est, qui de cœlo descendit, & dat vitam mundo, de eo si quis comederit, non esuriet in æternum. Panis hic gratiæ & misericordiæ, quem si quis comederit, *b* gustat & videt quam suavis sit Dominus, & *c* ex plenitudine ipsius accipit gratiam pro gratia. Panis hic vitæ est, non solum vivens, *d* sed etiam vivificans, si quis ex hoc manducaverit, vivet in æternum. Panis hic de cœlo descendit, neque solum cœlestis est, sed etiam convivas cœlestes efficit, qui salutariter & in Spiritu illum comedunt, cœlestes erunt, qui non morientur, sed in novissimo die resuscitabuntur. Resuscitabuntur autem non ad iudicium, quia qui manducat de hoc pane, non venit ad iudicium, non ad damnationem, quia *e* nulla est condemnatio his, qui sunt in Christo JESU; sed ad vitam & salutem. Qui enim manducat carnem filii hominis,

&

(*a*) *Joh.* 1, 51. (*b*) *Pf.* 34, 9. (*c*) *Joh.* 1, 16. (*d*) *Joh.* 6, 33. (*e*) *Rom.* 8, 1.

& bibit ejus sanguinem, vitam habet in se, & propter Christum vivet. *a* Caro illius vere est cibus, sanguis illius vere est potus. *b* Saturemur igitur non operum nostrorum, sed Domini cibo, inebriemur *d* ab ubertate, non domus nostræ, sed Domini. Hic verus vitæ fons est, qui *e* biberit illius aquam, fiet in eo fons aquæ salientis in vitam æternam. Omnes *f* sitientes venite ad has aquas, & qui non habetis argentum, properate, emite, comedite. Veniant sitientes, veni etiam sitiens anima mea, peccatorum æstu exagitata. Quod si argento meritorum destitueris, eo magis propera: meritis tuis destitutus ad Christi meritum ardentius propera. Propera igitur, & eme absque argento. *g* Cubiculum hic Christi & animæ, à quo non deterreant peccata, neque etiam intrent merita. Sed quæ esse possint

(*a*) Job. 6, 57. 58. (*b*) 6. 55. (*c*) Esa. 55, 2. (*d*) Ps. 36, 9. (*e*) Job. 4, 14. (*f*) Esa. 55, 1. (*g*) D. Luther.

possint nostra merita? Appendunt argentum non in panibus, & laborem non in saturitate, dicit Propheta: *a* labores nostri non exsaturant, neque meritorum argento divina emitur gratia. Audi igitur, anima mea, & comede bonum, & delectaberis in crassitudine. Verba isthæc *b* Spiritus sunt & vita; & verba vitæ æternæ: Calix *c* benedictionis communicatio sanguinis Christi; panis, quem frangimus, participatio corporis Domini. Adhæremus Domino; igitur *d* Spiritus sumus unus cum ipso. Urinur ipsi, non solum Naturæ communione, sed etiam corporis & sanguinis participatione. Non igitur dico cum Judæis, *e* quomodo potest hic nobis carnem suam dare ad manducandum? Sed potius exclamo: Quomodo carnem suam ad comedendum, & sanguinem suum ad bibendum distribuit
no-

(a) Es. 55, 2. (b) Joh. 6, 63. (c) 1. Cor. 10, 16. (d) 1. Cor. 6, 17. (e) Joh. 6, 52.

nobis Dominus? Non rimor potentiam, sed miror benevolentiam. Non scrutor majestatem, sed veneor bonitatem. Præsentiam credo, præsentiae modum ignoro: arctissimum & penitissimum eum esse certo scio. Membra *a* sumus corporis ejus: caro de carne: os de ossibus ipsius: habitat ipse in nobis, & nos in eo. In hujus profundissimæ abyssi cogitatione submergi desiderat anima mea, bonitatem illam, quibus verbis proferat aut declaret, nondum invenit, sed maximæ illius gratiæ in Domino; gloriæ in beatis intuitu penitus obstupescit.

(a) Eph. 5, 30.

XIX.

DE COENÆ DOMINICÆ
MYSTERIO.

MIRARI, NON RIMARI SAPIENTIA VERA EST.

IN sacra Domini cœna tremendum
& modis omnibus adorandum nobis

bis proponitur mysterium ; est ibi divina gratiae thesaurus & gazophylacium. Arborem *a* vitae plantatam à Deo novimus, cujus fructus in concreatæ immortalitatis felicitate primos nostros parentes eorumque posteriores conservaret ; constituta etiam erat in Paradiso arbor scientiæ boni & mali, sed enim illud ipsum, quod à Deo in ipsorum salutem & vitam, atque ad obedientiæ exercitium datum, illud mortis ad damnationis fuit occasio, dum miseri illi Satanæ illecebris, suisque obsequuntur desideriis ; hic parata vicissim vera arbor vitæ, dulce illud lignum, *b* cujus folia sunt in medicinam, fructus in salutem : ejus dulcedo omnem malorum, ipsius etiam mortis amariciem tollit. Israelitis *c* manna dabatur, ut cœlesti nutrentur cibo ; hic est *d* verum illud manna, quod de cœlo de-

(*a*) *Gen.* 2, 9. (*b*) *Ezech.* 47, 12. *Apocal.* 22, 2. (*c*) *Exod.* 16, 15. (*d*) *Joh.* 6, 51.

descendit, ut vitam daret mundo; hic est panis cœlestis & Angelicus cibus, *a* de quo si quis comederit, non esuriet unquam. Israelitæ *b* habebant arcam fœderis & propitiatorium, ubi Dominum ab ore ad os loquentem audire poterant, hic vera fœderis arca, sanctissimum Christi corpus. *c* in quo omnes scientiæ, cognitionis & sapientiæ thesauri reconditi: hic *d* verum est propitiatorium in Christi sanguine, qui efficit, *e* ut dilecti simus in dilecto, neque solum nobis loquitur per internam consolationem, sed in nobis habitat, non cibatur nos cœlesti manna, sed seipso. Hic *f* vere porta cœli & scala Angelorum, num enim cœlum majus est, quam is, qui in cœlo? num cœlum DEO arctius unitum, quam caro & assumpta Natura humana? cœlum *g* quidem sedes Dei; sed in Natura assumpta Christi
a te-

(*a*) *Eccl.* 35. (*b*) *Exod.* 25, 21. (*c*) *Col.* 2, 3. (*d*) *Rom.* 3, 25. (*e*) *Eph.* 1, 6. (*f*) *Gén.* 28, 12. (*g*) *Esai.* 66, 1.

a requiescit Spiritus sanctus. Deus est in coelis, sed in Christo habitat divinitatis plenitudo. Vere magnum est hoc & infallibile salutis nostræ pignus: quod majus dare poterat, non habebat: quid enim ipso majus? quid tam arcte ipsi unitum, quam natura ejus humana, quæ in consortium beatissimæ Trinitatis assumpta, & celestium bonorum thesauraria facta? *b* quid tam arcte ipsi conjunctum, quam caro & sanguis? his autem verè cœlestibus alimentis nos miseros vermiculos reficit, & suæ Naturæ participes facit, quomodo non & gratiæ? Quis *c* unquam carnem suam odio habuit? quomodo ergo nos despiciere poterit Dominus, quos sua carne, suoque sanguine pascit? quomodo oblivisci eorum poterit, quibus arrham sui corporis dedit? quomodo subvertere nos poterit Satanas, cum cœlesti reficiamur cibo, ne de-

(a) *Esa.* 11, 2. *Col.* 2, 9. (b) *Ambros.*
de resur. (c) *Eph.* 5, 29.

deficiamus in prælio? Charos nos habet Christus, quia chare nos emit; charos nos habet, quia charis & pretiosis pascit; charos nos habet, quia *a* ipsius charo & membra sumus. Hæc unica omnium morborum spiritualium panacæa, *b* hoc τῆς ἀθανασίας φάρμακον; *c* quod enim peccatum tantum, quod sancta Dei caro non expiet? quod peccatum tantum, quod vivifica Christi caro non sanet? quid tam ad mortem, quod filii Dei morte non tollatur? quæ tam mortifera Diaboli tela, quæ in hoc divinæ gratiæ fonte non extinguantur? quæ tanta conscientiæ labes, quam sanguis hic non emundet? Israelitis *d* in nube & igne aderat Dominus, hic vero non nubes, sed *e* ipse sol justitiæ, animarum nostrarum Lux præsens, hic non ignis divini furoris, sed fervor charitatis sentitur,

Hic non ne-

(*a*) Eph. 5, 30. (*b*) Ignat. Epist. 11. ad Eph. (*c*) Bernh. serm. 10. hebdom. per nos (*d*) Exod. 13, 21. (*e*) Mal. 4, 2.

neque recedit à nobis, sed *a* mansionem apud nos facit. Primi *b* parentes in Paradisum, hortum illum fragrantissimum & suavissimum, æternæ beatitudinis typum introducebantur, ut divinæ benignitatis admoniti, debitum creatori suo præstarent obsequium. Ecce plusquam Paradisus hoc loco; creatoris enim carne saturatur creatura. Filii Dei sanguine mundatur poenitens conscientia, corpore Christi aluntur Christi capitis membra: divinis & cœlestibus epulis pascitur fidelis anima. Sancta Dei caro, quam adorant in unitate personæ Angeli, venerantur Archangeli, tremunt potestates, admirantur virtutes, illa sit spiritualis nostra alimonia. Lætentur *c* cœli & exultet terra, magis autem fidelis anima, cui tanta ac talia impenduntur munera.

(*a*) *Joh.* 14, 23. (*b*) *Gen.* 2, 8. (*c*) *Psf.* 96, 11.

XX.

DE SERIA ANTE USUM SACRÆ COENÆ PRÆPARATIONE.

CHRISTI SIS PROVIDUS HOSPES.

Non vulgares quædam epulæ, nec Regis quoddam convivium, sed sanctissimum corporis & sanguinis Christi mysterium nobis proponitur tractandum. Utique igitur digna requiritur præparatio: ne pro vita inveniamus mortem: pro misericordia accipiamus iudicium: quam trepidat, quam timet sanctissimus ille Patriarcha *a* fidei fortitudine insignis, cum aliquando Dei filius in hominis forma ipsi appareret, & Sodomam se eversum pronuntiaret: hic non aspiciendus proponitur Dei agnus, sed gustandus & esitandus. Ulias *b* cum inconsultius ad arcam foederis accederet, lepra à Domino percussus est protinus: quid igitur

H 2

mi-

(*a*) *Gen.* 18, 2. (*b*) *Paral.* 26, 16.

mirum, *a* si iudicium sibi edit & bibit, qui indigne de hoc pane edit, & de hoc vino bibit? hic enim vera Novi fœderis arca per illam veterem præfigurata. Veram autem præparationem *b* unico verbo docet Apostolus: *Pro ut seipsum* (inquit) *homo, Et sic edat de pane hoc.* Ut autem omnis probatio divina ad divinæ Scripturæ Normam exigenda: pari ratione etiam hæc, quam requirit Paulus. Consideremus igitur *primo loco* nostram infirmitatem. Quid est homo? *c* pulvis & cinis: e terra nascimur, de terra vivimus, in terram revertimur. Quid est homo? *sperma* fœtuum, *faccus* stercoreum & *cibus* vermium. *d* Homo natus ad laborem, non ad honorem: Homo *e* natus de muliere, & ob hoc cum reatu, brevi vivit tempore, ideoque cum metu, repletus multis miseriis, ideoque

(a) 1. Cor. II, 29. (b) 1. Cor. II, 28.
 (c) Gen. 18, 27. (d) Bernh. lib. Medit.
 c. 3. (e) Job. 14, 1.

que cum fletu, & vere multis, quia corporis & animæ simul. *a* Nescit homo ortum suum, nescit obitum, ut herba solstitialis paulisper fumus, *ac* brevis illa vita dolores & labores habet minimè breves. Consideremus *secundo loco* nostram indignitarem: omnis quidem creatura, respectu creatoris, umbra, somnium, *b* nihil; utique etiam homo. Sed pluribus & gravioribus modis indignus est homo: peccatis enim creatorem suum offendit. DEUS Natura & essentia justus est: Natura igitur & essentia peccatis irascitur. Quid nos stipulæ ad *c* ignem illum consumentem? quomodo foedissima nostra facta consistent? quomodo iniquitates nostræ, *d* quas ponis coram te, & errores nostri, quos collocas in lumine vultus tui? Infinitus DEUS & semper sui similis, infinitæ justitiæ, & infinitæ iræ: quod si in omnibus operibus, utique etiam

H 3 in

(*a*) *Bernh. lib. 1. ad Eugen.* (*b*) *Pf. 39, 7.* (*c*) *Deut. 4, 24.* (*d*) *Pf. 90, 9.*

in ira, in iustitia & vindicta Deus magnus est & admirabilis prorsus. Qui non pepercit filio, nunquid parceret figmento? qui non pepercit sanctissimo, nunquid parceret servulo nequam? In tanto apud Deum odio peccatum est, ut puniat illud in dilectissimis, quod patet in Lucifero, Angelorum primario. Probatio autem *non solum nos respiciat, sed etiam benedictum hunc panem*, qui est communicatio corporis Christi: tum verus gratiæ fons, & inexhausta misericordiæ scaturigo apparebit; prorsus negligere nos non poterit Dominus, quos suæ carnis participes facit: quis enim carnem suam unquam odio habuit? hæ igitur sanctæ epulæ transmutabunt animas nostras: hæ divinissimæ epulæ divinos homines nos efficient, donec tandem futuræ felicitatis consortes efficiemur

ὁ θεὸς ὁ λόγος καὶ μόνος χωρηπτικός, καὶ ὁ ἅλων

(a) Eph. 5, 29. (b) Nazian. orat. 4. de Theol.

ὅλοι θεοειδῆς; quod hic in fide & mysterio illic in re & apertissime habebimus. Ipsa quoque corpora nostra hanc dignitatem consequentur, ut *a* in illis Deum à facie ad faciem videre possimus, quæ jam sunt Spiritus sancti templa, & Christi inhabitantis corpore & sanguine sanctificantur & vivificantur, hæc sanctissima Medicina sanat omnia peccatorum vulnera: hæc vivifica caro omne mortale peccatum superat? hoc sanctissimum promissionum divinarum sigillum est, quod coram judicio divino ostendere possimus: hoc pignore nobis dato de vita æterna satis tuto gloriamur, si Christi corpus & sanguis nobis exhibentur, utique etiam omnia beneficia, per sanctissimum illud corpus & benedictum illum sanguinem parta: quomodo, qui minora dedit, majora denegabit? qui Filium *b* suum dedit nobis, quomodo non o-

H 4 *omnia*

(a) 1. Cor. 13, 12. (b) Rom. 8, 32.

omnia cum eo dabit? Exultet *a* igitur Sponsa, quia tempus prope est, quando ad nuptias agni vocabitur, induatur pretiosis, accipiat *b* nuptialem vestem, ne inveniat nuda: vestis illa Sponsi iustitia, quam in baptismo induimus: Iustitia nostra tantum abest, ut vestis nuptialis sit, ut etiam sit pannus *c* mulieris menstruatae. Timeamus igitur ad solennitatem illam nuptialem turpissimas illas & foetidissimas operum nostrorum vestes afferre; induat nos Dominus, *d* ne inveniamur nudi.

(*a*) Apoc. 19, 7. (*b*) Matth. 22, 12. (*c*) Es. 64, 6. (*d*) 2. Cor. 5, 3.

XXI.

DE CHRISTI ASCENSIONE.

CUM CHRISTO ASCENDERE
NOSTRUM EST.

COgita, fidelis anima, ascensionem Sponsi tui: Christus visibilem

lem præsentiam fidelibus suis subtraxit, ut fides haberet exercitium, beatissima namque, qui non vident & credunt. Ubi est *b* Thesaurus noster, ibi sit etiam cor nostrum. Thesaurus noster Christus in cœlo est, cœlestibus *c* ergo adhærat cor nostrum, & ea, quæ sursum sunt, cogitet. Sponsa reditum sui Sponsi ardentissimis exoptat gemitibus: ita fidelis anima semper exoptet adventare diem illum, in quo *d* ad nuptias agni introducatur, confidat in arrha sancti Spiritus, quam ascendens reliquit ei Dominus: confidat in corpore & sanguine Domini, quæ in cœnæ mysterio accipit, *e* & credat corpora nostra cibo hoc incorruptibili saturata aliquando resuscitatum iri; quod jam credimus, tunc videbimus, & nostra spes tunc erit res; sub specie *f* aliena adest

(*a*) *Joh. 20, 29.* (*b*) *Matth. 6, 21.* (*c*) *Col. 3, 2.* (*d*) *Apoc. 9, 7.* (*e*) *Iren. lib. 4. c. 34.* (*f*) *Aug. in Ps. 74.* (*f*) *Luc. 24, 15.*

adeſt viatoribus nobis Dominus, ſed in cœleſtis patriæ diverſorio eum agnoſcemus & intuebimur. Voluit autem Salvator noſter à monte *a* oliveti aſcendere; oliva pacis & gaudiî inſigne, merito ergo ab oliveti aſcendit monte, qui territis & conſternatis conſcientiis tranquillitatem peperit ſua paſſione: merito ab oliveti aſcendit monte, qui maxima cœleſtis curiæ accipitur jubilatione. Montana illa nos ad cœleſtia vocant, ſequamur ſanctis deſideriis, quia pedibus non poſſumus ſequi corporeis. Moſes *b* itidem in monte aſcendit ad Dominum, in monte *c* ſancti adorarunt Patriarchæ, montana *d* elegit Abraham, Loth verò planiciem: relinquat fidelis anima mundi planiciem, & ad cœli montana ſancta devotione contendat, ita dulciſſima ſentiet DEI interius loquentis alloquia, ita
in

(*a*) Act. 1, 12. (*b*) Exod. 19, 3. (*c*)
Joh. 4, 20. (*d*) Gen. 13, 11.

in oratione sua poterit *a* adorare in Spiritu, ita conflagrationem æternam mundanæ planicie paratam poterit cum Abrahamo effugere. Bethania villam humilitatis & afflictionis notat, per quam ad regnum cœlorum nobis patet aditus, sicut & Christus *b* ex villa afflictionis ad cœlestia penetravit gaudia. Hactenus cœlum clausum videbatur, & Paradisus superior *c* per romphæam rutilantem custoditus, nunc victor Christus cœlum aperit, ut nobis in cœlestem patriam, unde excideramus, viam monstraret. Stabant *d* discipuli sublatis oculis cœlum intrantes, ita veri Christi discipuli cordis oculos ad cœlestia contemplanda attollant. *e* O Domine JESU, quam gloriosa passionem tuam consecrata est clausula! quam felix hæc & quam subita mutatio! qualem te vidi patientem in monte Calvariæ, &

qua-

(*a*) Joh. 4, 20. (*b*) Luc. 24, 26. (*c*) Gen. 3, 24. (*d*) Act. 1, 21. (*e*) Grana. de vita Christi medit. 1.

qualem te nunc conspicio in monte Oliveti ? ibi eras solus, hic multis Angelorum milibus comitatus : ibi ascendebas in crucem, hic in nube ascendis ad cœlum : ibi crucifigebaris inter latrones, hic exultas inter Angelorum choros : ibi clavis cruci affixus & damnatus, hic liber & damnatorum liberator : ibi moriens & patiens, hic gaudens & triumphans : Christus *a* est caput nostrum, nos ipsius membra : gaude igitur & exulta in ascensione capitis tui, fidelis anima ! *b* Gloria capitis, membrorum etiam gloria est : ubi caro nostra regnat, ibi nos regnare credamus : ubi sanguis noster dominatur, ibi nos gloriosos futuros speremus, etsi peccata nostra nos prohibeant, Naturæ tamen communio non repellit : Ubi caput est, ibi etiam reliqua membra erunt : caput nostrum cœlum ingressum est, habent ergo æquisimam

ra-

(*a*) Ephes. 5, 23. (*b*) *Maxi. de resur.*





Ecce Leo frendit, Satanas sua spiru:
la vibrat:
Ut fidei clypeus me tueatz,
age.

Me am billig bebt wann wir auhebt,
der Lowe hier zu brüllen:
Nett uns herr Christenw las die list,
durch glaubens massen stillen.

rationem de cœlo sperandi reliquia membra, non solum autem hoc, sed in cœlo jam possessionem acceperere. *a* Descendit Christus de cœlo nos redempturus, ascendit vicissim ad cœlum nos glorificaturus: nobis natus est, nobis passus est, igitur & nobis ascendit. Christi passione nostra charitas, Christi resurrectione fides nostra, Christi ascensione spes nostra solidatur. Sequi autem debemus Sponsum nostrum non solum ardentibus desideriis, sed etiam operibus bonis: in *b* supernam illam civitatem non intrabit aliquid coinquinatum, in hujus rei signum Angeli ex cœlesti Hierosolyma venientes apparuerunt *c* amicti vestibus albis, quibus puritas & innocentia denotatur: *d* cum humilitatis magistro non ascendit superbia, nec cum bonitatis autore malitia, nec cum pacis amico

I. *discor-*

- (*a*) *Euseb. Emiss. hom. de Ascens.*
Bernb. (b) Apoc. 21, 27, (c) Actor. 1,
(*d*) *Euseb. Emiss. l. d.*

discordia, nec cum filio virginis libido & luxuria: non ascendunt vitia post virtutum parentem, nec peccata post justum, nec infirmitates ire possunt post Medicum. Qui Deum coram aliquando intueri desiderat, is etiam digne in ejus conspectu vivat; qui coelestia sperat, terrena contemnat: Trahe ad te corda nostra, bone JESU.

XXII.

*HOMILIA DE SPIRITU
SANCTO.*

ELECTOS DEUS OBSIGNAT
SPIRAMINE SANCTO.

Ascendens Dominus noster in coelos, & intrans in gloriam suam, *a* misit discipulis Spiritum sanctum in ipso Pentecostes die. *b* Sicuti in Veteri Testamento DEUS legem promulgans in monte Sinai, ad ipsum Mo-
sen

fen descendabat: ita cum Evangelium per Apostolos in orbe terrarum propagandum, ipse Spiritus sanctus ad Apostolos descendabat: ibi tonitrua & fulgura & clangor buccinæ intensissimus, quia lex contra inobedientiam nostram de-tonat, & nos iræ divinæ reos arguit: hic vero sonitus leniter strepentis auræ, quia Evangelii concio consternatas mentes erigit: ibi totius populi expavescencia atque terror, quia & lex iram operatur; hic vero tota multitudo confluit & mirabilia Dei audit, quia per Evangelium nobis ad Deum patet aditus: ibi Jehova descendit in igne, sed in igne iræ & furoris, ideo mons commovebatur, & fumabat: hic vero descendit Jehova Spiritus sanctus in igne, sed in igne amoris & dilectionis, unde non commovetur domus divinâ irâ, sed potius tota repletur Spiritus sancti gloria. Quid mirum, si Spiritus sanctus è coelesti mittitur curiâ

I 2 ad

(a) *Rom.* 4, 15.

ad sanctificandum, cum filius missus fuerit ad genus humanum liberandum? non prodesset Christi passio, nisi per Evangelium mundo fieret annunciatio: quis enim usus thesauri absconditi? ideo benignissimus Pater non solum magnum paravit beneficium per filii passionem, sed etiam toti mundo illud offerri voluit per Spiritus sancti missionem. Fidelis mater tenello filio utraque præbet ubera: fidelis Deus nobis miseris & Filium & Spiritum sanctum mittit. Venit autem Spiritus sanctus super Apostolos, eum perdurarent concorditer in oratione; *a* precum enim Spiritus est, precibus impetratur, & ad preces impellit, quare? quia est vinculum illud, quo corda nostra uniuntur cum Deo, sicut Filium unit cum Patre, & Patrem cum Filio, est enim Patris & Filii mutus substantialis amor: hæc spiritualis nostri cum Deo conjunctio fit fide, fides

(a) Zach. II, 10.

des autem, donum Spiritus, impetratur precibus, sed veræ preces fiunt in Spiritu. In templo Salomonis, cum Domino adoleretur incensum, *a* gloria Domini templum replebatur: ita, si precum odoraamenta offers Deo, templum cordis tui Spiritus sancti replebit gloria. Miremur hic Dei misericordiam & gratiam; *b* Pater exauditionem precum promittit: *c* Filius intercedit pro nobis: *d* Spiritus sanctus orat in nobis: *e* Angeli preces nostras ad Deum deferunt, atq; ita tota cœlestis curia nostris precibus est aperta. *f* Misericors Deus dat orationis affectum, quia donat nobis Spiritum gratiæ & precum; dat etiam orationis effectum, quia preces nostras semper exaudit; si non ad voluntatem nostram, tamen ad utilitatem. Venit Spiritus sanctus, cum omnes concorditer in eodem versan-

I 3 *ad hunc* tur

(*a*) 1. Reg. 8, 11. (*b*) Psalm. 50, 15.
(*c*) Rom. 8, 34. (*d*) Gal. 4, 6. (*e*) Tob.
12, 12. (*f*) Aug. Epist. 105.

tur loco, nimirum est Spiritus charitatis & concordiae; conjungit nos Christo per fidem, conjungit nobis Deum per charitatem, unit etiam nos cum proximo per dilectionem. Diabolus, discordiae & separationis autor, per peccata separat nos à Deo: per odia, contentiones & rixas homines à se invicem separat: sed sanctus Spiritus, ut in Christo divinam & humanam naturam mirabili sua *a* obumbratione conjunxit, ita quoque suis donis in nos effusis, & homines Deo, & DEUM hominibus conjungit. Quamdiu in homine manet Spiritus sanctus sua gratia & suis donis, tamdiu homo manet unitus Deo. Quamprimum homo per peccata excidit à fide & charitate, & Spiritum sanctum excutit, separatur à Deo, & tollitur beatissima illa unio. Qui Spiritum sanctum habet, non odit fratrem: quare? quia per Spiritum particeps factus mystici corporis Christi, cujus
mem-

membra sunt omnes pii, *a* quis vero unquam membra sua odio habet? imo etiam inimicos suos diligit, qui Spiritu Domini regitur: quia *b* qui Domino adhæret, fit unus Spiritus cum eo, *c* jam vero Deus Solem suum oriri sinit super bonos & malos, & *d* nihil quicquam eorum, quæ fecit, odio habet: Qui Spiritum DEI habet, omnibus inservire promptus est, omnibus pro virili benefacit, omnibus se utendum præbet, quia etiam Deus fons est omnis misericordiæ & gratiæ erga omnes: jam vero Spiritus sanctus tales motus in homine efficit, qualis ipse est: sicut anima corpus reddit animatum, sentiens, mobile: ita Spiritus hominem efficit spirituales, imbuunt mentem suavitatem dulcedinis divinæ & omnia membra ad obsequia Deo & proximo præstanda dirigit: E cælo factus est sonitus ille, qui fuit Symbolum ve-

I 4

nien-

(a) Eph. 5, 29. (b) 1. Cor. 6, 17. (c) Matth. 5, 45. (d) Sap. 11, 25.

nientis sancti Spiritus, quia cœlestis est Naturæ sanctus ille Spiritus, nimirum ejusdem essentiae cum Patre & Filio, à quo Patre & Filio ab omni æternitate procedit; efficit etiam homines cœlestia cogitantes, & ea, quæ sursum sunt, quærentes; qui terrenis adhæret, & amore suo mundo unitus est, ille nondum cœlestis Spiritus particeps factus. Venit sub flatus Symbolo, quia vivam consolationem afflictis suppeditat; quia etiam reciproco flatu ac respiratione Spiritus aerei vivimus juxta carnem, ideo sub Spiritus & flatus Symbolo advendabat, qui largitur, ut vivamus juxta meliorem nostri partem. Ventus, *a* quo vult, spirat, & sonum ejus audis, sed nescit, unde veniat & quo vadat; ita est omnis, qui genitus est à Spiritu. Congruenter etiam sub flatus symbolo venit, qui à Patre & Filio una spiratione ab æterno procedit. *b* Vehemens erat flatus

ille,

(*a*) Joh. 3, 8. (*b*) Amb. lib. 2. in Luc. c. 6.

ille, quia nescit tarda molimina Spiritus sancti gratia: *a* movet ille sanctus Spiritus pios, in quibus habitat, ad omne bonum, atque ita movet, ut nec Tyrannorum minas, nec Satanæ insidias, nec mundi odia curent. Confert Apostolis linguarum donum, quia *a* in omnem terram sonus ipsorum exire debebat, sicque *c* confusio linguarum, quæ poena fuerat superbiæ & temeritatis in ædificanda turre Babylonis, sublata est, jamque dispersæ illæ gentes per diversitatem linguarum in unitatem fidei Spiritus sancti munere congregatæ sunt: congruenter sub linguarum figura venit, à quo *d* inspirati locuti sunt sancti Dei homines: qui in Apostolis locutus est, qui verba Dei ponit in os ministrorum Ecclesiæ. Pro tantis donis laudandus & benedicendus sanctus ille Spiritus cum Patre & Filio in seculum.

(*a*) *Rom.* 8, 14. (*b*) *Psf.* 19, 5. (*c*) *Gen.* 11, 7. (*d*) 2. *Petr.* 1, 21.

XXIII.

DE ECCLESIE DIGNI-
TATE.CHRISTI EST ECCLESIA
SPONSA.

COgita, devota anima, quantum tibi præstitit DEUS beneficium, quod ad Ecclesiæ suæ te vocavit consortium. *a* Una est dilecta mea, dicit Sponsus in Cantico : vere una, quia una solum vera & orthodoxa Ecclesia, dilecta Christi Sponsa. Extra corpus Christi non est Spiritus Christi, *b* qui autem Spiritum Christi non habet, non est ejus : qui Christi non est, æternæ vitæ particeps fieri non potest *c* Extra arcam Noë omnes perire cogebantur in diluvio : extra spiritualem arcam Ecclesiæ omnes æterno involvuntur exitio. *d* Non habebit Deum patrem in cœlis, qui non habet Ecclesiam matrem in his

(a) Cant. 4, 1. (b) Rom. 8, 9. (c) Gen. 7, 11. (d) Aug. l. 4. de symb. c. 10.

his terris. Cogita, devota anima, quod singulis diebus multa animarum millia descendunt ad infernum, ideo, quod sunt extra Ecclesiæ gremium: non separavit te ab illis Natura, sed sola Dei misericordie gratia. Cum *a* Ægyptus tenebris palpabilibus involveretur, apud solos Israelitas erat lux, ita sola Ecclesia est lux divinæ agnitionis, qui sunt extra Ecclesiam, à tenebris ignorantie in vita præsentē, transeunt ad tenebras damnationis æternæ in vita sequente: *b* qui non est portio Ecclesiæ militantis, nunquam erit portio Ecclesiæ triumphantis, hæc enim sunt intime conjuncta: Deus, verbum, fides, Christus, Ecclesia, & vita æterna. Sancta Dei Ecclesia est Mater, Virgo & Sponsa. *Mater* est, quia Deo quotidie spirituales generat filios: *Virgo* est, quia à Diaboli & mundi se integram servat complexibus: *Sponsa* est, quia Christus eam sibi desponsa-

vi

vit fœdere sempiterno, eique arrham Spiritus dedit: Ecclesia est navis illa, *a* quæ Christum & ejus discipulos vehit, ac ad portum felicitatis æternæ tandem nos perducit: navigat Ecclesia instructa fidei gubernaculo felici cursu per hujus seculi mare, habens Deum gubernatorem, Angelos remiges, portans choros omnium sanctorum, erecta est in medio ipsa salutaris crucis arbor, in qua Evangelicæ fidei vela suspensa, quibus flante sancto Spiritu ad securitatem quietis æternæ deducitur. Ecclesia est *b* vinea illa, quam Deus in agro hujus mundi plantavit, sanguine suo rigavit, sepem Angelicæ protectionis ei circumdedit, torcular passionis in ea construxit, lapides & offendicula ex ea sustulit. *c* Ecclesia est mulier illa amicta Sole; quia Christi justitia induta est; Lunam sub pedibus calcatur; quia

(*a*) *Matth.* 8, 23. *Chrysost.* in *Matth.* (*b*) *Matth.* 21, 33. *Esai.* 5, 2. (*c*) *Apoc.* 21, 1.

quia terrena, variis obnoxia mutationibus, despicit. Considera summam hanc Ecclesiæ dignitatem, devota anima, & debitas Deo gratias age. Magna quidem in Ecclesia sunt DEI beneficia, sed ea non sunt omnibus obvia; est *a* hortus conclusus, & fons signatus: nemo pulchritudinem horti conclusi videt, nisi qui in eo est: sic nemo summa hæc in Ecclesia beneficia agnoscit, nisi qui & ipse in ea est. *b* Nigra est exterius hæc Christi Sponsa, sed formosa interius; *c* omnis enim gloria Filix Regis est ad intra. Navis *d* hæc variis persecutionum concutitur tempestatibus: vinea *e* hæc ligata erigitur, & recisa augetur: *f* mulieri huic ipse infernalis Draco variis modis insidiatur. Pulchrum *g* est Ecclesia liliū, sed tamen inter spinas.

a Hor-

(*a*) *Cant.* 4, 12. (*b*) *Cant.* 1, 5. (*c*) *Psf.* 45, 14. (*d*) *Matth.* 8, 24. (*e*) *Joh.* 15, 2. (*f*) *Apoc.* 12, 7. (*g*) *Cant* 2, 1.

a Hortus pulcherrimus est Ecclesia, sed quando Aquilo tribulationum eum perflat, tunc demum fluunt aromata illius. Dei Filia est Ecclesia, sed mundo admodum exosa, cœlestem expectat hæreditatem, igitur cogitur in hoc mundo peregrinari, in peregrinatione premitur, in pressione fileat, in silentio fortis est, in fortitudine vincit. Mater spiritualis est Ecclesia, *b* sed cogitur stare sub cruce, sicut etiam Maria, ex qua Christus in hunc mundum natus, sub cruce stabat. Ecclesia est Palma, quia sub pondere tribulationum ac temptationum magis crescit. Cogita, devota anima, Ecclesiæ dignitatem, & cave quicquam ea indignum committas. Mater est Ecclesia, cave igitur, ne vocem ejus contempnas: mater est, semper igitur ab ipsius pendere debes uberibus. Ecclesiæ ubera sunt verbum & sacramenta: virgo est Ecclesia,

(a) *Amb. 4. 9. in Luc, c. 10.* (b) *Joh. 19, 25.*





Non fort dissectus ceu palmes ab arbore
fructum:
sic nisi des succum, nil quoq. CHRISTE,
feram.

Wiß daß ich verbleibe an Jesu am Leibe,
So bring ich die Frucht,
Der Weinstock muß geben die Kräfte den Reben,
sonst sind sie verflucht.

ſia, ſi ergo verus ejus filius, à mundi abſtine complexibus: membrum es Virginis Eccleſiæ, vide ne virginea membra prostituas, & cum Diabolo per peccata ſcorteris: Sponſa Chriſti eſt Eccleſia, & omnis devota anima, caveat ergo, ne Satanæ adhæreat: Sponſa Chriſti es, vide, ne arrham Spiritus Sancti tibi datam amittas: Sponſa Chriſti es, aſſiduis ora precibus, ut properet Sponſus, & ad nuptias cœleſtes te introducat: veniet autem Sponſus *a* in ſecuritat-
tis nocte, vigila ergo, ne cum venerit Sponſus, inveniat te dormientem, & januaſ ſalutis æternæ tibi præcludat: luceat oleum fidei tuæ, ne in adventu Sponſi cogaris fruſtra id deſiderare. Veheris in navi, vide, ne in mundi mare te præcipites, antequam ad portum pervenias: veheris in navi, *b* precare, ne tempeſtatibus afflictionum & ductibus tentationum abſorbearis. In vineam

Do-

(*a*) *Matth.* 25, 10. (*b*) *Matth.* 8, 25.

Domini *a* vocatus es, vide, ut strenue labores: consideratio denarii minuatur labores diei: vinea Domini es, abjice inutilia farmenta, infrugifera carnis opera, totum vitæ tempus æstima esse putationis tempus: *b* palmes es in vera vite Christo, vide, ut in eo maneat & fructum feras multum, quia palmitem non ferentem fructum cœlestis agricola tollet, & ferentem fructum purgabit, ut copiosorem ferat: *c* induisti Christum per fidem, & *d* Sole hoc justitiæ amictus es, vide, *e* ut Lunam, id est, omnia terrena sub pedibus calces, atque omnia respectu æternorum bonorum parvi æstimes. O bone Jesu, qui nos duxisti in Ecclesiam militantem, deduc aliquando etiam ad triumphantem.

(*a*) *Matth.* 20, 1. (*b*) *Joh.* 15, 1. (*c*) *Gal.* 3, 27. (*d*) *Mal.* 4, 2. (*e*) *Apoc.* 12, 1.

XXIV.

MEDITATIO DE PRÆDE-
STINATIONE.

IN CHRISTO ELECTIO FACTA.

Quoties devota anima cogitare
vis de prædestinatione tua, aspi-
ce Christum in cruce pendentem, *a*
pro peccatis toti9 mundi morientem,
propter justitiam nostram resurgen-
tem. Incipe à Christo jacente in præ-
sepio, sic demum recto ordine proce-
det tua de prædestinatione disputa-
tio. *b* Elegit nos Deus ante jacta
mundi fundamenta, sed tamen in
Christo est electio facta: si ergo es in
Christo per fidem, ne dubites, ad te
quoque pertinere electionem: si fir-
ma cordis fiducia adhæres Christo, ne
dubites, te esse in electorum numero.
c Si vero a priori extra limites verbi
vis scrutari profundum prædestina-
tionis, metuendum valde, ne cadas
in

(a) *Rom. 4. ult.* (b) *Eph. 1, 4.* (c) *Aug-
ust. serm. 7. de verb. Apost.*

in profundum desperationis. Extra Christum Deus est *a* ignis consumens, cave ergo, ne huic igni appropinques, ne consumaris. Extra Christi satisfactionem Deus voce legis suæ accusat omnes, damnat omnes; cave ergo, ne ex lege prædestinationis mysterium haurias. Non inquiras omnes consiliorum divinorum rationes; ne te multum seducant tuæ cogitationes; *b* habitat Deus in luce inaccessibili, ad eam ne coneris temere progredi; sed tamen revelavit nobis Deus lucem Evangelii, in hac tute inquirere poteris doctrinam hujus secreti, *c* in hoc lumine videbis verum lumen. Relinque æterni hujus & ab æterno facti decreti profunditatem, & converte te ad manifestationis in tempore factæ claritatem; justificatio facta in tempore speculum est electionis factæ sine tempore. *d* Agnosce ex lege iram Dei

(*a*) Deut. 4, 24. (*b*) 1. Tim. 6, 16, (*c*) Ps. 36, 10. (*d*) D. Buth. in præf. Ep. ad Rom.

Dei propter peccata , & age poenitentiam ; agnosce ex Evangelio misericordiam Dei propter Christi meritum , & applica tibi per fiduciam ; agnosce fidei Naturam , & ostende eam per conservationem piam ; agnosce in cruce castigationem paternam , & sustine per patientiam : tunc demum incipe tractare prædestinationis doctrinam. Hanc methodum ostendit Apostolus , hanc methodum sequatur verus Apostoli discipulus. Tria sunt , quæ in hoc mysterio semper observanda : Misericordia Dei diligentis : meritum Christi patientis ; gratia Spiritus sancti per Evangelium vocantis. Universalis est Dei misericordia , quia totum mundum dilexit : *a* misericordia Domini plena est terra , imo major est cœlo & terra , *b* tanta enim est , quantus Deus ipse , quia *c* DEUS est charitas : testatus *d* est in verbo suo

(*a*) Ps. 33, 5. (*b*) Eccles. 2, 23. (*c*) 1. Joh. 4, 8. (*d*) Ezech. 33, 11.

suo, se nullius mortem velle: si parum hoc est, etiam juramento confirmavit: *a* si non potes credere Deo promittenti, crede saltem pro salute tua juranti: Vocatur pater misericordiarum, quia ei proprium est misereri & parcere: *b* miserendi causam & originem sumit ex proprio iudicandi, vel ulciscendi magis ex alieno, ut longe aliter de corde ipsius misratio, quam animadversio procedere videatur: Universale etiam est meritum Christi, *c* quia pro totius mundi peccatis passus. Quid ergo misericordiam Dei probaret apertius, quam quod dilexit nos, cum nondum essemus, quia dilectionis est, quod creati sumus: dilexit insuper, *d* cum aversi essemus, quia dilectionis est, quod Filium redemptorem nobis dedit: Peccatori tormentis æternis adjudicato, & unde se redi-

(*a*) Hieron. Epist. 46. (*b*) 2. Cor. 1, 3. Bern. ser. 5. in nat. Dom. (*c*) 1. Job. 2, 2. (*d*) Rom. 5, 8.

redimat non habenti, Deus Pater dicit: *Accipe unigenitum meum, & da pro te*: ipse Filius dicit: *tolle me, & redime te.* *a* Flos campi, non flos horti est Christus, quia odor gratiæ ipsius non est quibusdam clausus, sed omnibus apertus: &, ne dubites de universalitate meriti, *b* orabat Christus patiens pro crucifigentibus se, & sanguinem ejus fundebat pro illis, qui sanguinem fundebant ipsi. Universales etiam sunt Evangelii promissiones, quia omnibus dicit Christus: *c Venite ad me omnes, qui laboratis.* Quod pro omnibus præstitum, omnibus etiam offertur: quantum in his bonis pedem fiduciæ porrexeris, tantum etiam obtidebis: *d* nemini DEUS suam denegat gratiam, nisi qui seipsum indignum ea existimat: Considera ergo, fidelis anima, hæc tria prædesti-


(a) *Cant. 2, 1. Jac. de Vorag. in EG.*

(b) *Luc. 23, 34. (c) Matth. 11, 28. (d)*

Bernh. serm. 31. in Can.

stinationis fulcra, & firma cordis tui eis innitere fiducia: considera præterita misericordiæ divinæ beneficia, & de finali non dubitabis perseverantia. Quando nondum eras, creavit te Deus: quando per Adami lapsum damnatus eras, redemit te: quando extra Ecclesiam in mundo vivebas, vocavit te: quando ignorabas, instruxit te: quando errabas, reduxit te: quando peccabas, correxit te: quando fletisti, tenuit te: quando cecidisti, erexit te: quando ivisti, duxit te: quando ad ipsum venisti, suscepit te: *a* affuit ibi in expectando longanimitas, & in condonando facilitas: misericordia Dei præcedit te, firmiter spera, quod *b* etiam subsequetur: *c* prævenit te misericordia Dei, ut saneris, subsequetur etiam, ut glorificeris? prævenit te,

(a) *Idem in Ps. 116. Theol. Myst. Harp. l. 1. c. 1.* (b) *Ps. 22, 6.* (c) *Aug. de nat. & gra. c. 23. Saba. in Ps. 31.*



Christe precis cruciger sumus, fac sponte
sequamur.
nam malus est miles post TUA
terga gemens.

Hilff daß ich du Herr mein Begier
hier folge stets in Leiden.
So werd ich Theil bey dir mein Heil
auch habendort in Freuden.

ut pie vivas, subsequetur etiam, ut in æternum cum illo vivas: quare cadens non es contritus? quis supposituit manum? quis nisi Dominus? confide ergo etiam in posterum in Dei misericordia & *a* finem fidei, salutem æternam, firmiter spera. In quibus enim manibus salutis tuæ materia tutius consistat, quam in iis, quæ *b* cœlum condiderunt & terram, in iis, *c* quæ nunquam abbreviantur, in iis, *d* quæ affluunt misericordiæ visceribus, nec desunt foramina, per quæ affluant.

Cogita autem, devota anima, quod à D E O electi sumus, *e* ut essemus sancti & irreprehensibiles: in quibus ergo non est sanctæ vitæ studium, ad illos non pertinet electionis beneficium; electi *f* sumus in Christo, in Christo sumus per fidem, *g* fides se exerit per dilectionem: ubi ergo non est

Pet. 1, 9. (b) Esa. 66, 2. (c) Es.

(a) 1. Bernh. in Ps. 31. (e) Eph. 1, 4. 0, 1. (d) (g) Gal. 5, 6.

est dilectio, ibi nec fides: ubi non est fides, ibi nec Christus: ubi non est Christus, ibi nec electio: *a* firmum quidem stat fundamentum Dei, habens signaculum hoc, dominus novit, qui sunt sui; sed tamen discedat ab injustitia, qui invocatur nomen Domini: *b* oves Christi nemo rapiet ex ipsius manu, sed tamen oves Christi audiant etiam ipsius vocem, *c* dominus Dei summus, sed fiduciam & gloriam spei usque ad finem firmam retineamus. O Domine *d* qui dedisti velle, da etiam perficere!

(*a*) 2. Tim. 2, 19. (*b*) Joh. 10, 27. 28.
(*c*) Hebr. 3, 6. (*d*) Phil. 2, 13.

XXV.

DE SALUTARI PRECUM
EFFICACIA.

PENETRANT SUSPIRIA COE-
LUM.

Maximum hoc est DEI benefici-
cium, quod familiare precum
piarum requirit alloquium: ipse do-
nat



THE
LIBRARY OF
THE
MUSEUM OF
ART AND
ARCHAEOLOGY
OF THE
CITY OF
NEW YORK

nat orationis affectum, *a* ipse etiam donat orationis effectum. Magna vis orationis, quæ in terra funditur, sed in cœlo operatur: oratio iusti clavis est cœli, ascendit precatio, *b* & descendit Dei liberatio: *c* oratio est salutare scutum, quo omnia adversarii tela repelluntur. *d* Moses cum extendebat manus suas, prævalebat Israel contra Amalecitas; si ad cœlum extends manus tuas, non prævalebit tibi Satanas. Sicut hosti opponitur murus, ita Dei ira sanctorum frangitur precibus. *e* Ipse Salvator noster orabat non propter aliquam necessitatem; sed ut precum nobis commendaret dignitatem. *f* Oratio census est nostræ subjectionis, quia præcipit nobis DEUS, ut preces velut spirituale quoddam tributum quotidie

K

die

(*a*) *Aug. Ep.* 105. (*b*) *Aug. serm.* 226. *de tem.* (*c*) *Amb. Eph.* 6, 16. (*d*) *Exod.* 17, 11. (*e*) *Hieronym. in Ezech. cap.* 21. (*f*) *Rob. Holkot. lect.* 139. *in lib. Sap. Naz. orat. ad Eun.*

die ei offeramus: est scala nostræ ascensionis, quia nihil aliud est oratio, quam quædam mentis ad Deum peregrinatio: est scutum nostræ defensionis, quia anima hominis viventis in precibus tuta est à Dæmonum insultibus: est nuncius fidelis legationis, quia ad thronum Dei ascendit oratio, & ad ferendum auxilium eum invitat: *a* hic nuncius sine suo nunquam frustratur, semper enim exaudit nos Deus, si non ad nostram voluntatem, tamen ad utilitatem & salutem: unum indubitanter è duobus sperare possumus, aut dabit id, quod petimus, aut illud, quod novit utilius. Dedit DEUS Filium suum, donum illud excellentissimum, non rogatus, quid faciet rogatus? nec de Patris exauditione, nec de Filii intercessione dubitare possumus; in qualibet causa per preces *b* cum Mose intres in tabernaculum ad consulendum

(a) Bernb. ser. de triplici modo orandi. (b) Num. 7, 89. Kemp. lib. 3. de imit. Christi 6, 8.

dum Dominum, & cito audies divinum responsum; *a* Christus cum oraret transfigurabatur; ita in oratione magnæ fiunt in anima mutationes, quia lumen animæ est oratio, quæ sæpius eum, quem invenit desperantem, relinquit exultantem: *b* qua fronte solem intueris, nisi prius adoraveris eum, qui lumen illud dulcissimum oculis tuis mittit? quo pacto frueris mensa, nisi prius adoraveris eum, qui tantum bonum largitur ac suppeditat? qua spe trades te ipsum nocturno tempori, nisi te præmunieris orando? quem fructum sperare poteris ex laboribus tuis, nisi prius adoraveris eum, sine quo labor omnis inutilis? Si ergo dona spiritualia aut corporalia desideras, *c* pete & accipies: si Christum desideras, per preces quære & invenies: *d* si ostium

K 2 di-

(*a*) *Luc. 9, 29.* (*b*) *Bernh. ser. 32. in Can. Chrysostom. lib. 1. de orand.* (*c*) *Matth. 7, 7.* (*d*) *Bernh. in lib. allegor. EG. 17, 2.*

divinæ gratiæ & salutis æternæ aperiri tibi desideras, per preces pulsa, & aperietur tibi: si in deserto hujus mundi sitis tentationum & penuria bonorum spiritualium te affligit, accede ad *a* petram spiritualement, quæ est Christus, per devotionem, eamque percutite virga orationis, & senties, quod fluentia divinæ gratiæ restinguant sitim tuæ penuriæ. Vis gratum Deo exhibere sacrificium? offer preces, *b* sentiet Deus odorem suavitatis & cessabit ipsius ira. Vis assidue cum Deo versari? preces ama, *c* quæ sunt spirituale Dei & devotæ animæ colloquium? Vis *d* gustare quam suavis sit Dominus? invita precibus Dominum ad cordis tui domicilium. *e* Placet Deo oratio, sed debito modo instituta; qui ergo exaudiri desiderat, is oret sapienter, ardentem, humiliter, fideliter, perseveran-

(*a*) 1. *Corinth.* 10, 4. (*b*) *Gen.* 8, 21. (*c*) *Cypr. lib.* 2. *Ep.* 2. (*d*) *Pf.* 34, 9. (*e*) *Ansb. l. de mensurat. crucis.*

ranter, & confidenter. Oret *sapienter*, ut scilicet oret ea, quæ divinæ gloriæ & proximorum salutiserviunt. Omnipotens est DEUS, ergo non statuas ei in precibus modum: sapientissimus est, ergo non præscribas ordinem: non temere prorumpant, sed fidem præeuntem sequantur, fides autem respicit verbum, quæ ergo absolute Deus in verbo promittit, absolute ores: quæ cum conditione promittit, ut temporalia, ea itidem cum conditione ores: quæ nullo modo promittit, ea etiam nullo modo ores: sæpe Deus dat iratus, quod negat propitius: sequere ergo Christum, & qui suam voluntatem plene Deo resignat. Ores *ardenter*, quomodo enim requirere potes, ut Deus te audiat, cum te ipsum non audias? Deum tui memorem esse vis, cum tui memor non sis?

K 3 Cuni

(a) *Matth.* 26, 39. & 44. *Bernh. in med. de bot. cap. 8. ex Aug.*

Cum orare vis, *a* intra in cubiculum tuum & fores claude: cubiculum est cor tuum, in illud debes intrare, si vis debito modo orare: fores ejus debes occludere, ne mundanorum negotiorum cogitationes te possint turbare: non sunt voces ad aures Dei, nisi animi affectus: mens ardore cogitationis ita debet esse incitata, ut totum longe superet, quod lingua exprimit, atque hoc est *b* Spiritu & veritate adorare, quod requirit Dominus. Christus *c* orabat in monte, & *d* oculos ad cœlum levabat: ita mentem ab omnibus creaturis averſam ad Deum debemus convertere: injuriam Deo facis, si precaris eum, ut ibi intendat, tu vero tibi ipsi non intendas: *e* indefinenter orare possumus, si in Spir. oremus, ut scil. mens nostra sanctis de-

(*a*) *Matth.* 6, 6. *Aug. in Ps.* 33. *concl.* 3. *Idem de catheh. rud.* 5, 9. (*b*) *Joh.* 4, 23. (*c*) *Luc.* 6, 12. (*d*) *Joh.* 17. 1. (*e*) *1. Thes.* 5, 17.

desideriis semper ad Deum vigilet. Non semper clamore opus est, quia Deus etiam suspiria cordis audit, cum habitet in piorum cordibus: non semper opus est, multis verbis, quia etiam cogitationibus nostris interest: unus interdum gemitus à Spir. S. excitatus, & in Spiritu Deo oblatus gratior est Deo, quam prolixæ precum recitationes, ubi lingua loquitur, sed cor plane mutum est. Oret *humiliter*, ut non de suo merito, sed tantum de gratia DEI confidat, *a* si preces nostra nituntur dignitate, damnatæ sunt, *etiam* si præ devotione cor sanguinem exsudaret, nemo placet Deo, nisi in Christo, ergo etiam nemo recte orat, nisi per Christum & propter Christum: *b* non placebant Deo sacrificia, quæ non offerebantur in unica illa tabernaculi ara: non placet Deo oratio, quæ non in hac unica ara Christo offertur: Israelitis *c* precum exaudi-

K 4 tio

(a) *D. Luth. Domin. Regat.* (b) *Deut.*

12, 5. (c) *1. Reg. 7, 44.*

tio promissa est, si facie ad Hierosolymam versa orarent, sic in precibus ad Christum, & qui est templum divinitatis, nos convertamus. Christus in passione oraturus, *b* abjicit se in terram, vide, quomodo sanctissima illa anima humiliet se coram maiestate divina. Oret *fideliter*, ut se offerat ad omnis gaudii carentiam, & omnis pœnæ patientiam: *c* quanto quis orat citius, tanto utilius: quanto sæpius, tanto utilius: quanto ferventius, tanto Deo acceptius. Oret *perseveranter*, quia cum tardius dat Dominus, commendat dona, non negat: desiderata diutius, obtinentur dulcius. Oret *confidenter*, ut scilicet postulet in fide, nihil hæsitans. O clementissime DEUS, qui orare nos iussisti, da ut etiam recte oremus!

(a) *Joh. 2, 19. 21.* (b) *Marc. 14, 55.*
 (c) *Ansh. l. d. Kemp. hort. rosar. c. 12.*
August. ser. 1. de verb. Dom.



Fac ut perpendam quid sim postea uera futura
tempora quidq ego sim: pubis et umbra.
nihil.

Hüß du dich Jesu daß ich auch
möge stets betrachten,
daß ich sey Staub und Asche,
drumb mich nicht selbst achten.

XXVI.

*DE SANCTORUM ANGELO-
RUM CUSTODIA.*

SANCTIS SACER ANGELUS
ASTAT.

COgita, devota anima, quanta sit divina gratia, quod Angelorum tibi constituta est custodia? Cœlestis Pater Filium suum mittit ad nos liberandos, Filius Dei incarnatus ad nos salvandos, Spiritus S. mittitur ad nos sanctificandos, Angeli mittuntur ad nos protegendos, sic ergo tota cœlestis curia nobis quasi inservit, & sua ad nos traducit beneficia: non miror amplius, quod omnes creaturæ inferiores propter hominem conditæ, cum ipsi Angeli, qui longe digniores creaturæ, sua non dene- gent nobis ministeria. Quid mirum est, quod *cælum* ministrat nobis lucem in die, ut laboremus, tenebras nocte, ut quiescamus, cum ipsi cœlestis regni incolæ nobis ministrent? Quid mirum, quod *aer* vitalem no-
his

bis præbeat flatum, & omne genus avium ad obsequium, cum cœlestes Spiritus vitæ nostræ conservandæ invigilent? Quid mirum, quod *aqua* det potum, sordes purget, ariditas riget, & varia piscium genera præbeat, cum nobis æstu calamitatum & tentationum defatigatis ipsi Angeli præsto sint, ut recreent? Quid mirum, quod *terra* nos portet, pane & vino nutriet, omnibus generibus fructuum & animalium mensas nostras repleat: cum Angelis *a* mandatum sit, ut custodiant nos in omnibus viis, in manibus nos portent, ne forte impingat ad lapidem pes noster? Solliciti erant Angeli de Christo, *b* quia Angelus ejus conceptionem nunciat: *c* Angelus ejus nativitatem manifestat, *d* Angelus in Ægyptum fugere mandat, *e* Angeli serviunt ei in deserto, Angeli ei ministrant in toto præ-

(a) Ps. 91, 11. (b) Luc. 1, 31. (c) c. 2, 9. 10. 11. (d) Matth. 2, 13. (e) c. 4, 11.





Per mundi fraudes, per sesquac-
 tua malorum
 est mihi migrandum. Duc, bone
 Christe, juva.

Ach laß, Herr Christ du ieder frist
 nach deinem wort mich gehen.
 So werd ich nicht wann mich ansicht
 der Teuffel, hülfloß stehen.

prædicationis ministerio , *a* Angelus ei adest in mortis agone , *b* Angelus apparet in ipsius resurrectione , *c* Angeli præsto sunt in ascensione , *d* ad-erunt Angeli in futura ad iudicium reversione. Ut ergo Christo in diebus carnis suæ inservierunt Angeli , ita quoque solliciti sunt de omnibus illis , qui per fidem Christo sunt incorporati : quomodo inservierunt capiti , eo modo inserviunt etiam membris : gaudent inservire illis in terris , quos aliquando socios habebunt in cœlis : non renuunt illorum ministeria , quorum dulcissima aliquando sperant consortia. *e* Jacobo in via ad patriam apparent Angelorum castra : sic piis in hac vita , quæ est ad cœlestem patriam via , Angelici custodes adduntur. *f* Daniele inter medios leones Angeli protegunt , sic ab insidiis infernalis leonis omnes
pios

(*a*) *Luc. 22, 43.* (*b*) *Matth. 28, 2. & 5.*
(*c*) *Act. 1, 10.* (*d*) *Matth. 25, 31.* (*e*) *Gen. 32, 1.* (*f*) *Dan. 6, 22.*

pios tutos præstant. *a* Angeli Lothum ex Sodomorum eripiunt incendio, sic sanctis inspirationibus & contra Diabolicas tentationes protectionibus ex infernalibus flammis sæpius nos eripiunt. *b* Lazari animam in finem Abrahamæ deportant Angeli, sic omnium electorum animas transferunt ad palatium cœlestis regni. *c* Petrum ex carcere educit Angelus, sic ex præsentissimis pios sæpe eripit periculis. Magna quidem est adversarii nostri Diaboli potentia, sed erigat nos Angelorum custodia: nec dubites in omnibus periculis hos auxiliares tibi adesse, quia scriptura sub figura *d* Cherubim & Seraphim alatos eos depingit, ut certe statuas, incredibili celeritate ad ferendum auxilium eos præsto futuros: *e* ne dubites, in omnibus locis hos protectores tibi

(*a*) *Gen.* 10, 15. (*b*) *Luc.* 16, 22. (*c*) *Actor.* 12, 7. (*d*) *Ex.* 25, 18. *Esa.* 6, 2. (*e*) *Hier. in c.* 6. *Esa.* Bernh. hom. 3. *supermissus est.*

tibi adesse, quia sunt subtilissimi Spiritus, quibus nullum obsistit corpus; cuncta illis cedunt visibilia, cuncta æque corpora, quantumlibet solida vel spissa, penetralia eis sunt ac pervia: ne dubites pericula & afflictiones tuas hos Spiritus scire, quia *a* semper vident faciem cœlestis Patris, & ad omnia promptissime ei præsto sunt ministeria: Cogita etiam, devota anima, sanctos esse hos Angelos, sanctitati ergo studeas, si eos vis habere socios: morum similitudo maxime conciliat amicitia^a, sanctis assuesce actionibus, si Angelorum desideras custodiam. *b* In omni loco atque angulo reverentiam exhibe tuo Angelo, neque præsentem eo facias, quæ in conspectu hominis facere erubescis. Casti sunt hi spiritus, igitur spurcis abiguntur actionibus: *c* Apes expellit fumus, columbas foetor; sic vitæ custodes Angelos fu-

L gat

(a) *Matth.* 18. 10. (b) *Bernb. ser.* 12, in *Pf.* 91. (c) *Basil. in Pf.* 33.

gat lachrymabile & graveolens peccatum? amissis per peccata his præfidiis quomodo tutus eris Diabolorum infidiis? destitutus Angelorum protectione, quomodo tutus eris á periculis variorum incurfione? si anima tua caret muro angelicæ defensionis, facile expugnabit eam Dæmon fallacia prævæ suafionis. *a* A Deo ad ministeria sancti illi Angeli mittuntur, reconciliandus ergo prius es Deo per fidem, si Angelum vis habere custodem: ubi non est Dei gratia, ibi quoque non est Angelorum custodia. Intueamur Angelos tanquam salutare quoddam Dei manus, quæ nullum ad opus nisi ipso dirigente se moveant. *b* Gaudium est in cælo coram Angelis super uno peccatore resipiscente: lachrymæ poenitentium peccatorum sunt quasi vinum Angelorum; cor autem impœnitens fugat custodes Angelos: agamus ergo poenitentiam, ut angelis ex-

(a) *Heb. 1, 14. D. Luth. in c. 2. Heb.*

(b) *Luc. 15, 10.*

excitemus lætitiā. Cœlestis & spiritalis naturæ sunt Angeli, cœlestia ergo & spiritualia cogitemus, ut nobis adesse eis volupe sit : humiles sunt Angeli, & superbia penitus eis exosa, *a* qui etiam tenellis pueris inservire non erubescunt; *b* quid ergo superbit terra & cinis, cum tanto opere se humiliet Spiritus cœlestis? In morte metuenda potissimum Dæmonis astutia, quia *c* scriptum est, quod serpens insidietur calcaneo, extrema pars corporis calcaneus est, extremus vitæ tuæ terminus : in ultima ista mortis agonia maxime necessaria est Angelorum custodia, qui ab ignitis Diaboli telis liberent, & animam corporis domicilio aggressam ad cœlestem Paradisum deportent. Cum *d* Zacharias in templo sacro fungeretur ministerio, Angelus Domini ad ipsum veniebat : sic etiam si verbi & precum gaudes exercitio, Angelorum

L 2 quo-

(*a*) *Matth.* 18, 10. (*b*) *Eccles.* 10, 9.

(*c*) *Gen.* 3, 15. (*d*) *Luc.* 1, 11.

quoque gaudere poteris patrocínio. O clementissime DEUS, qui per sanctos Angelos deducis nos per hujus vitæ eremum, da, ut per eosdem deducamur ad coeleste regnum!

CAP. XXVII.

DE INSIDIIS DIABOLICIS.
 QUIS NORIT DÆMONIS ASTUS?

COgita, fidelis anima, in quanto verferis periculo, quod semper tibi impendet à Diabolo tuo adversario: hostis ille est audacia promptissimus, viribus robustissimus, artibus callidissimus, machinis omnibus refertissimus, pugnandi studio infatigabilis, in omnes formas variabilis. & In varia crimina ipse illicit, & postquam illexit, coram tribunali DEI nos accusat, DEum apud homines, homines apud Deum, & homines inter se invicem accusat.

(a) *Lact. l. 2. c. 8. Chrys. hom. 2. in 2. Cor. Camer. part. 2. medit. Hist. cap.*

nus cujusque propensionem exacte prius perspicit, & postea laqueos temptationum opponit: quemadmodum in oppugnationibus non ad firmas & munitas partes accedunt oppugnatores, sed ubi æstimant muros esse fluxos, fossas planiores, & turre incustoditas; sic perpetuo animam hominis oppugnans Diabolus id primum adoritur, quicquid senserit molle & affectum in animo. Semel victus non penitus cedit, sed ad tentandum fortius insurgit, ut vincat eos tædio & negligentia, quos vincere non potuit temptationum violentia. A quo dolos suos iste contineat, *a* qui ipsum majestatis Dominum ausus est calliditatis suæ fraude aggredi? à quo Christiano is abstineat, qui *c* ipsos Christi Apostolos expetiit cribrare sicut triticum? *c* decipit Adamum in Natura instituta, quos non poterit decipere in natura

L. 3. re-

(*a*) *Matth.* 4, 3. (*b*) *Luc.* 2, 31. (*c*)
Gen. 3, 2. 3. 4. 5.

restituta ? decepit Judam in schola Salvatoris, quos non poterit decipere in mundo, schola erroris : in omnibus omnino diabolicæ metuentæ sunt insidiæ. In prosperis invitat nos ad animi elationem ; in adversis invitat ad desperationem. Si parsimonia aliquem videt delectari, eum inexplibilis cupiditatis compedibus gaudet illigari ; si quem heroicus spiritus animat, eum iratum stimulis inflamat ; si quem videt paulo lætiores, eum ad insanæ libidinis incitat fervorem ; quos videt ferventes in religione, eos implicare conatur vana superstitione ; quos videt constitutos in dignitatibus, eos ambitionis percellit facibus ; cum impellit ad peccata, amplificat Dei misericordiam ; cum in peccata præcipit, amplificat Dei Justitiam ; prius perducere vult ad præsumptionem, postea ducere conatur ad desperationem. Interdum oppugnat externe persecutionibus ; interdum

oppugnat interne ignitis tentationibus ; interdum nos oppugnat a parte & violenter, interdum occulte & fraudulentè : *a* In commestione posuit gulam, in generatione luxuriam, in exercitatione ignaviam, in conversatione invidiam, in gubernatione avaritiam, in correctione iram, in dignitate superbiam, in corde posuit cogitationes malas, in ore posuit locutiones falsas, in membris operationes iniquas, in vigilando movet ad prava opera, in dormiendo ad somnia turpia. Sic ergo ubique & in omnibus Diaboli cavendæ sunt insidiæ. Dormimus nos, & ipse vigilat: securi nos sumus, & ille *b* tanquam leo circumit: Si leonem irritatum in te impetum facere conspiceres, quam vero timore cohorresceres, & cum infernalem leonem tibi insidiari audias, in utramque aurem adhuc secure dormitas ? Considera ergo, fidelis ani-

L 4

ma,

(a) Bernh. ser. 3. de. sept. pan. Aug.
quod serm (b) 1. Pet. 5. 8.

ma, potentissimi hujus hostis insidias, & spiritualium armorum quære suppetias. Sint *a* lumbi cincti veritate, & induti lorica justitiæ: Indue perfectam justitiam Christi, & tutus eris à tentationibus Diaboli: *b* absconde te in foramina vulnerum Christi, quoties terreris jaculis serpentis hujus maligni: Vere credens est in Christo: ut ergo *c* nihil juris habet Satanas in Christum: ita etiam nil juris habet in vere credentem. *d* Calceati sint pedes in præparatione Evangelii pacis: audiatur perpetuo & sonet in oro nostro CHRISTI confessio, sic non lædet nos ulla Diaboli tentatio: verba incantatoris non tam pellunt serpentem corporalem, quam eloquia constantis confessionis fugant hunc serpentem spirituales. *e* Assumatur scutum fidei, ut tela ignita extinguamus hostis nequissimi. Fides est, quæ etiam
a mon-

(*a*) Eph. 6, 14. (*b*) Cant. 2, 14. (*c*) Joh. 14, 30. (*d*) Eph. 6, 15. (*e*) Eph. 6, 16.

a montes transfert, montes intellige dubitationum, persecutionum & tentationum. Non *b* percutiebantur à vastatore Israelitæ, quorum postes signati sanguine paschalis agni, non lædentur ab hoc vastatore, quorum corda per fidem Christi sanguine aspersa. Fides recumbit in DEI promissiones : at promissiones DEI evertere non potest Satanas : ergo etiam contra fidem prævalere non poterit. Fides est animæ lumen, tentationes ergo maligni Spiritus in hoc lumine facile apparent. Per fidem peccata nostra *c* projiciuntur in profundum misericordiæ divinæ mare, in illo ignita Diaboli tela facile extinguuntur. *d* Galeam etiam salutis, id est, sanctam spem assumere debemus : tolera tentationem, tentationis respiciens exitum, est enim

L^s Deus

(*a*) *Matth.* 17, 20. (*b*) *Exod.* 12, 13.
(*c*) *Mich.* 7, 19. (*d*) *Eph.* 6, 17. *Gregor.*
Nyss. lib. de beatit. *Saban.* in exeg. orat.
dom. Nazian. in *Apol.*

Deus moderator certantium, & corona vincientium: si nullus hostis, nulla pugna: si nulla pugna, nulla victoria: si nulla est victoria, nulla corona: melior illa pugna, quæ Deo proximum facit, quam illa pax, quæ à Deo alienat: Assumendus etiam *a* gladius Spiritus, quod est verbum Dei: plus apud te valere sinas Scripturæ consolationes, quam Diaboli contradictiones. *b* Christus omnes Satanæ tentationes verbo vicit; verbo adhuc omnes Satanæ tentationes vincunt Christiani. Denique in precibus maximum habes contra tentationes subsidium: quoties navicula animæ fluctibus tentationum obruitur, *c* Christum precibus excita: hostes visibiles vincimus feriendo, *d* hostem invisibilem vincimus preces fundendo. Pugna, o Christe, pro nobis in nobis, ut etiam in te vincamus!

(*a*) Eph. 6, 17. (*b*) Matth. 4, 4. (*c*) Matth. 8, 25. (*d*) Aug.

XXIIIX.

GENERALES PIE VIVENDI
REGULÆ.

PIETAS SAPIENTIA SUMMA
EST.

Quolibet die morti, Judicio & æternitati magis appropinquas, cogita ergo quolibet die, quomodo in mortis & Judicii severa discussione consistas, & quomodo in æternum vivas. Omnium cogitationum, verborum & actionum accurata cura habenda, quia & de omnibus cogitationibus, verbis & actionibus olim accurata ratio reddenda. Mortem hac nocte instare cogita tempore vespertino; mortem hac die instare cogita tempore matutino. Conversionem & bonam operationem ne differas in crastinum: quia incerta est dies crastina, sed mors impendens semper est certa: nihil magis adversum pietati quam dilatio; si contemnis

L 6

in

(a) Eccles 2, 9.

internam Spiritus sancti vocationem, nunquam pervenies ad veram conversionem. *a* Conversionem & bonam operationem ne differ in senectutem, sed offer DEO ipsam floridam juventutem: incerta est juveni senectus; certus paratus est juveni impoenitenti interitus: nulla ætas servitio Dei magis apta, quam viribus corporis & animi vicens juvenia: in nullius hominis gratiam suscipere debes actionem malam; non enim homo iste, sed DEUS tuam aliquando judicabit vitam: Nullam ergo hominum gratiam divinæ statuas gratiæ præferendam. In via Domini aut proficimus, aut deficiamus: singulis ergo diebus vitam tuam examina, an pietatis studio proficias aut deficias. Stare in via Domini est retrogredi, non ergo te delectet in cursu pietatis stare, studeas autem semper in via Domini ambulare; *b* In con-

(a) *Sir.* 18, 22. (b) *Bernb. de conscient.* col. 1748.



Inmensum capiam sic est, hunc meritis bene
 Sol cum splendebit, Sol mihi iustitia
 Ach was wir d'sein Fremd u Bone
 Wenn wir d'scheine stets die Sonne
 in der Frommen Seeligkeit.
 darn da werden wir genesen
 und anschauen Gott in Wesen
 ohne Ruh in Ewigkeit.

conversatione tua omnibus sis suavis, nemini gravis, paucis familiaris, DEO vivas pie, tibi caste, proximo juste: amico utaris ad gratiam, inimico ad patientiam, omnibus ad benevolentiam, quibus potes, ad beneficentiam: in vita tibi tuisque vitiis quotidie morere, sic in morte DEO poteris vivere. *a*

Appareat misericordia in affectu, benignitas in vultu, humilitas in habitu, modestia in cohabitatione, patientia in tribulatione. Semper cogites tria *præterita*: malum commissum, bonum omissum, tempus amissum. Semper cogites tria *præsentia*, vitæ præsentis brevitatem, salvandi difficultatem, salvandorum paucitatem. Semper cogites tria *futura*: mortem, qua nihil horribilius; iudicium, quo nihil terribilius; pœnam inferni, qua nihil intolerabilius. Preces vespertinæ præterlapsæ diei emendent peccata: ultimus septimanæ dies præceden-

(a) Hugo de clauastro anima lib. 3.

dentium dierum emendet delicta. Vesperis cogita, quam multi ad infernum eo die præcipitati, & DEO gratias age, quod tempus tibi concesserit poenitendi. *a* Tria sunt supra te, quorum cogitatio nunquam recedat à memoria tua. Oculus omnia videns, auris omnia audiens, & libri, in quos omnia scribuntur. Totum se DEus tibi communicavit, totum te communices etiam proximo tuo: optima vita est, quæ tota aliis inservit: exhibe superiori obedientiam & reverentiam, æquali consilium & auxilium, inferiori custodiam & disciplinam. *b* Corpus tamen subjiciatur animo, & animus DEO. Mala tua præterita defleas, præsentia bona parvipendas, futura bona toto cordis desiderio concupiscas. Memento

(*a*) *Veteres Hebræi.* (*b*) *Bernh. ser. 3. de Advent. Idem de inter. domo c. 1. Petrar. de remed. utriusq. fort. l. 1. Dial. 8. Bernh. de convers. ad cleric. c. 30.*

to peccati tui, ut doleas : memento mortis, ut desinas : memento justitiæ divinæ, ut timeas : memento misericordiæ divinæ, ne desperes. Quantum potes, à mundo te abstrahere, & servitio Domini te totum devove : semper cogita periclitari castitatem in delitiis, humilitatem in divitiis, pietatem in negotiis : Nulli placere appetas, nisi Christo ; nulli displicere timeas, nisi Christo. Semper ora Deum, ut jubeat, quod velit, & det, quod jubeat : quod factum est, regat, quod futurum, regat : qualis videri vis, talis etiam esse debes : non enim judicat Deus secundum speciem, sed secundum veritatem. In verbis cave multiloquium, quia a de omni verbo vano rationem exigit judicium. Opera tua qualiacunque sint, non transeunt, sed velut æternitatis quædam semina jaciuntur ; si seminas in carnem, à carne metes corruptionem ; si seminas in spiritum, à spiritu metes æternæ retributionis.

(a) *Matth.* 12, 36. (b) *Gal.* 6. 8.

tionis præmium. Non sequentur te post mortem honores mundi, nec sequentur te divitiarum cumuli; non sequentur te voluptates, nec sequentur te mundi vanitates, sed *a* post ultima vitæ fata sequentur te omnia tua opera. Qualis ergo vis esse in iudicio, talis hodie appareas in DEI conspectu; non æstimes quæ tibi adsunt, sed potius æstimes ea, quæ tibi desunt; non superbias propter id, quod est datum, sed humilieris potius propter id, quod est negatum; *b* disce vivere, dum adhuc licet vivere; in hoc tempore æterna vita acquiritur aut amittitur, post mortem non restat tempus operandi, sed incipit tempus compensandi: in futura vita non expectatur operatio, sed operum retributio. *c* Sancta meditatio pariat in te scientiam, scientia compunctionem, compunctio devotionem, devotio faciat orationem: *d*

Ma-

(*a*) *Apoc.* 14, 13. (*b*) *Cypr. tract.* 8. *cont. Dem.* (*c*) *Theol. myst. cap.* 34. (*d*) *Kemp. hort. ros. c.* 6.

Magnum bonum pro pace cordis silentium est oris: quanto magis fueris à mundo separatus, tanto magis DEO eris gratus; quicquid habere desideras, à Deo pete; quicquid habes, DEO tribue: non est dignus dandis, qui non agit gratias pro datis; cessat gratiarū decursus, ubi non fuerit recursus. *a* Quicquid tibi accidit, in bonum converte; quoties tibi obveniunt prospera, æstima, quod exhibeatur benedicendi & laudandi materia: quoties obveniunt adversa, æstima, quod poenitentiae & conversionis sint monitoria. *b* Vim potentiae tuæ ostende in juvando, vim sapientiae tuæ in erudiendo, vim divitiarum in benefaciendo. Non frangat te adversitas, neque extollat te prosperitas: sit scopus vitae tuæ Christus, quem sequaris in via, ut eum assequaris in patria. In omnibus maximæ tibi curæ sit profunda humilitas, & ardens

(*a*) *Bernb. in cap. jejun. ser. 2.* (*b*)
Ludob. Vis. in satel. anim.

dens charitas: eleuet cor tuum charitas ad DEum, ut ei adhæreas; deprimat cor tuum humilitas, ne superbias. *a* Æstima DEUM, patrem clementia, Dominum disciplina: patrem potestate blanda, Dominum severa: dilige ut patrem pie, time ut Dominum necessarie, dilige eum, quia vult misericordiam: time eum, quia non vult peccatum: Time Dominum, & *b* spera in eum, agnosce tuam miseriam, & ipsius prædica gratiam. O DEUS, *c* qui dedisti velle, da etiam perficere!

(*a*) *Tertull. lib. 2. ad Marcion.* (*b*) *Pf. 37. 5.* (*c*) *Phil. 2, 13.*

XXIX.

DE SECURITATE EXECUTIENDA.

SECURE VIVERE MORS EST.

COgita, devota anima, salvandam difficultatem, & facile excuties omnem

omnem securitatem. *a* Nunquam & nullibi securitas est, neque in cœlo, neque in Paradiso, multo minus in mundo. Cecidit Angelus sub præsentia divinitatis, cecidit Adam in loco voluptatis, Adamus creatus erat *b* ad imaginem DEI, nihilominus insidiis deceptus est Diaboli. *c* Salomon omnium hominū erat sapientissimus, nihilominus à Domino *d* per mulieres est aversus. *e* Judas erat in schola Salvatoris, & quotidie percipiebat salutaria verba istius summi Doctoris, nec tamen tutus fuit à laqueis seductoris, præcipitatus est in barathrum avaritiæ, & ex avaritia in barathrum æternæ tristitiæ. David *f* vir erat secundum cor Dei, & erat Jehovah charissimus filius, sed per homicidium & adulteriū factus *g* erat mortis filius. Ubi ergo
in

(*a*) Bernb. de ser. Dom. in monte (*b*) Gen. 1, 27. (*c*) 1. Reg. 3, 12 (*d*) 1. Reg. 11, 3. (*e*) Luc. 22, 6. (*f*) 1. Sam. 13, 14. (*g*) 2. Sam. 12, 5.

in hac vita securitas? adhære firma cordis fiducia DEI promissionibus, & tutus eris à Dæmonis impugnationibus; nulla in hac vita securitas, nisi quam credentibus & in via Domini ambulantes promissionum præstat infallibilitas; si ad futuram pervenerimus felicitatem, tunc demum plenam habebimus securitatem: *a* in hac vita connexa sunt timor & religio, nec alterum debet esse sine altero: ne sis securus in adversis, *b* sed quæcunque accidunt adversa, peccatorum tuorum cogita flagella: sæpius occulta delicta punit DEUS per flagella manifesta: cogita gravem peccatorum tuorum labem, & time justum peccatorum vindicem: ne sis securus in prosperis, illi enim DEUS irascitur, qui in hac vita non corripitur: *c* quid sunt afflictiones piorum? amaræ sagittæ ex dulci DEI manu emissæ; multos DEUS indi-
gnos

(a) Bernb. (b) Gers. l. 4. de consol. Theos. prof. 5. (c) Nazianz.

gnos præfenti punitione æftimat, quos tamenū ætern reprobât; fuccellus felicitatis humanæ fæpius indicium eft damnationis æternæ: nihil infelicius peccantium felicitate, nihil miferabilius eo, qui miferiam ignorat. Quocunque vertis oculos, materiam doloris invenis, & contra fecuritatem remedia afpicias: *a* furfum Deum cogita, quem offendimus: deorfum infernum, quem meruimus; retrorfum peccata, quæ commifimus; antrorfum iudicium, quod timemus: introrfum, confcientiam, quam fœdavimus: extrorfum mundum, quem amavimus. Vide unde venis, & erubefce: *b* ubi es, & ingemifce: quo iturus es, & contremifce: *c* Arcta eft falutis porta, fed adhuc arctior falutis via. Thefaurum fidei dedit tibi DEus, fed *d* thefaurum iftum portas in vafis fictilibus. *e* Angelos tibi dedit DEus ad cuftodiendum, fed
non

(*a*) *Aug.* (*b*) *Bernh.* (*c*) *Matth.* 7, 14.

(*d*) *1. Cor.* 4, 7. (*e*) *Pf.* 91, 11.

non longe abest Diabolus ad seducendum; *a* renovavit te Spiritu mentis tuæ, sed habes adhuc multum de carnis vestitate: constitutus es in Dei gratia, nondum constitutus es in æterna gloria. Parata est in cœlo mansio, sed tamen affligit prius mundi impugnatio. *b* Promisit Deus veniam pœnitenti, sed voluntatem pœnitendi dare non promisit delinquenti: expectant te æternæ vitæ consolationes, sed *c* tamen per multas te oportet ingredi tribulationes: promissa est æterni præmii corona, sed gravis prius superanda restas pugna: *d* non mutat Deus suum promissum, sed nec tu mutare debes sanctæ vitæ studium: non faciente servo quod præcipitur, faciet Dominus quod minatur. Ingemiscendum ergo jugiter, & postposita securitate lugendum,

ne

(*a*) Eph. 4, 23. (*b*) Ansh. de similit. c. 115. (*c*) Act. 14, 22. (*d*) Cypr. ser. de eleem. Isid. l. 2. de summ. beno. c. 3. Bern. ser. 21. in Cant.

ne iusto & secreto Dei iudicio homo deferatur, & perdendus in potestate Dæmonum relinquatur : Sic quamdiu adest divina gratia, delectare in ea, ut tamen non existimes te donum DEI jure hæreditario possidere, ita scilicet securus de eo, tanquam nunquam perdere possis, ne subito, cum forte DEUS subtraxerit donum, & relaxerit manū, tu animo concidas, & tristior, quam oportet, fias : *a* beatus omnino, si omni satagas cura, malorum omnium parentem, cavere incuriam. Non te deseret DEUS : sed cave ne à te deferatur DEUS : dedit DEUS gratiam, ora, ut det etiam perseverantiam : jubet DEUS, ut sis de salute certus, non autem jussit, ut sis securus. *b* Pugnandum tibi est fortiter, ut tandem triumphes suaviter : Caro tua intra te contra te pugnat, hostis, quo propinquior, eo formidabilior : mundus circa te contra te pugnat, hostis quo copiosior, eo formidabilior ;

(*a*) *Idem l. 3. de confid.* (*b*) *2. Tim. 4. 7.*

lior; Diabolus supra te contra te pugnat, hostis quo potentior, eo formidabilior; in virtute DEI ne timeas cum his hostibus congredi, in virtute Dei victoriam poteris consequi. Non autem vinces tantos hostes securitate, sed pugnandi assiduitate, tempus vitæ, tempus pugnæ; *a* tunc maxime impugnaris, cum te impugnari nescis; tunc potissimum colligunt vires suas, cum quasdam videntur concedere inducias. Vigilant illi, & tu dormis? parant se illi ad nocendum, & tu non paraste ad resistendum? multi deficiunt in via, antequam locus illis detur in Patria: Quam multi *b* Israelitæ in deserto moriebantur, quorum nullus promissam terram consequebatur? quam multi spirituales Abrahæ filii in vitæ hujus deserto pereunt, antequam promissam coelestis regni hæreditatem adeunt? nihil efficacius ad excutiendam securitatem, quam

(*a*) Hieron. (*b*) Deut. 1, 15.

quam si cogitemus perseverantium raritatem. *a* Tantum ergo cœlestis gloriæ in nobis sit desiderium, & eo perveniendi amor, tantus sit dolor, quod nondum pervenerimus, tantus sit timor, ne perveniamus, ut nullam sentiamus lætitiā, nisi de his, quæ aut auxilium aut perveniendī spem præstent. Quid juvat in momento gaudere, si in æternum cogaris lugere? Quæ possit esse in hac vita lætitia, si transit, quod delectat; non autem transit, quod cruciat: Securi vivimus, quasi horam mortis & judicii transierimus: Dicit Christus; *b* quod ad judicium venturus sit, qua hora non putamus: dicit hoc veritas, & altera vice repetit, audi & time: Si venturus est Dominus in ea hora, qua non putamus, metuendum valde, ne imparati ad judicium accedamus: Si accedimus imparati, quomodo sustinere poterimus severam

(a) *Ansb. L. 1. cur Deus homo cap. 20.* (a) *Matth. 24, 44.*

ram discussionem hujus judicii? nihilominus quod in uno hoc amittitur momento, non poterit reparari in omni seculo, in unius momenti judicabitur brevitatem, quales futuri simus in omni æternitate : in unico hoc momento Vita & Mors, Damnatio & Salus, Poena & Gloria æterna cuilibet adjudicabitur. O Domine, qui dedisti ad bonum gratiam, da insuper in bono perseverantiam!

XXX.

DE SANCTA VITÆ CHRISTI IMITATIONE.

SIT VITÆ REGULA CHRISTUS.

SANCTA Christi vita est perfectissima virtutum idea, *a* omnis Christi actio est etiam nostra institutio. *b* Multi volunt Christum consequi, sed detrectant sequi : Volunt Christo frui, sed non & imitari: *c* *Discite à me, quia mitis sum & humilis corde,*

(*a*) Gregor. (*b*) Bernh. ser. 21. in cant.

(*c*) Matth. II, 29.

de, dicit Salvator: nisi Christi velis esse discipulus, nunquam eris verus Christianus. Non solum Christi passio sit tuum meritum, sed & Christi actio sit vitæ tuæ exemplum. Dilectus a tuus candidus, & rubicundus; sis & ipse rubicundus sanguinis Christi aspersione, & candidus vitæ Christi imitatione. Quomodo vero Christum amas, si ipse sanctam vitam non amas? Si diligis me, b dicit Salvator, *praecepta mea servate*. Qui ergo mandata ejus non servat, eum etiam non diligit. Sancta Christi vita est perfecta vitæ nostræ regula. Omnibus regulis Francisci aut Benedicti præferenda est unica regula vitæ Christi. Si vis esse adoptivus DEi Filius, vide, quomodo conversetur Filius ille unigenitus. Si vis esse cohæres Christi, debes etiam esse imitator Christi. Qui vivere vult cum vitiis, ille Diaboli se dedit obsequiis; qui vero vult esse

M

2

cum

(a) Cant. 5. 10. (b) Job. 14. 23.

cum Diabolo, quomodo poterit esse cum Christo? Vitia amare, est Diabolum amare, quia *a* omnia peccata sunt à Diabolo, quomodo ergo poterit esse verus amator Christi, qui est amator Diaboli? Deum amare, est sanctam vitam amare, quia à Deo omnis sancta vita, quomodo ergo poterit esse amator Dei, qui non est amator sanctæ vitæ? *b* Probatio dilectionis est exhibitio operis; veri amoris proprium est, amato obsequi, idem cum amato velle, eadem cum amato sentire. Si ergo vere Christum amas, mandatis ejus obsequentem te præstabis, sanctam vitam cum ipso amabis, & spiritu mentis tuæ *c* renovatus cœlestia cogitabis. Vita *d* æterna est in cognitione Christi: qui vero Christum non amat, eum etiam non cognoscit: qui humilitatem, castitatem, mansuetudinem, temperantiam, charitatem non amat, etiam

Chri-

(*a*) 1. Joh. 3, 8. (*b*) Gregor. (*c*) Eph. 4. 23. (*d*) Joh. 17, 3.

Christum non amat, quia Christi vita nihil aliud erat, quam humilitas, castitas, mansuetudo, temperantia, charitas. Christus *a* dicit, *se non nosse eos, qui voluntatem Patris non adimplent*; Ergo etiam Christum non norunt, qui voluntatem Patris cœlestis non faciunt. Quæ vero est voluntas Patris? *Sanctificatio nostra*, dicit Apostolus. *b* Non *c* est Christi, qui Spiritum Christi non habet: ubi vero Spiritus sanctus, ibi etiam cum donis & fructibus suis adest: qui vero fructus Spiritus? *d* charitas, gaudiū, pax, lenitas, benignitas, bonitas, fides, mansuetudo, temperantia. Sicut *e* super Christum quiescebat sanctus Spiritus: ita etiam quiescit super omnes illos, qui in Christo sunt per veram fidem, quia Sponsa Christi currit *f* in odore unguentorum Christi. Qui

M 3 *a* Do-

(*a*) *Matth.* 7, 21. 23. (*b*) *1. Thess.* 4, 3. (*c*) *Rom.* 8, 9. (*d*) *Gal.* 8, 22. (*e*) *Esa.* 11, 12. (*f*) *Cant.* 1, 3.

a Domino adhæret, est unus Spiritus cum eo. Sicut *b* carnalis copula viri & uxoris facit ex eis carnem unam; ita spiritualis conjunctio Christi & fidelis animæ facit ex eis Spiritum unum. Ubi vero Spiritus unus, ibi eadē voluntas: ubi voluntas eadem, ibi etiam actiones eadem. Qui ergo vitam suam Christi vitæ non conformat, nec Domino adhærere, nec Spiritum Christi habere convincitur. *c* An non æquum est, ut omnis vita nostra illi conformis reddatur, qui ex amore se totum nobis conformavit? *d* Deus in carne se manifestans exemplar sanctæ vitæ nobis proposuit, ne quis sanctam vitam detrectans ad carnis confugeret excusationem. Nulla vita jucundior aut tranquillior quam Christi vita; quia Christus verus Deus; quid vero Deo tanquam summo bono jucun-

cun-

(*a*) 2. Cor. 6, 17. (*b*) *matth.* 19, 6.
 (*c*) *Granat. de Vita Christi. cap. 1.* (*d*)
1. Tim. 3, 16.

cundius aut tranquillius? seculi vita brevem affert lætitiā, sed æternam secum trahit tristitiā. Cui invita te conformas, ei etiam in resurrectione conformaberis: si Christi vitæ te hic conformare incipis, illi in resurrectione etiam plenius conformaberis; si Diabolo te conformas per flagitia, in resurrectione ei conformaberis per tormenta. *Qui (a) me sequi vult, abneget seipsum, dicit salvator, Et tollat crucem suam quotidie.* Si in hac vita abnegas te ipsum, Christus in iudicio agnoscet te pro suo. Si propter Christum proprio honori, proprio amori, propriæ voluntati in hac vita renunci-
as, Christus in futura sui honoris, sui amoris, suæ voluntatis compotem te faciet. Si in hac vita particeps es crucis, in futura particeps eris æternæ lucis: si in hac vita particeps es tribulationis, in futura particeps eris consolationis: si in hac vita particeps es persecutionis, in futura par-

M 4. ti.

(a) *Matth. 16, 24.*

ticeps eris largissimæ retributionis. *a* Qui me confitetur in hoc seculo, inquit Christus, confitebor & ego eum coram Patre cœlesti: Jam vero non solum doctrinæ professione, sed etiam vitæ conformatione Christum nos confiteri debemus, ita demum pro suis nos agnoscet in iudicio. Quisquis me negaverit coram hominibus, negabo & ego eum coram Patre cœlesti. Christus non solum verbis, sed etiam, & multo magis impia vita negatur. Qui ergo factis negat Christum in hoc seculo, eum etiam factis negabit in iudicio. Christianus non est, qui veram Christi fidem non habet, vera autem fides Christo, *b* spirituali viti, nos inserit tanquam palmites: omnem palmitem in Christo non ferentem fructum cœlestis agricola tollit: qui vero in Christo manet, *c* in quo Christus per fidem habitat, hic fert fructum multum.

(*a*) *Matth.* 10, 32. (*b*) *Joh.* 15, 4.
(*c*) *Eph.* 3, 17.

rum. Non est palmæ in vite, qui non trahit succum ex vite: non est anima in Christo per fidem, quæ non spiritualem charitatis succum ex Christo trahit per fidem. Conformamur nos vitæ tuæ, bone Jesu, in hoc seculo, ut plene ei conformemur in futuro.

XXXI.

DE SUI ABNEGATIONE.

ILLE NEGAT CHRISTUM, QUI SE NON ABNEGAT IPSUM.

Qui (a) *me sequi vult, seipsum abneget*, dicit Salvator: Seipsum abnegare, est proprio suo amor renunciare; amor proprius amorem Dei prohibet: Si vis esse Christi discipulus, necesse est, ut radix amoris proprii moriatur in te penitus: nemo Christum diligit, nisi qui seipsum odit. *b* Nisi granum frumenti, lapsum in terram, fuerit mortuum, fructum non affert: ita quoque fructus Spiritus sancti percipere non poteris,

(a) *Marc. 16, 24.* (b) *Joh. 12, 24.*
1. Cor. 15, 36.

ris, nisi in corde tuo moriatur amor proprius. Dicebat Dominus ad Abraham: *a* Egredere è terra tua & è cognatione tua, & è domo patris tui ad terram, quam ostendam tibi: Non poterat Abraham tantus fieri Prophetà, nisi prius egrederetur ex sua patria: non eris prius verus Christi discipulus, & verè spiritualis homo, antequam ab amore discedas proprio. *b* Jacob ex contactu Angelì uno pede claudicabat, altero sano & integro: *c* per duos hos pedes duplex amor intelligitur, proprius & divinus: tunc homo particeps erit divinæ benedictionis, cum pede amoris proprii claudicabit, altero illo amoris Dei manente sano & integro: *d* fieri nequit, ut una eodemque oculo cœlum intuearis & terram, ita fieri nequit, ut una eademque voluntate seipsum inordinate quis amet ac Deum:

(*a*) Gen. 12, 1. (*b*) Gen. 32, 25. (*c*) Granat. de amore Dei. (*d*) Joh. Climacus.

Deum : Amor est summum animæ nostræ bonum, tribuendum ergo hoc summum animæ bonum summo bono, scilicet Deo. Amor tuus, Deus tuus, id est, quicquid summe amas, id in Dei locum collocas : quicquid summe amas, summum esse judicas ; Deus autem vere est summum Ens : qui ergo seipsum amat, seipsum Deum judicat, & in locum Dei collocat, quæ est omnino maxima idololatria. Quod summe amas, hoc rerum omnium finem æstimas, & desideriorum tuorum ultimum complementum judicas : *a* solus autem Deus est principium & finis creaturarum, ipse est primus & novissimus, ipse solus implet desiderium cordis nostri, & nihil quicquam creatum tua potest satiare desideria : amorem ergo Dei præferre debes amoris proprio. Deus *b* est principium & finis : in illo ergo debet amor noster incipere, in illo etiam debet desinere. DEI
es.

(*a*) *Esa.* 44, 6 . (*b*) *Apoc.* 1, 8.

essentia est extra omnes creaturas, sicut ab æterno fuit Deus in se ipso: ab omnibus ergo creaturis amorem tuum abstrahas. Qualis amor tuus, talia etiam opera tua: si opera tua procedunt ex vera fide & Dei amore, Deo sunt grata, & coram oculis ejus magna, licet coram omnium hominum oculis sint parva: si procedunt ex amore proprio, nunquam poterunt placere Deo: amor proprius præstantissima quæque opera contaminat. *a* Cum esset Christus in domo Simeonis, *b* mulier quædam unguenti pretiosi vas confringit, & caput Christi inungit: apparet opus parvum, nihilominus Christo erat gratum, quia procedebat ex fide vera, charitate pura, contritione seria: Sacrificium erat opus Deo gratum in V. T. interim tamen Deo non placebat, quod Saul *c* prædani Amalecitarum ad offerenda DEO sacrificia segre-

(a) *Joh. Arnd. de vero Christian.* (b) *Matth. 16, 6.* (c) *1. Sam. 15, 19.*

gregabat: quare? quia hoc non procedebat ex amore Dei: si enim vere Deum dilexisset, mandatum DEI de omnibus prædis exurendis non contempsisset, seipsum diligebat, & suam devotionem. Amor est quidam ignis, ita enim orat Ecclesia: *Veni sancte Spiritus & tui amoris ignem accende in fidelibus*: ignis non hæret in terra fixus; sed semper tendit sursum, sic amor tuus non debet in te conquirere, sed sursum ad Dominum se debet elevare.

Seipsum abnegare est insuper honori suo renunciare: summo bono foli debetur summus honor: Deus summum bonum est. Qui a suam quærit gloriam, non potest Dei gloriam quærere, sicut Salvator dicebat ad Phariseos. Quomodo potestis credere, qui gloriam ab invicem accipitis? Christi exemplum intueri & sequere: sæpius de se testatur, quod *b*

N

non

(a) Job. 5, 44. (b) Job. 8, 50.

non quærat suam gloriam, *a* quod non accipiat honorem ab hominibus, quod sit *b* ex corde humilis. Omnia tua dona à Deo accipis, omnia ergo Deo vicissim tribuas, omnes bonorum rivuli ab hoc fonte bonitatis divinæ procedunt, omnia ergo bona vicissim in hoc mare transferenda: herbæ, quæ solsequia dicuntur, semper convertunt se ad Solem, à quo vitam & succum hauriunt: sic cum omnibus tuis donis & omni tuo honore ad Deum te converte, & nihil quicquam tibi tribue. Si aliquid à teipso habes, honorem tuum quærare, & tibi ipsi tua dona tribuere potes: sed quia nihil habes à teipso, omnia vero à Deo, ideo non tuum, sed Dei honorem quærare debes. Proprius honor avertit hominem à Deo, exemplum est in Nebucadnezar, qui dicebat, *c hæc est illa Babylon, quam ædificavi in domum regni, in robore*

for-

(a) Joh. 5, 41. (b) Matth. 11, 26.

(c) Dan. 4, 27.

fortitudinis mea, & in gloriam decoris mei. Sed quid sequitur? *a* adhuc sermo erat in ore Regis, & vox è cœlo ruit: *Tibi dicunt Nebucadnezar, regnum transibit à te, ab hominibus te eicient, & cum bestiis agri erit habitatio tua:* sic si ex proprio honore, & superbia spiritualeni tuam Babylonem, id est, operum bonorum structuram æstimas, & gloriam eorum tibi tribuis, & non soli DEO, abjicieris à conspectu Dei.

Seipsum denique abnegare est propriæ voluntati renunciare: optimæ voluntati semper parendum, Dei autem voluntas semper est optima: illius voluntati parendum, à quo *b* omnia nostra habemus: à DEO autem omnia ad nos devenerunt: illius voluntati parendum, qui nos semper ad vitam & ad bonum deducit, Dei voluntas semper ducit ad vitam & bonum. Delectare *c* in Domino, &

N 2 ipse

(a) G. 27, (b) 1. Cor. 4, 7. (c) Ps. 37, 4.

ipse dabit tibi petitiones cordis tui. Propria voluntas ad mortem & damnationem nos deducit. *a* Per quid primus noster parens ex Dei gratia & statu salutis in æternam damnationem prolapsus est? Seposita Dei voluntate propriam sequebatur voluntatem, præceptum Domini negligebat, & suasionem Diaboli audiebat. Verus ergo Christi discipulus proprie voluntati renunciat, & divinam voluntatem sequi desiderat. Aspice Christum, *b* is in agone passionis constitutus propriam voluntatem, tanquam gratissimum sacrificium, Deo offert: offeras & tu propriam Deo voluntatem, & sic perficies eam, quam Christus requirit, tui abnegationem. O Domine, *c* tua sancta voluntas fiat, sicut in cœlo, ita & in terra.

(*a*) *Gen.* 3. (*b*) *Matth.* 26, 39. 42.
(*c*) *Matth.* 6, 10.

XXXII.

DE VERA QUIETE
ANIMÆ.

DOMINO MENS NIXA QUIE-
TA EST.

IN transitoriis & mundanis rebus quietem suam anima sæpe quærit, sed non invenit. Quare? quia anima omnibus creaturis dignior, non ergo potest in illis vilioribus quietem & pacem invenire. Omnia munda fugacia sunt & transitoria, anima autem immortalis, quomodo ergo veram quietem in illis inveniret? Omnia illa terrena sunt, anima autem nostra cœlestis est originis, quomodo ergo illis desiderium suum explere posset? In *a* Christo requiem invenit, ille potest satiare & explere desiderium illius. Contra iram Dei quiescit in vulneribus Christi: contra accusationem Satanæ in potentia Christi: Contra terrorem legis in prædicatione Christi: contra pecca-

(a) Matth. II, 29. N 3 ta

ta accusantia in sanguine Christi, qui
a melius coram DEO loquitur, quam
 sanguis Abel: Contra mortis terrorem
 in sessione Christi ad dextram patris
 acquiescit & confidit. Atque ita fides
 nostra quietem invenit in Christo, sed
 & charitas nostra summam quietem i-
 bi invenit. Qui amore rebus terrenis
 inhæret, non habet veram quietem,
 quia ipsæ res terrenæ eam non habent,
 nec possunt plene appetitum animæ sa-
 tiare, quia omnia finita sunt, anima au-
 tem nostra ad imaginem Dei facta, in-
 finitum illud bonū, in quo omnia bo-
 na sunt, appetit. Ut ergo fides nostra
 nulli ex omnibus creaturis inniti de-
 bet, sed soli Christi merito: ita quoque
 amor noster nulli creaturæ adhærere
 debet, imo nec nobis ipsis. Nam pro-
 prius amor itidem amorem Dei impe-
 dit: omnibus debemus amorem Dei
 præferre. Anima nostra *b* sponsa Chri-
 sti est, huic ergo uni adhærere debet:

ani-

(a) Hebr. 12, 24. (b) 2. Cor. 11, 2.



Handwritten text, likely a title or description, in a cursive script. The text is arranged in several lines and is also very faint and difficult to read.



Ô ter sancta fides! ingentem miror
amorem.

Tu, I E S U, firma foedera Con-
jugii!

Dich, Jesu ich kenne, und liebsten Schatz
weil du mich gesiehet, (nenne
Im glauben vertrauet, nun werd ich ey!
Zum Bräutigam geführt. (schauet

anima nostra a DEI habitaculum, huic ergo soli locum dare debet. Multi quærun-
t in *debitis* quietē, sed extra Christum nulla animæ quies: ubi autem Christus, ibi paupertas, si non actu, tamen affectu. Non habebat ille cœli & terræ Dominus, *b* quo caput reclinaret, sicque paupertatem nobis commendare & consecrare voluit. Divitiæ sunt extra nos, at, quod animam quietam reddere debet, illud internum esse oportet: cui vero in morte adhærebit anima, quando omnia in mundo relinquenda? aut nos divitiæ deserunt, aut nosmet illas, sæpius in vita, semper autem in morte: ubi ergo tunc pacem & quietem inveniet anima? Multi in *voluptatibus* quærun-
t quietem, sed corporis hæc aliquamdiu quies & delectatio esse potest, non autem animæ; tandem sequitur comes, dolor & luctus. Voluptates ad hanc vitam spectant, anima autem

N. 4. non

(a) 1. Cor. 3, 16. (b) Matth. 8, 20.

non est creata hujus vitæ gratia, quia per mortem exire compellitur, quomodo ergo in voluptatibus quietem invenire possit? Extra Christum non est animæ quies: qualis autem erat vita Christi? Summus dolor à primo nativitatis tempore usque ad mortem. Sic ille verus rerum æstimator docere nos voluit de voluptate quid nobis sentiendum sit. Multi in *honoribus* quærunt quietem. Miseri vero, qui ad quamlibet popularis auræ mutationem quiete carere coguntur: honor est externus & fugacissimum bonum, quod autem quietem animæ largiri debet, id in nobis esse oportet: quid de humana laude & gloria plus referes, quam Apellis pictura laudata? *a* considera angulum, in quo latitas, quantæ ejus proportio ad totam provinciam! ad Europam! ad totum orbem habitabilem! ille demum verus honor,

(a) *Lud. Wis. introd. ad sap. th.*
502.

nor, qui à Deo electis olim obtinget. Quies rei est in ipsius fine, nec quiescit res naturaliter, nisi postquam finem & locum suum adepta est, finis creatæ animæ Deus est, facta siquidem est ad Dei imaginem. Ergo non potest esse quieta & pacata, nisi in illo suo fine, scilicet in Deo. *a* Ut corporis vita anima, ita animæ vita Deus: sicut ergo vere vivit anima, in qua spirituali gratia DEUS habitat, ita mortua est anima, quæ Deum inhabitantem non habet, quæ vero potest esse quies mortuæ animæ? prima ista mors in peccatis necessario secum trahit *b* secundam mortem damnationis. Qui proinde amore suo firmiter adhæret Deo, & interius Divina consolatione fruitur, illius quietem exteriora mala perturbare non possunt: in rebus tristibus lætus est, in paupertate dives, in tribulationibus seculi securus, in turbis munda-

N 5 nis

(*a*) *August. passim.* (*b*) *Apoc. 20, 6.*

nis tranquillus, in conviciis & hominum contumeliis pacatus, in ipsa morte vivus. Non curat Tyrannorum minas, quia interior sentit divinæ consolationis divitias. In adversis non tristatur, quia sanctus Spiritus efficaciter eum interior consolatur. Non angitur in paupertate, quia dives est in Dei bonitate. Non turbatur hominum contumeliis, quia divini honoris fruitur delitiis. Non curat carnis voluptatem; quia magis gratam habet Spiritus suavitatem. Non quærit amicitias mundanas, quia Dei sibi propitii ac amici sentit delitias. Non inhiat thesauris terrenis, quia summum thesaurum habet reconditum in coelis. Mortem non metuit, quia in Deo semper vivit. Non desiderat magnopere sapientiam mundanam, *a* quia habet interior docentem sanctum Spiritum: *b* perfectum tollit imperfectius. Non timet fulgura & tempestates, incendia

(*a*) 1. *Joh.* 2, 20. (*b*) 1. *Cor.* 13, 10.

dia & aquarum vastitates, tristes planetarum configurationes, & luminarium cœlestium obscurationes, quia supra Naturam euectus in Christo fide recumbit, in Christo vivit. Non abstrahitur blanditiis seculi, quia audit in se suaviorem vocem Christi. Non timet Diaboli potentiam, quia divinam sentit indulgentiam; fortior est, qui in ipso vivit & vincit, quam Diabolus, qui vincere eum frustra sagittat. Non sequitur carnis illecebras, quia in Spiritu vivens Spiritus sentit divitias; mortificat & a crucifigit carnem Spiritus vivificatio. Non metuit Diabolum accusatorem, quia Christum novit esse *b* suum intercessorem. Hanc veram quietem animæ nostræ velit concedere autor & dator illius unicus, Dominus noster, Deus in secula benedictus.

(a) *Gal. 5, 24.* (b) *1. Joh. 2, 2.*

XXXIII.

DE CONSCIENTIÆ PURI-
TATE.MENS RECTI CONSCIA VITA
EST.

IN omni tuo opere maximam curam habe conscientia: Si instigat te Diabolus ad quoddam peccatum, internum conscientia reverere iudicium. Si times in aliorum hominum peccare praesentia, multo magis à peccato revocet te propria conscientia: internum testimonium efficacius est quam externum: quamvis ergo peccata tua fugiant omnium hominum accusationem, nunquam tamen effugere poteris internam conscientia testificationem. Conscientia erit inter libros illos, quos Apocalypsis *a* testatur in iudicio olim aperiendos: *primus* liber est divinae omniscientia, in quo manifeste relucebunt omnium omnino hominum facta, verba, cogitata: *secundus b*

li-

(a) Apoc. 20, 12. &c. 5. (b) Apoc. 13, 8.

liber est Christus, qui est vitæ liber; in hoc qui scriptus invenitur per veram fidem, is ab Angelis deducetur in curiam cœlestem: *tertius* liber est Scriptura, juxta cujus præscriptum judicabuntur fides & nostra opera: sermo, quem locutus sum, dicit Salvator, *a* judicabit eos in die novissimo: *quartus* liber continet externa testimonia pauperum, qui *b* in die judicii recipient nos in æternum tabernaculum: *quintus* liber continet internum testimonium conscientiae, *c* quia conscientia est codex, in quo omnia scribuntur peccata: Grande volumen conscientia, cui omnia stylo veritatis inscripta; non poterunt damnati negare peccata sua in judicio, quia propriae conscientiae convincentur testimonio: non poterunt fugere à peccatorum accusatione, quia tribunal conscientiae inter-

(a) *Joh.* 12, 48. (b) *Luc.* 16, 9. (c)
Bernh. de conf. ad Cler. Cap. 3.

ternum est & domesticum. *a* Conscientia pura est speculum animæ clarissimum, in quo se intuetur & Deum: veri luminis splendorem sordens acies videre nequit. Hinc dicit Salvator: *b* beati mundi corde, quia Deum videbunt. *c* Sicut pulchra & munda facies hominis aspectui grata: ita pura & munda conscientia coram oculis Dei accepta, sed putrefacta conscientia vermes progignit immortales. *d* In præsentī igitur conscientia vermis sentiendus & suffocandus est, non autem in immortalitatem fovendus: ad hunc librum emendandum omnes alii inventi sunt: quid prodest magna scientia, si adsit immunda conscientia; non ex scientia, sed conscientia libro judicaberis aliquando coram Dei throno: si hunc librum recte vis

(*a*) Nazianz. Leo Rom. (*b*) Matth. 5, 8. (*c*) Camer. part. 1. med. Hist. 1. Chrysost. (*d*) Bernh. de conf. c. 6. Id. de inter domo. c. 28,

vis scribere, scribe eum secundum exemplar libri vitæ: Liber vitæ Christus est; ad normam doctrinæ Christi conformetur professio tuæ fidei: ad normam vitæ Christi conformetur vitæ tuæ ductus. *a* Bona erit conscientia, si habeat in corde puritatem, in ore veritatem, in actione honestatem: *b* Conscientia pro lucerna utere in omnibus actionibus; ea enim, quæ in vita bonæ sint actiones, quæ malæ, ostendet penitus. *c* Fuge hoc conscientia judicium, in quo idē simul reus, actor, testis, iudex, tortor, carcer, flagellum, executor, carnifex: quod nā hic possit esse effugiū, ubi ipsa testis est, quæ accusat, & nihil potest esse occultum ei, qui iudicat? quid prodest, si omnes te laudent, & conscientia accuset? quid obesse poterit, si omnes derogent, & sola conscientia defendat? solus hic iudex unicui-

(*a*) *Ibid. cap. 27.* (*b*) *Nilas Episc. in l. præcep.* (*c*) *Cypr. ser. de cæna Domini. Gregor.*

cuique ad accusandum, ad iudicandum, ad damnandum sufficit: incorruptus hic iudex nec flecti potest precibus, nec corrumpi muneribus: *a* Quocunque vadis, ubicunque es, semper conscientia tua tecum est, secum portans quicquid in ea posuisti, sive bonum, sive malum: servat hæc vivo, & restituit defuncto depositum, quod accepit servandum: *b* Sic vere inimici hominis domestici ejus, sic in domo propria & à propria familia habes accusatores, observatores & tortores. Quid prodest vivere in copia omnis abundantia, & torqueri flagello conscientia? *c* fons humanæ felicitatis & miseriæ in ipso animo est: quid prodest febribus æstuantem in aureo collocari lecto? quid prodest conscientia facibus agitato externæ felicitatis lætari cumulo? quanta cura est salutis æternæ, tanta etiam cura sit conscientia.

(*a*) Bernh. in med. de bot. c. 13. (*b*) Matth. 10, 36. (*c*) Lud. Vis. in sat. un.

scientiæ: amissa enim bona conscientia, amittitur fides; amissa fide, amittitur Dei gratia, amissa Dei gratia, quomodo potest sperari vita æterna? Quale est conscientie tuæ testimonium, tale expectabis à Christo judicium: Peccatores, nullo arguente, vel in medium quippiam afferente, ipsi sui ipsorum accusatores fient. *a* Sicut ebrius, quando multum vini ingurgitat, nullum sentit à vino damnum, postea autem è sopore excitatus, ebrietatis sentit incommodum: ita & peccatum, donec consummetur, obtenebrat mentem, & quasi densa nubes veri judicii splendorem obfuscat: postea denuo insurgit conscientia, & quovis accusatore gravius arrodit; tria sunt judicia: judicium mundi, judicium tui, & judicium Dei. Ut autem non potes effugere judicium Dei: ita etiam non poteris effugere judicium tui, licet aliquando effugias judicium
mun-

(a) *Cbrysoft. homil. 46. in Gen.*

mundi : nulli obſiſtunt parietes , quo-
 minus hic teſtis videat tuas actiones :
 quæ te poterit defendere excuſatio ,
 quando damnat interna accuſatio ?
 tranquillitas conſcientiæ initium eſt
 vitæ æternæ , verius & jucundius gau-
 debis de bona conſcientia inter angu-
 ſtias , quam de mala inter delitiâs :
 contra omnem malevolorum obtre-
 ctationem confidenter obvertere po-
 teris conſcientiæ excuſationem : *a* te
 interroga de te , quia te longe noſti
 melius quam ullus homo alius : *b* in
 extremo iudicio quid proderunt alio-
 rum falſæ laudes , quid oberunt alio-
 rum falſæ obtrectiones ? Dei & tuo
 ſtabis aut cades iudicio , non aliorum
 ſtabis aut cades teſtimonio . Nun-
 quam finitur conſcientia , quemad-
 modum nunquam finitur anima :
 tandiu prement damnatos infernales
 poenæ , quoadiu durabit accuſatio
 con-

(*a*) *Auguſt.* (*b*) *Bernb. Epiſt. i. col.*
756. Idem in præfat. de int. domo.

conscientiæ: nullus exterior ignis tantopere corpus affligit, quam graviter hæc interior flamma animam adurit: æterna est anima, quæ uritur, æternus conscientiæ ignis, qui urit: nulla exteriora flagella corpori tam sunt molesta, quam gravia sunt animæ hæc interiora verbera. Fuge ergo peccati reatum, ut conscientiæ effugias cruciatum: dele per veram pœnitentiam peccata ex libro conscientiæ, ne in judicio ea legantur, & metuenda sit tibi vox divinæ sententiæ: extingue vermem conscientiæ per devotionis fervorem, ne morsus ejus æternum tibi pariat horrorem: extingue hunc interio- rem ignem per lachrymas, ut ad cœlestis refrigerii pervenias, delicias. O Domine, da ut militemus bonam militiam, retinentes fidem ac bonam conscientiam, ut tandem salvi & incolumes perveniamus ad cœlestem patriam.

(a) 2. *Tim.* 4, 7.

XXXIV.

DE STUDIO VERÆ
HUMILITATIS.

QUID HOMO? QUID BULLA?
NIHIL SUNT.

COgita, o fidelis anima, miseram hominis conditionem, & facile ef- fugies omnem superbix tentationem. *a* Homo vilis in ingressu, miser in pro- gressu, febilis in egressu; impugnatur à Dæmonibus, laceffitur tentationibus, allicitur delectationibus, dejicitur tri- bulationibus, implicatur criminibus, denudatus est virtutibus, irretitus ma- lis consuetudinibus. Unde ergo super- bis terra & cinis? quid fuisti ante or- tum? sperma foetidum: quid in vita? saccus stercorum: quid post mortem? cibus vermium. Si quid in te boni, id tuum non est, sed Dei: *b* nihil tuum est

(a) *Sir. 10, 9. Bernh. in med. c. 3. (b) Id. ser. 27. de mod. ben. 616. Kemp. in hort. ros. cap. 11. Bernh. tract. super Ego bitis c. 2.*

est nisi peccata: nihil ergo arroges tibi ex his, quæ in te sunt, præter peccata tua: Fatuus & infidelis est servus, qui de bonis Domini sui vult superbire: Vide, ô homo, exemplum Christi, famulatur ipsi omnis gloria cœlorum, imo ipse solus est vera gloria, & tamen omnem mundanā à se abjicit gloriam; clamat is adhuc: *a* Discite à me, quia mitis sum, & humilis corde. Verus Christi amator est etiam Christi imitator: cui Christus charus est, huic etiam ipsius humilitas chara est. Erubescat & confundatur superbiens servus, quando ita humilis est cœlorum Dominus. *b* Dicit de sese Salvator noster, quod sit lilium convallium: scilicet, quia ipse, qui nobilissimus flos est, nascitur & conservatur non in montibus, id est, superbis & elatis cordibus, sed in humilioribus vallibus, id est, contritis & humilibus pi-
orum

orum mentibus: *a* vere enim anima humilis est sessio & delectabile cubile Christi, ut dicit quidam sanctus: Vera gratia non extollit, sed humiliat: nondum ergo particeps veræ gratiæ, qui non ambulat in cordis humilitate: fluentia divinæ gratiæ deorsum, non sursum fluunt. Ut aquæ per Naturam non quærunt loca sublimia: ita gratia divina non fluit nisi ad corda humilia. Dicit Psalmus: *b* Dominus in altis habitat, & humilia respicit in cœlo & in terra: vere hoc mirabile est, quod ad summum & altissimum Deum non nisi humilitate appropinquamus. Qui sibi vilis, Deo magnus: qui sibi displicet, Deo placet. *c* Ex nihilo fecit Deus cœlum & terram: ut fuit in creatione, ita adhuc est in hominis reparatione: creat Deus *d* ex nihilo, re-

(a) *Aug. de salutar. doc. cap. 23. Theol. myst. l. 1. p. 2. cap. 16. Bernh. l. 2. de cons.* (b) *Ps. 113, 5.* (c) *Bernh. ser. cons. cap. 20.* (d) *Heb. 11, 3.*

reparat ex nihilo. Ut ergo particeps
fias regenerationis, & reparationis, sis
nihil in oculis tuis, id est, nihil tibi tri-
buas, nihil arroges. Omnes sumus
infirmi & fragiles, te autem judica
fragiliorem neminem. *a* Non nocet,
si omnibus te infirmiores judices, &
per humilitatem omnibus te suppo-
nas, sed plurimum nocet, si vel uni te
præponas. *b* Viginti quatuor seniores,
id est, tota triumphans Ecclesia abji-
cit coronas ante thronum, omnem
justitiam & gloriam Deo tribuit, quid
ergo faciat vilis peccator? *c* Seraphin,
sancti angeli, velant facies suas in a-
spectu majestatis divinæ, quid faciat
homo tam vilis creatura, & creatori
suo tot modis ingrata? Christus ve-
rus & unigenitus DEI Filius ex admi-
randa humilitate descendit de cœlo,
& fragilem nostram Naturam in se
suscepit, demisit se in carnem, *d* in
mor-

(*a*) *Kemp. 1. de Imit. Christi. cap. 7.*

(*b*) *Apoc. 4, 4.* (*c*) *Es. 6, 2.* (*d*) *Pbil.*

2, 8.

mortem, in crucem : quid faciat homo, qui per peccata tam longe recessit à Deo ? vide , o fidelis anima, quam stupenda humilitate superbiam nostram Christus sanaverit , & tu adhuc superbire cupis ? per *a* humilitatis & passionis viam Christus ingressus in gloriam, & tu in superbix via incedens ad cœlestem gloriam pervenire te posse statuis ? Diabolus propter superbiam ex cœlesti regno expulsus , & tu , cum in cœlesti gloria nondum fueris , per superbix viam eo contendis ? *b* Adamus propter superbiam ex paradiso ejectus, & tu ad cœlestem paradysum per superbix viam pervenire cupis ? *c* Optemus potius servire & lavare pedes aliorum cum Christo, quam digniorem locum ambire cum Diabolo : humilitemur in hac vita, ut exaltemur in futura. *d* Non quid habeas, sed quid tibi desit

(*a*) Luc. 24, 26. (*b*) Gen. 3, 34. (*c*) Grande amore Dei f. 4. (*d*) Beda.

fit , o fidelis anima, semper cogita ;
magis dole de virtutibus , quas non
habes , quam quod gloriari velis de
virtutibus , quas habes : virtutes ce-
la , peccata manifesta : a valde e-
nim metuendum est , ne si thesaurum
operum bonorum manifestes per glo-
riam , Diabolus tibi eum deprædetur
per superbiam. Ignis optime serva-
tur , si cinere tegatur : ita ignis chari-
tatis nunquam securius custoditur ,
quam cum cineribus humilitatis se-
pelitur. Superbia est omnium pec-
catorum semen , caveas ergo extolli ,
ne contingat , te in abyssum peccato-
rum præcipitari. Superbia est gra-
tum cubile Diaboli , caveas ergo ex-
tolli , ne contingat , miseram tuam
animam à Diabolo subjugari. Su-
perbia est ventus urens & exsiccans
divinæ gratiæ fontem , caveas ergo
extolli , ne contingat te á divina gra-
tia separari. Sana , o Christe , tu-

O

mo-

(a) Bernh. ser. 37. de modo bene

morem superbiæ nostræ! sancta tua humilitas sit nobis vitæ æternæ meritum, sit etiam vitæ nostræ exemplum: fides nostra humilitatem tuam firmiter amplectatur, & vita nostra eandem constanter sequatur.

XXXV.

DE AVARITIA FUGIENDA.

QVIS VERE PAUPER? AVARUS.

QUam grata est salus animæ, tam odiosum esse debet peccatum avaritiæ: avarus omnium pauperrimus est; quia tam deest illi quod habet, quam quod non habet: avarus est omnium afflictissimus; quia in neminem bonus est, in se autem pessimus. *a* Initium omnis peccati superbia, radix malorum omnium *b* avaritia: illa per aversionem à Deo, hæc per conversionem ad
crea-

(*a*) Sir. 10, 15. (*b*) 1. Tim. 6, 10.

creaturas; *a* pariunt divitiæ sudorem in acquirendo, creant timorem in possidendo, pariunt dolorem in amittendo, & quod pejus est, avarorum labor non solum periturus, sed etiam peremptorius; aut divitiæ te deserunt, aut tu illas. *b* Si ergo speras in divitiis, quæ erit spes tua in hora mortis? quomodo animam tuam Deo credes, si corporis tui curam ei non credis? omnipotenti Deo curæ es, quare dubitas, ne sustentare te possit? sapientissimo Deo curæ es, quare ambigis, quomodo te sustentare velit? largissimo Deo curæ es, quare dubitas, an sustentare te velit? *c* habes syngrapham Christi, universorum in cælo ac terra Domini, nihil eorum, quæ opus sunt homini, defuturum iis, *d* qui quærunt regnum DEI: confide huic Christi

O 2 pro-

- (*a*) *Saban. in Psal. 80. Hieron.*
(*b*) *Bernh. de cons. 1, 15. (c) Lud.*
Vib. in introd. ad sap. th. 326. (d)
Matth 6, 33.

promisso, non faller: *a* est enim veritas. *b* Avaritia est summa idololatria, quia creaturas in locum Dei collocat: avarus fiduciam Deo debitam ad creaturas transfert, quicquid plus diligitur quam Deus, id Deo præfertur, quicquid Deo præfertur, id in locum Dei collocatur: Esau *c* jus primogenituræ vendebat edulio: ita multi hæreditatem regni cœlestis à Christo partam amittunt pro acquirendis temporalibus bonis. Judas *d* Christum vendidit triginta argenteis, avari gratiam Christi pro temporalibus vendunt divitiis: quomodo potest aspirare ad regnum cœlorum, plenus quotidie filiquis porcorum? quomodo potest, ad DEum cordis elevatione contendere, qui animæ quietem in divitiis studet invenire? Divitiæ *e* sunt spinæ, dicit Veritas: qui ergo amat divias, is

ve-

(*a*) *Job* 14, 6. (*b*) *Coloss.* 3, 5. (*c*) *Gen.* 25, 33. (*d*) *Matth.* 26, 15. (*e*) *Matth.* 13, 1. 22.

vere amat spinas: o spinæ, quam multas suffocatis animas? Spinæ impediunt seminis proventum: ita divitiarum sollicitudo spirituales verbi impedit fructum. Spinæ corpus puncturis affligunt: ita divitiæ animum curis angunt. Periturus es, si perituros solum colligis thesauros. *a* Qui in terris thesauros congregant, similes sunt iis, qui fruges suas in imis & humidis locis recondunt, non animadvertentes, fore, ut ibi quam citissime putrescant. Quam stolidi sunt, qui in divitiis finem desideriorum suorum collocant! *b* quomodo res corporalis animam, quæ Spiritus est, implere possit, cum potius spiritualis Natura virtute propria sic comprehendat corporalia, ut nulla quantitate distendatur? Anima ad æternitatem creata est, injuriam ei facis, si desideriorum ejus finem in temporalibus & momentaneis constituis. Ani-

O 3 ma

(a) *August. in Ps. 48.* (b) *Billius in Anthoc.*

ma quo magis ad DEum elevatur, eo magis ab amore divitiarum abstrahitur: omnia, quo cœlestibus viciniora sunt, eo minus cupiunt & congregant pauciora: sicut *a* volatilia cœli nec serunt, nec metunt: magnum est indicium, quod anima cogitet cœlestia, si parvi æstimat & contemnit bona terrestria; Mures & reptilia congerunt in cavernas, deterioris enim conditionis sunt & ignobilioris Naturæ quam aves: Manum signum, quod anima à DEo averfa, & terrenis affixa, si divitiis inordinato amore adhæret. Animam tibi dedit DEus, & tu carnis curam ei non concedis! volucres cœli pascit Deus, & tu dubitas, an velit te sustentare, cum sis ad imaginem ipsius creatus? Lilia *b* agri vestit DEUS, & tu dubitas, an prospecturus sit tibi de vestibus? pudeat non posse efficere fidem & rationem in homine, quod naturalis instinctus efficit in volucre?

(*a*) *Matth.* 6, 26. (*b*) *ibid.* 6. 29.

lucre? *a* Nec ferunt, nec metunt volucres, sed corpusculi sui curam DEO committunt: avari verbis Dei fidem non adhibent, antequam sibimetipsis de sustentatione prospiciant. Avarus est *injustissimus*: quare? quia *b* nihil secum in mundum intulit, & tamen ita de bonis terrenis est sollicitus, ac si plurima omnino ex mundo secum auferre velit. Avarus est *ingratisissimus*: quare? quia multis Dei fruitur bonis, & nunquam ad bonorum datorem cordis fiducia evehitur. Avarus est *stolidissimus*: quare? quia relinquit verum bonum, sine quo nihil vere bonum, & adhæret ei, quod sine Dei gratia non est bonum. *c* Qui terrenorum obstringitur amore, non possidet, sed possidetur ipse. Avaritia nec copia nec inopia extinguitur: inopia ideo non minuitur, quia habendi crescit desi-

O 4

de-

(a) 6. 26. (b) 2. Tim. 6, 7. (c) Augustin. sent. 197. Sallust. de conjur. Catil.

derium, quando obtineri nequit, quod diu est desideratum : copia ideo non minuitur, quia avarus, quanto magis acquirit, tanto amplius quærit ; quando acquiritur, quod ab avaritia desiderabatur, simul nova desiderandi materia subministratur : *a* & sic more ignis, cum ligna, quæ consumit, exceperit, accrescit : avaritia torrens est in principio parvus, sed postea in immensum crescit : fuge ergo divitiarum cupiditati terminum, ne cupiditas ista ad æternum te trahat exitium. *b* Multi in hac vita devorant, quod postea apud inferos digerant : multi dum sitiunt lucrum, ad præsentissimum currunt interitum. *c* Hæc cogitans devota anima, quantum potes, fuge ab avaritia, nihil de bonis ad iudicium tecum feres, nisi quod pauperibus dedisti : ne deneges pauperibus peritura & caduca tua bona, pro quibus Christus vitam dare non re-

(*a*) Gregor. in moral. (*b*) Aug. in Ps. 41. (*c*) Leo serm. 9. de pass.

recusavit: da pauperi, ut des tibi: quicquid pauperi non dederis, habebit alter. *a* Nimis est avarus, cui non sufficit Dominus: nondum vere sperat cœlestia, qui magni æstimat bone terrestria: quomodo *b* pro fratre poneret animam, qui fratri petendi denegat corporalem substantiam? thesaurus cœli est manus pauperis, quod suscipit, ne in terra pereat, in cœlo ponit: Vis gratum Christo præstare officium? exhibe pauperi beneficium: *c* membris quod bene fit, id tanquam sibi factum caput accipit. Dicit tibi Christus, *d* da mihi de eo, quod dedi de me; fac bonum de bono, unde non es bonus, ut acquiras tibi bonum: largire terrena, ut ea serves, quia ea parce nimis fervando amittes. Audi Christum monentem, ne cogaris in iudicio eum
au-

(*a*) Bernh. serm. 46. de mod. bene
viv. (*b*) 1. Job. 3, 1. 16. (*c*) Matth. 25.
2, 40. (*d*) Aug. ser. 5. de verb. Dom.

audire dicentem : *a* ite in æternum ignem maledicti, quia non cibastis me, quando esurivi. Sanctum semen Eleemosyna, *b* prout parce vel large fuit sparsum, messis erit vel parca vel copiosa : si vis esse in numero ovium, exhibe etiam ovibus beneficium. *c* Terreant te hœdi ad sinistram constituti, non quia rapuerunt, *d* sed quia non paverunt. Inclina, o Deus, cor nostrum ad testimonia tua, & non ad avaritiam.

(*a*) *Matth.* 25, 41. (*b*) *2. Cor.* 9, 6. *Gal.* 6, 8. (*c*) *Nazianz. in 12. Luc.* (*d*) *Pf.* 119, 36.

XXXVI.

DE PROPRIETATIBUS VERÆ CHARITATIS.

SANCTOS DILECTIO SIGNAT.


VEra & sincera charitas est constans piorum proprietas : nullus Christianus sine fide, nulla fides sine chari-
ri.

ritate; ubi non est charitatis splendor, ibi etiam non est fidei fervor: remove lucem à Sole, & remove poteris charitatem à fide. Caritas est actus exterior interioris vitæ hominis Christiani: corpus mortuum est sine respiratione: *a* ita fides mortua est sine dilectione. Non est Christi, *b* qui non habet Spiritum Christi; non habet Christi Spiritum, qui non exerit charitatis donum, quia fructus *c* Spiritus est caritas: arbor *d* bona non cognoscitur, nisi ea fructus proferre bonos perspicitur: Caritas *e* vinculum est Christianæ perfectionis; sicut corporis membra per Spiritum, id est, animam conjunguntur: ita vera corporis mystici membra per Spiritum sanctum charitatis vinculo uniuntur. *f* In templo Salomonis omnia auro obducta erant intus & exterius: sic in spirituali Dei templo cha-

(*a*) *Jac.* 3, 26. (*b*) *Rom.* 8, 9. (*c*) *Gal.* 5, 22. (*d*) *Matth.* 7, 16. (*e*) *Col.* 3, 14. (*f*) *1. Reg.* 6, 21.

charitate omnia ornata sint intus & exterius: charitas moveat cor ad compatiendum, charitas manum moveat ad elargiendum: non sufficit compassio, si non accedat exterior elargitio; nec sufficit elargitio exterior, si non accedat compassio interior: *a* omnia accipit fides à Deo, charitas vicissim omnia sua donat proximo: per fidem *b* divinæ Naturæ consortes reddimur, Deus *c* autem charitas est; Ubi ergo non se exerit charitas exterius, nemo credat, quod adsit fides interius. Nemo in Christum credit, qui non Christum diligit: nemo diligit Christum, nisi qui etiam diligit suum proximum. Nondum vera cordis fiducia apprehendit Christi beneficium, qui proximo debitum denegat officium. Non est vere opus bonum, *d* quod non procedit ex fide: nec est vere opus bonum, quod non procedit

(*a*) *D. Luther. passim.* (*b*) *2. Pet. 1, 4.*
 (*c*) *Joh. 4, 1.* (*d*) *Rom. 14, 23.*





Da Deus ut Sodomam fugiā. quae mundi
 Iniquis Sodom aet. Debitano str a caro
 Aller Weltpracht Ehr v. Sta hne
 Sodom sich vergleichet.
 Wer sucht Gottes Eigenthum
 ewig Ehr erreichet.

dit ex charitate: *a* charitas enim semen est omnium virtutum: non est bonus fructus, nisi qui de radice charitatis exsurgit: charitas est spiritualis gustus animæ, huic enim soli sapit omne bonum, omne arduum, omne adversum, omne laboriosum, charitatis gustus etiam mortem facit suavissimam; quia *b* fortis ut mors dilectio, imo fortior quam mors, quia charitas Christum deduxit ad mortem; charitas etiam vere pios, ut pro Christo mori non dubitent, excitat: omnia Dei opera procedunt ex charitate, etiam poenæ ipsæ: sic omnia opera Christiani hominis ex charitate procedant. In omnibus creaturis proposuit nobis DEUS speculum charitatis: Sol & sidera non sibi, sed nobis lucent. Herbæ non seipsas, sed corpora nostra purgant. Aer, aqua, bruta & omnes creaturæ homini in-

P ser-

(*a*) *Aug. de spir. lit. c. 14. Theol. myst. p. 145.* (*b*) *Cant. 8, 6. Bernh. c. 3. super ego sum bitis.*

serviunt : ita quoque teipsum totum exhibeas proximi ministerio. *a* Non profunt linguæ sine charitate, quia sine charitate linguarum cognitio inflat, charitas autem ædificat. *b* Non prodest scientia myſteriorum sine charitate, quia etiam Diabolo nota sunt myſteria, charitas autem solius vere pii propria. *c* Fides etiam montes transferens non prodest sine charitate, quia talis fides est solum miraculosa, non salvifica. Charitas dono miracula faciendi præstat, quia illa verorum Christianorum indubitata nota, hoc impiis interdum conceditur. *d* Non prodest omnes facultates pauperibus distribuere, si non adsit charitas, quia hypocritica est actio exterior, si non adsit charitas interior. Non profunt rivi beneficentia, si non oriuntur ex charitatis fonte. *e* Charitas patiens est, quia nemo facile irascitur ei, quem vere diligit; charitas benigna est,

(*a*) 1. Cor. 13, 1. (*b*) 1. 2. (*c*) *ib.* (*d*) 1. 3. (*e*) 1. 4.

fert, omnia credit, omnia sperat, omnia sustinet charitas. Quod enim sibi præstari charitas exoptat, id aliis præstare non recusat: *a* cessabunt linguæ, evacuabuntur prophetiæ, destruentur scientiæ, non cessabit charitas; sed ejus imperfectio in futura vita complebitur, & ejus perfectio in futura vita augebitur. Duo altaria constitui DEUS jusserat in tabernaculo, ignis ab exteriori transferbatur ad interius: duplicem Ecclesiam DEUS congregavit, militan-tem & triumphantem: ignis charitatis à militante olim transfertur ad triumphantem. Hæc cogitans, devota anima, sanctæ stude charitati: proximus quisquis sit, *a* tamen est, *b* pro quo Christus mortuus est. Quare ergo proximo denegare charitatem impendere, cum Christus non dubitaverit vitam pro eo impendere? *c* Si vere Deum diligis, etiam imaginem ipsius

(a) 6. 8. (b) Rom. 14, 15. (c) Bernh. in med. cap. 5.

ipſius diligere debes: Unum *a* ſpirituale corpus omnes ſumus, ſit ergo omnium unus ſpiritualis animus; iniquum eſt, ut diſſideant in terris, qui aliquando una victuri ſunt in cœlis: dum mentes conſentiunt in Chriſto, voluntates etiam conjunctæ ſint: Unius *b* Domini ſervi ſumus, diſſidere invicem non eſt æquum: mortuum eſt corporis membrum, quod alterius non ſentit affectum: non ſe verum myſtici corporis Chriſti membrum æſtimet, qui alteri patienti non condolet. Unus *c* omnium pater Deus, quem à Chriſto edoctus quotidie *d* patrem compellis, quomodo iſte verum agnoſcet filium, niſi viciffim ipſius filios pro fratribus agnoſcas? *e* hominem tibi à Deo commendatum, ſi dignus eſt, ama, quia dignus eſt, quem ames: ſi indignus, ama ideo, quia DEUS dignus, cui pareas: per amo-

P 3 rem

(*a*) Eph. 4, 4. *Oſiand. in illum loc.* (*b*) E. 5. (*c*) E. 6. (*d*) Matth. 6, 9. (*e*) Lud. Viſ. in introd. ad ſap. th. 383.

rem hominis inimici, amicus ostenderis Dei: non attende, quid faciat tibi homo, sed attende, quid tu feceris Deo: non attende injurias, quas infert inimicus, sed attende beneficia, quæ confert tibi is, qui jubet, *a* ut inimicum diligas. *b* Proximi sumus conditione terrenæ nativitatis, & fratres spe cœlestis hæreditatis, diligamus ergo invicem. Accende in nobis, O DEUS, charitatis ignem per Spiritum tuum.

(a) *Matth. 5, 44. 45.* (b) *August. in Ps. 25.*

XXXVII.

DE STUDIO CASTITATIS

CHRISTI, MENS CASTA,
CUBILE.

Qui vult esse verus discipulus Christi, sanctæ studere debet castitati. Casta & pura mens est benignissimus Deus, hunc castis invocare
de.

debes precibus. *a* Dixit quidem sapiens, quod corporis castimonia & animi sanctimonia sint duæ claves religionis & felicitatis. Si corpus non servatur purum & immaculatum à scortatione, non poterit anima exardescere in oratione. *b* Corpus nostrum Spiritus sancti templum est, cavendum summo studio, ne polluamus sanctum hoc sancti Spiritus habitaculum: membra nostra Christi membra sunt, cavendum, ne tollamus membra Christi, & faciamus membra meretricis. Domino *d* per fidem & castitatem adhæreamus, ut simus cum eo unus spiritus: non adhæreamus meretrici, *e* ne efficiamur cum ea unum corpus. *f* Sodomitæ, æstuentes libidinibus, percutiebantur à Domino cæcitatibus, corporali scilicet & spirituali: eadem adhuc hodie hominum impurorum est pœ-

P 4 nat

(*a*) *Berosus Chald. l. 5.* (*b*) *1. Cor. 6, 19.* (*c*) *6. 15.* (*d*) *6. 17.* (*e*) *6. 16.* (*f*) *Gen. 9, 11.*

na: *a* Sodomitarum libidines sulphure & igne cœlitus delapso vindicabantur: sic DEUS fervorem pravæ istius concupiscentiæ in scortatoribus æterno igne accendet, ignis *b* hic non extinguitur, sed fumus tormentorum ascendit, per omnia secula: *c* foris, id est, extra cœlestem Hierosolymam sunt canes, id est, impuri & libidinosi homines. Abluit nos Christus pretioso suo sanguine in baptismo, cavendum summo studio, ne impuris libidinibus nos contaminemus. Ipsa Natura duce, talia flagitia erubescunt impii perpetrare in conspectu hominum, & tamen non erubescunt ea perpetrare in conspectu Dei, & Angelorum: nulli *d* parietes oculos Dei Sole lucidiores impediunt, nulli anguli sanctorum Angelorum præsentiam excludunt, nulli secessus internum conscientiæ testimonium tol-

(*a*) *Eccl.* 24. (*b*) *Apoc.* 14, 11. (*c*) *Apoc.* 6. 22, 15. (*d*) *Sir.* 23, 18.

tollunt: *a* Mirabile hoc est, quod ardor luxuriæ ascendat, quasi ad cælum, cum tamen fœdor ejus descendat ad infernum; brevis voluptas ista æternum pariet dolorem, momentaneum est, quod delectat, æternum, quod cruciat: *b* brevis voluptas fornicationis, perpetua pœna fornicantis. Memoria crucifixi crucifigat in te carnem tuam: memoria gehennæ extinguat in te concupiscentiæ fervorem: lacrymæ pœnitentiæ extinguant in te libidinis adorem. *c* Configat carnem tuam divinus timor, ne te decipiat carnalis amor. Cogita, quod appetitus libidinis plenus sit anxietatis & vercordiæ, actus abominationis & ignominiae, exitus pœnitudinis & verecundiæ: Non blandientem Dæmonis ad libidinem incitantis faciem, sed pungentem fugientis caudam respice: non

P 5 co-

(*a*) *Grana. 2. post Pent. conc. 2. ex Bet.* (*b*) *Beda* (*c*) *Bernh. Epist. 1. Idem de conf. cap. 12.*

cogita brevitatem delectationis ; sed
 potius æternitatem damnationis. *a*
 Ama scientiam scripturarum , & vitia
 carnis non amabis : semper aliquid
 operis facito , ut , cum venerit tenta-
 tor , te semper inveniat occupatum.
b Davidem decepit in otio : *c* Jose-
 phum non poterat decipere in mini-
 sterio. Cogita instantem omnibus
 horis mortem , & facile spernes o-
 mnem carnis voluptatem. Ama tem-
 perantiam , & facile vinces pravam
 concupiscentiam : Venter mero æ-
 stuans cito despumat in libidinem :
 periclitatur in delitiis castitas : si ergo
 immodicis deliciis pascis carnem ,
 nutris tui ipsius hostem. Sic nutrien-
 da caro , ut serviat : sic domanda , ut
 non superbiat. Cogita iudicii ex-
 tremi terrorem , & facile exstingues li-
 bidinis fervorem ; revelabuntur *d* oc-
 cul-

(*a*) Hieron. Epist. 4. 2. Sam. 11, 2. (*b*)
 Gen. 39, 8. (*c*) C. Venter. dist. 35. ex Hier.
 Hugo de s. Viñt. (*d*) 1. Cor. 4, 3.

culta cordium: quanto magis facta in occulto perpetrata? reddenda *a* erit ratio de verbis inutilibus, quanto magis de spurcis sermonibus? reddenda erit ratio de spurcis verbis, quanto magis de impuris factis? quam longa fuit vita tua, tam longa erit accusatio: quot fuerunt peccata tua, tot erunt accusatores: *b* Illæ cogitationes, quæ apud nos usu viluerunt, indiscussæ non manebunt. Quid ergo prodest scortationem tuam aliquandiu coram hominibus occultari, cum in die iudicii omnino oculis debeat revelari? quid prodest effugere tribunal iudicis terreni, cum tamen non possit effugere tribunal iudicis supremi? non poteris hunc iudicem corrumpere muneribus, est enim Iudex iustissimus: non poteris eum precibus flectere, est enim Iudex districtissimus: non poteris ex ipsius provincia & jurisdictione

P 6

fu-

(a) *Matth. 11, 36.* (b) *Bernh. de int. dom, c. 38.*

fugere, est enim Judex potentissimus: non poteris eum fallere vanis excusationibus, est enim Judex sapientissimus: non poteris à lata & promulgata sententia appellare, est enim Judex supremus: eritibi veritas in inquisitione, *a* nuditas in publicatione, se-
veritas in executione.

Ergo devota Deo anima, semper observetur judicis hujus terror, sic non decipiet te libidinis fervor: *b* sis rosa charitatis, viola humilitatis & lili-
um castitatis: disce *c* à Christo spon-
so tuo, humilitatem, disce etiam ab
eo castitatem: magna dignitas castita-
tis, quia in Christi corpore consecrata
est: magna dignitas castitatis, quia in
carne præter carnem vivere facit: *d* Ut
nihil vilius quam à carne vinci, ita ni-
hil gloriosius, quam carnem vincere.
Nec solum exteriores fugiendæ sunt
scurtationes, sed etiam impuræ fugi-
en-

(*a*) Bona6. in ser. (*b*) Bernh. (*c*) Matth.
11, 29. (*d*) Erasmi. catec. 6, Hieron.

endæ sunt cogitationes, quia **D E U S** non solum Judex exteriorum actuum, sed etiam interiorum cogitationum. Vultu sæpe læditur pietas, oculis sæpe læditur castitas, audi, quid dicat Veritas: Qui *a* aspicit mulierem, ad concupiscendum eam, jam fornicatus est cum ea. Quam difficilis hic pugna, tam gloriosa erit victoria: *b* difficile est libidinis incendia restringere, impuberes stimulat, juvenes inflammat, senes & decrepitos fatigat; non aspernatur tuguria, non reveretur palatia: sed quam difficile est hic pugnare, tam laudabile erit triumphare: restringendi statim primi impetus, nec fomenta pravarum cogitationum huic flammæ subministranda. *c* Apostolus cum censuerit vitiis omnibus reluctandum, adversus scortationem non congressus, sed fugam indicit *d* fugite, inquit, scortata.

(*a*) *Matth.* 5, 28. (*b*) *Bernh. de int. domo cap.* 29. (*c*) *Camer. part.* 1. *hist. medit.* c. 9. (*d*) *1. Cor.* 6, 18.

tationem. Quemadmodum enim peregrinus ficta simplicitate mendicus nos decipiendi gratia accedit, si eum non admittimus, recedit: si sinimus eum ingredi, fit hospes, colligit vires; tandem, si assentiamur, fit dominus; ita motus pravæ concupiscentiæ stimulant nos, si eis non blandimur, recedunt. Si non vis hunc hostem tibi dominari, non recipias eum in domum cordis tui. Conserva nos, ô Deus, in animi sanctitate & corporis castitate.

XXXIIX.

*DE PRÆSENTIS VITÆ
FUGACITATE.*

*HOMINUM QUID VITA? CT-
LINDRUS.*

COgira, devota anima, vitæ hujus miseriam & fugacitatem, ut cor tuum elevetur ad desiderandam cœlestem hæreditatem. Vita hæc dum crescit, simul decrescit: dum auge-
tur, simul minuitur: quicquid ei ac-
ce-

cedit, simul etiam decedit. *a* Punctum est temporis, quod vivimus, & adhuc puncto minus, dum nos vertimus, immortalitas aderit. Sumus in hac vita tanquam in domo aliena: Non *b* habebat Abraham in terra Canaan habitandi fundum, sed tantum sepulchrum hæreditarium: sic vita præsens locus est diversorii & sepulchri. *c* Vitæ hujus principium statim mortis est exordium. Naviganti similis est vita nostra; qui navigat, sive stet, sive sedeat, sive jaceat, semper ad portum accedit propius, & eo vadit, quo impulsu navis ducitur: sic & nos sive dormientes, sive vigilantes: sive jacentes, sive ambulantes: sive nolentes, sive volentes, per momenta temporum semper ad finem ducimur. Vita hæc potius mors est, quia singulis diebus morimur, siquidem singulis diebus aliquid de vita absumimus. Plena est

(*a*) Seneca. (*b*) Gen. 23. (*c*) Ambros. Greg. in regist.

est hæc vita dolore præteritorum, labore præsentium, timore futurorum. *a* *Ingressus* in vitam flebilis, quia à lacrymis vitam auspicatur infans, quasi prævidens futura mala: *progressus* debilis, quia multi morbi affligunt, multæ curæ angunt: *egressus* horribilis, quia non egredimur soli, sed *b* egrediuntur nobiscum opera nostra, & per *c* mortem egredimur ad severum Dei judicium: conceptio nostra est culpa, nasci miseria, vivere pœna, mori angustia. *d* In sordibus generamur, in tenebris fovemur, in doloribus parturimur: ante exitum miseras oneramus matres: in exitu more vipereo laceramus: advenæ sumus nascendo, & incolæ vivendo, quia compellimur migrare moriendo. Prima pars vitæ
no-

(*a*) Bern. sup. ego bitis. cap. 1. Aug. 21. de cibis. Dei c. 1. (*b*) Apoc. 14. 13. (*c*) Hebr. 9, 27. (*d*) Bernh. de inter. domo cap. 3. Idem fer. 4. bebdo. panes Aug. 9. 91. in Le6.

nostræ sese nescit, media curis obruitur, ultima senectute molesta premittitur. *a* Omne vitæ tempus aut est præsens, aut præteritum, aut futurum. Si præsens, est instabile: si præteritum, jam nihil est: si futurum, est incertum. Putredo sumus in exortu, bul-
la in omni vita, esca vermium in morte: terram gerimus, terram terimus, terra erimus: nascendi necessitas abjecta, vivendi misera, moriendi dura. Corpus nostrum est terrenum habitaculum, in quo habitant mors & peccatum, quæ singulis diebus illud consumunt. *b* Tota nostra vita est spiritualis militia, superne in exititium excubant Dæmones, à dextra & sinistra mundus oppugnat, inferius & interius caro excubat: militia est hominis vita, *c* quia in ea perpetua carnis & Spiritus lucta: Quæ ergo possit esse vera hominis

(*a*) Solon Salaminius referente
Guidone, Sidonius. (*b*) Job. 7, 1. (*c*)
Gal. 5, 37.

titia in hac vita, cum nulla in ea sit felicitas secura? Quid potest nobis de præsentibus contingere ad delectationem, quando cunctis simul transeuntibus, non tamen transit, quod imminet? quando hoc penitus finitur, quod diligitur, & illud semper accedit propius, ubi dolor nunquam finitur?

a Id vita longiori lucramur, ut plura mala faciamus, plura mala videamus, plura mala patiamur: id nobis præstat vita longior, ut in extremo iudicio sit peccatorum accusatio major: Quid est homo? mancipium mortis, viator transiens, bulla levior, momento brevior, imagine vanior, sono inanior, vitro fragilior, vento mutabilior, umbra fugacior, somno fallacior. Quid est hæc vita? mortis expectatio, ludibriorum scena, miseriarum mare, hemina una sanguinis, quam quilibet levis casus rumpit, quælibet febricula corrumpit. *b* Cur-

fus

(*a*) Nazianz. in fun. fratris Cesar.
 (*b*) Bapt. Mant.

sus vitæ labyrinthus, in illum ex utero ingredimur, per limina mortis abimus. Nil nisi terra sumus, sed terra est nil nisi fumus: sed nihil est fumus, nos nihil ergo sumus. Vita hæc ut vitrum fragilis: ut annis labilis: ut militia miserabilis; & tamen multis apparet valde desiderabilis. *a* Pretiosa nux apparet hæc vita exterius, sed si cultro veritatis aperias, videbis, quod nil nisi vermes & putredo sint interius. Nascuntur poma circa regionem Sodomæ, quæ delectant exteriori pulchritudine, sed contacta in pulverem abeunt; felicitas hujus vitæ exterius delectat, quod si pressiori consideratione eam tangas, fumo & pulveri similis apparebit. Noli ergo, dilecta anima, summam tuarum cogitationum referre ad hanc vitam, sed mente semper ad futuram aspira lætitiâ: Confer inter se brevissimum temporis punctum, quod in hac vita nobis con-

(a) *Gregor.*

conceditur, cum infinitis & nunquam terminandis seculorum seculis, & apparebit quam stolidum sit, fugacissimæ huic vitæ adhæreere, æternam negligere. Fugacissima est hæc vita nostra, & tamen in ea æterna vita acquiritur aut amittitur. *a* Miserrima est hæc vita, & tamen in ea æterna felicitas acquiritur aut amittitur. Calamitosissima est hæc vita, & tamen in ea æterna lætitia acquiritur aut amittitur. Si ergo ad æternam aspiras vitam, in hac fugaci vita eam toto corde desidera: Utere mundo, sed cor tuum non adhæreat mundo. Negotiare in hac vita, sed mens tua non sit affixa huic vitæ: non nocet usus mundanorum exterior, si non adhærescat illis amor interior. In cœlo Patria est, in mundo hospitium: noli ita delectari in diario hujus mundi hospitio, ut abstraharis à cœlestis patriæ desiderio. Mare est hæc vita, æterna portus: noli ita delectari in momentanea maris tranquillitate, ut non aspires ad portum

(a) *Cypr.tr. I. cont. Demet.* tum

tum tranquillitatis æternæ. Labilis est hæc vita, & suis amatoribus fidem non servat, quoniam præter omnem opinionem sæpius ab illis fugit, quare ergo tu fidem illi habere velis? periculosum est, si vel unius horæ tibi certo pollicearis securitatem, quia sæpissime in una illa hora fugacissima hæc vita finitur; tutissimum est, omni hora præsentis vitæ abitum expectare, & ad illum feria poenitentia se præparare. *a* In hedera, qua delectabatur Jonas, parabat DEUS vermem, ut exaresceret: ita in rebus mundanis, quibus amore multi adhærescunt, nihil est stabile, sed vermes corruptionis in illis nascuntur. *b* Mundus tanta rerum labe jam contritus est, ut etiam speciem seductionis amiserit, nam quantum illi laudandi sunt ac prædicandi, qui dignati non sunt cum mundo florente florescere, tantum increpandi & accusandi sunt, quos perire cum pereunte delectat.

(*a*) *Jon. 4, 7.* (*b*) *Ansb. Epist. 45.*

ctat. Abstrahe, o Christe, corda nostra
ab amore hujus seculi, & desiderium in
nobis excita cœlestis regni.

XXXIX.

DE MUNDI VANITATE.

PRÆSTANT ÆTERNA CADUCIS.

NOli anima diligere ea, quæ sunt
in mundo. *a* Peribit mundus,
& omnia, quæ sunt in eo, *b* exuren-
tur: ubi ergo tunc erit amor tuus? *a*-
ma æternum bonum, ut in æternum
vivere possis. *c* Omnis creatura vanita-
ti subjecta est; qui vero amore adhæ-
ret creaturis, vanus efficietur & ipse:
ama verum & stabile bonum, ut stabi-
le & quietum reddatur cor tuum.
Quid te delectat honor mundanus? *d*
honorem hominum quærens; non
pot-


(*a*) 1. Joh. 2, 17. 1. Cor. 7, 31. (*b*) 2. Pet. 3,
10. (*c*) Rom. 8, 20. (*d*) Joh. 5, 44.

potest honorari à Deo : qui honorem mundanum quærit, hic mundo se conformare cogitur ; *a* qui mundo placet, Deo placere non potest : Peritura & instabilia sunt omnia , quæ à perituris & instabilibus exhibentur, unde honor mundanus stabilis esse nequit. Quem pridie ad cœlum summa extulerunt gloria, illum sæpe postridie summa afficiunt ignominia. Deo placere desidera , ut à Deo honoreris , divinus honor verus est & stabilis. *b* Quid est homo inde melior, quod reputatur ab homine major ? quantum unusquisq; est in oculis Dei , tantum est, & non amplius. *c* Christus ad regnum quæsitus, fugiebat : quæsitus ad probra & ignominiosum crucis supplicium sponte se offerebat : ut ergo Christo conformeris , magis te delectet mundi ignominia quam gloria. Qui propter
Chri-

(*a*) *Gal.* 1, 10. (*b*) *Kemp.* l. 3. de imitat. *Christ.* c. 50. (*c*) *Joh.* 6, 15. *Bernh.* *serm.* 3. de ad6. Dom.

Christum non spernit mundanum honorem, quomodo vitam suam pro eo profunderet? ad veram gloriam nulla alia via, nisi per contemptum mundanæ gloriæ, sicut *a* Christus per crucis ignominiam intravit in suam gloriam. Ames ergo contemni, vilipendi, repudiari in hoc seculo, ut honoreris in futuro. Quid de honore mundano sit habendum, Christus nos vita sua docuit: *b* famulatur ipsi omnis gloria cœlorum, imo ipse solus est vera gloria, sed ipse quasi abjicit gloriam: quanto ergo quis magis honoratur, & pluribus consolationibus corporalibus abundat, tanto debet profundius & intimius contristari, videns se eo magis abesse à Christi conformitate. Vana est laus humana, si accusat intus mala conscientia: quid prodest

fe-
 (a) Luc. 24, 26. (a) Bern. in tract. super ego bitis cap. 2. Idem de consid. mortis colum. 1826, Kemp. in hort. rosar. c. 8.





Flor hœc vitamea est magis at quid flore cadu-
 Fac Vitæ florem ^{cum} jugiter ut mediter!
 Gleich den Blumen fällt dahin
 Unser irdisch Leben
 Drumb so sollnem Herku. Dinn
 nach den Himmel streben.

febricitanti, si in lectulo collocetur eburneo, cum nihilominus æstu torqueatur interno? verus honor & vera laus est testimonium conscientiae tuæ. Nemo æquior factorum tuorum Judex, quam DEUS & conscientia tua, huic judicio facta tua probare desidera. Annon sufficit, te tibi notum esse, & quod maximum est, DEO? a quid vero divitias tantopere appetis? Nimis est avarus, cui non sufficit Dominus. Via hæc est vita ad æternam patriam: quid ergo profunt magnæ opes? onerant magis viatorem, ut navem ingentia onera. Divitiæ fervorum Dei est CHRISTUS, Rex cœlorum. Verus thesaurus debet esse in homine, non extra ipsum; Verus thesaurus est, quem ad iudicium illud universale tecum afferre poteris: omnia vero illa exteriora bona

Q uau-

(a) Bernh. in serm. 46. de mod. bene bibend. Ludov. Vis. in introd. ad sap. Kemp. in hort. ros. c. 8. Bernh. de cons. c. 15.

auferuntur à nobis in morte. Pere-
unt illa congregata, sed pejus perit
congregator eorum, si non in DEO
dives fuerit. *a* Pauper in mundum
venisti, pauper decedes, quare me-
dium à principio & fine distare debe-
at? usum spectare debent divitiæ?
b & quam tenues sufficient? mini-
mum donum gratiæ, & virtutum præ-
stantius est cunctis terrenis divitiis;
quare? quia virtus placet Deo, divi-
tiæ non nisi per virtutem. Christi
paupertas gratior nobis esse debet,
quam totius mundi divitiæ: sancti-
ficata est in Christo paupertas. *c*
Pauper is erat in nativitate, paupe-
rior in vita, pauperrimus in morte.
Quid dubitas paupertatem mundi
divitiis præferre, cum Christus regni
cœlestis divitiis eam prætulerit? Quo-
modo animam suam credet DEO,
qui carnis curam ei non credit?

Quo-

(a) Job. 1, 21. (b) Dionys. in Apoc.
1. (c) Bernh. sup. ego sitis. c. 2.

Quomodo vitam ponet pro fratre,
 qui divitias suas illi non erogat: *a*
 pariunt divitiæ laborem in accessu, in
 possessione timorem, in amissione
 dolorem, ac, quod magis dolendum,
 labor avarorum non tantum peritu-
 rus, sed etiam peremptorius, docente
 Bernhardo. *b* Amor tuus, Deus tuus: ubi
c thesaurus tuus, ibi etiam cor tuum: a-
 mans divitias illas corporales, mun-
 danas, perituras, non potest amare
 divitias spirituales, cœlestes, æternas:
 quare? quia illæ deprimunt cor ho-
 minis & deorsum trahunt, hæc vero
 sursum erigunt. *d* Amor rerum terre-
 narum viscus est spiritualium penna-
 rum, dixit quidam ex veris Christi a-
 matoribus. *e* Uxor Lothi in statuam sa-
 lis conversa adhuc nobis concionatur
 ne retrospiciamus ad ea, quæ sunt in

Q 2 mun-

(*a*) *Idem de cons. cap. 12.* (*b*) *Idem*
de cons. cap. 12. (*c*) *Matth. 6, 21,* (*d*)
August. serm. 33. de Verb. Dom. (*e*)
Gen. 19, 26.

mundo , sed recta via ad cœlestem patriam contendamus. *a* Apostoli relictis omnibus Christum sequebantur : quare ? quia cognitio verarum divitiarum tollit desiderium falso dictarum divitiarum. *b* Gustato spiritu desipit caro, cui Christus charus vere est, huic mundus amarus. Quid vero voluptates tantopere expetit ? Memoria crucifixi crucifigat in te omne voluptatis desiderium. Memoria ardoris gehennæ extinguat in te omnem libidinis ardorem. Confer brevissimum voluptatis momentum cum æternis suppliciis. Brutales sunt voluptates & brutis nos similes reddunt. *c* Non sapit ei suavitas regni cœlorum , qui plenus quotidie filiquis porcorum. Mortificemus omnes sensuum voluptates , & *d* cum Abraham offeramus DEO in spirituali sacrificio filium illum dilectum ,
id

(*a*) *Matth.* 4, 22. (*b*) *Gregor.* (*c*) *Bernh. Epist.* 2. *Granat. de amore Dei* c. 3. (*d*) *Gen.* 22.

id est, animæ nostræ cupiditates, voluntarie renunciando omnibus voluptatibus, & asperitatem crucis amplectendo. Non plana & rosis strata, sed aspera & spinis obsita via ad regnum cœlorum ducit. Exterior homo augefcit per voluptates, interior per crucem & tribulationes : quantum augefcit exterior, tantum minuitur interior; corpori serviunt voluptates, sed vere piis minima est corporis cura, animæ maxima. Voluptates captivant cor nostrum, ne in amore D E I liberum sit. Non voluptates, sed voluptatum contemptum tecum in morte auferes, & ad iudicium adferes. Confingat ergo carnem tuam divinus timor, ne te decipiat carnalis amor. *a* Obversetur jugiter animo memoria iudicii divini, ne te in servitutem abducatur perversum iudicium appetitus sensitivi. Ne respice vultum serpentis blandientem, sed cogita caudam acriter tandem pungentem. Per Christi

Q 3

gra-

(a) Bernh. Epist. I.

gratiam vince, ut tandem a Christo victor coroneris.

XL.

DE UTILITATE TENTATIONUM.

CRESKIT SUB PONDERE PALMA.

UTile est fideli animæ, tentationibus in hoc seculo probari & confirmari. Ipse *a* Salvator noster cum Diabolo in eremo luctari voluit, ut pro nobis & in nostram salutem eum superaret, ac nostri certaminis fidelis promachus esset. Descendit prius in infernum, postea demum ascendit ad cœlum: Ita fidelis anima ad infernum tentationum prius descendit, ut ad cœlestem gloriam ascendat. *b* Non poterat Israeliticus populus promissam terram Canaan occupare, nisi devictis prius variis hostibus: nec sibi fidelis anima cœlorum regnum promittat, nisi carnis, mundi & Satanæ victrix extiterit. *c* Tentatio pro-

(a) *Matth.* 4, 1. & seq. (b) *Jos.* 23, 1.

(c) 1. *Dionys. de cœl. Hier.* 3.

probat, purgat, illuminat. *Probat* tentatio, quia fides adversis concussa in salutis petra roboratur firmitus, in boni operis ramos se propagat latius in liberationis spem erigitur altius. Abrahamo, cum filium immolare iussus, divino sese promptum gereret imperio, post tentationem Angelus Jehovæ apparet, dicens: *a* Nunc cognovi, quod Deum timeas, cum non peperceris filio tuo unico propter me, ita si dilectum animæ tuæ filium, videlicet propriam voluntatem, in tentationibus Deo obtuleris, vere timens Deum reputaberis, & in corde tuo divinum senties alloquium. Aurum probat ignis, fidem tentatio. Quam fortis sit miles, apparet in prælio: ita quam firma sit fides nostra, ostendit tentatio. Quando *b* ventorum turbines & procellosi aquarum fluctus in navem Christi irruunt, tunc apparet, quam exigua fide præditi quidam ejus di-

Q 4 sci-

(a) *Genes.* 22, 12. (b) *Matth.* 8, 24.

scipuli. *a* Israelitæ, quos ad Midianitas vincendos deduci jubebat Dominus, apud aquas prius probabantur: ita in aquis tribulationum ac tentationum prius probantur, qui superatis hostibus in cœlestem introducendi Patriam. *b* Quicquid ergo adversi, quicquid tentationum fideli obtingit animæ, probationis, non reprobationis esse existimet. Tentatio etiam *purgat*: ad pestiferum amoris proprii & mundani humorem extrahendum multis granis aloes Medicus Christus utitur: tribulatio ad perscrutandam conscientiam excitat, & peccata vitæ præteritæ in memoriam revocat: quin etiam, sicut medicina corporis à contagiosis morbis, ita tribulatio præservat à peccatis: semper quidem ad lapsus proclivis homo, magis tamen felicitatis, quam adversitatis tempore; *c* multis spinæ sunt divitiæ, evellit ergo DEUS spi-

(*a*) Jud. 7, 4. & seqq. (*b*) Bernh. serm. in nativ. Mar. col. 216. (*c*) Matt. 13, 22.

spinas, ne suffocare possint animas : multos varietas negotiorum mundanorum à divino impedit obsequio ; immittit ergo Deus morbos, ut in se conversi incipiant mori mundo, vivere Deo. Pluribus excelsa vel opum vel honoris ab arce profuit ad mediæ fortis cecidisse quietem. Multos honor mundanus ad superbiam erigit ; immittit ergo DEus contemtum, & superbiæ fomentum subtrahit. Denique tentatio *illuminat*. Quam fragilis & vana sit omnis mundi consolatio, non nisi in tentationibus agnoscimus. *a* Stephanus, cum lapidaretur, gloriam Christi videbat : ita in calamitatibus contritæ animæ sese ostendit Christus : verum & solidum gaudium non nisi ab inhabitatione DEI ; *b* DEus habitat in spiritu contrito & humiliato : afflictio est & tentatio, quæ spiritum conterit & humiliat, ideo verum & solidum gaudium

(*a*) *Actor.* 7, 55. (*b*) *Esa.* 57, 15.

dium est in anima afflictorum. Tentatio est via quædam ad Dei agnitionem, ideo ait Dominus: Cum *a* ipso ero in angustia, eruam eum, & videre faciam eum salutem meam. *b* Tobias cæcus nihil eorum, quæ supra, infra, adeoque nec seipsam videbat, sed *c* à Deo per Angelum Raphaellem illuminatus cernebat omnia, quæ prius videre non poterat, non alio medicamine usus, quam felle piscis, ut per hoc declaretur, felle amaritudinis oculos nostros liniendos atque illuminandos esse, ut ad veram nostri ac bonorum mundanorum cognitionem perveniamus. Quare dicit Apostolus, *d* quod cognoscamus in ænigmate, quia in tentationibus agnoscimus, quod Deus electos sub specie tristitiæ exhilaret, sub specie mortis vivificet, sub specie morborum sanet, sub specie paupertatis ditet. *e* Grata ergo debet esse crux & tenta-

(a) Ps. 91, 15. (b) Tob. 2, 11. (c) c. 12, 15. 1. Cor. 13, 12. (d) Bernh. (e) Greg. Nyss. de beat.

tatio ei, qui Christo pro nobis cruci-
fixo & tentato non est ingratus. O
bone Jesu, hic ure, hic percutere, ut
parcas in futuro. O bone Jesu, qui
parcendo sæpius nos à te abjicis, fe-
riendo effice, ut ad te redeamus.
Afflige & preme exteriorem homi-
nem, ut interior crescat & vegetetur.
Pugna, o bone Jesu, in me con-
tra me: Sis moderator certantis, &
corona vincentis: Sis robur & aug-
mentum meæ fidei, quicquid in vita
sentio adversi: Succurre, o bone Je-
su, infirmæ meæ fidei, ita *a* namque
apud Prophetam sanctum promissisti:
sicut mater consolatur filios, ita con-
solabor vos. Majori cura fovet &
nutrit mater infantem lactentem:
ita, bone Jesu, erige & confirma lan-
guentem meam fidem. *b* Conce-
de, ut plus apud me valeant internæ
tuæ consolationes, quam omnium ho-
minum & Diaboli contradictiones,
imo

(a) *Es. 66, 13.* (b) *VVellerus in an-
sid. contra tentat.*

imo & proprii cordis cogitationes. O clemens Samaritane, *a* infunde vinum mordens in vitia mea, sed adde etiam oleum divinæ consolationis: multiplica crucem, sed adde etiam tolerandi virtutem.

(a) *Luc. 10, 34.*

CAP. XLI.

FUNDAMENTA PATIENTIÆ CHRISTIANÆ.

TANDEM PATIENTIA VICTRIX.

Quiesce, devota anima, & crucem à DEO tibi impositam patienter tolera. Passus is est pro omnibus, ab omnibus, in omnibus. *Pro omnibus* passus est, *a* etiam illis, qui passionem istam pretiosam contemnunt, & sanguinem ejus pedibus conculcant nefarie. Passus est *ab omnibus*. A coelesti Patre *b* traditur, *c* conteritur, *d* derelinquitur: à dilectis discipulis deseritur: à populo

(a) *Heb. 10, 29.* (b) *Rom. 8, 32.* (c) *Es. 53, 4. 5.* (d) *Matth. 27, 46.*

populo (a) Judaico peculio suo rejicitur, qui latronem Barrabam ipsi præferunt: a gentibus crucifigitur, omnium omnino hominum delicta sustinet, ideo etiam ab omnibus affligitur. Passus est etiam *in omnibus*. b Tristis est anima usque ad mortem, e & sensu Judicii divini pressa a DEO se desertam clamat: omnia membra sanguineum exsudent sudorem, caput coronatur spinis, lingua myrrharum gustat poculum, d manus ac pedes perforantur clavis, latus vulneratur, totum corpus flagellatur & in cruce expanditur: Ipse passus est famem, sitim, frigus, contemptum, paupertatem, convitia, vulnera, mortem, crucem. Quam vero iniquum foret, pati Dominum, & lætari servum! quam iniquum foret, Salvatorem pro peccatis nostris tam graviter puniri, & nos in illis jucundari! quam iniquum foret, affligi caput, & reliqua

R. mem-

(a) 6.21. 22. (b) *Matth.* 26, 38. (c) *cap.* 27, 46. (d) *Psal.* 22, 17.

membra non condolere! Quin potius
 ut Christum *a* oportuit per passionem
 suam intrare in cœlestem gloriam: *b*
 ita & nos per multas tribulationes o-
 portet ingredi in regnum cœlorum.
 Cogita etiam largam retributionem. *c*
 Non sunt condignæ passionēs hujus
 temporis futuræ gloriæ: quantacun-
 que passio nostra sit, temporalis est,
 imo interdum diaria, sed illa gloria æ-
 terna. Omnia nostra adversa accurate
 observat Deus, *d* & in iudicium ali-
 quando adducet: quam igitur turpe
 fuerit in angustissimo illo orbis con-
 ventu sine crucis & passionum moni-
 libus conspici! *e* Ipse quoque omnes
 lachrymas absterget ab oculis suorum.
 O felix lachryma, quam talis ac tanti
 Domini manus absterget! O beata
 crux, quæ in cœlo invenis remunera-
 tio-

- (*a*) Luc. 24, 26. (*b*) Act. 14, 22.
 (*c*) Rom. 8, 28. (*d*) Eccles. 12. ult.
 (*e*) Isa. 25. 8. Apoc. 7, 17. Dionys. in
 cap. 7. Apoc.

tionem! David non integros decem annos versabatur in exilio, *a* sed quadraginta in imperio: præfigurata hic brevitās passionis, sed gloriæ securæ æternitas. *b* Punctum temporis est, quo exercentur per crucem sancti, miserationes seculi, quibus colliguntur, atque ita vere matutinis adversis prospera vespertina succedunt. Cogita insuper omnium sanctorum tribulationem. *c* Aspice Jobum lugentem in sterquilinio, *d* Johannem esurientem in eremo, Petrum extensum in patibulo, Jacobum decollatum ab Herodis gladio. *e* Aspice Mariam benedictam Salvatoris matrem, sub cruce filii stantem, quæ typum gerit Ecclesiæ, spiritualis Domini matris. *f* Beati estis, inquit Christus, si persecuti vos fuerint propter nomen meum, ita enim fecerunt

R 2

Pro-

(*a*) 2. Sam. 5, 5. (*b*) Ps. 30, 6. Gregor. (*c*) Job. 2, 8. (*d*) Luc. 3, 2. & seq. (*e*) Job. 19, 25. (*f*) Matth. 5, 11.

Prophetis. O gloriosa persecutio, quæ nos Prophetis & Apostolis, adeoque omnibus sanctis, imo ipsi Christo conformes, reddit! *a* Patiamur ergo cum patientibus, crucifigamur cum crucifixis, ut glorificemur cum glorificatis: Si vere filii sumus, sortem reliquorum filiorum non detrectemus. Si vere Dei hæreditatem desideramus, integram acceptemus; Jam vero filii Dei non solum hæredes sunt gaudii & gloriæ in futuro seculo; sed etiam tristitiæ & passionum in præsentī: *b* quia flagellat Deus omnem filium, quem recipit, punit ipsorum peccata, ut in futuro parcat iudicio, multiplicat hic tribulationem, ut possit illic multiplicare mercedem, atque ita non persecutio, quam remuneratio, augetur. *c* Cogita beatam crucis conditionem: Radicem mundani amoris in nobis extinguit, & semen divini amoris

(*a*) *Macar. hom. 12*, (*b*) *Heb. 12, 6*.
 (*c*) *Bernh.*

ris cordibus nostris inserit. Crux in nobis generat odium mundanorum, & animum ad cælestio evehit: mortificata carne vivit Spiritus, amarescente mundo, dulcescit Christus. Mignum est crucis mysterium, quippe per eam ad contritionem, ad verum timorem, ad patientiæ exercitium nos vocat Deus, aperiamus pulsanti & audiemus, quod in nobis loquatur Dominus. Contemptus est crucis aspectus coram mundo, & coram oculis carnalibus hominis exterioris, gloriosus coram DEO, & coram oculis spiritualibus hominis interioris. Quid Christi passionis vilis & abjectius a Judæis reputabatur? quid vero in oculis Dei eadem dignius & pretiosius? quippe *a* quæ est pretium pro totius mundi peccatis. Ita quoque justus affligitur, *b* justus moritur, & nemo considerat, sed pretiosa crux: *e* pretiosa mors sancto-

R 3 rum

(*a*) 1. Joh. 2, 2. (*b*) Esa. 57, 1. (*c*) Ps. 116, 15.

rum in conspectu Domini. *a* Nigra est Ecclesia Christi sponsa exterius propter calamitates & persecutiones : intus formosa, propter divinam consolationem. *b* Hortus conclusus est Ecclesia, & quælibet fidelis anima, quippe nemo agnoscit ejus pulchritudinem, nisi qui in ea est. Nunquam plene & perfecte sentiemus consolationem Spiritus, nisi caro nostra affligatur exterius. Si habitat in nobis amor mundi, non est quo intret amor DEI : vas plenum non potest impleri liquore novo, nisi prior evacuetur; effundamus ergo amorem seculi, ut impleamur amore DEI. Ideo DEUS ipse per crucem mundi amorem in nobis extinguit, ut divino amor loci esse possit. Præterea crux ad preces compellit, & virtutis est occasio; quando *c* Aquilo hortum perflat, id est, quando persecutiones exercent Ecclesiam, tunc
fluunt

(*a*) *Cant.* 1, 5. (*b*) *cap.* 4, 12. (*c*)
Cant. 4, 16.

fluunt aromata ejus, tunc illius virtutes augmentur, quæ gratum coram DEO odorem spirant. *a* Dilectus animæ sponsus candidus est & rubicundus, candidus innocentia, rubicundus passione: ita quoque, ut dilecta Christi sponsa sit candida virtutibus, rubicunda redditur passionibus: & sic ex durissimo afflictionum lapide oleum & mel divina gratia producere potest: sic ex amara calamitatis radice novit dulcissimum fructum æternæ gloriæ producere, ad quam nos eadem provehat & introducat, Amen.

(*a*) cap. 5. 10.

XLII.

*QVOMODO VINCENDA
TENTATIO DE PERSE-
VERANTIA.*

SPES CONFISA DEO NVN-
QVAM CONFVSA RE-
CEDIT.

SAucte Domine Jesu, Sponse ani-
mæ meæ charissime, quando erit,

R 4

ut

ut *a* ad solennitatem nuptiarum tuarum me perducas? peregrinus sum, & exulo a te, sed firmissime credo nullatenus dubitans, brevi fore, ut corporeis solutus vinculis *b* appaream coram facie tua; *c* timor & tremor venerunt super me, quia *d* thesaurum meum in fictilibus vasis porto, prona est mens ad errores, prona est voluntas ad peccata, unde nec spiritus in me semper promptus; *e* caro autem semper infirma, *f* captivum me ducit peccatum, & lex membrorum repugnat legi mentis; timor & tremor venerunt super me, quia Satanas insidiatur thesauro meo, calliditas ipsius magna, nocendi studium ardentissimum, potentia maxima. *g* Adamum decepit in Paradiso, *h* Judam in Schola Salvatoris, quomodo miser ego ab ipsius insidiis securus ero?

(*a*) *Apoc.* 19, 7. (*b*) *Pf.* 17, ult. (*c*) *Pf.* 55, 6. (*d*) *2. Cor* 4, 7. (*e*) *Matth.* 26, 42. (*f*) *Rom.* 7, 23. (*g*) *Gen.* 3. (*h*) *Joh.* 13, 27.

ero? Timor & tremor venerunt super me, quia adhuc in mundo sum, *a* qui totus in maligno positus est, invitant deliciæ mundanæ; terrent adversa in via Domini, allubescunt quandoque mundi illecebræ, *b* totus mundus laqueis repletus, miser ego quomodo eos potero effugere? oppugnant me lata, oppugnant me tristitia: quomodo miser ego consistere potero? Timor & tremor venerunt super me, quia *c* DEUS est, qui operatur in me velle & perficere. Timeo, ne forte negligentia & incuria mea cog DEUM auferre etiam illam, quam dedit, voluntatem bonam: indignus utor peccatorum remissione, & primam gratiam gratis datam respuo, unde timeo, ne secreto & justo DEI judicio auferatur digne, quo indigne utor: vereor, ne ab eo deferar, quem post primam meam conversionem sæpius deserui. Quam graviter cru-

R. 5. *c*ior,

(a) 1. Job. 5, 19. (b) *Visio Antonii*.
(c) Phil. 2, 13.

cior, cogitans, hæc Dei beneficia iudicium gravius & severius sequi, si injuste illis usus fuero, sed erigit me infinita Dei misericordia, qui ut dedit velle, ita dabit etiam perficere, *a* quia ipse Deus est, & non mutatur: *b* misericordia quoque ipsius confirmata est super me, & non mutabitur: *c* firmum stat fundamentum Dei. Utique firmum, quia in ipso Deo, apud quem nulla variatio. Utique firmum, quia Christi sanguine confirmatum, *d* qui semper loquitur coram throno Dei. Utique firmum, quia certis Sacramentorum *e* sigillis obsignatum. Si modiculum salutis in me quærerem, utique dubitandum mihi foret de salute mea: sed ut omnis mea iustitia, ita quoque omnis spes salutis in Christo. Si ex voluntatis arbitrio Christum apprehendissem, utique verendum mihi esset, ne,

mu-

(*a*) *Malach.* 3, 6. (*b*) *Psf.* 117, 2. (*c*)
2. *Tim.* 2, 19. (*d*) *Heb.* 12, 24. (*e*) 4, 11.

mutato voluntatis arbitrio, Christum amitterem : sed qui inventus est ab eo, qui ipsum non quæsierat, is utique, postquam semel inventus, non sese vicissim subtrahet: qui *a* ex umbra mortis ad lucis participationem me traduxit, non permittet, ut ad tenebras detrudar priores. *b* Immutabilia sunt dona & vocatio DEI, ex parte voluntatis Dei, utinam vero & ipse immutabilis in bono essem ; thesaurus ille semper adest , sed manus apprehendens aliquando languet. Apprehendere autem potero Christum, qui ut se in verbo & promissionibus revelavit, ita ut verbo & promissionibus fidem adhibere possim, concedit benignissime. Precum adminiculo & præsidio usus muniam fidem meam : neque dimittam Dominum ex cubiculo cordis mei, antequam salus mihi obveniat. *d* Virtute Domini custodiri potero ad salutem : eri-

R 6 git

(*a*) *Luc.* 1, 79. (*b*) *Rom.* 8, 11. (*c*) *Gen.* 32, 26. (*d*) *1. Pet.* 1, 5.

git me & confortat virtus Domini, sed deprimit & contristat infirmitas mea. *a* Atqui in infirmitate mea virtus Domini perficitur; roborabit me, a quo omne fidei robur; erigit me gratia divina, sed terret me indignitas mea. *b* Atqui si dignus essem, jam non esset gratia sed merces: si ex operibus, utique non ex gratia: Gratia enim non est gratia ullo modo, nisi sit gratuito omni modo: ideo ad opera mea non respicio; quod erratur, corrigit; quod deficit, supplebit, quod peccatum est, abolebit: *c* quod ille mihi imputare non voluerit, perinde est, ac si non erit; tantum *d* ergo ex DEO salus mea, proinde firma.

(*a*) 2. Cor. 12, 9. (*b*) Rom. 11, 6. Aug.
c) Bernh. (*d*) Os. 13, 9.

XLIII.

DE' QUOTIDIANA MORTIS
CONSIDERATIONE.

MORTIS MEDITATIO VITA
EST.

O Fidelis anima, expecta mortem
omnibus horis, quia illa tibi in
sidiatur omnibus horis; mane, o ho-
mo, surgens, cogita, ultimum fore
hunc vitæ diem; vesperi cubitum
iturus, cogita, ultimam hanc fore tibi
in terris noctem. Quicquid agis,
quicquid suscipis, semper prius cogi-
ta, & tecum dispice, num talia age-
res, si hac hora tibi moriendum, & ad
DEI judicium veniendum. Num
putas, si de morte non cogitas, illam
tibi non appropinquare? vocari mor-
tem, si de ea cogitaveris? sive de illa
cogitaveris, sive minus, sive de il-
la locutus fueris, sive minus semper in-
stat cervicibus tuis, commodato vi-
ta tibi data est, non mancipio; hac
conditione intraisti, ut exires; a nu-
dus

(a) Job. I, 21.

duſ veniſti, abibis nudus: peregrinatio vita eſt, diu cum deambulaveris, tandem redeundum: colonus eſ & inquilinus mundi, non perpetuus Dominus: ſingulis horis cogita, quo ſingulis momentis properas. In eo fallimur, quod in ultimo vitæ halitum nos mori exiſtimamus: ſingulis diebus, ſingulis horis, ſingulis momentis moriamur: quicquid vitæ accedit, ſimul recedit: quicquid vitæ additur, ſimul detrahitur: non repente in mortem incidimus, ſed minutatim procedimus. Vita hæc noſtra via eſt, quotidie aliquid de ea confiendum: mors & vita diſtantiffima videntur, cum tamen nihil alteri viciniuſ quam mors vitæ, ſemper illa præterlabitur, ſemper hæc inſtat: ut navi iter agentibus nec ſentientibus ſæpe, qui vehuntur, nec cogitantibus, finis adeſt: ita quicquid agimus, ſive edamus, ſive bibamus, ſive dormiamus ſemper morti appropinquamus. Mul-
ti vi-

contemnes omnia mundana, si te moriturum cogitabis; cogita oculos caligantes in morte, *a* & facile avertes eos a vanitate: cogita aures obsurdescentes in morte, & facile tibi erit ad impia & obscœna verba eas obstruere: cogita linguam obrigescentem in morte, & majorem habebis curam tuæ loquelæ: obversetur tibi morientium sudor & anxietas, ita facile contemnes mundanas delitias: obversetur tibi egredientium ex hac vita nuditas, & non erit tibi gravis in hac vita paupertas: cogita totius corporis ^{post} mortem horrorem, & facile contemni commun-
di splendorem; vide animam ex corporis domicilio egredi compulsæ ejulat-
tum, & facile cavebis omnis peccati re-
atum: cogita putredinem, mortem tuam consequentem, & facile humiliabis carnem tuam superbientem: cogita quam vacuus & nudus ab omnibus creaturis in morte relinquaris, & facile amo-

amorem tuum ab illis avertere, & ad creatorem convertere poteris: cogita, quam anxie mors scrutetur, ne quidquam tecum ex hac vita rapias, & facile contemnes omnes mundi divitias. Qui in hac vita quotidie moritur per vitia, ille per mortem ad æternæ mortis transit supplicia: nemo ad æternam vitam transit, nisi qui in Christo hic vivere incipit: ut in timore vivas, Christo per fidem te inferas: mors semper sit in tua cogitatione, quia semper est in tui expectatione: *a* semper circumferimus mortem, quia semper circumferimus peccatum, peccati autem stipendium mors est. Si vero mortis amaritudinem *e*, *b* gerere cupis, *b* Christi sermonem serva^t. Fides conjungit & unit nos cum Christo: qui ergo in Christo sunt, illi non mori^{tur}, nam Christus est ipsorum vita. *c* qui per fidem DEO adhæret, unus est Spiritus cum eo,

(*a*) Brent. (*b*) Joh. 8, 51. (*c*) 1. Cor. 6, 17.

eo, & proinde fidelis in æternum non moritur, quia Deus est ipfius vita. *a* Populus Ifraeliticus per mare rubrum ad terram promiffam tranfit, Pharaon & ipfius exercitus in eo extinguitur: ita mors piorum eft ipfius principium, & janua ad paradifum: malorum autem mors non eft malorum terminus, fed antecedentium & fequentium copula, tranfeunt illi de morte prima *b* ad mortem fecundam. Tam arcta eft Chrifti, & fidelium unio, *c* ut per mortem ea diffolvi nequeat; in ipfa denfiffima mortis umbra præluce illis divinæ gratiæ facula; in mortis periculofa profpectione profpicit Chriftus dilectis fuis de Angelorum protectione, *d* fanctorum corpora funt Spiritus fancti templa, non permittit fanctus ille Spiritus, *e* templa fua per mortem deftrui peccatus, *e* verbum Dei eft incorruptibile femen, non illud

per

(*a*) *Ex.* 14. (*b*) *Apoc.* 20, 14. (*c*) *Rom.* 8, 39. (*d*) *1. Cor.* 6, 19. (*e*) *1. Pet.*

per mortem extinguitur, sed occulitur
in piorum cordibus, & ea suo tempore
vivificabit.

XLIV.

CONSOLATIO IN MORTE
AMICORVM.

VITAM MORIENDO LUCRA-
MUR.

COgita, devota anima, Christum
tuum Salvatorem, & non timebis
mortis terrorem. Si te contristat mor-
tis violentia, erigat te vicissim Christi
potentia. *a* Israelitæ non poterant
bibere aquas de Mara, propter ama-
ritudinem, sed Jehovah ostendebat
Mosi lignum, quod projectum in
aquas, eas efficiebat dulces. Si terreris
ob mortis ammarorem, ostendit tibi
DEUS lignum, quod eam convertit
in dulcorem, *b* surculum scilicet ex
radice Isai progerminatum, surcu-
lus iste Christus est. *c* Jujus sermo-
nem

(a) *Exod. 15, 25.* (b) *Es. 11, 5.* (c) *Job.*
6, 51.

nem si quis servaverit, mortem non videbit in æternum. Plena est oneris vita, bonum igitur ejus allevamentum: *a* miseria hominis Christiani, non homo Christianus moritur; profectio quædam est, quam mortem putamus; non exitus, sed transitus; nostros non amittimus, sed præmittimus; non moriuntur nostri, sed oriuntur: *b* præcedunt; non recedunt; non discedunt; non obitus est, sed potius abitus: piorum migratio est vitæ iteratio: piorum funera, sunt quædam scœnora. *c* Moriuntur nostri; hoc interpretare, quod desinant peccare, desinant jactari, desinant miseri esse. Moriuntur in fide, hoc interpretare, quod ex umbra vitæ discedant, ut ad veram vitam transeant; ex tenebris, ut ad lucem: ab hominibus, ut ad DEum. Vita navigatio est; mors portus est tutissimus: non igitur dolendum, quod nostri mortui sint,

(*a*) Ambrosius, de bon. mortis. Uxor Cæcilie. (*b*) Tertullianus, l. de patient. (*c*) Cyprilianus, ser. de mort. Aug. Epist. 6.

sint, sed potius illis gratulandum, quod ex turbulento mari in portum pervenerint. Vita hæc carcer animæ est, mors autem liberatio; ideo moriturus Simeon exclamat: *a* Nunc dimittis servum tuum, Domine, dimitti desiderat, veluti corporeo ergastulo inclusus: gratulandum ergo nostris, quod ex hoc carcere soluti ad veram libertatem aspiraverint: *b* dissolvi rogat itidem Apostolus, tanquam terreno corpori misera quadam servitus: alligatus; num igitur tristabimur, quod nostri ex his vinculis eluctati vere jam sint liberi? *c* Accipiemusne propter illos vestes atras cum illi sumserint indumenta alba? quia scriptum est, *d* quod electis data sint vestimenta alba propter innocentiam, & palmæ in manibus eorum propter victoriam. Num lachrymis & gemitibus nos propter

(*a*) Luc. 2, 29. (*b*) P¹. 1, 23. (*c*) Cypr.
ser. 4. de mort. (*d*) Ap. 16. 7, 9.

propter eos macerabimus, cum *a* DEUS ab oculis illorum omnes absterferit lachrymas? num propter eos lugebimus, & in mœrore nostro labores nobismetipsis creabimus, cum illi sint in tali loco, *b* ubi nec luctus, nec dolor, nec clamor ultra auditur, & *c* requiescunt a laboribus suis? num propter eorum obitum tristitia immoderata conficiuntur, cum ipsi in Angelorum consortio vera & solida fruantur lætitia? num flebilem propter eos extollemus vocem, cum *d* illi coram Agno cantent canticum novum habentes citharas & phialas aureas? num dolebimus, eos ex his terris discessisse, cum sibimetipsis gratulentur, quod discesserint? Quantum profit exire de hoc mundo, Christus ostendit, *e* qui, cum discipuli ejus tristarentur, quod se recessu-

(*a*) *Es.* 25, 8. *Apoc.* 7, 17. (*b*) *Apoc.* 21, 4. (*c*) *Apoc.* 14, 3. (*d*) *Apoc.* 5, 8. 9. *Cypr. ser. 4. de m. tert.* (*e*) *Job.* 14, 28.

cessurum diceret, respondit : si me diligere-
tis, gauderetis utique. Si te navi-
gante, turbida & procellosa tempe-
stas, fluctibus vi ventorum excitatis,
futura prænunciaret naufragia, nonne
portum velociter peteres? mundus ec-
ce nutat & labitur, & ruinam sui non
solum senectute, sed & fine rerum te-
statur, & tu non DEO gratias agis, non
tuis gratularis, quod exitu maturiore
subtracti, ruinis & naufragiis, & plagis
imminentibus eximantur? In cujus
manibus tuorum salus tutius colloca-
tur, quam in manibus Christi? in quo
loco tuorum anima tutius commora-
bitur, quam in regno paradisi? Au-
di, quid de morte dicat Apostolus:
a mors lucrum est, lucrum est evasisse
incrementa peccati, lucrum fugisse
deteriora, lucrum transisse ad me-
liora. Si illi, quos per mortem ami-
sisti, fuerunt admodum chari, charior
sit DEUS, qui eos voluit ad se traduci:
ne

ne indigneris Domino, qui *a* nihil abstulit, nisi quod dedit; sua recepit, tua non abstulit. Ne indigneris, Dominum repetere, quod commodato tantum dederat. Ventura solus Dominus prospicit mala, tuis ergo prospicere voluit, ne venturis implicarentur infortuniis. Mortui in Domino suaviter quiescunt in suis *b* sepulchris, quando superstitēs graviter torquentur in ipsis regni sui palatiis; *c* Si charos per mortem amisisti, crede, quod chariores olim recipies; breve temporis spacium te ab illis sejungit, beata & secunda aeternitas te illis vicissim conjunget; *d* Veracissima enim promissione speramus, nos de hac vita, unde migraturi quosdam nostros migrantes praemissimus, ad eam vitam esse venturos, ubi nobis erunt quanto notiores, tanto chariores & sine timore ullius dissensionis amabiles.

(*a*) Job. 1, 21. (*b*) Apoc. 14, 13. (*c*) Bernh. ser. 26. in cant. (*d*) August. Epist. 6. ad Sid.



Menestupet attonita in nigrū misbarat hū
 ô JESU jungar Frater amande JHB I!

Keine dūngstift Sinnergleichen,
 aller Schmerzunnsedigenweiche,
 der bey dieser Marter ist
 Zuehiffst ESU durch die in leyden,
 das ich nicht wondir inüss heide
 du in du jamen in underliff.

amabiles. *a* Quotquot erunt, animas,
& quot ante nos fuerunt, accipient
lato magna theatra sinu: Fas erit hic
nostræ vultus agnoscere gentis, atque
dare alternis mutua verba sonis; hic
cum fratre soror, nati cum patribus
ibunt, Vespera nec festos finiet ulla
dies. Non ergo tantum respice tem-
pus desertionis, quod scilicet tui te
deserunt in morte, sed etiam respice
b tempus restitutionis, quod scilicet
tui tibi restituentur in resurrectione.
Ubi firma fides resurrectionis, ibi
non est species mortis, sed potius qui-
etis, *c* Tota rerum universitas resur-
rectionis speculum est: Lux quotidie
occidens, quotidie resplendet: herbæ
per hiemem emortuæ Vere revivi-
scunt. Phoenix in morte se ipsam rese-
minat: tempora ubi finiuntur, incipi-
unt, fructus consummantur & redeunt,
semina nonnisi corrupta & dissoluta
fœcundius surgunt: omnia pereun-

Sicut in morte

- (*a*) *Bapt. Man.* (*b*) *Actor.* 3, 10.
(*c*) *Tertull. in Apol.*

do servantur, omnia de intentu re-
formantur: num ergo frustra Deus ta-
les typos in Natura proposuisse æsti-
mandus? Num potentior erit Natura
Deo, corporum nostrorum resurrecti-
onem promittenti? *a* Qui grana semi-
num mortua & putrefacta vivificat,
per quæ in hoc seculo vivas, multo ma-
gis teipsum & tuos resuscitabit, ut cum
illis æternum vivas. *b* Vocavit Deus
dilectos tuos ad cubilia sua, ne, quæ-
so securam quietem illis invidere ve-
lis, brevi aderit tempus resurrectio-
nis. Sperabas forsan, tuos ante o-
bitum fore membra utilia Ecclesiæ
militantis: sed placuit Deo, illos es-
se membra Ecclesiæ triumphantis;
placuit id DEO, placeat etiam tibi.
Sperabas forsan, tuos ante obitum
debuisse variarum rerum acquirere
scientiam: sed placuit DEO, illos in
cœlesti Academia veram discere sa-
pientiam; placuit hoc DEO, placeat
etiam

(a) 1. Cor. 15. Aug. serm. 34. de verb.
Apost. (b) Esa. 57, 2.



plu in...
...
...
...
...



Es castus Spons, sanet uncastig eubile
 line, JE SU queris Corrofa grata fiet.
 Laß mein Freund zu aller Zeit
 böse Lust mich meiden,
 daß du Fürst der Reinigkeit
 hier dich mögest weiden.

etiam tibi. Sperabas forsan, tuos ante obitum ex pulvere debuisse prius *c*elevari & *a* cum Principibus collocari: sed placuit Deo, illos cœlestibus Principibus, Angelis sanctis associari, placuit hoc Deo, placeat etiam tibi. Sperabas forsan, tuos ante obitum multas debuisse conquirere divitias: sed placuit DEO, illos cœlestis regni percipere delitias: placuit hoc Deo, placeat etiam tibi. Sancte Deus, tu, *b* quod dedisti, abstulisti, sit nomen tuum benedictum in seculum.

(*a*) *Ps.* 113, 8. (*b*) *Job.* I, 21.

XLV.

DE JUDICIO EXTREMO.

CHRISTI REVERERE TRIBUNAL.

Pater *a* non judicat quemquam, sed omne judicium dedit Filio. Scio, Domine, JESU, quod districtus

S 2 *ar-*

(*a*) *Job.* 5, 12.

arbiter omnium venturus, *a* clandestina hominum facta & verba & cogitata in lucem proferes. Supra erit Judex severus, subtus patens infernus, intus conscientia mordens, extra ignis ardens, a dextris peccata acculantia, a sinistris Dæmonia terrentia; adernnt boni Angeli a cœlis pellentes, & mali ad infernum trahentes. Domine Jesu, in hisce meis angustiis ad quem confugiam? *b* Vereor omnia mea opera, sciens quod non parcis omni delinquenti. Positus ibi ero inter tempus & æternitatem; tempus præterit, æternitatis adhuc infinita restant spatia. Maligni Spiritus opera sua requirent: mala, quæ suaserunt, in districtissimo illo judicio producent omnia, ut animam secum ad tormenta trahant sociam. *c* Tabescet omnis militia cœlorum, & complicabuntur sicut liber
cœli,

(*a*) 1. Cor. 4, 5. *Joh. Carthus. l. 2. de quatuor nobiss.* (*b*) *Joh. 8, 28.* (*c*) *Esa. 34. 4.*

cœli, omnis militia eorum defluet, sicut defluit folium de vinea & ficu. *a* Erubescet Sol, & Luna confundetur. Quod si hæc manuum tuarum opera, quæ nulla unquam commiserunt mala, a conspectu tuo fugient, quomodo miser ego peccator coram facie tua apparere possum? *b* Cœli coelorum non sunt immaculati coram te, quomodo miser ego, qui bibo, velut aquam, iniquitatem? *c* Quod si iustus vix salvabitur, peccator ubi comparebit? Quo igitur fugiam, ad quem convertar, nisi ad te, Domine? Tu peccatorum meorum Iudex eris, qui pro peccatis meis mortuus: *d* Pater enim non iudicat quenquam, sed omne iudicium tradit Filio: Pater tradidit iudicium Filio, sed Filius *e* vicissim propter peccata nostra traditus est. *f* Sic enim Deus dilexit mundum, ut Filium suum unigeni-

S 3 tum

(*a*) *Es.* 24, 23. (*b*) *Joh.* 15, 15. 16. (*c*)
1. *Pet.* 4, 18. (*d*) *Joh.* 5, 22. (*e*) *Rom.*
4, ult. (*f*) *Joh.* 3, 16.

tum daret, non ut judicet mundum, sed ut servetur mundus per eum: Quomodo igitur me judicabis, Domine JESU, cum missus sis à Patre, ut per te server? voluntatem Patris tu in omnibus perfecisti, quomodo igitur in me misero salvando eam non perficies? *a* Non est voluntas Patris tui, ut pereat unus de parvulis: Parvulus & ipse sum in conspectu tuo, parvulus etiam in conspectu meo; quid enim sum, *b* nisi cinis & pulvis? neque solum cinis & pulvis, sed etiam in pietatis profectu nimis parvulus & pusillus; perforce igitur in me parvulo voluntatem Patris tui. *c* Venisti, o JESU, salvare quod perierat, quomodo igitur poteris eum, qui salvari desiderat, judicare? Accusabunt me peccata mea, & districtam judicis exigent sententiam, sed tu peccata mea transtulisti in te, *d* peccata mundi tollis, quomodo

(*a*) *Matth.* II, 14. (*b*) *Gen.* 18, 27.
 (*c*) *Matth.* 18, 11. (*d*) *Job.* 1, 19.

modo non & mea? quomodo propter peccata mea me condemnabis, qui pro eis mortuus es? *a* Mortuus es pro peccatis Mundi totius, quomodo non & pro meis? Utique Domine JESU, si voluisses districte me iudicare, quid te coegisset de coelo descendere in carnem, in mortem, in crucem? Accusabunt me Dæmones, & opera, quæ suaserunt, ab anima mea requirent; Sed *b* iudicatus est princeps hujus mundi, neque quicquam habet in te. Quod si in te non habet quicquam, utique nec in me; credo enim in te, Domine, ideo *c* manes in me, & ego in te. Accusabit me, amicum tuum, accusabit me, fratrem tuum, accusabit me, æterni Patris filium dilectissimum: Quomodo igitur severe iudicabis amicum, fratrem & filium tuum? Accusabit me in iudicio illo Moyses, *d* maledictum me dicet, si-

S 4

qui-

(*a*) 1. Joh. 2, 2. (*b*) Job. 16, 11. cap. 14, 30.
 (*c*) Job. 14, 23. (*d*) Deut. 27. ult.

quidem non servavi omnia, quæ scripta sunt in libro legis; Verum *a* tu Christe, maledictum pro me factus, ut à maledictione legis me liberares. Maledictus ero Moyfi, sed benedictus tibi, audire enim desidero vocem illam: *b* Venite benedicti, possidete regnum Patris mei. Accusabit me Moyses, tu vero non accusabis me apud Patrem, imo *c* pro me intercedes: Non igitur maledictionem Moyfis timeo, qui *d* sustulisti Chirographum ipsius, quod erat contra me. Accusabunt me damnati, & similis culpæ reum me proclamabunt. Fateor, o Domine Jesu, reatus me cum illis conjungit, sed reatus illius agnitio & salvifica tui cognitio ab illis me disjungit. Qui *e* audit verbum tuum, & credit ei, qui misit te, habet vitam æternam, neque veniet in iudicium. Audio
ver-

(*a*) Gal. 3, 13. (*b*) Matth. 25, 34.
(*c*) Rom. 8, 34. (*d*) Coloss. 2, 14. (*e*)
Joh. 5, 24.

verbum tuum, Domine, & in te credo; fide languida, sed tamen fide: Credo, Domine, *a* sed succurre incredulitati meæ. Credo, Domine, sed *b* adauge fidem meam. Quamvis ab omnium damnatorum peccatis non sim liber, *a* sola tamen incredulitate liberabis me Domine. Accusatores illi omnes terrent me, sed tu Judex erigis me, tibi *c* Pater tradidit omne iudicium, *d* omnia in manus tuas dedit, sed vicissim *e* pro nobis omnibus te tradidit, *f* ipse etiam tradidisti te pro Ecclesia, ut illam sanctificares & mundares lavacro aquæ in verbo. Quomodo severo iudicio iudicabis eos, pro quibus tradidisti te in mortem, *g* mortem autem crucis? *h* Carnem tuam odio non habebis, membra sumus corporis tui, de carne tua, & de ossibus tuis.

XLVI.

(*a*) *Marc.* 9, 24. (*b*) *Luc.* 27, 5. (*c*) *Joh.* 5, 22. (*d*) *Matth.* 11, 27. (*e*) *Rom.* 8, 32. (*f*) (*e*) *Eph.* 5, 25, 26. (*g*) *Phil.* 2, 8. (*h*) *Eph.* 29, 30.

XLVI.

DE VITÆ ÆTERNÆ
DESIDERIO.a SEMPER MENS RESPICE
SURSUM.

DE vota anima, non debes amare vitam fugientem, sed potius permanentem. Eo ascende per desiderium, ubi juvenus sine senectute, vita sine morte, gaudium sine tristitia, regnum sine commutatione. Si delectat te pulchritudo, *b* iusti fulgebunt sicut Sol: si velocitas aut fortitudo, electi erunt *c* similes Angelis Dei: si longa & salubris vita, ibi sana est æternitas, & æterna sanitas: si satietas, *d* satiabuntur electi, cum apparuerit Domini gloria: si melodia, ibi Angelorum chori continent sine fine: si munda voluptas, *e* torrente volu-

(a) *August. de Spir. & c. Ansh. in pro sol. cap. 25.* (b) *Matth. 13, 34.* (c) *Matth. 22, 30.* (d) *Pf. 17, 15.* (e) *Pf. 36, 9.*

voluptatis inebriabit suos Deus: si sapientia, Dei sapientia seipsam eis ostendet: si amicitia, diliget illi Deum plus quam seipsos, & invicem tanquam seipsos, & Deus illos plus quam seipsos. Si delectat concordia, omnibus ibi erit una voluntas: si potestas, electis omnia erunt facilia, nihil desiderabunt, quod non poterunt: nihil autem desiderabunt, nisi quod Deus ipsos vult velle, & desiderare. Si delectat honor & divitiarum, Deus a servos suos fideles super multa constituet: si vera securitas, ita certi erunt, nunquam & nullatenus illud bonum sibi defuturum, sicut certi erunt, se non sua sponte illud amissuros, nec dilectorem Deum illud diligentibus invitis ablaturum, nec aliquid Deo potentius invitos Deum & illos separaturum. Quicquid desiderare poterunt electi, illic inve-

invenient, *a* quia coram a facie ad faciem intuebuntur eum, qui est omnia. Tam magna sunt illius vitæ bona, ut non possint mensurari; tam multa, ut non possint numerari; tam prætiosa, ut non possint æstimari; erit ibi corporum æterna sanitas, erit animorum summa puritas, erit gloriæ & voluptatis divinæ ubertas, erit perpetua Angelorum & Sanctorum familiaritas, erit stupenda corporum claritas: Gaudebunt electi propter loci amœnitatem, quem possidebunt; propter jucundam societatem, in qua regnabunt; propter corporis glorificationem, quam habebunt; propter mundum, quem contemserunt; propter infernum, quem evaserunt. Minima æternæ vitæ corona præstantior erit, quam nulle mundi, quia infinita illa, hi autem omnes finiti: neque etiam metuen-

(a) I. Cor. 13, 12. Bonab. l. 2. comp. cap. 31. Pelargus in Compend, loco 26. Bonab. in 9. diat, cap. 50.

Tum

(a) Augustin. in Joh. (b) Bernh. in
med. cap. 4. (c) I. Cor. 13, 9. 12. (d)
Luc. 24, 31.

mum in hospitio, quando panem illis frangebat. *a* Cœlestis illa Hierosolyma non habet templum manufactum, nec Solem, nec Lunam, quia templum ejus in æternum est Deus, ipsius luminare, & lucerna. Fidei succedet visio, spei comprehensio, dilectioni perfectæ fruitio. *b* In ædificatione templi Salomonis *c* vox securis & mallei non audiebatur: sic in cœlesti Hierusalem, nec pœna nec tribulatio sentitur: quia materia hujus templi *d* lapides sc. spirituales jam ante in mundo per tribulationes præparati. *e* Regina ad Salomonem veniens, est anima ad Christum in cœlestem Hierosolymam contendens, ingreditur cum multo comitatu sanctorum Angelorum, cum auro & pretiosis lapidibus diversarum virtutum: mirabitur Christi Regis sapientiam, & ministrorum, Angelorum
 rum

(a) Apoc. 21, 23. *(b)* Bertho. in lib. allegor. *(c)* 1. Reg. 6, 7. *(d)* 1. Pet. 2, 5. *(e)* 1. Reg. 10, 2. & seq.

rum scilicet & Sanctorum ordinem; ciborum mensæ, id est, æternæ refecti-
onis plenitudinem; vestium pre-
cium, id est, corporum glorificatio-
nem; domus pulchritudinem, id est
cœlestis palatii magnitudinem: sacri-
ficiorum, id est, laudum divinarum
multitudinem: fatebitur in stupo-
rem conversa, se non potuisse crede-
re ea, quæ jam oculis videt. Erigat
ergo sese fidelis anima, & parata sibi
consideret bona, eo dirigendus est
spiritus, quo aliquando est iturus. *a*
In tempore eo contendendum, ubi
aliquando in æternitate manendum.
Non intrabit in hanc Domini sui glo-
riam, qui non intrare desiderat:
Coram facie DEI aliquando apparere
speras, sanctitati ergo studendum,
quia *b* & ipse sanctus est: cœlestium
Angelorum expectas consortium, vi-
de ergo, ne per peccata repellas ipso-
rum à te ministerium: æterna speras,

T 2 qua-

(a) *Bernh. 3. in med. cap. 16.* (b)
L. 66, 11, 45.

quare ergo temporalia tantopere desideras? futuram inquiris civitatem, quare ergo desideras *a* hic locum permanentem? ad Christum venire desideras, quare ergo mortem times? ejus est mortem timore, qui ad Christum nolit ire: ad cœlestem Hierosoly-mam intrare desideras, quare ergo tot ac tantis peccatis te contaminas? cum tamen scriptum sit, *b* quod nihil intrabit in eam coinquinatum: ligno vitæ aliquando frui desideras, Christum, verum vitæ lignum, in hac vita per veram fidem prius apprehendas, quia scriptum est: beati, qui lavant stolas suas in *c* sanguine Agni, *d* ut sit potestas eorum in ligno vitæ, & per portas intrent in civitatem: foris sunt canes & venefici, cave ergo impudicitiam; foris sunt homicidæ, cave ergo iracundiam: foris sunt idolis servientes, cave ergo avaritiam: foris

(*a*) Hebr. 13, 14. Cypr. serm. 4. de mor.

(*b*) Apoc. 21. ult. (*c*) Apoc. 17, 14. (*d*) c. 22, 1.

foris sunt mendaces, cave ergo omnem peccati malitiam. Si desideras itrare ad *a* nuptias Agni, Sponsi adventum desidera. *b* Spiritus & Sponsa dicunt, veni: si non habes *c* arrham Spiritus, per quem clames, ut veniat Dominus, nunquam ad cœlestes nuptias te introducet Sponsus: Sponsa non es, si sponsi adventum non desideras. Vis locum habere *d* in novo cœlo ac nova terra, quare ergo veteribus hisce adhæres? Vis particeps fieri creatoris, quare ergo egenis adhæres creaturis? Expectas ædificationem *e* ex DEO, domum non manufactam æternam in cœlis, quare ergo terrestrem domum hujus nostri habitationis dissolvi non desideras? superindui desideras, quare ergo non prospicis, ne nudus inveniaris? Si in hac vita sancta Trinitas non inhabitat cor tuum per gratiam,

T 3 nun-

- (a) *Apoc.* 19. 7. (b) *Apoc.* 22, 17.
(c) *Eph.* 1, 14. (d) *Apoc.* 21, 1. (e) 2. *Cor.* 5, 1.

nunquam in futura te inhabitabit per gloriam: si in hac vita non gustas æternæ felicitatis initium, nunquam plenum percipies complementum.

XLVII.

DE BEATISSIMA DEI IN
COELO VISIONE.

SANCTORUM PATRIA COE-
LUM.

IN domo Patris mei mansiones multæ sunt: Verba sunt Salvatoris nostri. Desidero videre locum illum, Domine, in quo æternam mihi præparasti mansionem. *a* Advena enim hic sum & peregrinus sicut omnes patres mei. *b* Dies peregrinationis meæ parvi & mali, igitur in hoc mundi exilio patriam cœlestem desidero: *c* πολίτευμα enim meum in cœlo, desidero videre bona Domini in terra viventium. In imagine per-

(*a*) Ps. 39, 14. (*b*) Gen. 47, 9. (*c*) Phil. 3, 20. (*d*) Ps. 27, 13.

pertransit hæc vita, mensurabiles sunt Dies mei, *a* & substantia mea tanquam nihilum coram te, quæ igitur expectatio mea? nonne Dominus? Domine JESU, *b* quando erit, ut ad te veniam? quando apparebo ante faciem tuam? Quemadmodum desiderat cervus ad fontes aquarum: ita desiderat anima mea ad te Deus! *c* O verum & perfectum & plenum gaudium! o gaudium super gaudium, vincens omne gaudium, extra quod non est gaudium: quando intrabo in te, ut videam DEUM meum, qui habitat in te? *d* Adimplebis me lætitia cum vultu tuo, Domine, delectationes in dextera tua usque in finem, inebriabor ab ubertate domus tuæ, *e* & torrente voluptatis tuæ potabis me, apud te est fons vitæ: *f* O desideratam vitam! O beatam felici-

T 4 ta-

(*a*) Ps. 39, 7. (*b*) Ps. 42, 3. 6. 2. (*c*) Aug. in medit. (*d*) Ps. 17. ult. (*e*) Ps. 36, 9. (*f*) Aug. 22. de ciß. Dei cap. ult.

tatem! in qua sanctissima Trinitas erit perfectio desideriorum nostrorum, quæ sine fine videbitur, sine fastidio amabitur, sine defatigatione laudabitur. Deum videre, superabit omnia gaudia: Christum videre, cum Christo vivere, Christum audire, superabit omnia cordis nostri desideria. O JESU Christe, Sponse animæ meæ suavissime, quando sponsam tuam in regium adduces palatium, quid ibi deesse poterit? quid ibi amplius desiderari poterit, aut expectari, *a* ubi Deus erit omnia in omnibus? *b* pulchritudo erit visui, mel gustui, cithara auditui, balsamum olfactui, flos tactui: Omnia erit Deus, & distribuet unicuique secundum desiderium cordis sui bona: Si vitam desideras, si sanitatem, si pacem, si honorem, ibi Deus erit omnia in omnibus. Quæ summis in Ecclesiæ Doctoribus obsignata modo sunt mysteria, vel puellulis ibi erunt obvia. Aderit nobis benedicta Christi hum-

(*a*) 1. Cor. 15, 28. (*b*) Bernb. ma-

manitas, & de absconditis salutis nostræ mysteriis voce concionabitur suavissima. *a* Vox ipsius dulcis, atque facies ejus decora, *b* diffusa est gratia, in labiis ipsius *c* gloria & honore incedit coronatus. Quod si Deus erit omnia in omnibus, *d* utique etiam erit plenitudo luminis intellectui, multitudo pacis voluntati, continuatio æternitatis memoriæ. Saturabit filius intelligentiam plenissima cognitione, Spiritus sanctus voluntatem suavissima dilectione, Pater memoriam secunda utriusque recordatione. Tu, o Deus, lumen eris, *e* in cujus lumine videbimus lumen, te scilicet in te, in splendore vultus tui, quando te videbimus à facie ad faciem. Neque solum te videbimus, sed etiam tecum vivemus; neque solum tecum vivemus, sed etiam te laudabimus: neque solum te

T 5 lau-

(*a*) *Cant.* 2, 14. (*b*) *Psf.* 45, 3. (*c*) *Psf.* 8, 6. (*d*) *Bernh. ser.* 11. in *Cant.* (*e*) *Psf.* 36, 10. *Aug. in illum loc.*

laudabimus, sed gaudii tui consortes erimus, neque solum tecum gaudebimus; sed *a* Angelis etiam similes erimus; neque Angelis solum, sed ipsi etiam *b* Deo benedicto in seculum. Obstupe scat hic fidelis anima, & misericordiam Salvatoris sui adoret. Non in gratiam solum nos inimicos recipit, sed peccata remittit, sed justitiam donat, sed ad coelestem deducit hæreditatem, imo, Angelis & sibi ipsi nos similes reddit. O beatissima civitas! O coelestis Hierusalem! O sancta sanctissimæ Trinitatis sedes, quando erit, ut ingrediar templum tuum? *c* Templum coelestis Hierosolymæ Agnus est, *d* Agnus nimirum, qui peccata mundi tollit, & pro eis *e* ab origine mundi occisus. Quando erit, ut adorem in templo illo Deum meum, Deum scilicet in Deo? Quando orietur mihi Sol iste, *a* qui

(*a*) *Matth.* 22, 30. (*b*) *1. Joh.* 3, 2.

(*c*) *Apoc.* 21, 22. (*d*) *Joh.* 1, 29. (*e*)

Apoc. 13, 8.

a qui illuminat civitatem illam sanctam? Exulo adhuc à patria mea, sed *b* reposita mihi est hæreditas ampla, Credentibus *c* potestas per Christum facta filios Dei fieri. *d* Quod si filii sumus, utiq; etiam hæredes, hæredes quidem DEI, cohæredes vero Christi. Eri-ge te, anima mea, & aspira ad hæreditatem tuam. *e* Dominus pars hæreditatis meæ *f* & merces mea magna valde. Quid præter hoc donare posset misericordissima DEI benignitas? Vitam donat; Filium donat; Semetipsum donat: Quod si adhuc majus aliquid in cælo atque terra sciret, illud ipsum nobis donaret: *g* In DEO vivimus, *h* templum Dei sumus, Deum possidemus, hic quidem in spiritu atque mysterio, illic autem in veritate, *i*

T 6 ibi

(*a*) *Apoc.* 21, 23. (*b*) *Pf.* 16, 6. (*c*) *Joh.* 1, 12. (*d*) *Rom.* 8, 17. (*e*) *Pf.* 16, 5. (*f*) *Gen.* 15, 1. (*g*) *Act.* 17, 28. (*h*) *1. Cor.* 1, 16. (*i*) *Aug. in Pf.* 74. *Orig. lib. 28 de princ. c. 3.*

ibi nostra spes erit res, ibi non solum
permanebimus, sed etiam habitabi-
mus in æternum.

XLVIII.

DE SUAVISSIMA ANGELO-
RUM IN COELO ASSOCIA-
TIONE.

COELESTIS CURIA NOSTRA
EST.

IN *a* resurrectione mortuorum ne-
que nubent, neque uxores ducent,
sed erunt sicut Angeli DEI in cœlo.
Ecquis hanc beatorum dignitatem
dignis celebrare potest encomiis? *b*
In cuius hominis cor hæc beatorum
gloria ascendit? Electi, gloria resur-
rectionis innovati, absque ullo mortis
metu, absque ulla corruptionis labe
salvifica DEI fruuntur visione. *c* Vi-
di Dominum à facie ad faciem, &
salva facta est anima mea, exclamat
D. Patriarcha. Quod si *momenta-*
nea

(*a*) Matth. 22, 30. (*b*) 1. Cor. 2, 9.

(*c*) Gen. 32, 30.

nea DEI visio tantum potuit adportare lætitiæ cumulum, quid poterit visio ejus *æterna*? Si DEI in forma hominis apparentis intuitus salutem & vitam attulit animæ, utique visio ejus à facie ad faciem vitam & beatitudinem afferret æternam. Quid igitur ad hanc felicitatem accedere præterea possit? quid præter DEI visionem desiderare poterunt electi? Nihil tamen minus beatissimo & suavissimo Angelorum fruuntur consortio. Neque solum consortio illorum fruuntur, sed etiam similes illis erunt, corporum scilicet agilitate, claritate, immortalitate. Induemur eadem cum illis veste, *a* in stolis albis coram throno Agni assistentes, æternum psallemus Domino canticum, in eadem virtutum fulgebimus corona, eodem immortalitatis gaudebimus privilegio. Vidimus *b* Angelum Domini, & moriemur, exclamat Manoa. Nos autem videbi-

T 7

nus

(a) *Apos.* 7 9. (b) *Jud.* 13, 22.

mus *a* millia millium, & decies mil-
 lies centena millia Angelorum, &
 vivemus in æternum. Quod si ἱσάγγε-
 λαι erimus, utique metuendum non
 erit amplius, ne peccatorum diffi-
 militudine ab illis separemur. Exue-
 mur pannosa Naturæ peccatricis tu-
 nica, & nuditas nostra *b* salutis ope-
 rietur vestimento atque candidissima
 induemur innocentiae stola. *c* Nemo
 ibi læditur, irascitur nemo, invidet
 nemo, cupiditas nulla exardescit,
 nulla honoris aut .potestatis pulsat
 ambitio. Peccatorum pondere non
 gravabimur, neque peccatorum ma-
 culas pœnitentibus lachrymis deflere
 cogemur, neque metuenda amplius
 lethalia animæ vulnera. *d* Vicit enim
 Leo de tribu Juda, vicinus in virtute
 ipsius omnes. Quod si ἱσάγγελοι eri-
 mus, utique nullum aderit cibi aut
 potus desiderium. *e* Deus erit cibus
 ho-

(*a*) Dan. 7, 10. (*b*) Esa. 61, 10. (*c*)
 Aug. serm. 1. de fest. sancti. (*d*) Apoc. 5,
 5. (*e*) Aug. in Ps. 50.

noster, in cuius delectatione satiabi-
mur. Deus erit cibus noster, qui so-
lus reficit nec deficit. *a* Non esurient
beati, neque sitient, non percutiet
eos æstus & Sol, quia miserator eorum
reget eos, & ad fontes aquarum pota-
bit eos, ibi *b* de ventre fluent flumina
aquæ vitæ, ibi *c* paratum convivium
pinguium medullatorum, convivium
vindemiæ defecatæ. *d* Epulabimur &
lætabimur, & præ lætitia cordis jubi-
labimus. Domine JESU, p rficien-
tur hæc in Spiritu & veritate, *e* de fru-
ctu vitis bibemus in regno Patris tui,
sed in Spiritu & veritate. Verba enim,
quæ locutus es nobis, *f* Spiritus & vi-
ta sunt, atque hujus seculi verbis futu-
ræ vitæ declaras gaudia. Quod si
ἱσάγγελοι erimus, utique etiam mor-
tis auferetur metus, *g* absorpta erit
mors

(*a*) *Apoc.* 7, 16. 17. (*b*) *Joh.* 7, 38. (*c*)
Esa. 25, 6. (*d*) *Esa.* 66, 11. (*e*) *Matth.* 26,
29. (*f*) *Joh.* 6, 63. (*g*) *1. Cor.* 15, 54.

mors in victoria , præcipitata erit mors in sempiternum , *a* & absterget Deus omnem lachrymam ab oculis populi sui. *b* Gaudium igitur erit sine tristitia , quod continet æternam lætitiā ; salus erit sine dolore , vita sine labore , lux sine tenebris , amor nunquam tepescet , gaudium nunquam decrescet , gemitus non audietur , neque dolor sentietur , triste nihil videbitur , lætitia semper habebitur , ibi summa & certa securitas , secunda tranquillitas , tranquilla jucunditas , jucunda felicitas , felix æternitas , æterna beatitas , beata Trinitas , Trinitatis unitas , & unitatis Deitas , & Deitatis beata visio. Erige te , anima mea , & honorem à Christo nobis collatum altius perpende. Consociabimur *c* Angelorum & Archangelorum cœtibus , thronis & dominationibus , principibus & potestatibus : neque solum sociabimur , sed etiam
 simi-

(*a*) *Esa.* 25, 8. (*b*) *August.* (*c*) *Col.* I, 16.

similes erimus. Agnoscemus ibi Angelum custodiæ in vita olim deputatum: neque egebimus ipsius ministerio, sed suavi ejus lætabimur contubernio: non desiderabimus ipsius protectionem, sed ob suavem gaudebimus societatem, & claritatem ipsius oculis intuebimur clarificatis. Quod si ἰσαγγελοι erimus, *a* utique corpora nostra fragilia, debilia, mortalia immutabuntur, & spiritualia, agilia, immortalia efficientur; lucida erunt, quia Deo propinqua, *b* qui habitat in luce inaccessibili, & luce vestitus est; Incorruptibilia erunt, quia Angelis, imo *d* corpori Christi clarificato conformia; *e* seminantur hic in corruptione, resurgent in incorruptione; seminantur in ignobilitate, resurgent in gloria; seminantur in infirmitate, resurgent in virtute; seminatur corpus anima-

(*a*) 1. Cor. 15, 43. 44. (*b*) 1. Tim. 6, 16. (*c*) 104, 2. (*d*) Phil. 3. ult. (*e*) 1. Cor. 15, 43.

male, surget corpus spirituale, quod fulgebit, sicut *a* splendor firmamenti in æternum. Veni, Domine JESU, & gloriæ illius participes nos effice!

(a) *Dan.* 12, 48.

XLIX.

DE TORMENTORUM IN-
FERNALIIUM GRAVI-
TATE.

SEMPER MEDITARE GEHEN-
NAM.

COgita, devota anima, poenarum inferni gravitatem, & facile superabis omnem pravam peccandi voluptatem. Erit ibi præsentia omnis mali, & erit absentia omnis boni. *a* Quid mali illis deesse poterit, qui puniuntur propter summum malum, scilicet peccatum? Quid boni illis adesse poterit, qui sunt remoti à summo bono, scilicet Deo? Erit ibi calor ignis, & rigor frigoris, erunt ibi per-

(a) *Cart. l. 3. de quat. nobiss. c. 4.*

perpetuæ tenebræ, erit ibi fumus & perpetuæ lachrymæ, erit ibi aspectus terrificus Dæmonum, erit clamor in perpetuum, erit ibi ariditas, sitis, foetor sulphuris, vermis conscientiæ, timor, dolor, pudor & confusio peccatorum omnibus manifestorum, invidia, odium, tristitia, divinæ visionis carentia, omnis spei ablatio. Separabitur Dei virtute claritas ignis ab ejus adustiva virtute, claritas cedit in gaudium sanctorum, vis adustiva in tormentum damnatorum: lucebit miseris non ad consolationis objectum, ut videant, unde gaudeant; sed ad miseriæ augmentum, ut cernant, unde magis doleant. Visus aspectu Solis, Lunæ ac stellarum omnium privabitur, sicut etiam visione Christi & sanctorum omnium: punietur autem fletu, fumo, Dæmonum ac omnium damnatorum aspectu. Aures damnatorum ejulatus & assiduas blasphemias, ut & horribiles Dæmonum rugitus audient. Gustus affli-

affligetur siti & fame: , ac omni ciborum ac potus privabitur voluptate. Odoratus foetore sulphureo torquebitur: tactus ignem intus & extra urentem, atq; ad medullas usq; penetrantem sentiet. Corpora damnatorum erunt deformia, obscura, tarda, ponderosa. Torquebitur memoria peccatorum recordatione, neq; tam dolebit se peccasse, quam voluptates suas perdidisse. Una scintilla gehennæ ignis plus peccatores lædet, quam si foemina in labore & partu prolis perseverando mille annos perduret: erit ibi fletus ex dolore, & a stridor dentium ex furore: in carne cruciabuntur per conscientiaæ vermem: nullum erit vitium, quod non habeat ibi proprium aliquem cruciatum. Sicut nihil in regno Dei desideratur, quod non invenitur, ita in inferno nihil invenitur, quod desideratur. Nihil ibi pro-

(a) *Matth. 22, 13. Bernh. serm. 8. in Ps. Qui habitat. Idem in med. de bot. c. 3. (b) Es. 66. ult.*

proderit damnatis, quod in hac vita deliciis variis usi fuerint, quin potius earum recordatio gravius torquebit: nihil proderit damnatis, quod in hac vita in perpetua saturitate & ebrietate vixerint, *a* quia tunc ne guttulam quidem aquæ obtinere possunt. Nihil proderit eis, quod vestibus usi fuerint splendidis, quia induentur confusione, & corpora ipsorum vestientur ignominia. Nihil proderit eis, quod in hac vita constituti fuerint in honoribus, quia in inferno nullus erit honor, sed continuus gemitus & dolor. Nihil proderit eis, quod in hac vita cumulaverint divitias, quia ibi æqualis erit omnium paupertas. *b* Remoti erunt à beatifica Dei visione, DEUM non videre, omnia gehennæ superat supplicia: Dei faciem si in carcere inferni inclusi viderent damnati, nullam poenam, nullum dolorem, nullamque tristitiam sentirent: iram Dei
ex-

(*a*) *Luc. 16, 24.* (*b*) *Bernh. de dam. inter. cap. 20.*

experientur, & tamen beatificam DEI faciem nunquam intuebuntur: sentient pœnas à facie ejus, cujus tamen faciem nunquam contemplabuntur, ira DEI ignem æternæ damnationis perpetuo instar sulphurei torrentis succendet. *a* Nec solum à DEI contemplatione removebuntur, sed etiam à Dæmonum conspectu miserabiliter cruciabuntur: sentient eorum flagella, quorum in hac vita secuti sunt magisteria. Si spectri alicujus intuitus hominem in hac vita ferme exanimat, quid potuit horribilis Dæmonum in æternum duraturus aspectus? neque solum cogentur damnati Dæmonibus perpetuo conversari, sed etiam sentient, se in æternum ab illis cruciari: si in hac vita ex permissione divina Diabolus tam graviter affligit sanctos, quam graviter cruciabit damnatos potestati suæ in æternum traditos? Damnati non solum cruciabuntur per Dæmones exterius, sed
et

(a) Polycarp. c. 61. Harv. Egan.

etiam per conscientiae vermem interiorius: omnia omnino, quæ unquam perpetraverunt, peccata oculis eorum assidue erunt objecta: tanto autem erit gravius tormentum, quia non amplius restat poenitentiae beneficium: *a* quando virgines paratæ intraverint cum Sponso, statim claudetur janua, *b* januam intellige indulgentiæ, januam misericordiæ, januam consolationis, januam spei, januam gratiæ, januam conversionis sanctæ. Clamabunt damnati, & *c* dicent montibus ac petris: Cadite super nos, & abscondite nos ab ira Agni; sed clamor iste erit frustraneus, quia Cælum & Terra fugient ab ira ejus, sicut scriptum est: *d* Fugit omnis insula, & montes non sunt inventi. Quicquid datum fuerit electis ad gloriæ augmentum, id omne cedit damnatis ad dolorum incrementum.

(*a*) *Matth. 25, 10.* (*b*) *Granat. lib. 1. memorial. c. 1.* (*c*) *Apoc. 6, 16.* (*d*) *Apoc. 16, 20.*

mentum. Erunt quidem pœnarum gradus, sed tamen qui minora sentit tormenta, nulla exinde percipiet levamenta: qui majoribus torquebitur cruciatibus, invidet illi, qui affligitur minoribus. Non percipient damnati inde aliquod levamentum, quod quidam cognatorum vel amicorum in cœleste recepti sunt palatium, quia etiam electi nullam inde sentiunt tristitiam, quod sciunt, quosdam suorum cognatorum ad æternam transiisse gehennam. Tantus ibi in damnatis erit dolor & cruciatus, ut mens ad aliud dirigi non possit, nisi ad quod vis doloris impellit. Prosequuntur damnati odio omnes Dei creaturas: prosequuntur odio seipsum invicem: prosequuntur odio Angelos sanctos, homines, electos, adeoque Deum ipsum, non quidem in se & in natura sua, sed in justitiæ effectis Omnia mala hujus vitæ singularia sunt: unus gravatur paupertate, alter torquetur morbi gra-

vitae: unus dura premitur servitute, alter conviciorum oneratur mole: sed illic simul omnes omnibus torquebuntur malis, dolores ibi erunt universales in omnibus sensibus & membris: in hac vita omnes molestias mitigat spes levationis, sed illic nulla relicta est spes liberationis: poena inferni non solum est æterna, sed etiam ne per momentum quidem interrupta. Atque hinc est, si omnes homines nati ab Adam usque ad hodiernum diem, & amplius nascituri viverent usque ad novissimum diem, & si unam poenam, quam anima pati cogitur, pro uno peccato in inferno ex æquo paterentur, tunc particula quævis illius poenæ unius hominis major esset, quam omnia tormenta, quæ omnes raptores & malefici unquam essent perpeffi. O Domine, da, ut gehennam cogitemus, ne in gehennam incidamus!

DE POENARUM INFERNAL-
LIUM ÆTERNITATE.

TORMENTA ÆTERNA MALOR.

COgita, devota anima, infernalium poenarum æternitatem, & rectius percipies earum gravitatem. *a* Est in inferno flamma furens, & sine fine perurens: Vita damnatorum est sine fine mori: mors eorum est in æternis poenis vivere. *a* Nec, qui torquet, fatigatur, nec qui torquetur, aliquando moritur: sic ignis ibi consumit, ut tamen semper reserve: sic tormenta ibi augentur, ut tamen semper renoveantur: sic damnati moriuntur, ut semper vivant, sic vivent: ut semper moriantur. *c* Sine ullo unquam fine aliquem torquendum esse, id verò ultra omnes desperationis fertur terminos. Quid enim gravius, quam semper velle, quod nunquam erit

(*a*) Paulinus de obitu celsi. (*b*) Bernh. in med. de botiff. c. 3. (*c*) Ib. col. 1193. Isidor. Clarus orat. 12.



*Non es mortalis meamens, aterna creata es:
Aterna hinc timeas mens mea supplicia.*

*Ich erschitter und erbebe
Wan ich mich vom Schlauffterhebe,
und betrücht dieß Schlud
die hinein durch Sünden reimen,
müssen ewig also brennen,
weil er ist ohn End u. gründ.*

erit, & semper nolle, quod nunquam non erit? in æternum damnati non assequeritur, quod volunt, & quod nolunt, in æternum pati cogentur. Quando cessabit DEI ira, cessabit etiam damnatorum pœna: sed æterna est ira, æterna igitur & pœna. Quando pœnitentiam veram agent damnati, à peccatis suis poterunt liberari, sed præclusum tempus pœnitentiæ, nulla ergo spes restat indulgentiæ. Quando torquere cessabunt Diaboli, torqueri cessabunt damnati, sed nunquam cessabit furor Diaboli, nunquam ergo cessabit cruciatus hominis damnati. Quando mutabitur DEI iustitia, mutabuntur etiam damnatorum supplicia: sed invariabilis DEI iustitia, æterna igitur erunt damnatorum supplicia. ^a Ad districti iudicii sententiam pertinet, ut nunquam careant supplicio, qui in hac vita nunquam carere voluerunt peccato: æquum est, ut nullus de-

V 2 tur

(a) *Gregor.*

tur damnato terminus ultionis, qui, quamdiu valuit, habere noluit terminum criminis: damnati peccarunt in suo æterno, id est, quamdiu vixerunt, justum ergo est, ut puniantur in Dei æterno: cum sine deliquerunt, quia cum sine vixerunt, non voluissent utique cum sine delinquere, si potuissent sine sine vivere, ut possent sine sine peccare: Æterna quoque est ignis infernalis: materia, peccati scilicet macula, merito igitur æterna etiam poena: non removebitur ab oculis Dei peccatorum in damnatis turpitudine, quomodo ergo removeri poterit suppliciorum in peccata constitutorum magnitudo? Peccatum insuper est infinitum malum, quia contra infinitum bonum commissum, & Christus pro eo persolvit infinitum precium: merito ergo in eos, qui moriuntur in peccatis, infinitum constituitur supplicium. Peremit in se homo bonum æternum, justo ergo Dei iudicio incidit in malum

lum æternum. *a* Creavit Deus ab initio hominem ad sui imaginem, ut in æternum secum vivere posset; reformavit DEUS hominem in peccatum prolapsum per Christum ad sui imaginem: paravit omnibus æternæ salutis media, & obtulit omnibus æternæ vitæ præmia, justum igitur est, ut, qui æternis carere voluerunt præmiis, æternis etiam subjiciantur suppliciis. Nunquam à damnatis auferetur voluntas mala, nunquam ergo auferetur malæ voluntatis pœna. Elegerunt damnati momentaneam voluptatem, & finita mundi bona præ infinito bono Deo; aspirarunt potius ad fugacis & brevissimæ hujus vitæ delicias, quam ad æternæ vitæ divitias: æquum igitur est, ut infinitas sentiant pœnas. O æternitas interminabilis! O æternitas nullis temporum spaciis mensurabilis! O æternitas nullo intellectu humano perceptibilis! quantum auges damnato-

V 3 rum

rum supplicia? Post innumera annorum millia semper cogitare cogentur, hoc ipsis tantum esse tormentorum principium. Quam grave est in mol-
lissimo lecto per triginta annos im-
mobilem jacere, quid erit in sulphu-
reo isto lacu triginta millia millium
annorum ardere? O æternitas! æter-
nitas! tu sola ultra omnem modum
supplicia damnatorum exaggeras. *a*
Gravis est damnatorum pœna, pro-
pter suppliciorum acerbitem; gra-
vior est propter suppliciorum diver-
sitem; gravissima propter supplicio-
rum æternitatem: *b* mors erit ibi fi-
ne morte: erit finis sine fine, defe-
ctus sine defectu, quia mors semper
vivit, & finis semper incipit, & defe-
ctus deficere nescit: *c* quærent da-
mnati vitam, & non invenient, quæ-
rent mortem, & fugiet ab eis: post an-
norum centum millena millium mil-
lia,

(*a*) *Dionys. Carthus. in Apoc. cap. 18.*
(*b*) *Gregor. lib. 9. moral.* (*c*) *Apoc. 9, 6.*

lia, sine ullo fine ad rediviva revertentur tormenta : plus cruciabit eos cogitatio de continuatione doloris, quam sensus tormenti exterioris : quid potest esse miserum magis, quam ita mori, ut semper vivas ; ista vivere, ut semper moriaris ? vita ita erit mortifera, & mors immortalis : si vita es, cur occidis ? si mors, quomodo semper duras ? Æternitas qualis sit, perfecte non cognoscimus : non enim dubium, quin id, quod nulla temporis mensura circumscribitur, nulla etiam creata mente comprehendatur : si quid tamen de spatio æternitatis vis æstimare, tempus autem undandum debes cogitare : si potes invenire DEI principium, poteris etiam invenire, quando finem habiturum sit damnatorum supplicium. Finge tibi montem quendam altissimum, qui magnitudine excedat cœli & terræ spacium : finge quandam volucrem quibuslibet mille annis deportare ex hoc monte granulum te-

nuissimi pulveris : Sperandum esset ,
 ut tandem post incomprehensibilia
 multa annorum millia finiretur ma-
 gnitudo illius montis , sed non
 potest sperari , ut finiatur aliquan-
 do infernalis iste ignis. Nunquam
 finientur electorum præmia , nun-
 quam etiam finientur damnatorum
 supplicia , quia ut infinita est DEI
 misericordia erga electos , ita in-
 finita est Dei iustitia erga reprobos.
 Statue , tot esse tormentorum species
 in damnatis , quot sunt guttulæ ma-
 gni maris : finge post millesimum
 quemque annum advolare quandam
 aviculam , & exhaustire tenuem maris
 guttulam : sperandum esset , fore , ut
 exhauriatur tandem maris copia : sed
 sperari non potest , finienda esse ali-
 quando damnatorum supplicia. O
 devota anima , semper tibi obversetur
 pœna damnatorum æterna : a ge-
 hennæ meminisse prohibet in gehen-
 nam incidere. Sit cura agenda pœ-
 ni-

(a) *Chrisost. hom. 1. in 2, ad Thess.*

nitentiæ, dum adhuc tempus est indulgentiæ: *a* Quid aliud devorabit ignis iste, quam peccata tua? quo magis peccata cumulas, eo maiorem comburendi materiam reservas. O Domine J E S U, qui pro peccatis nostris satisfecisti tua passione, custodi nos ab æterna damnatione, Amen.

(a) *Kemp. 1. de imit. Christi c. 24.*

LI.

DE SPIRITUALI PIORUM
RESURRECTIONE.

CUM CHRISTO SURGERE VITA
EST.

Non prodest Christi resurrectio, nisi in te quoque Christus resurgat. Sicut Christum oportet in te concipi, nasci, vivere: ita quoque oportet eum in te resurgere. Omnem resurrectionem præcedit mors, quia non resurgit, nisi quod cecidit: ita quoque res se habet in spiritali hac resurrectione. Non resurgit in te Christus, nisi prius Adam in te mori-

ria-

riatur : non resurgit homo interior, nisi sepeliatur prius exterior : non prodibit novitas Spiritus : nisi prius abscondatur vetustas carnis. Nec sufficit, semel in te Christum resurgere, quia vetus Adam non potest extinguī uno momento, quotidie vult in te reviviscere vetus Adam, quotidie eum extingue, ut in te quotidie Christus incipiat vivere. *a* Non ascendebat Christus in cœlum, neque in suam gloriam intrabat, antequam resurgeret ex morte : ita non poteris ad cœlestem intrare gloriam, nisi Christus prius in te resurgat, atque in te vivat : non est pars corporis Christi mystici, in quo Christus non vivit, nec deducetur à Christo ad Ecclesiam triumphantem, nisi qui fuerit pars corporis ejus in Ecclesia militante. Conjugium præcedit desponsatio ; non introducetur Anima ad nuptias cœlestis *b* agni, quæ *c* non per Adam

(*a*) *Luc.* 24, 26. (*b*) *Apoc.* 19, 7.

(*c*) *Os.* 2, 19.

dem Christo in hac vita desponsata, & arrha S. Spiritus obsignata. Resurgat ergo & vivat in te Christus, ut cum ipso in æternum vivas. *a* Hæc est resurrectio prima: beatus & sanctus, qui habet partem in resurrectione prima, in hoc secunda mors non habet potestatem. Si in resurrectione corporum ad vitam vis prodire, quotidie debet Christus in hac vita in te resurgere. *b* Resurgente Christo Sol oriebatur: ita si spiritualiter Christus in te resurgat, orietur in anima tua lux salutaris DEI agnitionis: quomodo ibi possit esse lux salvificæ DEI cognitionis, ubi adhuc locum habent peccatorum gravissimorum tenebræ? *c* Timor Domini initium sapientiæ, quomodo ergo ibi possit esse cœlestis sapientia, ubi timor Domini locum nunquam habuit? Qui vero luce divinæ cognitionis destitutus est in hac vita, quomo-

(*a*) 2. Cor. 1, ult. Apoc. 20, 5. 6. (*b*) Marc. 16, 2. (*c*) Ps. 111, 10.

modo potest fieri particeps æternæ lucis in futura? Filii lucis solum transeunt ad æternam lucem. Filii tenebrarum ad æternas transeunt tenebras. Christus resurgens triumphaverat de morte: sic in quo Christus spiritualiter resurgit, à *a* morte ad vitam transit, neque enim potest vinci à morte, in quo vivit victor mortis. Christus resurgens adduxit secum *b* justitiam perfectam, *c* mortuus enim est propter peccata nostra, resurrexit propter justitiam nostram: ita quoque, in quo Christus spiritualiter resurgit, justificatus est à peccato, quomodo enim ibi peccata haberent locum, ubi viget, & vivit perfecta Christi justitia? applicatur autem nobis illa [Christi justitia per fidem. Christus resurgens victoriam ex Satana referebat, quia in suo ad inferos descensu regnum ejus de-

(a) *Joh. 5, 24.* (b) *Dan. 9, 24.* (c)
Rom. 4. ult.

destruxerat, *a* palatium ejus exspoli-
averat, arma ejus confregerat: ita quo-
que, in quo spiritualiter Christus re-
surgit, illi Satanæ prævalere non pot-
est, neque enim potest vinci à Satana, in
quo vivit victor Satanæ. Christo *b* re-
surgente terræ motus factus est ma-
gnus, ita quoque spiritualis illa cum
Christo resurrectio non fit sine seria
commotione & cordis contritione.
Vetus ille Adam non potest extingui
sine lucta & renitentia: Ergo etiam
Christus non potest spiritualiter in te
resurgere sine magna commotione.
Non fit spiritualis cum Christo resur-
rectio, nisi fiat peccati abolitio: non fit
peccati abolitio, nisi præcedat peccati
agnitio: nondum adest vera peccati a-
gnitio, nisi adsit seria cordis contritio.
Ergo non fit spiritualis Christi resur-
rectio, nisi præcedat interior cordis
contritio. Dicebat sanctus Ezechias

X *a* Sicut

(*a*) *Luc. 11, 22.* (*b*) *Matth.*

a Sicut leo contrivit omnia ossa mea : Vide magnam commotionem. Sed statim addit : *b* Domine sic vivent, & in talibus vita spiritus mei, corripies me, & vivificabis me, projecisti post tergum tuum omnia peccata mea : Vide spirituales à peccatis resurrectionem. *c* Christo resurgente Angelus Domini descendens de coelo sedit super supulchrum : ita si spiritualiter Christus in te resurgit, Angelorum poteris gaudere associatione : ubi vivit adhuc & regnat vetus Adam, ibi gratum, cubile Diaboli : ubi vero vivit & regnat Christus, ibi habitare gaudent Angeli. *d* Scriptum est enim, quod sit gaudium in coelo super peccatore agente poenitentiam. Ubi autem vera poenitentia, ibi quoque Christus spiritualiter resurgit. Ubi Christus nondum resurrexit spiritualiter, ibi nondum est DEI gratia. *e* Ubi autem nondum est

(*a*) Es. 38, 13. (*b*) 6. 16, 17. (*c*) Matt. 26. 2.

(*d*) Luc. 15, 7. (*e*) Luth. in cap. 2, Hebr.

est DEI gratia, ibi nec Angelorum custodia. Ubi nondum spiritualiter Christus resurrexit, ibi adhuc regnat vetus Adam: ubi autem regnat vetus Adam, ibi adhuc regnat peccatum: ubi autem regnat peccatum, ibi Diabolus regnat: quæ autem communio esse potest Angelorum cum Diabolo? *a* Christus resurgens apparuit suis discipulis, eisque vivum se exhibuit: ita, si spiritualis resurrectionis particeps factus es per fidem, ostende te vivum Christi membrum per charitatem: non judicatur homo vivus, si non opera vitæ manifestet exterius. Ubi Christus, ibi etiam S. Spiritus: ubi S. Spir. ibi agit & impellit ad omne opus bonum, quia *b* qui Spiritu DEI aguntur, illi sunt Filii DEI. *c* Si ergo in Spiritu vivimus, in Spiritu etiam ambulemus. Solis lux undique spargit radio-
X 2 rum

(a) *Luc. 24, 15.* (b) *Rom. 8, 14.* (c) *Gal. 5, 25.*

rum splendorem, fidei lux undique
que diffundit charitatis fervorem :
tolle lucem à Sole, & separare po-
teris charitatem à vera fide : Pecca-
ta sunt *a* opera mortua ; si in mor-
tuis operibus ambulas, quomodo tu
in Christo, Christus in te vivit ? Pec-
cata pertinent ad veterem Adamum ;
si adhuc in te regnat vetus Adam,
quomodo cum Christo spiritualiter
resurrexisti ? peccata pertinent ad
vetustatem carnis ; si in vetustate
carnis ambulas, quomodo novus
homo vivet ? Excita nos, o bone
JESU, à peccatorum morte, ut
ambulemus in novitate vitæ : mors
tua veterem Adamum in nobis ex-
tinguat, resurrectio tua interiorem
nostrum hominem ad vitam revo-
cet : Sanguis tuus lavet nos à pec-
catis, resurrectio tua justitiæ vestem
nobis induat. Ad te, o vera vita,
suspiramus nos in peccatis mortui :
ad

(a) *Hebr. 9. 14.*

ad te, o vera Justitia, suspiramus nos
per peccata averti: ad te, o vera sa-
lus, suspiramus nos propter pec-
cata damnati: vivifica, justifica
nos, Amen.

F I N I S.



EXERCITIUM
PIETATIS
QUOTIDIANUM
QUADRIPARTI-
TUM;

Peccatorum Confessi-
ones, Gratiarum actio-
nes, Precationes & Obsecrati-
ones complectens,
COLLECTUM

Opera & studio

JOHANNIS GERHARDI,
SS. Theol. D. & in Acad.
Jenens. Prof.

LIPSIÆ,

Sumt. Viduæ DAV. FRIEISCHERI,

Typis Martini Fuldii,

Anno 1708.



*Antiquo Generis Splendore, Pieta-
te, Eruditione & Virtute No-
bilissimo*

V I R O

DN. PAULO HEIGELIO
à POLOKOWITZ,

Senatus numerosioris in inclu-
ta & Imperiali Norinberga Ad-
fessori spectatissimo,

*Domino Fautori & Amico suo sin-
gulariter dilecto & honorando.*



I quis, Nobilissime
& Spectatissime Do-
mine HEIGELI, Fau-
tor & Amice singulari-
ter dilecte, si quis, in-

X s quam,

quā utilitatem piæ & seriæ præcationis cum pari necessitate conjunctam verbis percensere velit; nã is prius dicendi exordiū; quam exodū, meo quidē iudicio inveniet. Est enim pia & ex fide perfecta precatio familiare cum DEO colloquium, & salutare in omnibus adversis remedium; clavis cœli, & apertio Paradisi; census nostræ subjectionis & scala ad Deum ascensionis, scutum nostræ defensionis, & nuncius fidelis legationis; in æstu calamitatum refrigerium, in morbis pharmacum; catena ad cœlum trahens, & vasculum ex fonte divinæ benignitatis hauriens; gladius contra Diabolum, & murus contra infortunium; ventus mala dispellens, & canalis bona advehens; virtutum nutrix, & vitiorum vitrix; grandis animæ munitio, & libera ad DEum accessio; spirituale convivium & cœleste delictum; mœstorum consolatio, & sanctorum exultatio; secretorum Dei cognitrix, & donorum

norum DEI acquisitrix ; columna
 mundi, & medela populi ; gaudium
 cordis, & júbilus mentis ; pedissequa
 gratiæ, & prævia gloriæ ; hortus felici-
 tatis, & arbor jucunditatis ; conscien-
 tiæ ornamentum, & gratiarum incre-
 mentum ; fuga Dæmonum, & concili-
 atrix Angelorum ; vitæ hujus lenimen-
 tum, & sacrificii Eucharistici odora-
 mentū ; vitæ beatæ præguſtatio, & mor-
 tis edulcoratio, quarum appellationum
 catalogum benè longum *Johann*
Arndt, Theologus insignis lib. 2. de ve-
 ro Chriſt. c. 36. congeſſit. Quisquis ve-
 ro Dei filius eſt per fidem, is filiali fidu-
 cia in precibus ſuis quotidie compel-
 labit cœleſtem Patrem. In cujus cor-
 de Spiritus ſanctus extruxit domici-
 lium, is quotidie tanquam ſpiritualis
 Sacerdos DEo offerret iſtud precatio-
 nis incenſum. Sunt autem *quatuor*
 immota fulcra, quibus fiducia noſtra
 innititur, ut de clementiſſima pre-
 cum exauditione poſſit eſſe certa,

videlicet 1. *omnipotens Dei bonitas* ac 2. *infallibilis ejusdem veritas*; 3. *Christi mediatoris intercessio*, & 4. *Spiritus sancti contestatio*. Primum exauditionis fulcrum est *omnipotens Dei bonitas*. Quanta nobis dedit non rogatus? animam & corpus dedit, quin & filium suum nobis dedit, quid non dabit rogatus? Majora, quæ pro nobis fecit, animent nos, ut etiam de minoribus confidamus. Omnia enim, quæ petere possumus, minora sunt, quam quod pro nobis DEI Filius dignatus est pati ac mori. Immensa ac infinita est hæc Dei bonitas, quid ergo denegare nobis poterit? Si enim qualiscunque ac quantulacunque illa dilectio, qua DEUM complectimur, hoc in nobis efficit, ut in omnibus divinæ voluntati parere ex animo desideremus, quanto magis de inæstimabili Dei dilectione & bonitate idem nobis polliceri possimus, nisi fortè dilectionem nostram divina majorem esse suspicari velimus.

mus. *a* *Voluntatem timentium sese facit Dominus*, dicit Psalter, *b* nimirum quia sincerissima ac perfectissima dilectione eos prosequitur: jam vero perfecta charitas sese totam impendit amato, ejusque voluntati obsequitur. Omnipotens est hæc DEI bonitas, quid erit, quod præstare nobis nequeat? Summæ illi potestati nihil quicquam eorum, quæ promisit, arduum aut difficile, nedum factum impossibile.

Alterum exauditionis fulcrum est *infallibilis DEI veritas*. Promisit benignissime aures suas voci precationis nostræ intentas fore, promissum hoc, est verbum æternæ & immortæ veritatis, cum ipse sit *ἀνταλήθεια*, seipsum & verbum suum negare nequit. *c* Promisit DEUS, se exauditurum preces: si parum hoc videtur, Christus etiam jurejurando id confirmat.

(*a*) *Ansh. in lib. de mensur. crucis.*

(*b*) *Pf. 145, 19. (c) 2. Tim. 2, 12.*

firmavit: *a Amen, Amen*, dicit ad Apostolos & sub ipsorum nomine ad quosvis vere pios, *si quid rogaveritis Patrem in nomine meo, dabit vobis*. Si nondum credis promittenti, juranti crede. *b Cor meum proponit tibi, Domine, Verbum tuum, quærite faciem meam: faciem igitur tuam requiram.*

Tertium exauditionis fulcrum est Christi Mediatoris intercessio, is enim *c* est ad dextram DEI & interpellat pro nobis, est *d* Advocatus noster apud DEum, quid huic dilectissimo Filio cœlestis Pater denegabit? quid benignissimus ille Salvator virtute ac merito satisfactionis suæ pro nobis præstitæ non impetrabit? illi patet aditus in cœleste sacrarium, is vota nostra perfert in arcanum divinitatis consilium. Hunc cœlestis Pater non audiret? illine quicquam recusaret? seipsum non audiret, sibi met-

ipfi

(a) Joh. 16, 13. (b) Ps. 27, 8. (c) Rom. 8, 34. (d) 1. Joh. 2, 1.

ipsi quicquam recusaret, cum Pater & Filius (a) *unum sint*. Cum Filius b sit in sinu Patris, cum Filius c sit in Patre, & Pater in Filio. Scio, d dicit hic intercessor noster ad Patrem, *quod me semper audias*. Ergone in diebus carnis, in statu exinanitionis, in tempore infirmitatis exauditus fuerit, & in statu exaltationis, in gloria majestatis, in plenitudine omnis potestatis à Patre non exaudiretur?

Quartum denique exauditionis fu'crum est *Spiritus sancti contestatio*. (e) *Is testimonium dat spiritui nostro, quod simus DEI Filii*, (f) *per illum clamare possumus: Abba Pater*. Ergone non exaudiret Deus illos gemitus, illos fletus, illa vora, illa suspiria, quæ Spiritus sanctus in nobis operatur? hoc esset opus proprium despiciere ac repudiare: g *Spiritus est,*

(a) Joh. 10, 30. (b) 1. Joh. 1, 18. (c) Joh. 14, 10. (d) Joh. 11, 42. (e) Rom. 8, 16. (f) Gal. 4, 6. (g) Rom. 8, 26.

est, qui sublebat infirmitates nostras, nos quid aut quomodo orare oporteat, nescimus, sed ipse Spiritus postulat pro nobis gemitibus inenarrabilibus; *a* Non humanis eloquiis pro nobis postulat, sed more Naturæ suæ superfundit se precibus nostris, ut imperitiā & improvidentiā nostrā motu suo operiat, & illa nobis à Deo petat, quæ prosunt nobis. Hæc sunt quatuor illa fulcra quibus cordis nostri fiducia tuto innititur, ne in precibus fluctuet, ac de exauditione dubitet. *b* Accedamus igitur, accedamus cum fiducia ad thronum gratiæ, ut consequamur misericordiam, & gratiam inveniamus ad opportunum auxilium. *c* Nemo nostrum vilipendat orationem suam: quoniam ille, ad quem oramus, non vilipendit eam, sed antequam egrediatur de ore nostro, ipse scribi eam jubet in

(a) Ambros. in illum locum. (b) Hebr. 4, 18. (c) Bernh. medit. de devotis. cap. 6.

in libro suo, & unum è duobus indubitanter sperare debemus, quoniam aut dabit nobis quod petimus, aut quod nobis noverit esse utilius. Cæterum quam utile ac necessarium est *indefinenter orare*, a tam difficile illud esse quivis cum Agathone Erenista facile intelligit; qui divinam majestatem ac nostram infirmitatem recto judicio perpendit. *b* Cum astiteris orare Dominum, cum magno timore & desiderio coram eo consistere, disrumpere à corde tuo vincula terrenæ solitudinis, viriliter agonizare, (pugna,) ut sit oratio tua sancta, & munda & immaculata, & videntes eam portæ cœli aperiantur coram ea, Angeli cum lætitia occurrant ei, & usque ad thronum benedicti Patris perducant eam. *Ante orationem*, dicit Sapiens, *c prepara cor tuum, & noli esse quasi qui tentat DEUM.*

Qua-

(a) Luc. 18, 1. 1. Thess. 5, 17. (b) Ephrem. de lucta spirit. c. 2. (c) Eccles. 18, 23.

Quare cum editis in publicum Meditationibus sacris ac Scholæ Eusebianæ libris quinque corda nostrā ad veram pietatem flectere, & interioris hominis profectum promovere conatus fuerim : cumque capita consolationum omnis generis tentationibus opponenda Enchiridio peculiari complexus sim : unicum illud in hoc scribendi genere restare videbatur, ut libellum quendam precationum conscriberem, ac rudioribus etiam hac in parte pro virili inservirem. Quod uti haud invitus aggrederer, *σὺν πάσι* illa calamitatum, cum qua unusquisque piorum in hoc seculo conflictatur, facile à me impetrare poterat. Huncce libellum superioribus annis scriptum, Vestræ, Vir Nobilissime & Spectatissime, Nobil. & Amplit. offerre & inscribere volui, ut pro singulari illa benevolentia & variis beneficiis mihi exhibitis gratum meum animum declararem, & V. N. & A. pietatem cum insigni.

signi in literatos, præsertim Ecclesiarum ac Scholarum Doctores & alumnos, liberalitate & aliis virtutibus compluribus omnium prædicatione dignis conjunctam, publico testimonio comprobarem. Excurrem in laudes V. Nob. & Amplit. uberius, nisi probe mihi constaret, ipsam non tam laudis, quam virtutis studio præclara hactenus egisse, & impofterum etiam sedulo acturam. Suscipe ergo, Vir honoratissime, chartaceum hoc munusculum, & à me atenuitate omnem observantiam, omnia obsequia, omnia officiorum genera impofterum etiam expecta. Dominus JESUS vitæ longævitatē, atque omnem animi & corporis prosperitatem V. Nob. Clementissime concedat! Dab. Jenæ Cal. Junii, 1629.

V. N. & A.

studiosiss.

JOAN. GERHARD, D.

IN-



I N D E X.
E N C H I R I D I I
H U J U S Q U A D R I -
P A R T I T I
P A R S P R I M A

tractat

De

MEDITATIONE
PECCATORUM.

Cap. I.

*P*eccati originalis gravitatem expendit.

Cap. II. Peccata juventutis in memoriam revocat.

Cap. III. Lapsus quotidianos recenset.

Cap. IV. Vitam juxta normam primæ Decalogi tabulæ examinat.

Cap. V. Vitam juxta normam secundæ Decalogi tabulæ considerat.

Cap.

Cap. VI. *Alienis peccatis sapius nos participare ostendit.*

Cap. VII. *Undique peccatorum nos convinci monet.*

Cap. VIII. *Ex contritionis effectis de peccati gravitate nos convinci arguit.*

Cap. IX. *Omnia DEI beneficia de peccatorum gravitate testari docet.*

Cap. X. *Severitatem iræ divinæ adversus peccata in Christi passione ac morte considerat.*

PARS SECUNDA

tractat

DE MEDITATIONE DIVINORUM BENEFICI- CIORUM.

Cap. I.

Gratias agit pro formatione in utero matris & ad hanc vitam natiuitate.

Cap. II. *Gratias agit pro sustentatione.*

Cap

Cap. III. *Gratias agit pro redemptione per Christum praestita.*

Cap. IV. *Gratias agit pro Filii incarnatione.*

Cap. V. *Gratias agit pro Christi passione.*

Cap. VI. *Gratias agit pro vocatione per verbum.*

Cap. VII. *Gratias agit pro expectatione conversionis.* (ne.

Cap. VIII. *Gratias agit pro conversione.*

Cap. IX. *Gratias agit pro peccatorum condonatione.*

Cap. X. *Gratias agit pro custodia in bono.*

Cap. XI. *Gratias agit pro omnibus animi corporis & fortunæ bonis.*

Cap. XII. *Gratias agit pro Sacramento baptismi sibi collato.*

Cap. XIII. *Gratias agit pro Sacramento cænae Domini.*

Cap. XIV. *Gratias agit pro custodia à variis malis.*

Cap. XV. *Gratias agit pro æterna salutis promissione.*

PARS

PARSTERTIA

tractat

DE MEDITATIONE
NOSTRÆ INDI-
GENTIÆ.

Cap. I.

Pro mortificatione veteris hominis
orat.

Cap. II. Pro conseruatione & incre-
mento fidei.

Cap. III. Pro conseruatione & incre-
mento spei precatur.

Cap. IV. Pro conseruatione & incre-
mento charitatis orat.

Cap. V. Pro conseruatione & incre-
mento humilitatis precatur.

Cap. VI. Pro dono & incremento pa-
tientie precatur.

Cap. VII. Pro dono & augmento man-
suetudinis precatur.

Cap. VIII. Pro dono & incremento
castitatis orat.

Cap. IX. Pro contemptu terrenorum
precatur.

Cap.

Cap. X. *Pro abnegatione sui orat.*

Cap. XI. *Pro victoria mundi precatur.*

Cap. XII. *Pro consolatione in adversis & vera quiete animæ precatur.*

Cap. XIII. *Pro victoria in tentationibus & custodia ab insidiis Diabolicis precatur.*

Cap. XIV. *Pro beato vitæ exitu & beatæ ad vitam æternam resurrectione precatur.*

PARS QUARTA

tractat

DE MEDITATIONE INDIGENTIÆ PROXIMI.

Cap. I.

Pro verbi conseruatione & Ecclesiæ
incremento orat.

Cap.





Excitat e somno TUAVOX me CHRISDE resurgam
Nam VOX dilecti, Sponse oclamate. TUK wt.

Hier Jesu, daß ich stehe
auf von Schlauff mit dir gehe.
Weil der Winter ist vorbey,
Ach laß mich die Dündeneide,
So darffstü nicht von mir scheide,
Nurh mich aller laster frey!

Cap. II. Pro pastoribus & Auditoribus
supplicat.


Cap. III. Pro Magistratu & subditis
precatur.

Cap. IV. Pro statu Oeconomico pe-
tit.

Cap. V. Pro cognatis benefactoribus
Intercedit.

Cap. VI. Pro inimicis ac persecutori-
bus orat.

Cap. VII. Pro afflictis & ærumnosis
supplicat.





DISPOSITIO HUIUS ENCHIRIDII.

Meditationis quotidianæ capita sunt *quatuor*, pro ratione ac numero objectorum, circa quæ occupata esse debet. Expendenda enim sunt quotidie : 1. *Peccata nostra*, quorum petenda a DEO propter Christum remissio. 2. *Beneficia Dei*, pro quibus offerenda est humilis gratiarum actio. 3. *Indigentia nostra*, ubi orandum pro conservatione, & incremento donorum Spiritus sancti, ac pro spirituali in omnibus tentationibus victoria. 4. *Indigentia proximi*, ubi orandum pro iis, quæ sunt ad hanc & aternam vitam proximo necessaria.

PARS



Mentiri nescis. veri qui fautor &
 autor.
 Hinc ratio taceat. Et teneatq;
 fides.

Ou kanst ja nicht lügen noch jemand
 betriegen. Herr Jesu mein Hört
 drumß willich dir traüen mit glau
 en anschauen was saget dein wort

PARS PRIMA

De

MEDITATIONE

PECCATORUM.

*M*editatio peccatorum complectitur hæc duo capita, ut gravitas peccati originalis ac peccatorum actualium cognoscatur. Peccata actualia perpetrantur cogitatione, dictis, factis: mali commissione, boni omissione: contra Deum, proximum & nos ipsos: sunt delicta juventutis, sunt & quotidiana infirmitates: à carne semper tentamur, sæpius succumbimus: participamus quandoque peccatis alienis: & in multis ipsi deficimus, quinimo peccatorum nostrorum ab omnibus creaturis rei peragimur, ac severitatem iræ divinæ adversus peccata in Christi passione & morte intuemur.

CAPUT I.

PECCATI ORIGINALIS
GRAVITATEM EXPEN-
DIT.

SANCTE DEUS, iuste iudex, scio, *a* me
in peccatis conceptum & natum,
scio, *b* ex immundo semine in utero
matris me esse formatum: venenum il-
lud peccati totam meam naturam ita
corruptit & infecit, ut nullæ vires ani-
mæ ab illius contagione sint liberæ.
Periit in me sanctum illud imaginis
divinæ depositum in primo generis
nostri parente mihi concreditum: nul-
læ supersunt vires ad salutarem tui a-
gnitionem, timorem, fiduciam & dile-
ctionem inchoandam; nulla superest
ἡ ἀνὸς ad obedientiam mandatis tuis
præstandā: voluntas mea à lege est a-
versa, *c* & lex peccati in membris meis,
repugnans legimentis meæ facit, ut to-
ta mea Natura sit corrupta & perversa.

Mi-

a) Ps. 51, 7. (*b*) Job. 14, 4. (*c*) Rom.
7, 23.

Miser ego & miserabilis sentio impetum peccati, in membris tenaciter inhaerentis, sentio pravæ concupiscentiæ jugum graviter me prementis. Quamvis enim in baptismi lavacro *a* per Spiritum gratiæ regeneratus sim, & renovatus: tamen à peccati jugo & captivitate nondum liber sum totus; Siquidem *b* radix illa amaritudinis, in me delitescens, semper expetit progeminare. Lex peccati in carne furens, nititur me captivare; plenus sum dubitationibus, diffidentia, appetitu honoris proprii: *c* Ex corde exeunt pravæ cogitationes, quæ me totum coram te coinquinant: ex venenato fonte rivuli venenati promanant. *d* Ne igitur intres in iudicium cum servo tuo, Domine, sed *e* propitius esto mihi secundum misericordiam tuam magnam. *f* Abyssus meæ miseriæ invo-

T 3

cat

(*a*) Tit. 3, 5. (*b*) Hebr. 12, 1, (*c*) Matth. 15, 19. (*d*) Ps. 143, 3. (*e*) Ps. 51, 1. (*f*) Ps. 42, 8.

cat abyssum tuæ misericordiæ. Pro hac
 fœditate immundæ meæ Naturæ offero
 tibi sanctissimam conceptionem Filii
 tui. Mihi *a* ille natus est: mihi ergo
 & conceptus. *b* Mihi factus est san-
 ctificatio & justitia: ergo etiam mihi
 factus est purificatio & munditia. Per
 hunc & propter hunc Filium tuum
 miserere mei, altissime, & abscondi-
 tum corruptionis malum, in Natura
 mea hærens, ne ponas *c* in vultus tui
 lumine: sed dilectum Filium tuum,
 Mediatorem meum, intueri: ejus
 sanctissima & incontaminata conce-
 ptio meæ miseræ subveniat, Amen.

(*a*) *Es.* 9, 6. (*b*) *1. Corinth.* 1, 30. (*c*)
Pf. 90, 9.

CAP. II.

PECCATA JUVENTUTIS IN MEMORIAM RE- VOCAT.

SANCTE DEUS, juste Judex, delictorū
a juventutis meæ ne memineris,
 &

(*a*) *Pf.* 25, 7.

& a præteritorum peccatorum meorum ne recorderis amplius. Radix concupiscentiæ vitiosa in me hærens, quam multos venenatos in pueritia mea protulit fructus? Peccati originalis malum quam numerosos actualium delictorū edidit foetus? *b* Cogitationes cordis meæ pravæ & perversæ sunt à prima inde pueritia, imo à tenera infantia. Siquidem cum essem infans unus diei, coram te innocens *c* haud quam fui. Quot sunt dies vitæ meæ, totidem me gravant culpæ, imo adhuc longe plures & numerosiores: cum *d* vel in una die septies cadat justus. Quod si justus in die cadit septies, ego perditus & injustus procul dubio cecidi septuagies septies. Crevit vita, crevit peccatorum tela. Quantum accessit vitæ ex tuo beneficio, tantum accessit peccatorum ponderi ex corruptæ Naturæ meæ vitio. Examino

T 4

vi-

(a) Jer. 31, 34. (b) Gen. 6, 5. (c) Joh. 14, 4. *d* Prov. 24, 16.

vitam anteactam, & quid aliud intueor, quam fœdissimam quandam peccatorum tunicam? Attendo præceptorum tuorū lucem, & quid aliud in exacto annorum meorum cursu invenio, quam tenebras & cœcitatē? Tenerrimus ille juvenutis meæ flosculus virtutum coronis adaptari & in odorem fragrantiae DEO debebat offerri. Optimum ætatis meæ debebatur utique optimo creatori Naturæ. At lutulenta peccatorum fœditas florem illum ætatis meum turpissime conspurcavit: graveolens delictorum cœnum miris ac miseris modis eum commaculavit. Prima hominis ætas inter reliquas omnes aptissima servitio Dei: sed ejus bonam partem impendi servitio Diaboli. Multorum mihi obverſatur peccatorum memoria, quæ effrenis juvenutis meæ perpetravit licentia, sed memoriam meam adhuc fugiunt longe plura. Delicta a

quis

(a) Ps. 19, 13.

quis intelligit? ab occultis servum tuum munda. Pro his juventutis meæ delictis offero tibi, Sancte Pater, sanctissimam Filii tui obedientiam, ac perfectissimam ejus innocentiam, *a* qui tibi obediens factus usque ad mortem, mortem autem crucis. Cum *b* puer duodecim annorum esset, sanctam obedientiam tibi præstitit, & voluntatem tuam summa promptitudine exequi cœpit. Hanc obedientiam, juste judex, offero in pretium & satisfactionem pro multiplici juventutis meæ inobedientia, Amen.

(*a*) *Phil.* 2, 8. (*b*) *Luc.* 2, 42.

CAP. III.

LAPSUS QUOTIDIANOS
RECENSET.

SANCTE DEUS, juste Judex, nemo coram te innocens est, à peccati *a* labe immunis nemo: destituor *b* &

T 5 ego

(*a*) *Joh.* 14, 7. (*b*) *Rom.* 3, 23.

ego gloria illa, quam me oportebat
 mecum ad tuum afferre iudicium: de-
 stituor innocentiae veste, qua indutus
 comparere debebam ante tuum con-
 spectū: septies *a* imo pluribus vicibus
 singulis horis cado: septuagies septies
 singulis diebus pecco: Spiritus *b* qui-
 dem interdum promptus est; sed caro
 semper infirma. Viget quandoque ac
 roboratur homo interior; sed languet
 ac infirmitur homo exterior. Nec e-
 nim *c* quod volo bonum, hoc ago: sed
 quod nolo, malum. Quoties vanæ,
 pravæ ac impiæ cogitationes in men-
 te exsurgunt! Quoties vana, inutilia
 & noxia verba prorumpunt! Quoties
 perversa, prava & iniqua facta me pol-
 luunt! *d* Omnes meæ justitiæ sunt
 sicut pannus mulieris menstruatus.
 Ego *e* justitiam meam coram te sta-
 bilire non audeo: sed coram iustissi-
 mo

(*a*) *Prov.* 24, 16. (*b*) *Matth.* 26, 41.
 (*c*) *Rom.* 7, 19. (*d*) *Ez.* 64, 6. (*e*) *Rom.*
 10, 3.

mo tuo tribunali me pronus humilio,
 & *a* ex profundis ad te clamo: Domi-
 ne, si peccata imputare decreveris, quis
 sustinebit? si in *b* iudicium intrare vo-
 lueris, quis permanebit? Si ad severum
 iustitiæ tuæ examine me volueris sistere,
 quomodo coram te potero consistere?
 Si *e* exactā vitæ meæ rationē vis requi-
 rere, ad mille ne unum quidem potero
 respondere. *d* Obstruitur ergo os me-
 um: dignum æternis cruciatibus me
 coram te profiteor & æterno me car-
 ceri jure mancipari posse, cum lachry-
 mis confiteor. Pro his quotidianis vitæ
 meæ peccatis offero tibi, Sancte Pater,
 pretiosissimū Filii tui sanguinē effusum
 in ara crucis, *c* qui me lavat ab omni-
 bus meis delictis. Peccata mea, quæ me
 captivant, sunt hostes longe plurimi &
 potentissimi, sed longe pretiosius &
 efficacius est *ἀντὶ* Filii tui. Illud per-
 fectissimum, plenissimum & sanctissi-
 mum

(*a*) Ps. 130, 1.3. (*b*) Ps. 143, 3. (*c*) Joh.
 9, 3. (*d*) Rom. 3, 19. (*e*) 1. Joh. 1, 9.

num Christi pretium cedat mihi in remissionem meorum delictorum, Amen.

CAP. IV.

VITAM JUXTA NORMAM
PRIMÆ DECALOGI TABULÆ
EXAMINAT.

SANCTE DEUS, juste Judex, dedisti *a* nobis legem tuam in monte Sinai, eamque omnium nostrarum actionum, verborum & cogitationum normam esse voluisti, adeo, ut quicquid cum hac norma non est congruum, *b* reputetur in judicio tuo peccatum.

Quoties lucidissimum illud speculum agnosco, foeditatem meam perspicio & totus cohorresco. Diligere te, DEUS meus, super omnia debeo : at *c* quoties mundum diligo & tuæ di-

(a) Exod. 20, 1. (b) 1. Joh. 3, 4.
(c) Joh. 2, 15.



Prostratum cerno jam T. E. mitissime
JESU

da Spernam molles hic ego
delicias.

Wan mich mem böse weiß
icht von Gott will bringen
Denck mein herz ahn Christi schweiß
und sein Todes ringen.



Handwritten text in a cursive script, likely a library or ownership stamp, located below the circular seal. The text is faint and difficult to decipher but appears to be organized into several lines.





In coelis sponsus meus est terra estria
linguam :

Nequid me tardet. Ill trahe,

CHRISTE, trahe.

Weil Süßherr Christ so gut uns bist
gen Himmel aufgereißet,

So bittich dich führ auch dan mich
dahin, da man dich preiset.

dilectionis me capit oblivio ! Time-
 re te , Deus meus , debeo super o-
 mnia : at quoties consentio in pecca-
 ta , & timor tuus mea excidit memo-
 ria ! Requiris , ut tibi , Deus meus ,
 super omnia confidam : at quoties in
 adversis cor meum fluctuat , ac de
 paterna tua cura sollicite atque anxie
 dubitat ! Obedire tibi , Deus meus ,
 debeo ex toto corde : at quoties caro
 mea refractaria huic obedientiæ pro-
 posito renititur , *a* & me interdum
 captivat peccati carcere ! Sanctæ de-
 bebant esse cogitationes meæ , sancta
 & munda desideria : at quoties vanis
 & impiis cogitationibus turbatur
 tranquillæ mentis gloria ! Invocare
 te , Deus meus , debeo ex toto corde :
 at quoties mens in precibus vagatur ,
 ac sollicite angitur de exauditione !
 Quam sum ad preces remissus , & in
 fiducia concipienda demissus , quam
 sæpe lingua quidem orat , nec tamen
 adoro *b* te in Spiritu & veritate !

Z

Quam

(*a*) Rom. 7 , 23 . (*b*) Job. 4 , 23 .

Quam profunda beneficiorum tuorum sæpe me capit oblivio ! Quotidie beneficia tua largiter in me fundis, nec tamen quotidie pro beneficiis gratias tibi refundo. Quam frigida de immensis & infinitis tuis in me collatis muneribus cogitatio ! Quam tenuis in corde meo ut plurimum devotio ! Utor donis tuis, nec tamen prædico te datorem : Hæreo in rivulis, ad fontem non propero. Verbum *a* tuum verbum Spiritus vitæ est : sed fructificationem ejus sæpe *b* impedio, & opus Spiritus sancti in me ipso destruo. Scintillam boni propositi accensam sæpius extinguo, nec incrementa donorum anxie flagito. Pro his & omnibus peccatis ac defectibus meis offero tibi, Deus meus, purissimam & perfectissimam Filii tui obedientiam, qui te ex toto corde perfecte in diebus carnis suæ dilexit, & toto corde perfectissime tibi adhæsit, in cujus factis, verbis & cogitatione-

(*a*) *Joh.* 6, 63. (*b*) *Matth.* 13, 7.



Hospes accedo. dignum Tu reddere
Spondes.
Fac ergo dignum gloria quo
Tua sit.

Da weil du den schwaͤhen Herr. wuͤrdig wil-
machen zu nehmen die speiß.
Zieh laß mich erkennen den Heiland dich
kennen. und geben dir preis.



tionibus ^a nulla inventa est peccati macula, nulla vel minimæ culpæ labecula. Quod mihi deest, id fidenter ex ejus plenitudine haurio. Propter dilectum istum Filium misere servi tui, Domine, Amen.

(a) Es. 53, 9.

CAP. V.

VITAM JUXTA NORMAM
SECUNDÆ TABULÆ CON-
SIDERAT.

SANCTE DEUS, juste Judex, æterna & immota tua voluntas est, ut
^a Parentes meos & Magistratus vero honore prosequar: at quoties nimis tenuiter de illorum autoritate cogito, veram cordis obedientiam illis detrecto, infirmitates eorum traduco, nec
^b seriis precibus eorum incolumitatem promoveo, iram adversus eos sæpius foveo, quibus me in patientia totum submittere debeo. Sancta tua voluntas requirit, ut proximo in o-
Z z omni-

a) Exod. 20, 12. (b) 1. Tim. 2, 2.

minibus, quantum possum, inserviam : sed quoties beneficentiæ me capit tædium, & condonationis fraternæ fastidium ! Quoties ad iram, odium, invidiam & rixas a carne mea sollicitor ! Quoties fervet irati cordis incendium interius, etiamsi verba contentiosa non audiantur exterius ! Sancta tua voluntas requirit, ut caste, pudice ac temperanter vivam : Sed quoties amor crapulæ & libidinis animam meam peccato facit captivam ! Quoties intus fervent libidinum incendia, etiamsi cohibeantur exteriora membra ! Qui *a* aspicit mulierem ad concupiscendum eam, jam fornicatus est cum ea in corde suo, dicit veritas. Quoties ergo coram Dei iudicio fornicationes perpetramus ! Usus cibi, potus (ac conjugii) inordinatus & immoderatus sæpe nobis non advertentibus subrepat, & nos coram te reos reddit, si in iudicium nobiscum intrare volueris. Sancta tua
volun-

(a) *Matth.* 5, 28.

voluntas requirit, ut proximum nullo modo in negotiis decipiam: Sed potius ejus commoda promoveam: naves ejus haud quaquam traducam, sed pallio charitatis tegam, nec intempestivo ac temerario judicio eum arguam. At quoties in eum quæro cum injustitia commodum! Quoties de proximo temerarium profero judicium! Sancta tua voluntas requirit, ut ab omni prava concupiscentia liber sit Spiritus, libera sit mens, libera sit anima mea. At quoties caro mea me ad peccatum sollicitat, & pravis concupiscentiis etiam Spiritum contaminat! Sicut *a* fons perenni aquarum scaturigine exundat: ita cor meum pravis concupiscentiis perpetuo æstuat. Pro his & omnibus meis peccatis & defectibus offero tibi, Sanctissime Pater, perfectissimam Filii tui obedientiam, qui omnes homines perfecto amore dilexit, & in ore *b* ejus non est inventus

Z 3 dolus,

(*a*) Jer. 6, 7. (*b*) Es. 53, 9. 1. Pet. 1, 22.

dolus: nec in verbis aut factis ulla aberratio, nec in natura corruptio. Ad hoc *a* propitiatorium vera fide confugio, ac per fidem ex vulneribus ejus haurio, quantum mihi ad justitiam & salutem sufficit. Misere mei, Deus meus, & Pater meus, Amen.

(a) *Rom.* 3, 25.

CAP. V.

ALIENIS PECCATIS SÆPIUS NOS PARTICIPARE OSTENDIT.

SANCTE Deus, juste Judex, commisi mihi non solum meæ animæ, sed & proximi curam. At quoties proximus mea negligentia magnam facit pietatis jacturam! Quoties eum in peccatis haud satis libere & confidenter increpo! Quoties vel metu vel favore retractus minus libere ipsius delicta arguo! In *a* precibus pro

salu-

(a) *1. Tim.* 2, 1.

salute ejus fundendis sum remissus:
In peccatis *a* ipsius increpandis timidus: in salutē ipsius promovenda languidus: Ita, ut justissime sanguinem pereuntis proximi a me requirere posses. Si perfecta ac sincera in me esset proximi dilectio, utique etiam liberrima ex illa procederet increpatio. Si in corde meo ignis sinceræ charitatis arderet, utique etiam in spirituale incensum precum pro salute proximi faciendarum clarius prorumperet: Pro seipso orare, est necessitatis: at pro salute proximi rogare, charitatis. Quoties igitur preces pro salute proximi negligo, toties violati dilectionis mandati me ipsum damno. Moritur proximus corporis morte, & ecce luctu ac gemitibus omnia compleo: cum tamen mors corporis nullum afferat pio homini nocumentum: sed potius ad coelestem Patriam præbeat transitum. Moritur proximus animæ morte,

Z 4

pec-

(a) Ezech. 3, 21.

peccata mortalia perpetrando, & ecce securo animo ipsum mori video, nec ulla ratione doleo: cum tamen peccatum sit vera mors animæ, per quod inæstimabilis fit jactura divinæ gratiæ, & æternæ vitæ. Offendit proximus Regem, qui corpus potest occidere: & ecce modis omnibus quæro ipsius reconciliationem. Offendit Regum omnium Regem, qui *a* animam & corpus potest in gehennam mittere: & ecce securo animo illud intueor, nec cogito infinitum malum esse istam offensionem. Impingit proximus ad lapidem, accurro promptus, ut ipsum vel à lapsu custodiam, vel ex lapsu sublevem. Impingit *b* in angularem salutis nostræ lapidem, & ecce secure hoc negligo, nec ut ipsum vicissim erigam, debita cura ac diligentia laboro. Mea peccata satis multa ac gravia sunt, nec tamen timui alienis etiam participare. Propitius esto, o Deus! peccatori
ma-

(*a*) *Matth.* 10, 28. (*b*) *Pf.* 118, 22.

magno , & nimis onerato. Ad tuam confugio misericordiam in Christo , & per Christum mihi promissam : accedo ad hanc *a* vitam , ego in peccatis mortuus : accedo ad hanc viam , ego in peccatorum tramite errans : accedo ad hanc salutem , ego propter peccata damnationis reus. Vivifica, dirige & salva me , vera vita, via , salus mea in æternum , Amen.

(a) *Joh.* 14, 6.

CAP. VII.

UNDIQUE PECCATORUM
NOS CONVINCERE MONET.

SANCTE Deus, iuste Judex , si respicio in cœlum , cogito , te Deum meum multis modis a me offensum. Peccavi *a* Pater , in cœlum & coram te : non sum dignus vocari filius tuus. Si respicio in terram , cogito creaturis me per peccata turpiter ab-
usum. Non solum noctis caligine,

Z 15 sed

(a) *Luc.* 15, 18.

sed & diei luce ad opera tenebrarum
sæpius abusus sum pessime. Si re-
spicio exempla peccatorum, quos ju-
sto judicio poenis subjecisti, invenio
me delictorum pondere ipsis esse pa-
rem. Si respicio exempla sanctorum,
invenio me illis in sancto tibi inter-
viendi studio longe imparem. Si de
Angelo custode meo cogito, invenio
eum sæpius peccatis à me esse fuga-
tum. Si de Diabolis cogito, inve-
nio eorum inspirationibus à me sæpi-
us locum esse datum. Si rigorem
legis tuæ perpendo, invenio multis
modis vitam meam ab illius norma
discrepare. Si me ipsum respicio, in-
venio cordis mei cogitationes coram
Judicio tuo me accusare. Si ventu-
ram mortis horam cogito, invenio
eam esse justissimum peccatorum
meorum *a* stipendium, ac nisi ex
mera misericordia propter Christum
me receperis, æternæ mortis fore ja-
nuam ac initium. Si venturum judi-
cium

(a) Rom. 6, 23.

cium cogito, invenio me commeruisse, ut peccata mea districtissima ejus severitate vindicentur, & ad exactissimum justitiæ divinæ calculum revocentur. Si infernum cogito, invenio me peccatis meis poenas ejus justissimas commeruisse. Si vitam æternam cogito, invenio ejus adipiscendæ spe peccatis meis me jure ac merito excidisse. Omnia ergo peccatorum me convincunt meorum, tu modo, o Deus meus, *a* ne vertaris mihi in crudelem! Ad Christum, Filium tuum dilectum, mediatorem meum unicum, confugio, per illum gratiam tuam & peccatorum remissionem mihi obtingere firmissime credo. Accusant me creaturæ, accusat liber conscientiæ, accusant legis divinæ tabulæ, accusat Satanas die & nocte: tu vero, o benignissime Jesu, patrocinium meum suscipe: tibi *b* derelictus est pauper, quem vides omni creaturarum solatio destitutum: in

Z 6

tua

(a) Job. 10, 16. (b) Ps. 10, 14.

tua pro peccatis meis satisfactione, in tua ad dextram Patris pro me intercessionem omne mihi perfugium constitutum. Accipe, anima mea, penas auroræ, & instar columbæ absconde te in petræ foraminibus, hoc est, in Christi Salvatoris tui vulneribus: *a* absconde te in hac petra, donec pertranseat ira Domini, & invenies in ea requiem, invenies protectionem, invenies liberationem, Amen.

(*a*) *Cant. 2, 14.*

CAP. IIX.

*EX CONTRITIONIS EFFEC-
TIBUS DE PECCATI GRA-
VITATE NOS CONVINCIT ARGUIT.*

SANCTE DEUS, iuste Judex, *a* cor meum contritum est & humiliatum, spiritus tristis, & coangustatus, propter peccatorum meorum, quo premor, podus. Defecit virtus cordis mei, & vigor oculorum meo-

(*a*) *Esai. 66, 1.*

rum

rum perit: comprimitur cor meum,
 proinde erumpunt lachrymæ: com-
 primitur Spiritus meus, proinde
 obliviscor sumere panem meum: vul-
 neratum est cor meum, inde sanguis
 vulnerati cordis, fons lachrymarum,
 profluit. *a* Delicta quis intelligit?
 Proinde etiam quis dolorem cordis
 ob delicta coangustati intelligit? Si-
 tit *b* anima mea arida & contrita ad
 te, fontem vitæ, o Christe, pascere me
 rore Spiritus ac gratiæ. Gemit ad
 te cor meum coangustatum: o vera
 lætitia, *c* redde mihi pacem & quie-
 rem cordis: ut fide justificatus *d* pa-
 cem habeam apud Deum. Conde-
 mnat me *e* cor meum, tu me absolve,
 qui fortior es meo corde. Accusat
 me conscientia mea, tu me absolve,
 qui *f* conscientiæ chirographum
 confixisti in cruce. Offero tibi, Deus
 meus, *g* cor meum contritum & hu-
 milia-

(*a*) Ps. 19, 13. (*b*) Ps. 42, 3. (*c*) Ps. 51, 10.

(*d*) Rom. 5, 1. (*e*) 1. Job. 3, 20. (*f*) Col. 2,

14. (*g*) Ps. 51, 19.

miliatum in gratisimum quoddam sacrificium : offero tibi gemitus meos, veræ & seriæ contritionis nuntios: offero tibi lachrymas meas, seriî doloris testes, uberrimas. In me despero, in te respiro : in me deficio, in te reficior: in me sentio angustiam, in te iterum invenio lætitiā. Laboro *a* & oneratus sum nimis tu me reficies & requiem animæ meæ, concedes. Abyssus *b* abyssum invocat: abyssus meæ miseræ abyssum tuæ misericordiæ. De *c* profundis ad te clamo, projice *d* peccata mea in profundum maris. Non *e* est sanitas in carne mea propter iram tuam : non est pax in ossibus meis propter peccatum meum: quoniam iniquitates meæ transierunt caput meum, sicut onus grave graviores fuerunt me: sana animam meam, cœlestis Medice, ne absorbeat ab æterna morte:

(*a*) *Matth.* 11, 28. (*b*) *Psal.* 42, 8.
 (*c*) *Psf.* 130, 1. (*d*) *Mich.* 7, 19. (*e*) *Psf.*
 38, 4. 5.

te: transfer onus peccatorum meorum a me , qui illud in te sustulisti in cruce , ne desperem sub hoc importabili pondere. Miserere mei, fons gratiæ & misericordiæ, Amen.

CAP. IX.

*OMNIA DEI BENEFICIA DE
PECCATORUM GRAVITATE
TESTARI DOCET.*

SAncte Deus, iuste Judex, quo plura in me beneficia contulisti, eo magis doleo, quod te patrem tam beneficum toties offendi. Quotcunque in me contulisti munera, totidem mihi transmisisti amoris vincula. Devincire me tibi voluisti: sed ego tui tuæque oblitus benignitatis, peccatorum numerum cumulavi. Peccavi Pater, in cœlum & coram te, *a* non sum dignus vocari filius tuus, fac me sicut unum ex mercenariis tuis. Displiceo totus mihi,
effice,

(a) *Luc. 15, 19.*

effice, ut placeam totus tibi. Larga tua benignitas, & mirabilis *a* longanimitas ad poenitentiam me diu invitarunt: sed venire haecenus detrectavi. Sæpius *b* me vocasti, benignissime Deus, per verbi prædicationem, per creaturarum admonitionem, per crucis castigationem, per internam inspirationem; sed obstruxi aures cordis mei penitus ad istam vocationem. Omnes animæ meæ vires, omnia corporis mei membra sunt dona tua: omnibus igitur animæ viribus, omnibus corporis membris paratus esse debuisssem ad sancta servitia, tibi debita: sed feci ea, proh dolor! injustitiæ & iniquitatis arma. Tuus est spiritus, quem traho: tuus est aer, quem haurio: tuus est Sol, cujus lucem quotidie video: omnia illa ad vitæ sanctitatem mihi debuissent esse adminicula & instrumenta: sed conferti ea, proh dolor! in peccati servitia. Creaturis utendum erat

(*a*) Rom. 2, 4. (*b*) Matth. 23, 37.

rat ad Creatoris gloriam; sed pessime illis abusus sum ad ejusdem ignominiam. In Solis luce induenda *a* erant lucis arma: sed perpetravi in eisdem tenebrarum opera. Quicquid vitæ meæ additur, ex tua benignitate mihi confertur. Tota igitur vita mea inservire debuisset ei, à quo dependet tota; sed sancto tuo ministerio vix impensa fuit pars illius minima. Quotquot sensi inspirationes bonas, totidem ablegasti ad me gratiæ tuæ famulas, quibus ut per veram pœnitentiam ad te redirem, benignissime sum invitatus; sed heu quoties amantissimum earum alloquium præfracte sum averfatus! Suscipe eum, qui jam tandem cum gemitu & contrito corde ad te redit: Asperge me sanguine Filii tui, ut ab omnibus *b* inquinamentis carnis & Spiritus mundatus, super *c* nivem dealber, & in cœlesti Hierosolyma, cum omnibus

(*a*) Rom. 13, 12. (*b*) 2. Cor. 7, 1. (*c*)
Ps. 51, 9.

bus electis, æternum te prædicem,
Amen.

CAP. X.

*SEVERITATEM IRÆ DIVI-
NÆ ADVERSUS PECCATA IN
CHRISTI PASSIONE AC
MORTE CONSI-
DERAT.*

SAncte Deus, iuste Judex, aspicio
Filiū tuū in cruce pendentem,
& rivos sanguinis largiter effunden-
tem : aspicio eum, & ecce præ terro-
re penitus deficio. Peccata mea sunt
ferrei isti clavi, quibus manus & pe-
des ejus perforavi : peccata mea sunt
horridæ istæ spinæ, quibus sanctissi-
mum illius caput, ipsis Angelicis po-
testatibus reverendum, coronavi :
peccata mea sunt aculeatæ istæ scu-
ticæ, quibus purissimum ipsius cor-
pus, proprium divinitatis templum,
flagellavi. *a* Fera pessima cœlestem
illum Josephum laceravit, & tunicam
ipſius

ipſius ſanguine cruentavit. Ego miſer peccator ſum fera illa peſſima: ſiquidem in hunc dilectiſſimum tuum Filium, agmine facto, *a* irruerunt mea peccata. Si tantopere obediſſimus filius angitur & laborat propter peccata aliena, quid inobedienti ac immorigero ſervo metuendum erit propter peccata propria? Vere magna & lathalia fuiſſe oportet animæ meæ vulnera, propter quæ ſananda unigenitus Filius tam miſere percutitur. Vere magnum & lethalem oportet fuiſſe animæ meæ morbum, propter quem curandum ipſe cœleſtis Medicus, ipſa vita, in ligno moritur. Video ſanctiſſimæ illius animæ cruciatum: audio miſerabilem ſanctiſſimi Salvatoris mei in cruce *b* ejulatum: propter me ita angitur, propter peccata mea ſe a Deo derelictum conqueritur. Si pondus alienorum peccatorum tantopere premit omnipotentem Dei Filium, ut ſudo-

(*a*) *Eccl.* 53, 6. (*b*) *Matth.* 27, 46.

sudorem ipsi exprimat sanguineum, quam intolerabilis erit Dei ira, ac furor ejus inæstimabilis adversus inutilem servum! O *a* aridum & infelix lignum, æternis gehennæ ignibus mancipatum, quid metuendum est tandem tibi, cum hæc fieri videas in ligno viridi? Christus est arbor viridis in radice divinitatis, in charitate humanitatis, in ramis virtutum, in foliis sanctorum verborum & in fructu bonorum operum: est cedrus pudicitiae, ac vitis lætitiæ, palma patientiæ, & oliva misericordiæ. Quod si viridem hanc vitæ arborem propter peccata aliorum ignis iræ divinæ accendit, quanto magis peccatorem, propter infrugifera opera, velut aridam arborem, penitus absument! Quam grandibus & sanguinolentis literis peccata mea in Christi corpore apparent scripta! quam conspicua est, o justissime Deus, adversus iniquitates meas ira tua! Quam arctam oportet

(a) *Luc. 23, 31.*

portet fuisse captivitatem meam, cum tam pretiosum detur λύτρον ad solvendum eam! Quantas oportet fuisse peccatorum meorum maculas, cum rivi sanguinum ex Christi corpore defluant ad eas abluendas! O justissime Deus, atque idem benignissime Pater, respice quam indigna pro me passus Filius tuus, & obliviscere, quam indigna operatus sit pessimus tuus servus. Profunda ipsius vulnera intueri, & peccata mea a demerge in profundissimum misericordiae tuæ mare, Amen.

(a) Matth. 7, 19.

PARS SECUNDA
DE MEDITATIONE
BENEFICIORUM DIVI-
NORUM.

Meditatio beneficiorum divino-
rum ex Natura & Ecclesiae hor-
to pulcherrimo & varios eosdemque fra-
grantissimos munerum divinorum
flo-

flores colligit, eorum odore sese in Spiritu recreat, & sacrificia labiorum, in odorem suavitatis, vicissim Deo offert. Dispersi autem possunt beneficia Dei immensa ac innumerabilia juxta tres fidei Christianæ articulos. Deus creabit, redemit ac sanctificabit nos; cumulat maximis in hac vita bonis, majora promisit in vita æterna. Conferunt in nos animæ & corporis externa bona; custodit a malis, conservat in bono: quod factum, tegit, quod futurum, regit: plures sunt gratiæ ejus privatæ, quam positivæ. Brevisiter, nec verbis, nec cogitatione numerum ac dignitatem beneficiorum divinorum assequi possumus, quæ æternæ laudis in futura vita materia olim erunt uberrima.

CAP. I.

GRATIAS AGIT PRO FOR-
MATIONE IN UTERO MATRIS,
ET AD HANC VITAM NA-
TIVITATE.

OMnipotens, æterne Deus, Pater,
Fili, & Spiritus sancte; tibi gra-
tias ago, te prædico, te glorifico,
quod *a* manus tuæ plasmaverunt
me, & fecerunt me totum in circuitu.
Sicut *b* lutum in utero matris meæ
me finxisti, sicut *c* lac me mulsisti,
& tanquam *d* caseum me coagulasti,
cute & carne vestivisti me, atque os-
sibus & nervis compegisti me; *e* vi-
tam & misericordiam fecisti mecum,
& visitatio tua custodivit Spiritum
meum. Hanc misericordiam tuam
magnam mihi præstitam æternis ce-
lebrabo laudibus, bonitatem tuam
semper æternis prædicabo cantibus. Pro-
texisti

(*a*) *Jod.* 10, 8. (*b*) *Joh.* 10, 9. (*c*)
10. (*d*) *Eccl.* 11. (*e*) *Eccl.* 12.

texisti *a* me in utero matris meæ.
 Confitebor *b* tibi, quia mirabiliter
 formatus sum, mirabilia sunt opera
 tua, & anima mea hoc cognoscit pro-
 be: non est *c* occultatum os meum
 a te, quod fecisti in occulto, quando
 variis membris decorasti me in infe-
 rioribus terræ. Imperfectum meum
d viderunt oculi tui, & in libro tuo
 scripti erant omnes dies, qui futuri e-
 rant, & nondum unus extabat ex il-
 lis. Mihi *e* vero quam preciosæ! sunt
 cogitationes tuæ, Deus! quam ma-
 gna est earum summa! Si *f* dinume-
 rare eas coner, invenio eas multipli-
 catas super arenam maris. Miseri-
 cordiam tuam mihi exhibuisti, ante-
 quam eam intelligerem: præveni-
 sti me beneficiis tuis, antequam ea
 desiderarem: complexa me est be-
 nignitas tua, antequam pro ea gra-
 tias agerem. Tu es, qui non solum
 mirabiliter me in utero formasti, sed *g*
 etiam

(a) Ps. 139, 13. (b) Eccl. 14. (c) Eccl. 15. (d) Eccl.
 16. (e) Eccl. 17. (f) Eccl. 18. (g) Ps. 22, 10, 11.





Quid cupes a me, nam Tu das
atq; exigis idem
Te celebrem, donas, exigis ut
rogi tem

Lass seinen geist was du verweist,
Herr Christ in mein herz drücken,
Das keine noth, Ja selbst der Todt
nicht mögen es verrücken.

etiam de utero matris meæ me eduxisti: tu es spes mea ab uberibus matris meæ: in te projectus sum ex utero, de ventre matris meæ, Deus meus es tu. Quoties multos in utero materno, antequam ad vitales hujus luminis auras prodirent, extinctos esse cogito, toties misericordiam tuam, quæ ex isto carcere in hujus mundi theatrum me vivum atque incolumen eduxit, admiror atque prædico. Quot præterierunt anni, in quibus nihil eram. Tibi vero placuit hoc corporis mei domicilium mihi extruere, & ex abyſſo illa & tenebris materni uteri me eruere. Animam rationalem mihi dedisti, hominem, non lapidem aut serpentem, me esse voluisti. Tibi, Deus meus, pro hac misericordia sit honor & gloria in secula, Amen.

CAP. II.

GRATIAS AGIT PRO SUSTENTATIONE.

Gratias tibi ago, omnipotens ac
 A a mi,

misericors Deus, quod inde a primis
 vitæ meæ diebus mirabiliter me su-
 stentasti. Nudus *a* veni in hunc
 mundum, tu benigne me vestivisti.
 Famelicus in hunc mundum intravi,
 tu me hactenus largiter pavisti. In *b*
 te vivo, sum ac moveor: absque te
 in nihilum recido ac morior. In te
 membra mea flecto ac moveo: abs-
 que te vitæ ac motus particeps esse ne-
 queo. Tuus est Sol, *c* qui mihi lu-
 cem præbet, quem oculis meis quo-
 tidie conspicio: tuus est aer, quem
 continua respiratione haurio: tuus
 est dies, tua est nox, cujus vicissitu-
 dines labori & quieti meæ serviunt:
 tua est terra, cujus fructus me beni-
 gnissime alunt: tua est omnis in cœ-
 lo, aere, terra ac mari creatura, usui
 & servitio meo destinata, tuum est *d*
 argentum, tuum est aurum: quicquid
 ad vitæ hujus sustentationem mihi est
 necessarium, id omne largissimis tuis
 ma-

(*a*) 2. Tim. 6, 7. (*b*) Act. 17, 28. (*c*)
 Matth. 5, 45, (*d*) Hagg. 2, 9.

manibus referendum est acceptum. Quam liberalis in genus humanum es, o DEus! omnia in usum hominum olim creasti: omnia propter hominem adhuc hodie conservas. Quicquid creaturis exhibes, mihi exhibes: quia propter me illas omnes mirifice formas, instruis & conservas. quædam creaturæ inserviunt mihi ad obsequendum; quædam ad nutriendum; quædam ad vestiendum: quædam ad sanandum; quædam ad castigandum. Omnes autem ad docendum & informandum. Quis varia illa esculentorum genera enumeraret, quæ creasti, & è terra adhuc hodie producis ad nos cibandos? Quis recenseret varias illas herbarum species, quas quotannis e terra evocas ad nos sanandos? Quis varia animalium genera ad usum hominis condita, eidemque inservientia omnia verbis complecti posset? Tibi laus & honor in æternum, qui es creator & conservator rerum omnium. Absque

te vero Sole, ut umbra, evanescerem: absque te vera vita, ex vita protinus exciderem: absque te vera essentia, in nihilum repente inciderem. Tibi soli debetur meum esse, meum vivere, meum moveri. Tibi ergo soli vivam, & adhærebo in æternum, Amen.

CAP. III.

*GRATIAS AGIT PRO RE-
DEMPTIONE PER CHRISTUM
PRÆSTITA.*

Maximas tibi, o æterne atque omnipotens Deus, gratias debeo, quod creasti me, cum nihil essem; longe vero majores, quod redemisti me, cum perditus ac damnatus essem. Hærebam in faucibus inferni, tu me *a* extraxisti per sanguinem Filii tui. Mancipium eram Satanæ: sed tua gratia me ex regno Diaboli liberavit, & in regnum Christi collocavit. Totum me tibi debeo, quia me totum formasti: *b* lingua mea perpetuo debet te lau-

(a) Col. I, 14. (b) Ps. 51, 16.

laudare, quia eam dedisti mihi. Os meum semper debet annunciare laudem tuam: quia tuum trahit aerem & spiritum. Cor meum perpetuo amore tibi adhærere debet: quia tu illud formasti. Omnia membra ad tuum servitium debent esse prompta: quia quotquot & quanta sunt, ea omnia mirabiliter fabricasti. Quod si jam ante me totum tibi debeo, quia totum fecisti me, quid erit, quod pro redemptione ex servitute & captivitate mea tibi possim rependere? Oviculam *a* perditam ex unguibus infernalis lupi oruisti: servum fugitivum ex carcere Diaboli extraxisti: drachmam *b* perditam anxie quæсивisti. In Adamo lapsus sum, tu me erexisti: in Adamo captivatus sum peccati vinculis, tu me istis solvisti: In Adamo perditus sum, tu me iterum salvare voluisti. Quis ego vermiculus, ut pro me redimendo tam sollicitus, atque in salutem meam tam

A 3

pro-

(a) *Joh. 10, 28.* (b) *Luc. 15, 8.*

prodigiose largus esse volueris? Si primos homines, generis nostri parentes, post lapsum a te prorsus rejecisses, atque ipsos una cum omnibus posteris, a conspectu gloriæ tuæ remotos, in infimum usque infernum projecisses, nemo nostrum de injuria sibi facta jure conqueri potuisset. Recepissent enim illi recepissemus etiam nos digna factis nostris. Quid ultra a te vel flagitare, vel expectare poteramus, qui ad imaginem tuam nos creaveras, & sufficientibus ad innocentiam conservandam viribus instruxeras? Jam vero incomprehensibilem atque ineffabilem a charitatem tuam erga nos demonstras, quod Filium Redemptorem primis parentibus post lapsum promittis, eundemque in *b* plenitudine temporis nobis mittis, per quem ex morte in vitā, ex peccatis ad justitiam ex inferno ad cœlestem gloriam nos revocas. O hominum amator, cu-

jus

(a) Rom. 5. 8. (b) Gal. 4. 4.

jus a deliciæ cum filiis hominum, quis hanc philanthropiam dignis efferre præconiis, imo quis eam mente satis digne complecti potest? Hæ sunt incomprehensibiles bonitatis tuæ divitiæ: hic est immensus bonorum tuorum thesaurus, quem nostra non capit tenuitas aut intelligentia. Adeone servus charus erat, ut Filius pro ipsius redemptione in mortem fuerit tradendus? Adeone inimicus erat diligendus, ut dilectissimum Filium ipsi Redemptorem constitueris? obstupescit anima mea beneficii istius consideratione, atque in tui amorem penitus abit & colliquescit, Amen.

(a) *Prob. 3, 31.*

CAP. IV.

*GRATIAS AGIT PRO FILII
INCARNATIONE.*

GRatias tibi ago, JESU Christe,
Mediator & Redemptor humani
generis unice! quod in a plenitu-
dine.

Aa 4

(a) *Gal. 4, 4.*

dine temporis veram humanam Naturam personaliter tibi univisti, & ex virgine dignatus es nasci. Quanta est *φιλοθεωπία* tua, quod *a* non Angelos, sed semen Abrahæ apprehendisti! Quantum est *b* pietatis mysterium, quod verus Deus existens, in carne manifestari voluisti! Quanta miserationis tuæ inclinatio, quod de cœlo propter me descendens natiuitatem ex virgine sustinuisti! Propter me, vilissimam creaturam, omnipotentissime creator, homo factus es: propter me abjectissimum servum, gloriosissimæ Domine, servile *c* corpus induisti, ut carne carnem liberares. Mihi natus es: Quicquid igitur cœlestium bonorum in natiuitate tecum affers, meum erit. Mihi datus es: quomodo non una tecum etiam omnia? Natura mea in te magis est glorificata, quam in Adamo per peccatum erat dehonestata. Si-

qui-

(a) *Hebr.* 2, 16. (b) *1. Tim.* 3, 16.
(c) *Phil.* 2, 7.

quidem in personæ unitatem eam assumis, cum corruptione tantum accidentali a Satana fuerit labefactata: caro *a* es de carne mea, & os ex ossibus meis. Frater es, quid denegare mihi poteris, cui consubstantialitate carnis & amoris fraterni affectu es arctissime conjunctus? Sponsus *b* es, qui juxta cœlestis Patris *ἐνδοξίαν* humanam Naturam veluti sponsam, personali fœdere tibi ipsi copulasti: ad gaudium istarum nuptiarum me quoque invitatum esse, grato animo prædico & agnosco. Non amplius miror, quod propter hominem cœlum, terra, mare & omnia, quæ in illis sunt, a Deo facta sunt: cum propter hominem DEUS ipse homo fieri voluerit. Prorsus non poteris me abjicere ac repudiare, cum teipsum hominem, & proinde fratrem meum esse *c* non possis negare. Prorsus non poteris mei oblivisci, quia in *d* manibus

(*a*) Eph. 5, 30. (*b*) Matth. 22, 2. (*c*) 2. Tim. 2, 13. (*d*) Esa. 49, 26.

nibus tuis me descripsisti. Ipsa enim carnis communio quotidianam ac perpetuam mei memoriam tibi injicit. Prorsus non poteris me derelinquere, cum arctissimo personalis unionis vinculo naturam humanam tibi volueris conjungere. Quamvis igitur peccata mea me prohibeant: tamen Naturæ communio non repellit. Adhærebo totus tibi, qui totus totum me assumpsisti, Amen.

CAP. V.

GRATIAS AGIT PRO CHRISTI PASSIONE.

Quanta tibi debeo, o piissime Jesu, gratias, quod pœnas peccatorum meorum suscipiens, famem, sitim, frigus, defatigationes, obtreccationes, persecutiones, dolores, paupertatem, vincula, flagra, spinarum compunctionem, imò mortem crucis acerbissimam, sustinere voluisti! Quanta est amoris tui flamma, quæ te impulit, ut pro vilissimo & ingratis servo in mare illud passionum sponte temetipsum

ipsum immergeres! Innocentia & iustitia tua ab omnibus passionibus te reddebat liberum: sed immensa & ineffabilis tua charitas te nostri loco debitorem constituit ac reum. Ego deliqueram, tu satisfacis. Ego *a* rapueram, tu exsolvis. Ego peccaveram, tu pateris. O benignissime Jesu, agnosco *b* viscera misericordiae & ardorem charitatis tuæ: videris me diligere plus quam te, cum tradas te ipsum pro me. Quid tibi innocentissimo cum sententia mortis? quid tibi pulcherrimo inter filios hominum cum sputis? quid tibi iustissimo cum flagris & vinculis? Mihi hæc omnia debebantur: tu vero ex ineffabili charitate in carcerem hujus mundi descendis, habitum servilem meum induis, & pœnas mihi debitas, promississime suscipis. Adjudicandus eram propter peccata mea perpetuis ustulantis inferni flammis; tu vero igne amoris in ara crucis excoctus ab illis

lis me liberum efficis. Abjiciendus eram propter peccata mea a facie cœlestis Patris: tu vero propter me à Patre cœlesti te derelictum esse conquereris. Torquendus eram in æternum à Diabolo, & ipsius Angelis: tu vero ex immensa charitate te ipsum pro me affligendum & crucifigendum tradis Satanæ ministris. Quot passionis tuæ aspicio instrumenta, totidem quoque amoris erga me tui video indicia, siquidem peccata mea sunt vincula illa, flagra illa, spinæ illæ, quæ te afflixerunt, quæ omnia ex ineffabili charitate propter me sustinuisti. Nondum erat amoris tuo satisfactum per carnis nostræ assumptionem, manifestius eundem comprobare voluisti per amarissimam illam animæ & corporis tui passionem. Quis ego sum, potentissime Domine, ut propter inobedientem servum tot annis servire volueris? Quis ego sum, pulcherrime Sponse, ut propter me, turpissimum peccati man-





*Exhilarat facies T^e Sponsæ tota
 coru. scans.
 Ut placeam pariter, Sol mihi,
 Christe, sis.*

Wie soll ich nicht ~~HERR~~ ~~ES~~ ~~IS~~ ~~Mein~~ ~~Sich~~
 mich deine Braut w^{il}l nennen,
 da du ja mich n^{un} ewiglich
 datur w^{il}st selbst erkennen.

mancipium ac Diaboli scortum, ne mori quidem recusaveris? Quis ego sum, benignissime Creator, ut propter me, vilissimam creaturam, crucis patibulum non exhorrueris? Vere tibi, amantissime sponse, sum sponsa sanguinum, propter quam tantam sanguinis copiam profundis. Vere tibi, pulcherrimo lilio, sum spina lædens & compungens. Impono tibi onus durum & asperum, cujus pondere ita premeris, ut sanguineæ largiter e corpore tuo promanent guttæ. Tibi, Domine Jesu, Redemptor ac Mediator unice, propter hunc amorem tuum psallam in seculum, Amen.

CAP. VI.

GRATIAS AGIT PRO VOCATIONE PER VERBUM.

Tibi, Domine Deus meus, debetur laus, honor & gratiarum actio, quod paternam illam *ἐὐδονίαν* & consilium de salute nostra per verbi prædicationem nobis manifestare volui-

sti. Natura sumus *a* tenebræ: sedemus *b* in tenebris & in regione umbræ mortis: tu vero per clarissimam Evangelii lucem, tenebras illas dispellis. In *c* lumine tuo videmus lumen: hoc est, in luce verbi, veram illam lucem, *d* quæ illuminat omnem hominem, venientem in hunc mundum. Quis usus fuisset thesauri absconditi & luminis *e* sub modio occultati? Grato igitur animo prædico ingens illud beneficium, quod per verbum Evangelii revelasti nobis thesaurum beneficiorum Filii tui. Quam speciosi sunt *f* pedes evangelizantium bona, prædicantium salutem! Hanc pacem conscientiæ & salutem animæ, per Evangelii verbum, adhuc hodie nobis annuncias, & ad regnum Filii tui nos vocas. Abductus eram in errorum avia, ut misera & infirma ovicula: tu vero per
ver-

(*a*) Eph. 5, 8. (*b*) Luc. 1, 79. (*c*) Ps. 36, 10. (*d*) Job. 1, 9. (*e*) Matth. 5, 15.) Es. 52, 7. Nahum. 1, 15. Rom. 10, 15.

verbum in viam me revocasti. Dam-
 mnatus eram ac perditus: tu vero in
 verbo Evangelii offers mihi beneficia
 Christi; in beneficiis Christi tuam
 gratiam; in gratia tua remissionem
 peccatorum; in remissione peccato-
 rum iustitiam; in iustitia vitam &
 salutem æternam. Quis viscera ista
 misericordiæ tuæ verbis dignis pot-
 est prædicare? imo quis magnitudi-
 nem, & divitias bonitatis tuæ mente
 potest cogitare? mysterium salutis
 nostræ, a æternis temporibus taci-
 tum, patefacis nobis per Evangelii
 manifestationem: cogitationes b
 pacis, quas ante jacta mundi funda-
 menta de nobis habuisti, revelas no-
 bis per verbi prædicationem, quod est
 lucerna c pedibus nostris ad æternam
 lucem, per hanc tenebricosam val-
 lem, contendentibus. Quid profuisset
 nobis nasci, nisi per Christum nos per
 peccatum captivos liberasses? Quid

B b 2 redi-

(a) Rom. 16, 25. (b) Jer. 29, 11. (c)
 Ps. 119, 105.

redimi profuisset, nisi immensum istud redemptionis beneficium per verbum nobis annunciaasses? Expandis *a* manus tuas ad nos tota die: januam *b* cordis nostri quotidie pulsas, & per verbum tuum nos omnes ad te vocas, benignissime Domine, quot hominum myriades in gentilissimi cæcitate, & erroribus vivunt, quibus tanta verbi cœlestis lux nequaquam affulsit, quantam nobis, longe ingratis-
simis, bonitas tua concessit? Ah quoties contemptu & ingratitude nostra meremur, ut *c* candelabrum verbi a nobis auferas: tu vero longanimis existens, *d* peccata nostra dissimulas, & sanctissimum illud verbi depositum, thesaurum pretiosissimum, ex ineffabili misericordia adhuc nobis conservas. Pro quo beneficio æternas tibi gratias agimus, & ut porro eum conserves, supplices petimus, Amen.

(*a*) *Es.* 65, 2. (*b*) *Apocal.* 3, 20. (*c*) *Apocal.* 2, 5. (*d*) *Sap.* 11, 24.

CAP. VII.

GRATIAS AGIT PRO EX-
PECTATIONE CONVER-
SIONIS.

Æternas, tibi, misericordissime Pater, debeo gratias, quod conversionem meam tanta *α μακροθυμία* ac benignitate expectare voluisti, & ex peccatorum semita me in consortium regni tui adduxisti. Quanta est longanimitas tua, quod me, milles illud promeritum, à facie tua abjicere, inque æternas pœnas detrudere distulisti? Quot myriades hominum mors prævenit, antequam veram agerent pœnitentiam! Quot peccatores Diabolus obstinatos reddidit, ne peccatorum suorum consequerentur indulgentiam! Ab illis non segregavit me Naturæ qualitas: sed sola tua longanimis benignitas; non levior quædam mea culpa: sed exuberans tua gratia. Certabat misericordia tua cum mea miseria. Per-

B b 3 gebam

(a) Rom. 2, 4.

gebam ego delinquendo: tu pergebas miserendo. Differebam ego conversionem: tu differebas justissimam animadversionem. Aberrabam, & vocabas me: venire recusabam, & expectabas me. Hanc bonitatem tuam, indulgentissime Pater, non possum dignis extollere præconiis. Hanc *μακροθυμίαν* tuam, benignissime Deus, non possum ullis rependere meritis. Custodivisti me ab innumeris peccatis, in quæ non minus quam alios præcipitare me potuisset carnis corruptio, mundi seductio, Diaboli persuasio: nec solum à peccatis multis me custodivisti, ne in illa inciderem: sed & conversionem ab illis, in quæ incideram, benignissime expectasti. Invenio te benigniorem, quam me culpabilior: peccabam ego, & tu dissimulabas: non continebam ego à sceleribus: & tu abstinebas à verberibus: prolongabam multo tempore iniquitatem meam, & tu prolongabas pietatem tuam.

tuam. *a* Quæ tunc fuerunt merita mea? non nisi mala, imo pessima, peccata scil. numero plurima, pondere gravissima, varietate detestabilissima. Soli igitur gratiæ & bonitati tuæ acceptum refero, quod tanta longanimitate conversionem meam expectasti, & ex torpeccatorum laqueis animam meam extricasti. Tibi, Domine, sit laus, honor & gloria in seculum, Amen.

(*a*) *Bernh. ser. 2. de sept. panib. col. 180.*

CAP. IIX.

GRATIAS AGIT PRO CON-
VERSIONE.

Gratias tibi ago, Deus meus, quod cor meum *a* durum, ac poenitere nescium, convertisti, quod cor meum lapideum abstulisti, & cor carneum mihi dedisti. Ex me ipso habui, unde in culpam caderem: sed ex me ipso non habui, unde ad poeni-

B b 4

ren-

(*a*) *Ezech. 36, 26.*

tentiam resurgerem. Aberrare per me potui: sed in viam redire non nisi per te potui. Quemadmodum is, *a* qui de ventre matris suæ nascitur incurvatus, naturalibus remediis non potest ad rectitudinem restitui, sed divina potentia illum oportet erigi: ita anima mea cum spiritali illa incurvatione ad peccatum, & res terrenas erat nata: nullis igitur humanis viribus, sed sola tua gratia potuit erigi, ut ad tuum amorem & coelestium bonorum desiderium assurgeret. Potui me peccatis variis turpissime deformare: tu vero solus potuisti me reformare. Sicut *b* Æthiops non potest mutare pellem suam, & Pardus maculas suas: ita non potui benefacere malefactorum studio deditus. Tu DEUS meus, *c* convertisti me, & conversus sum: posteaquam per te conversus sum, egi poenitentiam, & posteaquam ostensum est mihi, percussi femur meum.

Mor-

(*a*) *Granat. l. 2. bit. Christ. cap. 2.*

(*b*) *Fer. 13, 23.* (*c*) *Fer. 31, 8.*

Mortuus eram in peccatis, & vivificasti me. Quantum potest mortuus conferre ad sui resurrectionem: tantum etiam conferre potui ad meam conversionem. Nisi *a* traxisses me, nunquam venissem ad te: nisi excitasses me, nunquam evigilassem ad te: nisi illuminasses me, nunquam vidissem te. Peccata erant mihi favo & melle dulciora: quod illa jam sint amara & acerba, tibi debeo, qui spirituales gustum mihi donasti. Opera virtutis mihi erant felle atque aloë acerbiora: quod illa jam sint grata & dulcia, tibi soli debeo, qui corruptum carnis meæ iudicium per spiritum immutasti. Errabam *b* sicut ovis, quæ periit, & ad viam iniquitatis declinabam: tu vero, bone Pastor, me requisivisti, & ad Sanctorum gregem reduxisti. Sero te cognovi lumen verum: *c* erat enim nubes magna & tenebrosa ante oculos

Bb 5 vani-

(a) *Joh.* 6, 44. (b) *Es.* 53, 6. (c)
Aug. medit.

vanitatis meæ, quæ prohibebat, quominus veritatis lumen viderem. Sero te cognovi lumen verum : quia cæcus eram, & cæcitatem amabam, & per tenebras peccatorum, ad tenebras inferni ambulabam : at tu illuminator meus, non quærentem te, quæсивisti, non vocantem te, vocasti; non conversum ad te, convertisti, & voce efficacissima dixisti: fiat lux in inferioribus cordis hujus, & facta est lux & vidi lucem tuam, & cognovi cæcitatem meam. Propter immensum illud beneficium prædicabo nomen tuum in seculum, Amen, Amen.

CAP. IX.

GRATIAS AGIT PRO PECCATORUM CONDONATIONE.

Magnastibi, æterne ac misericors Deus, debeo & ago gratias, quod me a venientem ad te, non eiecisti : sed promptissime suscepisti,
ac

(a) *Job. 6, 37.*

ac omnia peccata mea misericordissime mihi remisisti. Ego, indulgentissime Pater, eram *a* prodigus ille Filius, qui paternam substantiam luxuriose vivendo dissipaverat. Siquidem dona Naturæ contaminavi; dona gratiæ repudiavi; donis gloriæ meipsum privavi. Egenus eram, & famelicus: tu me esurientem pane cœlestis gratiæ cibasti. Nudus eram, & omnibus bonis destitutus: tu me iterum justitiæ veste induisti ac ditaasti. Perditus eram ac damnatus: tu vero æternam salutem ex gratia mihi donasti. Misericordia erga me accensus, me *b* amplexatus es, & osculatus, Filium charissimum, qui est in *c* sinu tuo; & Spiritum sanctum, qui est *d* osculum oris tui, maximos immensi amoris tui testes mittendo; induisti me stola primæ, innocentiam primævam restituendo: dedisti annulum in manum meam

B b 6

Spi-

(*a*) *Luc. 15, 13.* (*b*) *Luc. 15, 20.* (*c*)
Joh. 1, 18. (*d*) *Cant. 1, 1.*

Spiritu gratiæ me obfignando; calceos mihi induifti, Evangelio *a* pacis me armando: vitulum faginum mei causa mactafti, Filium tuum chariffimum in mortem pro me tradendo: epulari ac jucundari me fecifti, lætitiæ cordis *b* & veram conscientiæ pacem mihi reddendo. Mortuus eram, & per te in vitam redii: aberraveram, & per te in viam redii: paupertate confumptus eram, & per te in poffeffionem priftinam redii. Tot peccatis pollutum, tot delictis coopertum, tot iniquitatibus corruptum, juftiffimo tuo judicio repudiare me poteras, fed mifericordia tua *c* exuberavit fuper peccata mea: major fuit tua bonitas, quam omnis mea iniquitas. Quoties tibi januam cordis mei pulfanti eandem claufi! juftiffimo igitur judicio mihi fores gratiæ tuæ pulfanti eandem itidem claudere potuiffes. Quoties aures meas

(a) Eph. 6, 15. (b) Pf. 5, 14. (c) Rom. 5, 20.

obstruxi, ne audirem vocem vocantis justissimo igitur iudicio! aures tuas itidem obstruere potuisses, ne audires vocem meam ad te suspirantis. Sed abundantior fuit tua gratia, quam omnis mea transgressio & culpa. Expansis *a* manibus me suscipiens omnes iniquitates meas, velut *b* nube delevisti, & omnia peccata mea *c* post tergum projecisti. Delictorum meorum non amplius recordaris, sed in amplissimum misericordiae tuae sinum me recipis. Pro immenso hoc beneficio gratias tibi agam in æternum, Amen.

(*a*) *Es.* 65, 2. (*b*) *Mich.* 7, 19. (*c*) *Es.* 38, 17.

CAP. X.

GRATIAS AGIT PRO CUSTODIA IN BONO.

Tibi, Domine, *a* fit honor, & gloria & benedictio, & gratiarum actio, quod non solum misericorditer

ms

(*a*) *Apoc.* 7, 12.

me suscepisti pœnitentem : sed etiam à peccatis continendi & emendatius vivendi præstitisti virtutem. Quid prodesset à morbo liberari, si statim sequeretur peior recidiva ? Quid prodesset à peccatis absolvi, nisi daretur pie vivendi gratia ? Tu fidelissime Deus, omnes fidelis & periti Medici partes in sanandis animæ meæ vulneribus perfecisti. Lethalia erant vulnera mea, tu vulneribus Filii tui, ea sanasti. Periculum erat, ne sanata vulnera recrudescerent : tu Spiritus sancti gratia, tanquam fomento quodam, illud prohibuisti. Quam larga illorum seges, qui post impetratam peccatorum remissionem, ad pristinum vivendi morem denuo redeunt, & delictis suis pessime iteratis gravius Deum offendunt ! Heu quot videmus à peccati iugo liberatos ad pristinam captivitatem redire, & ex spirituali Ægypto eductos, ad ejusdem ollas respicere ! Refugerunt a mundi inquinamenta
per

per Christi agnitionem: Sed iisdem rursus involvuntur per pristinam vitæ pessimæ conversationem: Liberati *a* erant ex vinculis Satanæ per conversionem: sed eisdem iterum irretiti hærent per spirituum nequiorum deceptionem. Posteriora *b* illorum certe pejora sunt prioribus: ac satius illis fuisset, non cognovisse viam justitiæ, quam eadem cognita, a sancti illius, quod ipsis traditum fuerat, præcepti converti tramite. Hi sunt canes *c* ad vomitum suum reversi, & sues post lotionem immersæ volutabro cœni. Idem mihi poterat contingere, nisi placuisset tibi per virtutis tuæ gratiam & Spiritus sancti efficaciam, in bono me conservare. Idem Spiritus nequam, qui illos expugnavit, me oppugnavit: idem mundus, qui illos seduxit, me illexit: eadem caro, quæ illos superavit, me inescavit. Sola tua gratia adversus illorū impugnationem me protexit, & viribus ad victo-

(*a*) *Luc.* II, 26. (*b*) *2. Pet.* 2, 21. (*c*) *6. 22.*

ctoriam necessariis instruxit. Virtus tua *a* in mea infirmitate efficax fuit : à te descendit robur Spiritus , quo refrenare potui carnis impetus. Quicquid in me boni , illud à te , omnis boni fonte , descendit : cum in me per naturam nil nisi peccatum sit. Quotquot igitur in me invenio opera bona , quæ tamen , vitio carnis meæ , immunda sunt , & imperfecta , totidem agnoscere cogor , gratiæ tuæ munera. Pro hoc immenso tuo in me collato munere gratias tibi agam in seculum , Amen.

(*a*) 2. Cor. 12 , 9.

CAP. XI.

*GRATIAS AGIT PRO
OMNIBUS ANIMI, CORPORIS
ET FORTUNÆ BONIS.*

ÆTernas tibi, æterne & misericors Deus , debeo gratias , quod non solum corpus & animam mihi dedisti : sed insuper variis animi , corporis & fortunæ donis me instruxisti. Tu ,
 o sum-

ô summa sapientia, *a* doces hominem omnem scientiam. Si quid igitur boni scio, id exuberantem tuam erga me demonstrat gratiam. Absque tuo lumine, mens mea tenebrosa: absque tua gratia, voluntas mea captiva. Si quid est in me ingenii ac prudentiæ, id omne acceptum ferendum est tuæ clementiæ. Oculus animi est prudentia, oculus prudentiæ divina gratia. Quicquid scimus, id cognoscimus vel ex lumine Naturæ, vel ex verbi revelatione. Atque à te, ô lux æternæ sapientiæ, oritur Naturæ collustratio: à te etiam oritur verbi revelatio. Utique ergo, quicquid scimus, à tuo ad nos descendit munere. Tu, *b* es vita mea & longitudo dierum meorum; tu, *c* æterna sanitas, es corporis mei robur, & virtutis vigor. Non *c* solo pane vivit homo; sed omni verbo, quod egreditur per
os

(*a*) *Pf.* 94, 10. (*b*) *Deut.* 30, 20. (*c*)
Deut. 8, 3. *Matth.* 4, 4.

ostium: ita quoque non solo pane in sanitate & robore homo conservatur, non sola medicina à morbis præservatur: sed omni verbo, quod egreditur per os tuum. Tranquillitas mentis conservat corporis sanitatem, vera pietas parit conscientiae tranquillitatem. A te, o summum bonum, omnis vera pietas, inconcussa mentis tranquillitas, & exoptata corporis sanitas. Quicquid exteriorum bonorum insuper possideo, id omne tuae benignitati debeo. Ne frustulum quidem panis meis debetur meritis: quanto minus hoc, quod tot ac tantis me cumulas exterioribus bonis? Vocantur quidem fortunæ bona: sed revera sunt gratiæ tuæ dona. Nihil beatius, quam aliis inservire, & elargiri: hujus felicitatis me reddidisti participem, largiorem exteriorum bonorum mihi conferendo segetem: sparsisti in me semen tuæ gratiæ, ut aliis inde exsurgat messis beneficentiæ. Plurima omni-

no dispensationi meæ commisisti bona, ut conservis benefaciendi daretur materia. A te, fonte omnis boni, descendunt in me bonorum rivuli. Quicquid sum, quicquid possideo, quicquid elargior, illud totum à benignitate tua dependere fateor. Pro hac immensa tua misericordia gratias tibi ago in seculum, Amen.

*CAP. XII.**GRATIAS AGIT PRO SACRAMENTO BAPTISMI SIBI COLLATO.*

Tibi, o æterne & misericors Deus, Pater, Fili, & Spiritus sancte, supplices ago gratias, quod sancto Baptismi lavacro ab omnibus peccatis me abluisti, in fœdus gratiæ recepisti & hæredem æternæ vitæ scripsisti. Tuum agnosco munus esse, quod ex Christianis parentibus natus, per eosdem ad cœlestem illum fontem sum delatus. Quot infantum myriades in ultimâ gentilitate
na-

nascentur, qui absque salutari hoc Sacramento in peccatis moriuntur? Ab illis non separavit me Natura: sed sola tua exuberans gratia. Coniunctus illis eram culpæ communione: sed ab iisdem sejunctus fui gratiæ tuæ participatione. Quanta hæc est bonitas tua, quod nondum te quærentem *a* invenisti, nondum peitentem ex audivisti, nondum pulsanti aperuisti! Hæc misericordia tua exuperat omnem prædicationem; quinimo & omnem admirationem. Baptizatus sum *b* in nomine tuo sancto, invocatum super me nomen tuum: utique ergo in cœlestem familiam sum receptus filius cœlestis Patris, frater Christi, & templum Spiritus sancti factus. Sanctum hoc est & cœleste lavacrum: utique ergo in eo ab omnibus immunditiis meis ablutus sum ac purgatus. Lavacrum est *c* regenerationis & renovationis: utique

(*a*) *Matth.* 7, 7. (*b*) *Matth.* 28, 19. (*c*) *Tit.* 3, 5.

que ergo per illud Spiritus sancti gratia regeneratus sum ac renovatus. Quicquid sanctissima sua obedientia, & pretiosi sanguinis sui effusione Christus, Salvator meus, promeruit, id omne in salutarem Baptismi fontem veluti deposuit. Baptismi igitur collatio, est sanguinis Christi aspersio. Pretiosus *a* ille Christi sanguis ab omnibus peccatis me mundat, & super *b* nives in conspectu Dei me dealbat. Æternum, o æterne Deus, mecum iniisti per Baptismum fœdus, ad quod per veram ac seriam poenitentiam semper mihi patet reditus. Desponsasti *c* me tibi in æternum, in iudicio & iustitia, in gratia & misericordia: dedisti mihi in Baptismo arrham *a* & pignus Spiritus: ergo non projicies me a facie tua: sed promissionis tuæ memor, introduces me ad cœlestium nuptiarum gaudia: Ut in Baptismo Christi, mediatoris &

capi-

(*a*) 1. Joh. I, 7. (*b*) Ps. 51, 9. (*c*) Ose. 2, 19. (*d*) Eph. I, 14.

capitis mei *a* aperiebantur coeli: ita per ejusdem Baptismi communionem aperuisti mihi januam Paradisi. Ut in Baptismo Christi Spiritus sanctus super ipsum descendebat, & vox coelestis Patris dilectum hunc esse Filium asseribat: ita per ejusdem Baptismi communionem Spiritus Sancti particeps sum factus, & in Filium Dei adoptatus. Pro quo immenso beneficio gratias tibi ago, Deus meus, in seculum, Amen.

(a) *Matth. 3, 16.*

CAP. XIII.

GRATIAS AGIT PRO SACRAMENTO COENÆ DOMINICÆ.

Quantas tibi, summe Deus, debeo gratias, quod in sacratissimo Coenæ mysterio Filii tui corpore & sanguine me cibas? Quid in cœlo ac terra pretiosius ac præstantius, quam divinum illud Filio tuo personaliter unitum corpus? Quodnam certius gra-

gratiæ tuæ testimonium ac pignus, quam pretiosus ille Filii tui sanguis in ara crucis pro peccatis meis effusus? Ipsum redemptionis meæ mihi donas pretium, ut firmissimum extet gratiæ tuæ erga me testimonium. Quoties ex Baptismi foedere per peccata sum prolapsus; toties per veram poenitentiam & salutarem hujus cœnæ usum ad illud mihi patet reditus. Novi Test. Sacramentum est, novis me semper beat charismatum muneribus. In hoc corpore ipsa vita habitat; inde ad æternam vitam me reficit ac vivificat. Per hujus sanguinis effusionem præstita est pro peccatis nostris satisfactio, inde ejus bibitione confirmatur mihi peccatorum remissio. Dicit Christus, dicit veritas: Quisquis *a* manducaverit carnem meam, & biberit sanguinem meum, habet vitam æternam, & ego resuscitabo eum in novissimo die, utique ad vitam, utique ad gloriam.

Hic

(a) Joh. 6, 54.

Hic *a* enim est panis vitæ, qui de cœlo descendit, ut qui comederit ex eo, non moriatur, sed vivat in æternum. Fidei manducatio est, quam Christus commendat, quam ad sacramentalem manducationem accedere omnino oportet, ut quod ad vitam institutum est, ad vitam à nobis accipiatur. Vera igitur fide ad cœlestē illud convivium accedo, firmissime persuasus, illud corpus, quod manduco, esse pro me in mortem traditum: illum sanguinem, quem bibo, esse pro peccatis meis effusum, prorsus non possum dubitare de peccatorum remissione, cum confirmetur ipsius pretii, pro peccatis meis oblatis, participatione. Prorsus non possum dubitare de CHRISTI inhabitatione, cum eandem mihi obsignet corporis & sanguinis sui communicatione. Prorsus non possum dubitare de Spiritus sancti adjutorio, cum infirmitas mea tanto corroboretur

tus

(a) *Joh. 6, 50.*



Sum Solymæ civis superæ. qui
nomina tollat
e tabulis. serrat quæ pia de
tra HET.

Es sind bey Dir Herr meine Sühn
Die nahmen aufgeschrieben.
Die dir Vertraut und nur geliebt
auf Jesum Thronlieben.

tar præsidio. Non metuo a Satanæ insidiis, cum Angelicus hic cibus ad pugnam me corroboret. Non metuo a carnis illecebris, cum vivificus & spiritalis hic cibus virtute Spiritus me confortet: Hæc sumta & hausta faciunt, ut Christus in me habitet, & ego in CHRISTO. Non patietur bonus ille pastor oviculam, suo corpore & sanguine pastam, ab infernali lupo devorari: nec permittet Spiritus robur ab infirmitate carnis meæ superari. Tibi, o benignissime Salvator, sit laus, honor & gratiarum actio in seculum, Amen.

CAP. XIV.

GRATIAS AGIT PRO CUSTODIA A VARIIS MALIS.

ÆTernas tibi, o æterne & misericors DEUS, ago gratias, quod ab innumeris malis ac periculis hactenus me custodivisti, & sanctorum Angelorum patrocínio tutum præstitisti. Plures sunt gratiæ tuæ privativæ,

C c

qui-

quibus mala à me prohibes, quam positivæ, quibus bona mihi exhibes. Quotquot animæ ac corporis mala in aliis video, totidem misericordiæ erga me tuæ beneficia agnosco. Si quidem quod ab illis immunis sim, soli bonitati tuæ debeo. Quanta est Diaboli potentia, quanta ejusdem fraudulentia! Quoties igitur malignus ille Spiritus callidissimus, idemque potentissimus noster adversarius damna mihi conatus est inferre: toties benignitatis tuæ scuto, & Angelorum patrocínio tutus retia ista potui effugere. At quis Diaboli percellere poterit insidias? Ecquis igitur beneficiorum tuorum percellere poterit divitias? Quando per noctem somnum capio, oculus providentix tuæ super me vigilat, ne infernalis hostis, Leonis *a* rugientis instar circumiens, suis insidiis ac viribus me opprimat. Quando interdium tentationibus suis Satanas me aggreditur,

ditur, robur dextræ tuæ me benignissime confortat, ne fraudulentus ille tentator in casses suos me illiciat.

Quando innumerus malorum cervicibus meis instat exercitus, *a* Angelorum tuorum castra sunt circa me murus *b* igneus. Nulla est creatura, vilissima licet sit & minima, à qua non immineant mihi varia periculorum genera. Quam magnum igitur ac immensum beneficium est, quod tua me ab illis tutum præstat custodia! Anima mea ad peccatum, corpus ad lapsus pronum. Animam igitur meam, benignissime Pater, regis per Spiritum tuum, corpus regis per Angelicum scutum: siquidem *c* mandasti Angelis tuis de me, ut in viis meis omnibus me custodiant, & manibus suis veluti ferant, ne forte ad lapidem pedes mei impingant. Misericordiæ tuæ acceptum fero, quod *d* non sim consumitus. Nova sin-

Cc 2

gulis

(*a*) Ps. 34, 8. (*b*) Zach. 2, 5. (*c*) Ps. 91, 11, 12. (*d*) Thren. 3, 22. 23.

gulis diebus me circumstant pericula :
 nova igitur quolibet mane super me
 misericordia tua. Non dormiras, *a*
 nec dormis, o fidelis ac vigil custos a-
 nimæ & corporis. Gratia tua est dex-
 teræ meæ umbra, ne *b* meridiani me
 percutiant apertæ & violentæ persecu-
 tionis radii, neve nocturnæ occulta-
 rum insidiarum obnoxius reddar cali-
 gini. Custodis ingressum, dirigis pro-
 gressum, gubernas exitum. Pro quo
 beneficio tibi, ac nomini tuo cantabo
 in æternum, Amen.

(a) *Psf.* 121, 4. (b) *Eccl.* 6. 6.

CAP. XV.

*GRATIAS AGIT PRO Æ-
 TERNÆ SALUTIS PRO-
 MISSIONE.*

Gratias tibi ago, mi Pater cœle-
 stis, quod non solum dedisti mihi
 gratuitam peccatorum remissionem,
 ac interiorem Spiritus renovationem,
 sed etiam certam æternæ salutis pro-
 missionem. Quanta hæc est bonitas
 tua

tua, quod mihi indigno & peccatori, misericordiā tuam toties experto, donasti usq; ad cœlestia speranda præsumere, & de æternis supernæ domus palatibus inhabitandis spem minime dubiam concipere! *a* Æternæ illius & veræ vitæ bona tam magna sunt, ut non possint mensurari: tam copiosa, ut non possint numerari: tam longinqua, ut non possint terminari: tam pretiosa, ut nō possint æstimari. *b* Quanta igitur tua bonitas ac erga me immeritum benignitas, quod bonorum istorum certa promissione in hoc vitæ ergastulo me beas! spe *c* salvū me jam tum esse factum, Apostolus veritatis testatur: Spem *d* non confundere, evidenti ejusdem testimonio comprobatur. Ecce igitur navicula cordis mei, in quo Christus per fidem vehitur, cum procellis ac fluctibus dubitationum toties confli-

Cc 3

ctatur?

(*a*) Bernh. *serm.* 2. *de sept. panib. col.* 18. (*b*) *Bona 6. lib. 7. Comp. cap. 31.* (*c*) *Rom. 8, 24.* (*d*) *Rom. 5, 5.*

Etatur? Promissionem salutis mihi dedisti, o Deus, *a* qui es Deus veritatis: quomodo adhuc dubitare possum, an hæc promissa tua sint verba immotæ & invariatae certitudinis? Gratuita est illa vitæ promissio: proinde non pendeat ab operum meorum merito. De beneficiis tuis ex gratia promissis tam certus esse possum per fidem, quam certus sum de exhibitis per oculorum speciem. Corpore & sanguine Filii tui me cibas, Spiritus sancti interno testimonio me obsignas: quodnam certius testimonium vel pretiosius pignus esse potest, quo salutis promissionem mihi confirmatam reddas! Re ipsa experior, te esse *b* mecum in præsentis vitæ tribulatione: quomodo non ero tecum in æternæ vitæ beatissima consolatione? Sit tanta mihi præstas in hujus mundi tugurio, quanto majora præstabis in cœlestis Paradisi palatio? quicquid sperandum promissisti, tam

tam certum mihi est, quam omnia ea, quæ in hoc mundo utenda contulisti. Misericordia *a* & veritas tua roborata est, ac roborabitur super me in seculum. Misericordia tua prævenit me, eadem etiam *b* subsequetur me. Prævenit in justificatione: subsequetur in glorificatione; prævenit, ut pie viverem: subsequetur, ut tecum semper vivere possim. Ergo misericordiam illam & veritatem tuam prædicabo in seculum, Amen.

(*a*) Ps. 117, 2. (*b*) 33, 6.

PARS TERTIA
DE
MEDITATIONE NO-
STRÆ INDIGENTIÆ.

Meditatio indigentia nostræ nos ex nobis nihil spiritualium bonorum habere ostendit; ideoque omnem propriarum virium fiduciam abjiciendam, & ad solum misericordiæ divinæ auxilium, propter Christum promissum, confugiendum esse Cc 4 docet.

docet. Hac multiplicis indigentia nostra consideratione erigitur cor nostrum ad Deum, ab eo petit veteris hominis mortificationem, ac nobis renovationem, omnibus renatis quotidie necessariam. Renovatio illa consistit in fidei, spei, charitatis, humilitatis, patientiae, mansuetudinis, castitatis & reliquarum virtutum conservatione ac incremento: quod seriis precibus a Deo expetendum. Præterea, cum quotidie a carne, mundo & Satana oppugnemur, ita quidem, ut caro nostra ad terrenorum amorem nos sollicitet, mundus suis odiis, & Satanas suis insidiis nos oppugnet, ideo pro contemptu terrenorum, pro abnegatione nostri, pro victoria mundi, pro consolatione in omnibus adversis, pro vera quiete animæ, pro victoria in tentationibus, & custodia ab insidiis Diabolicis quotidie Domino exercituum, summo illi agonothetæ nostro supplicandum. Denique cum in hora mortis & iudicii auxilium Dei cumprimis nobis sit necessaria.

cessarium, ideo pro beato vita exitu, & beata ad vitam resurrectione singulis diebus humiliter precandum.

CAP. I.

PRO MORTIFICATIONE
VETERIS HOMINIS ORAT.

SANCTE ac misericors DEUS, Pater Domini nostri JESU Christi, te per eundem Filium tuum in Spiritu sancto supplex oro, ut mortificationem veteris hominis, quotidie mihi necessariam, efficaciter in me velis operari, ut secundum interiorem hominem in te possim confortari. Habitat *a* in carne mea peccatum, da mihi robur Spiritus, ne concedam *b* illi in me dominium. Abscondita mea peccata *c* collocas in lumine vultus tui, eadem, quaeso, colloques in lumine cordis mei: ut ea videam & doleam, eorumque condonationem

CC 5 humi-

(a) Rom. 7, 18. (b) Rom. 6. 12. (c) Ps. 90, 9.

humiliter quæram. Nondum penitus liber sum à peccati inhabitatione: concede, quæso, propitius, ut liber sim a peccati reatu & condemnatione. Lex *a* peccati in membris meis repugnat legi mentis meæ renovatæ: da mihi Spiritus tui gratiam, ut legem peccati captivem, ne à carnis captiver vetustate. Caro in me *b* concupiscit adversus Spiritum; Spiritus adversus carnem: Spiritus *c* quidem promptus, sed caro infirma: Spiritui igitur meo virtutis ac roboris tui concede divitias, ut superare queat oppugnantis carnis pravas concupiscentias. Meretricia *d* illa Delila blanditiis suis quotidie me oppugnat: corrobora me per Spiritum tuum *e* in interiore homine, ne vires ejus tandem frangat. O quam grave & durum est adversus se ipsum, hoc est, adversus carnem pugnare! Quam difficile atque arduum

(*a*) Rom. 7, 23. (*b*) Gal. 5, 17. (*c*) Matth. 26, 41. (*d*) Jud. 16, 6. (*e*) Ephes. 3, 16.

duum est domesticum hostem expugnare? nisi in hoc duello cœlesti virtute me induas, metuendum erit, ne succumbere cogar propter absconditas hujus hostis insidias. Preme, ure, seca, mortifica veterem hominem, ut effugere possim blandam ipsius fraudem ac seductionem. Da, ut quotidie in me moriar, ne blanditiis carnis a vera vita, quæ in Christo est, abstrahar. Accende in corde meo Spiritus ignem, ut in sacrificium tibi offeram dilectum animæ filium, concupiscentias pravas, & propriam voluntatem. Caro & sanguis *a* regni Dei hæreditatem accipere non possunt. Moriantur igitur in me, ne excludar a regno cœlesti. Qui secundum carnem vivunt, *b* moriuntur! Qui Spiritu actiones carnis mortificant, vivent. Qui Christi sunt, *c* carnem cum suis concupiscentiis crucifigunt. Carnem igitur
meam

(*a*) 1. *Corinth.* 15, 50. (*b*) *Rom.* 8, 13. (*c*) *Gal.* 5, 24.

meam confige & crucifige. o Christe, in ara crucis pro me confixe & crucifixe, Amen.

CAP. II.

PRO CONSERVATIONE ET
INCREMENTO FIDEI
ORAT.

Accendisti in corde meo, vive & æterne DEus, veræ & salvificæ fidei lucem, illam ut clementer conservare & augere velis, suppliciter precor tuam bonitatem. Fidei infirmitatem quandoque sentio, dubitationum procellis sæpe fluctuo, ideo, ut fidem mihi adaugere digneris, *a* cum Apostolis humiliter clamo. Cor *b* meum proponit tibi verbum tuum: Calamum *c* contritum non confringes, & linum fumigans non extinguēs. Thesaurum *d* meum in vase fictili porto, faculam fidei in vase fragili absconditam gesto, quid aliud restat, quam

(*a*) *Luc.* 17, 5. (*b*) *Pf.* 27, 8. (*c*) *Es.* 42, 3. (*d*) 2. *Cor.* 4, 7.



*Pacifer æ resonet vox ter mihi grata
columbæ,
Sublata hic penitus nam gravis
ira D E I est.*

Ich will mich hinkehren die dorieltaub
hören. So lieblich ertlingt:
Der Winter vergehet. des Jorns stut sieh
ein öhlblat die bringt.



LIBRARY OF THE
UNIVERSITY OF CHICAGO
1892
JAN 10 1892
JAN 10 1892
JAN 10 1892

quam ut seriis precibus & gemitibus
ejus custodiam tibi commendem, &
pro incremento eiusdem quotidie
supplicem? In hujus vitæ ac mundi
tenebris fac me participem cœlestis
fidei lucis. Verbum tuum lux & vita:
concede mihi propitius, ut vera fide
verbo adhæream, ac lucis & vitæ fi-
lius per te fiam. Contra omnes Sata-
næ tentationes, contra omnes mundi
oblocutiones, imo, contra proprii
cordis cogitationes, ævaleant in me
verbi tui consolationes. Unicum
Scripturæ verbum cœlo ac terra est
dignius, cum sit cœlo *a* ac terra fir-
mius. Effice in me per Spiritum
tuum sanctum, ut verbo tuo firmiter
credam, & sensus *b* ac rationem sub
fidei obsequium redigam. Promis-
siones tuæ sunt gratuitæ, nec pendent
à dignitatis & meritorum meorum
condicione: Certissima igitur fide in
illas potero recumbere, & ex toto
corde bonitati tuæ confidere. Per fi-

D d dem

(a) *Luc.* 21, 33. (b) *2. Cor.* 10, 5.

dem *a* Christus in corde meo habitat & *b* vivit. Conserva igitur in me gratuitum fidei donum, ut cor meum sit & maneat perpetuum Christi habitaculum. Fides est omnium bonorum operum semen, & sanctæ vitæ fundamentum. Hanc igitur, benignissime Pater, in me conserva & confirma: ne spiritualis mea messis ac Domus patiatur detrimentum. Corroborâ fidem meam, ut *c* mundum & Principem mundi vincat: auge illius lucem, ut *d* splendidiores radios indies exterius spargat: conserva eam in mediis mortis tenebris, ut ad veram vitam mihi præluceat. Rege me Spiritu tuo sancto, ne concupiscentiis carnis consentiendo & peccatis contra conscientiam indulgendo dem amittam: sed quod in me cœpisti opus bonum, confirma, ut perseveranti fide æternæ vitæ hæreditatem acquiram, Amen.

(*a*) *Ephes.* 3, 16. (*b*) *Galat.* 2, 20.
(*c*) 1. *Joh.* 5, 4. (*d*) *Matth.* 5, 16.

CAP.

CAP. III.

PRO CONSERVATIONE ET
INCREMENTO SPEI PRE-
CATUR.

OMnipotens, æterne, ac misericors Deus, oro te per sanctissima vulnera Filii tui, conserva in me fulcrum, vivificæ spei: Fluctuat quandoque cor meum veluti navis in medio mari, concede mihi *a* anchoram tutam ac firmam immotæ spei. Compesce fluctus tentationis ac dubitationis, qui es **D E U S** *b* spei & omnis consolationis. Quam certa ac immobilis promissionum tuarum veritas, tam certa in me esse poterit sanctæ spei firmitas. Promissis tuis nitor, non destitues me auxilio; benignitati *c* tuæ confido, non destitues me solatio: Scio, cui credidi, & certus sum, quia potens es servare depositum meum in diem illum:

D d 2

Cer-

(a) *Hebr.* 6, 19. (b) *Rom.* 15, 3.
(c) *2. Tim.* 1, 2.

Certissime *a* persuasus sum, quod qui
cœpisti in me opus, id ipsum etiam
perficies usque in diem Jesu Christi.
Tria *b* sunt, quæ me prostratum eri-
gunt, trepidantem fulciunt, fluctuan-
tem dirigunt. Videlicet charitas ad-
optionis, veritas promissionis, pote-
stas redditionis. Hic est funiculus
triplex, quem mihi, e cœlesti patria,
in hunc carcerem demittis, ut me sub-
leves, ac in conspectum gloriæ tuæ
trahas: hæc spes meæ salutis ancho-
ra, hæc ad Paradisum ducens semita.
Meditatio tuæ jussionis facit, ut spe-
rem: meditatio tuæ promissionis fa-
cit, ut tranquilletur cor meum, si spe-
rem: meditatio tuæ bonitatis prohi-
bet, ne de tuis miserationibus despe-
rem: meditatio propriæ meæ fragili-
tatis facit, ne in me vel in meis viribus
ac meritis sperem. Quanto minus
spes mea in fragilibus ac fluidis
præsentium bonorum & humani au-
xilii

(a) *Phil. 1, 6.* (b) *Bernh. serm. 5. de
frag. sept. panum col. 183.*

xilii arenulis figitur, tanto solidius ac certius supra immotam ac firmam promissionum tuarum & cœlestium bonorum petram stabilitur. Unicum meum tibi, ut penitus à mundo me abstraham, & ex toto corde tibi adhæream! Ad te confugio, tanquam *a* ad thronum gratiæ & aram misericordiæ, ad arcam fœderis & asylum libertatis, ad petram *b* roboris & portum salutis. In me nil nisi peccatum, mors, condemnatio; in te nil nisi iustitia, vita, salus, consolatio. Despero igitur in me, sed spero in te: in me collidor, in te erigor. Multiplicentur sane tribulationes, adsint modo ac sperantem erigant vivificæ tuæ consolationes. Tribulationes pariunt patientiam, patientia probationem, probatio spem, spes *c* non confundit, in te, *d* Domine, speravi, non confundar in æternum, Amen.

(*a*) *Hebr.* 4, 16. (*b*) *Psf.* 18, 2. (*c*) *Rom.* 5, 4. 5. (*d*) *Psf.* 31, 2.

CAP. IV.

PRO CONSERVATIONE ET
INCREMENTO CHARITATIS

ORAT.

Æterne ac misericors Deus, qui
es *a* ipsa charitas, concede mihi
veræ ac sinceræ dilectionis spiritualis
divitias. Cor meum frigidum est ac
terreum, o ignis, o charitas! accen-
de me. Cor meum durum est ac la-
pideum, o petra, o charitas! emolli-
me. Cor meum spinis irarum ac
sentibus odiorum est repletum, o be-
nignissime Pater, o charitas! expurga
me, diligam te, Deus *b* fortitudo
mea, Petra mea, & arx mea, liberator
meus, Deus meus, scutum meum & *c*
cornu salutis meæ. Quicquid in
creaturis bonum ac præstans video,
id omne in te, qui es summum bo-
num, abundantius & excellentius in-
venio: te igitur toto corde super o-
mnia diligam, in quo tantam agnosco
bonorum ubertatem & præstantiam.

Tan-

(a) Job. 4, 16. (b) Ps. 18, 2. (c) 6. 3.

Tanto mihi melius, quanto magis in te ivero, quo nihil melius. Ire autem potero, non ambulando pedibus corporis, sed amando desiderio cordis. Si pulchritudinem desidero, tu es omnium pulcherrimus; si sapientiam, tu omnium sapientissimus; si divitias, tu omnium ditissimus; si potentiam diligo, tu omnium potentissimus; si fortitudinem, tu omnium fortissimus; si honorem, tu omnium gloriosissimus. Dilexisti me ab æterno: diligam te vicissim in æternum. Dilexisti me teipsum mihi dando: diligam te me totum per amorem vicissim tibi reddendo. Cor meum inardescat, omnis creatura vilescat, tu solus animæ meæ dulcescas. Naturam humanam Filio tuo inseparabili fœdere uniri voluisti: quanto magis convenit, cor meum inseparabili amoris vinculo tibi copulari. Amor divinus Filium tuum e cœlo ad terras traxit, columnæ ad flagellationem alligavit, & cruci ad mortem affixit:

Dd 4 an.

annon tam fervida amoris flamma cor meum e terris ad coelum elevarret, ac tibi, summo bono, indivulſe alligaret? Magna & te & me injuria afficerem, ſi terrena, vilia ac modica diligerem, quem tantæ dignitatis fe-
ciſti, ac tam large promiſſa mihi dediſti, ut te amare mihi liceat. Ex hoc amore tui naſcitur etiam in corde meo ſincerus amor proximi. Qui-
cunque te, o ſummum bonum, diligit, *a* etiam mandata tua cuſtodit: cum probatio dilectionis ſit operis exhibitio: quare cum proximum diligere præceperis, ideo nemo te ſincere diligit, *b* qui dilectionis debitum proximo non impendit. Quis quis ſane proximus ſit, tam charum eum habuiſti, ut eum mirabiliter creares, miſericorditer liberares, & ad conſortium regni tui benigniſſime vocares. In te igitur ac propter te proximum amare debeo, quem a bonitate tua ad tantæ gloriæ decus elevatum

(a) *Joh.* 14, 15. (b) *I. Joh.* 4, 20.



THE
LIBRARY OF THE
MUSEUM OF NATURAL HISTORY
AND
ZOOLOGY
OF THE
CITY OF LONDON
1851



Sanguis me purgat Christific puris-
sima lymphe est:
Albā quō radiem fac quoq; jam
tunicā.

Wiewohl es mich schmerket das Adam
verscherket das Göttliche bild.
Doch JESUS mich siehret indem Er
mich führet zur Tauffe mein schild.

vatum conspicio. Hanc veram & sinceram dilectionem in me robores & augeas, qui es æterna & invariabilis charitas, Amen.

CAP. V.

*PRO CONSERVATIONE ET
INCREMENTO HUMILITATIS
PRECATUR.*

OMnipotens & misericors DEUS, qui omnis superbiæ osor es acerrimus, concede mihi, ut sim rosa charitatis, & viola humilitatis: ut bonum fragantiæ odorem, per opera charitatis, spargam, & humiliter in corde meo de me sentiam. Quid ego coram te, Domine? Pulvis, cinis, umbra, nihil. Quare cum nihilum sim in conspectu tuo, concede, ut nihil me æstimem in conspectu meo. Deprime conatum cordis mei tumorem: ut suscipiam cœlestis gratiæ rorem. Neque enim sursum ascendant fluentia gratiæ tuæ in elatos

montes: sed deorsum feruntur in depressas humilis cordis convalles. Nihil quicquam meum, præter infirmitates & iniquitates. Quicquid in me boni, ex fonte bonitatis tuæ ad me descendit: proinde mihi nihil quicquam bonorum arrogare possum, cum nihil sit propriè meum. Quanto de te sentio sublimius, tanto de me sentire cogor indignius. Absit a me, absit quam longissime, ut de bonis tuis, benignissime Domine, velim superbire, & alios propterea despicere. Thesauros bonorum tuorum in arculam cordis mei deposuisti, quos & quantos voluisti: absit a me, ut illos mihi metipsi adscribam, vel meæ dignitati attribuam. Accendisti in corde meo per Spiritum tuum ignem pietatis & charitatis, concede, quæso, ut illum obtegere possim per cinerem humilitatis. Quantula est illa gloria, quæ homini ab homine datur? Quantula laus, qua homo ab homine decoratur? Qui tibi, o
Crea-

Creator maxime, magnus est, is vere magnus; qui tibi placet, is vero rerum æstimatori placet. Nemo autem tibi placet, nisi qui sibi displicet. Tu es vitæ meæ vita: tu animæ meæ anima. Ergo vitam & animam meam in manus tuas resigno, & humili corde tibi totus adhæreo. Excelsum tuum *a* respiciat meam humilitatem, altissimum tuum respiciat vilitatem. Ah! cur tantopere desidero extolli in mundo, cum in illo nihil sit mundum? Cur tantopere me effero, cum me graviter premat peccati jugum? Configat cor meum stimulus sancti timoris, ne fortassis occupetur periculosissimo morbo spiritualis tumoris. Sint perpetuo in conspectu meo innumera peccata mea; in oblivione vero qualiacunque mea bona opera. Plus contristet me peccatorum meorum memoria, quam immundi & imperfecti alicujus, quod feci, operis boni gloria. In te solo lætor &

D d 6

glor

(4) Ps. 113, 7.

gloriosior, qui es gaudium & gloria mea
in æternum, Amen.

CAP. VI.

PRO DONO ET INCREMENTO
PATIENTIÆ PRECA-
TUR.

OMnipotens, æterne ac misericors
Deus, supplicibus gemitibus im-
ploro tuam gratiam, ut concedas mi-
hi veram ac sinceram patientiam. Ca-
ro mea semper expetit sibi grata, hoc
est, mollia & carnalia: renuit autem
patienter sufferre adversa. Hunc
carnis affectum in me potenter, quæ-
so, deprimas, ac patientiæ robo-
re infirmitatem meam suffulcias. O
Christe JESU, doctor patientiæ & obe-
dientiæ, Spiritu sancto interius me
instrue, ut *a* discam a te voluntatem
propriam abnegare *b*, & impositam
crucem patienter portare! Graviores
pro me passus es, quam imponis:
durio-

(a) Matth. II, 29. (b) Matth. 16, 24.

duriora supplicia sum promeritus, quam infligis. Coronam spineam ac crucis pondus gestasti, sanguinem sudasti, & *a* torcular iræ propter me calcasti, cur igitur tantillum passionis atque afflictionis patienter suscipere recusarem? cur tristi imagini tuæ hac vita conformari detrectarem? De *b* torrente passionum in vita bibisti, cur ex calice crucis haustulum exiguum renuerem? æternas poenas peccatis meis sum promeritus: cur paternam castigationem in hoc mundo non sufferrem? Quos ab æterno ante jacta mundi fundamenta *c* præscivisti, eos etiam imagini Filii tui in tempore hujus vitæ conformari decrevisti: ergo, si hanc conformationem per crucem patienter non ferrem, sanctum & æternum tuum de salute mea consilium despicerem: quod procul a me, servo tuo indignissimo, abesse jube. Probationis est,

(*a*) *Esa.* 63, 3. (*b*) *Psal.* 110, 7.

(*c*) *Rom.* 8, 29.

est, non reprobationis, quod variis calamitatibus me exerces: quantum imponis crucis & tribulationis, tantum etiam confers lucis & consolationis: nec tam castigatio, quam remuneratio augetur. Non *a* sunt condignæ passiones hujus vitæ ad cœlestem illam consolationem, quam in hac vita simul immittis, & ad cœlestem illam gloriam, quam in futura promittis. Scio, *b* te mecum esse in tribulatione, cur igitur non lætarer potius de tuæ gratiæ præsentia, quam tristarer de crucis mihi imposita sarcina? Duc me, quamcunq; velis per viam, Magister ac Doctor optime, per spinas ac vepres sequar te, tantum ut sequi possim, trahe ac sustenta me. Submitto caput meum, ut imponas coronam spineam, certissime persuasus, fore, ut olim imponas coronam gloriæ æternæ, Amen.

(*a*) Rom. 8, 18. (*b*) Ps. 91, 15.

CAP. VII.

PRO DONO ET AUGMEN-
TO MANSUETUDINIS

PRECATUR.

O Benignissime Domine, qui *αφι-
λανθρωπως* nos ad pœnitentiam
invitas, & *μακροθυμως* nostram con-
versionem expectas, da mihi longani-
mitatis ac mansuetudinis divitias. Fer-
vet in corde meo iracundiæ incen-
dium, quoties exiguum a proximo
oritur nocumentum. Supplex igitur
precor, ut per Spiritum tuum mortifi-
ces hunc carnis meæ affectum. Quam
dura verba, duriora verbera ac duris-
sima supplicia dilectus tuus Filius
propter me pertulit, nec *β* cum male-
dictis incessetur, maledicta vicissim
retulit, sed iuste judicanti omnia tra-
didit. Quæ igitur hæc est superbia,
quæ contumacia, quod ego miser ac
mortalis, *γ* terræ pulvis & cinis, ne
quidem verbulum paulo durius pos-
sim

(a) Rom. 2, 4. (b) 1. Pet. 1, 23. (c)
Gen. 18, 27.

sim sufferre & proximo offensionem mansueto corde vincere! Discite, *a* discite a me, quod miris sim & humilis corde, exclamas, optime Christe: supplicibus te imploro gemitibus; suscipe me in practicam illam Spiritus scholam, ut veram mansuetudinem in ea discam. Quam gravibus & variis peccatis te, benignissimum Patrem, offendendo, quorum quotidiana remissione indigeo. Cur igitur *b* homo cum sim, adversus hominem iram velim conservare: & *a* te, coeli terræque Domino, veniam ausim postulare? Nonne absurdum foret erga hominem, mei similem, nullam me capere misericordiam, *c* & peccatorum meorum abs te, Domine, petere indulgentiam? Nisi proximo nævos ipsius remisero *d*, nec meorum peccatorum remissionem sperare poterō. Ergo, o benignissime Domine, multæ miserationis & longanimi-

(*a*) *Matth.* 11, 29. (*b*) *Eccles.* 28, 3.
(*c*) *E.* 4. (*d*) *Matth.* 18. 35.

mitatis, da mihi Spiritum patientiæ ac mansuetudinis, ne propter offensas proximi iram statim suscipiam, sed eam, tanquam animæ hostem fugiam, vel certe incautius susceptam citissime deponam. Solis *a* splendor super iram meam non occidat, ne furoris mei testis abscedat. Iratum somnus non opprimat, ne morti, sorori suæ, iratum me tradat. Si de hoste vindictam sumere cupio, cur non ad iram meam me converto, quæ certe est hostis maximus & nocentissimus, cum animam occidat, & æternæ morti me obnoxium reddat Da etiam ori meo custodiam & in regendis vitæ actionibus prudentiam, ne verbis vel factis proximum offendam? Da, ut proximo sim per virtutum fragrantiam rosa redolens, non autem per offensiones & detractiones spina pungens! Da, bone JESU, ut vestigiis mansuetudinis tuæ insistam, & sincero corde proximum diligam, amen.

(a) Eph. 4, 26.

CAP.

CAP. VIII.

*PRO DONO ET INCREMENTO CASTITATIS
ORAT.*

SAncte DEUS, qui es pudicitiae & castitatis amator, spurcitiei vero ac libidinis acerrimus osor, per Christum, castissimum animae meae Sponsum, te precor, ut veram castitatem, interiorem & exteriorem, animae & corporis, Spiritus & carnis in me opereris & augeas: contra vero pravæ concupiscentiae ignem in corde meo extinguas. Configat sanctus timor tuus carnem meam, ne ruat in libidinis proterviam. Cœlestis charitas animam meam ad te evehat, ne terrenis foetoribus inordinato amore adhærescat. Effunde super me fluentia divinæ gratiæ, ut extinguantur in illis flammæ concupiscentiæ, veluti in aqua extinguuntur sagittæ igneæ. Anima mea ad imaginem tuam creata est, & per Christum reparata: tibi
Crea-

Creatori ac Redemptori, quin & mihi ipsi injuriam maximam inferrem, si splendidam animæ faciem fuligine & maculis inhonesti amoris denigra-rem. Habitat *a* in corde meo Christus, habitat *b* in corde meo Spiritus sanctus, is gratiæ suæ robore, ac charismatum suorum munere me impleat, ut *c* sanctus sim spiritu, sanctus etiam corpore. Absque *d* sanctimonia nemo videbit te, lumen purissimum. Quam ergo desiderabilis & amabilis beatifica tui visio, tam detestabilis ac odiosa mihi sit castitatis deperditio ac labefactatio. Contristatur *e* Spiritus sanctus spurci sermonis scintillis: quanto magis libidinum incendiis? Appetitus *f* libidinis plenus est anxietatis & vecordix; actus abominationis & ignominix; exitus poenitudinis & vere-

cun-

(*a*) *Ephes.* 3, 17. (*b*) *1. Corinth.* 3, 16.
 (*c*) *1. Corinth.* 7, 34. (*d*) *Hebr.* 13, 14.
 (*e*) *Ephes.* 4, 30. (*f*) *Bernh. de con-*
vers. c. 12.

cundix: ardor ejus ascendit usque in
cælum, sed fœtor descendit usque ad
infernum. Cur igitur turpissimo huic
hosti velim ostium animi pandere, e-
undemque in penetrabile cordis recipe-
re? Sancte ac fortis DEus, exercituum
Domine, da mihi robur Spiritus, ut vin-
cere possim hostem illum, qui pugnat
in me contra me: da, ut abstineam non
solum ab illicitis complexibus & ex-
terioribus turpitudinis actibus, sed et-
iam liber sim ab interioribus istorum
desideriis ac flammis: cum non solum
corpus purum, sed etiam cor mundum
a nobis requiras, & tam interiora, quam
exteriora sanctissimis oculis tuis respi-
cias. Crucifige carnem meam & con-
cupiscentiam ejus, o Christe,

pro me crucifixe,

Amen.

CAP. IX.

*PRO CONTEMPTU TERRE-
NORUM PRECATUR.*

SANCTE DEUS, Pater cœlestis, invoco
te per dilectum Filium tuum, ut per
Spiritus sanctum cor meum a tere-
nis abstrahas, & ad cœlestia desideran-
da evehas. Quemadmodum ignis per
Naturam sursum evolat, ita spiritualis
ignis charitatis & devotionis in corde
meo accensus ad cœlestia tendat. Quæ
& qualia sunt terrena ista omnia? vi-
tro fragiliora, Euripo mobilia, ven-
to fugaciora. Stolidus igitur foren, si
corde meo illis adhærerem, & venam
animæ quietem in illis quærerem. In
morte terrena omnia tandem, vel ni-
vito, sunt deferenda: effice in me, quæ-
so, ut cordis affectu voluntario ea pri-
us deferam. Mortifica in me amorem
mundi, ut crescat sanctus amor tui.
Custodi me per Spiritus Sancti auxi-
lium, ne diligam hunc mundum, ne
cor

cor meum ex eo fiat immundum. Transit *a* hujus mundi figura, transit momentanea ejusdem gloria, in propinquo est cœli & terræ ruina. Flecte igitur cor meum, ut sim amator vitæ in perpetuum permanentis, non autem mundi hujus citissime fugientis. Quicquid *b* in hoc mundo est, concupiscentia carnis est. Concupiscentia carnis est concupiscentia oculorum & superbia vitæ. At quam vanum est, concupiscentiam carnis diligere, quam periculosum, concupiscentiis oculorum indulgere, quam noxium, superbian vitæ eligere? Non potest vere ab eo diligi Christus, cœlestis vitæ pans, qui plenus est terrenis *c* porcorum siliquis. Non potest libere ad DEum evehi, cujus cor captivatum est amore hujus mundi. Non est quo intret amor Dei, ubi vasculum cordis repletum est amore seculi. Extingue igitur, o DEUS, amor meus, in me terrenorum appetitum, tolle
amo-

(*a*) 1. Cor. 7, 31. (*b*) 1. Joh. 2, 16. (*c*) Luc. 15, 16

amoris mundani vinculum: effunde
& expurga cordis mei vasculum, ut
sincero amore te diligam, & perfecto
corde tibi adhæream. Ah! cur ve-
lim diligere *a* ea, quæ sunt in mun-
do, cum desiderium animæ meæ, ad
æternitatem creatæ, non expleant,
nec ullum omnino amorem mihi re-
pendant? illum anima mea amabit,
cum quo in æternum habitabit: illuc
præmittam cordis mei desideria, ubi
æterna mihi parata est gloria. Ubi
b thesaurus meus, ibi etiam erit cor
meum. Da mihi *c* pennas colum-
bæ, ut in sublime ad te evehar, & in
foraminibus petræ abscondar, ne la-
queis mundani amoris venator in-
fernalis me capiat, meamque animam
ad terrena iterum trahat. Totus mi-
hi mundus amarescat, ut solus
Christus animæ meæ dulcescat,
Amen.

(*a*) 1. Job. 2, 15. (*b*) Matth. 6, 21.

(*c*) Ps. 55, 7.

CAP. X.

PRO ABNEGATIONE
SUI ORAT.

O JESU Christe, Fili Dei vivi, qui in verbo tuo exclamas: *Quicumque a Eult meus esse discipulus, abneget seipsum, tollat crucem suam & sequatur me*: oro te per sanctissimam tuam mortem & crucifixionem, perfice in me eam, quam requiris, mei abnegationem. Novi facilius esse, omnes creaturas deferere, quam seipsum abnegare. Quod igitur ex me ipso præstare nequeo, illud ut in me perficias, humiliter peto. Conticescant in me voluntatis propriæ desideria, ut audire possim divina tua alloquia. Eradicentur ex corde meo amoris proprii fibræ, ut crescant in me suavissimæ divini amoris plantæ. Totus mihi & concupiscentiis meis moriar, ut totus tibi, tuæque voluntati vivam. Voluntas mea mu-

(a) *Matth. 16, 24.*



Sanguine quo recreet pullos hic pectora
findit:

Et Victrix. I E S U. mors tua mihi
vita est.

So dieser mit blüte bringt Jüngē Jünger
sie rettet auß noth:

Wie solte nicht geben mir wider das leben,
Ih̄n x̄i Jesu dein Todt.



[Faint, illegible handwritten text, likely bleed-through from the reverse side of the page.]

mutabilis est ac mobilis, vaga & instabilis. Da igitur, ut voluntati tuæ meam subjiciam, & tibi soli immutabili ac perpetuo bono indivulſe adhæream! Tum demum divinæ in nobis crescunt virtutes, quando naturales deficiunt vires: tum demum *a* in Deo fiunt nostra opera, quando mortificata est in nobis voluntas propria: tum demum *b* verè in Deo sumus ac vivimus, quando in nobis ipsis quasi annihilamur ac evanescimus. Ergo, o vera vita, mortifica voluntatem meam, ut vere tibi vivere incipiam! Quicquid in nobis Deo probari debet ac placere, illud ab ipso oportet in nos descendere. Soli igitur Deo omne bonum adscribendum, & quod ipsius est proprium, ipsi relinquendum. Quicquid in nobis fulget ac coruscat, id ab æterna & incommutabili luce oritur, quæ tenebras menti nostræ innatas irradiat.

E e *17* Eo

(a) *Johann.* 3, 21. (b) *Act.* 17,

Eo igitur modo *a* lux nostra coram hominibus splendeat ; non ut nobis, sed ut DEO gloria exinde surgat. Hanc veræ cognitionis lucem, o Christe, vera lux, in mente mea accende: hanc proprii honoris abnegationem, o Christe, vera Patris gloria, in corde meo operare. Melius mihi in te quam in me. Ubi non ego, ibi felicius ego. Infirmitas mea fulciri desiderat virtute tua, nihil in meum aspirat ad robur tuum. Voluntas *b* tua sancta in terra carnis meæ fiat, ut coeleste tuum regnum in animam meam veniat. Mortifica in me amorem ac honorem proprium, ne impediatur regni tui adventum. Si totum hominis bonum est amare DEUM, totum hominis malum sit necesse est, amare seipsum: si ea veri boni conditio est, ut se effundat, magnum malum erit amor proprius, qui sua & aliorum bona sibi vendicat. Si uni DEO omnis debetur gloria, maximum futu-

(a) Matth. 5, 16. (b) Matth. 6, 10.



THE UNIVERSITY OF CAMBRIDGE
LIBRARY
ST. JOHN'S COLLEGE
CAMBRIDGE



Debita sunt fateor mea magna, ah
 maxime iudex:
 ast solvit sponsor sanguine cuncta
 sua.

Sieh Iherke Gottes huld,
 und gib dich zu frieden,
 Christus hat bezuht die schuld,
 dann Erhülft den müden.

futurum erit honor proprius, qui aliena ad se trahit bona. Hunc amoris & honoris proprii affectum in me extingue, o Christe, in seculum benedicte, Amen.

CAP. XI.

*PRO VICTORIA MUNDI
PRECATUR.*

OMnipotens, æterne ac misericors DEUS, Pater Domini nostri JESU Christi, da mihi Spiritus Sancti gratiam, ut de omnibus mundi tentationibus reportem victoriam. Oppugnat me mundus odiis, blanditiis & perversis exemplis: doce me mundi odia parvi æstimare, blanditias ejus declinare, & pravorum imitationem vitare. Quid poterunt contra me mundi odia, si instar scuti tua me protegat gratia? Quid obesse mihi poterit, si omnes homines odio me prosequantur, modo tu, DEUS meus, amore me complectaris; Vicissim,

quid prodesse mihi poterit, si omnes homines amore me complectantur, tuque interim iræ tuæ furore me prosequaris? Transit mundus, trans-eunt mundi odia: Sola autem socius Dei constans perennat gratia. Remove igitur, o Deus, ex corde meo inordinatum illum timorem, ne mundi odia & persecutiones extimescam: insere vero plenam animi fiduciam ac Spiritus fervorem, ut mundana odia, quippe transitorias nubeculas, contemnere discam. Cur *a* ab iis mihi metuum, qui corpus occidunt, animam autem occidere non possunt? Eum potius verebor ac timebo, qui non corpus solum, sed & animam detrudere potest in æterni ignis gehennam. Fides *b* nostra est victoria, quæ mundum vincit. Fide enim futura respicimus gaudia, ut præsentia perferre possumus adversa: fide in bonitate divina re-

cum-

(*a*) *Matth.* 10, 28. (*b*) 1. *Joh.*

cumbimus, ut hominum odia sustinere possimus. Nec vero a sinistris solum oppugnat me mundus odiis, sed etiam a dextris suis me inescare conatur blanditiis: caudam habet pungentem, sed & faciem habet blandientem. Da mihi, o Christe, gustare suavitatem cœlestis gaudii, ut pereat in me omnis amor mundi. Corruptus est animæ meæ gustus, appetit terrena, & amarus ipsi videtur blanditiarum mundanarum contemptus: at tu, o vere rerum æstimator, mundi illecebras respuere me docuisti, & ad cœlestia animam meam evehi voluisti. Averte igitur, averte cor meum a mundi blanditiis, ut ad te conversum veris ac spiritualibus perfruatur delitiis. Quid profuit mundi amatoribus jam demortuis inanis gloria, brevis lætitia, tenuis potentia? quid profuit momentanea carnis voluptas, & falsarum divitiarum ubertas? ubi sunt, qui ante paucos dies nobiscum fuerunt? nihil

de illis remansit nisi cineres & vermes : comederunt ac biberunt securi , vitam suam transegerunt carnali lætitia ebrii, nunc caro ipsorum vermibus in cibum hic datur, anima vero æterno igne illic cruciatur: omnis ipsorum gloria defloruit , & velut agri fœnum exaruit. Prohibe, o DEUS, ne ipsorum viis insistam, ne ad eundem miseriæ terminum perveniam : sed per mundi victoriam duc me ad cœlestis gloriæ coronam, Amen.

CAP. XII.

*PRO CONSOLATIONE IN
ADVERSIS, ET VERA QUIETE
ANIMÆ PRECATUR.*

BENIGNISSIME Pater, DEUS omnis *a* spei & consolationis, concede mihi in omnibus adversis vivificam consolationem , & vetam animæ quietationem. Multas *b* in corde meo sentio angustias, sed consolationes tuæ latificare poterunt animam meam.

Vana

(a) 2. Cor. 1, 3. (b) Ps. 94, 19.

Vana ac frustranea est omnis mundi consolatio, inte solo est animæ inæ robur & sustentatio. Premit me variarum calamitatum pondus: sed interiori tuo alloquio & consolatione redditur levius. Nulla creatura tantopere me poterit contristare, quin tu magis possis *a* Spiritu lætitiæ me exhilarare. Nulla tantopere me coangustare poterunt adversa, quin cor meum magis dilatari possit tua gratia. Urget me æstus variarum afflictionum: sed gustus dulcedinis tuæ blandum mihi præstat refrigerium. Destillant ex oculis lachrymarum flumina: sed *b* abstergit illas manus tua benignissima. Quemadmodum Stephano, protomartyri, inter medios lapidantium ictus amicam faciem tuam exhibuisti contuendam: ita mihi misero in omnibus adversis consolationem tuam exhibere velis perfrue-dam. Quemadmodum in tristissima mortis agonia Filio tuo Angelum *c*

Ee 4

misi-

(a) Ps. 51, 14. (b) Apoc. 7, 17.

(c) Luc. 22, 43.

misisti consolatorem: ita in lucta hac mea Spiritum mihi mittere velis sustentatorem. Sine tuo robore sub crucis onere collabor, sine tuo adiutorio ab impetu variarum adversitatum prosterrior. Extingue in me mundi & creaturarum amorem: sic mundi adversa & creaturarum mutabilitas nullam mihi afferent amaram. Qui corde suo adhæret mundo & creaturis, nunquam particeps fieri poterit veræ & imperturbatæ quietis. Siquidem terrena omnia perpetuis mutationum vicissitudinibus sunt obnoxia. Qui vero præsentibus hujus vitæ bonis non adhæret inordinata amoris cupiditate, is fugientibus iisdem non torquebitur nimix sollicitudinis anxietate. Effunde, o Deus, ex corde meo mundi amorem & desiderium, ut cœlestis Elisæus *a* in vasculum viduæ, hoc est, animæ, terrena consolatione destitutæ, infundat cœlestis gaudii oleum.

Tur-

(a) 2. Reg. 4, 3.

Turbentur, mutantur, sursum ac deorsum volutentur terrena omnia, tu nihilominus es cordis *a* mei immota rupes ac firmissima petra. Num egena & infirma creatura turbare possit animæ quietem, quam in te creatore certam & immotam possideo? Num fluctus mundi, inquietissimi illius maris, convellere possint cordis mei petram, quam in te, summo & incommutabili bono, fixam habeo? Quinimo, pax *b* tua exsuperat omnem intellectum, eadem etiam superabit omnium adversitatum incursum. Quam interiorē pacem a te, benignissime Pater, supplicibus gemitibus precor, Amen.

(a) *Pf.* 73, 25. (b) *Phil.* 4, 7.

CAP. XIII.

PRO VICTORIA IN TENTATIONIBUS ET CUSTODIA AB INSIDIIS DIABOLICIS PRECATUR.

ADsis mihi, Deus Zebaoth, Deus fortis & misericors, ne tentationibus

bus ac insidiis Satanicis succumbam, sed tuo præsidio tutus, tuoque auxilio suffultus, victor tandem evadam. Intus *a* pavores, foris pugnae. Interius enim venenatis atque ignitis tentationum telis animam meam Diabolus vulnerat: exterius variis adversitatibus ac mille insidiarum *b* generibus me fatigat. Serpens est per fallacem deceptionem, leo per violentam aggressionem, draco per crudelem oppressionem. Ipsum *c* cœlestis exercitus Ducem ausus est aggredi: num gregario mihi parceret militi? Ipsi capiti non dubitavit se opponere: quid mirum, si infirmum corporis mystici membrum cogitet prosternere? Nulla in me virtus, quæ possit adversus hunc fortem armatum subsistere: nulla in me sapientia, quæ possit fraudes ac retia hujus *μυριο-τάχως* effugere. Ad te igitur supplicibus gemitibus me converto, cuius po-

(a) 2. Corinth. 7, 5. (b) Eph. 6, 11.
(c) Matth. 4, 3.

potentia nescit terminos, sapientia numeros. Adsis mihi, o Christe, *a* Leo de tribu Juda fortissime, ut infernalem istum Leonem in te ac per te possim vincere. Pugnasti & vicisti pro me, ut virtus tua in mea perficiatur infirmitate. Illumina oculos mentis meæ, ut Satanicæ mihi conspicuæ fiant insidiæ: dirige pedes meos, ut occultos illius effugere possim laqueos. Victoria tentationis præbeat cordi meo testimonium cælestis regenerationis: promissionem victoriæ confirmet mihi præsentia tuæ gratiæ. Instrue & armatum me redde *b* fortitudinis tuæ robore, ut in hac duelli acie possim stare, ac hostem illum aquo oppugnor, olim *c* judicare. Quo plures ac periculosiores sunt hostis hujus insidiæ, eo ardentius aspiro ad auxilium tuæ misericordiæ. Modo insatiabilem terrenorum cupiditatem mihi instillat, ut compedibus

ava-

(*a*) Apoc. 5, 5. (*b*) Eph. 6, 10.
(*c*) 1. Cor. 6, 3.

avaritiæ illigatum, a via justitiæ abducatur: Modo iræ stimulis me inflammatur, ut ad damnum proximo inferendum cor meum intus exardescat. Ad libidinem & voluptatum amorem aliquando sollicitatur: mox invidiam & ambitionem animo inspiratur. Antequam in peccatum præcipitet, pluma levius, aere ac folio tenuius illud esse persuadet, ut in securitatem impellatur: mox, postquam in peccatum præcipitavit, illud cœli terræque machina majus ac misericordiæ divinæ statera ponderosius esse dictatur, ut ad desperationem tandem adigatur. Tot ac tantas hostis hujus insidias non possum videre: quanto minus eas potero meis viribus cavere? Ad te igitur confugio, qui es virtus mea ac petra roboris mei in seculum,

Amen.





*Munde vale tandem, jam jam periture
valeto.*

*solus perpetuum nam mihi IOVA
bonum est.*

*Ich acht Ehr' und Reichth̃ um nicht
und was sonst aũf er den
Weil mein herz zu Gott gericht,
der wird ñr dort werden.*

CAP. XIV.

PRO BEATO VITÆ EXITU
ET BEATA AD VITAM ÆTER-
NAM RESURRECTIONE
PRECATUR.

O JESU Christe, Fili Dei vivi,
crucifixe pro nobis & resuscitate,
qui morte tua mortem nostram de-
struxisti, ac resurrectione tua bea-
tam ad vitam resurrectionem nobis
promeruisti, te unum verum Deum,
cum Patre & Spiritu sancto, adoro ac
toto pectore precor, ut beatum mihi
concedas ex hujus vitæ miseriis egres-
sum, ac beatum in die resurrectionis
& judicii ad vitam æternam ingres-
sum. Scio *a* vitæ terminum divini-
tus mihi præstitutum, ac post mortem
secuturum judicium: adsis mihi in
morte, qui pro me mortuus es in
cruce: protege me in judicii die,
qui pro me judicatus es injuste!
Quando *b* terrestris hujus domus
meæ dissolutum fuerit tabernacu-
lum,

F f

(a) Heb. 9, 27. (b) 2. Cor. 5, 1

lum, introduc animam meam in celestis Patriæ domicilium. Quando in agone mortis obtenebrantur oculi mei, accende in corde meo lucem salvificæ fidei. Quando in hora mortis occluduntur aures meæ, interno tuo alloquio me erige & consolare. Quando frigidus sudor erumpit ex moribundis meis membris, fac me recordari sanguinei & tui sudoris, qui pro peccatis meis ἰσὸρροπον est pretium, ac mortis meæ ἀλεξίκακον remedium. In sudore apparet fervor, in sanguine pretium, in decursu sufficientia. Quando loquela in ultimo illo agone incipit deficere, da, ut possim per Spiritu sancti gratiam ad te ingemiscere. Quando extremæ istæ cor meum premunt angustiae, adsis mihi consolatione, & auxilio vivificæ tuæ gratiæ, & omni creaturarum adjutorio destitutum in curam & clientelam tuam recipe. Concede mihi patientissimam omnium horrorum & angorum

10-

tolerantiam, & tandem ex carcere illo educ animam meam. Oro te per sanctissima tua vulnera, quæ sustinisti in passione & cruce, da, ut vincere possim ignita Satanæ tela, quibus me aggreditur in morte. Oro te per acerbissimos, quos sensisti, cruciatus, da, ut perferre ac superare possim omnes infernalium potestatum insultus. Sit ultimum meum verbum in hac luce, cum quo consummasti omnia *a* in cruce, atque animulam meam, quam tam charo pretio redemisti, in manus tuas commendatam suscipe. Beatam mortem beata etiam sequatur resurrectio: in illo severi judicii die libera me a verbo aspero, qui in hac vita tuo me protexisti adjutorio. Peccata mea gratiæ umbraculo *b* maneant tecta, & in *c* profundum maris projecta. Colligetur *d* animula mea in fasciculum viventium, ut cum omnibus electis

FF 2 ad

(a) *Luc.* 23, 46. (b) *Pf.* 32, 1. (c) *Mich.* 7, 19. (d) *1. Sam.* 25, 29.

ad æterni gaudii perveniam consortium, Amen.

PARS QUARTA.
DE MEDITATIONE
INDIGENTIÆ
PROXIMI.

Meditatio indigentie proximæ communem Ecclesiæ ac Reipublicæ salutem respicit, ac aliorum miseriam ut suam aspicit. Fructus hic est veræ & sinceræ charitatis, quæ in unum corpus mysticum sub uno capite Christo nos omnes colligat, ac totius Ecclesiæ, omniumque illius membrorum seriam curam nobis commendat. Non est verum corporis membrum, quod totius structuræ corporeæ incolumitatem pro virili conservare non nititur, sed quod alteri membro patienti non compatitur: eandem statue rationem esse in corpore Christi mystico. Quicumque igitur est verum ac vivum Christianus.

*stiana Ecclesie membrum, quotidie
oret pro Verbi Conseruatione, pro
Pastoribus & Auditoribus, pro Ma-
gistratu & subditis, pro statu œcono-
mico. Hæ enim sunt tres illæ Hie-
rarchiæ, propter vitæ hujus incolumi-
tatem & cœlestis regni propagationem
ab initio institutæ. Oret etiam pro
cognatis & benefactoribus, quibus spe-
ciali quodam vinculo se obstrictum
agnoscat; pro inimicis ac persecuto-
ribus, quorum conseruationem ac sa-
lutem serio expectat, pro afflictis ac
arummosis, quorum calamitatibus ex
animo sese commoveri sentiat.*

CAP. I.

PRO CONSERVATIONE
VERBI ET INCREMENTO
ECCLESIAE ORAT.

OMnipotens, æterne ac misericors
Deus, Pater Domini nostri JESU
Christi, qui per Spiritum sanctum
Ecclesiam ex genere humano colligis

& sanctissimum cœlestis doctrinæ depositum in ea custodis, te adoro humiliter ac precor suppliciter, ut verbi tui salutarem doctrinam inviolatam apud nos conserves, & Ecclesiæ terminos quotidie latius propages. Accendisti nobis ex immensa misericordia in his mundi tenebris lucem verbi tui, eam ne patiaris humanarum traditionum nebulis iterum extinguui vel obscurari. Dedisti nobis verbum tuum in salutarem animi cibum: Prohibe, quæsumus, ne Satanæ deceptione ac hominum corruptione convertatur in toxicum. Mortifica in nobis vitiosas carnis, terrestria sitientis, concupiscentias, ut spirituales verbi tui absconditi illius *a* mannae gustemus delicias. Nemo poterit dulcedinem illius sentire, nisi qui voluerit gustare. Nemo autem ea gustat, cujus palatum mundanis delitiis adhuc abundat. Verbum *b* tuum est verbum Spiritus & vitæ, verbum lucis & gratiæ. Tolle igitur car-

carnales affectus & corruptos cordium nostrorum sensus, ut nobis etiam interius luceat, atque ad æternæ vitæ lucem ducatum præbeat. Ex luce verbi oriatur in cordibus nostris lux salvificæ fidei, ut in lumine tuo *a* videamus lumen: in lumine verbi, lumen Filii tui. Sicut olim in deserto coeleste illud manna descendebat cum salutari rore: ita quoque per auditum verbi impleantur corda nostra Spiritus fervore, quo frigiditas ac tepor carnis nostræ excitetur: contra vero pravarum concupiscentiarum æstus temperetur. Radices in cordibus nostris agat sanctum hoc verbi semen, ut Spiritus sanctus rore accedente salutare fructus proferat, & in uberrimam quandam segetem excrescat. Protege, ô Domine, vineam Ecclesiæ tuæ, in qua semen illud spargitur, & fructus ad æternam vitam colligitur. Circumda illi sepem Angelicæ custodiæ, *b* ne diruant eam a-

F f 4

præ

(a) Ps. 36, 10. (b) Ps. 80, 9.

pri ac vulpeculæ: illi quidem violentis persecutionibus; hæ vero fallacibus seductionibus. *a* Erige in ea altam paternæ providentiæ tuæ speculam, ut ab omni devastatione immunis sit per tuam custodiam. Quod si quandoque visum fuerit uvas hujus vineæ torculari crucis ac calamitatum subicere, maturescant prius gratiæ tuæ ardore, ut suavissimos fructus fidei & patientiæ possint exhibere. Quicquid radici palmitis apponitur, in suavissimum vini liquorem in uvis convertitur: effice, quæso, ut anima nostra subsannationes, persecutiones, laudes & quicquid in hoc mundo ipsi contrigit, convertat in vinum fidei, spei & charitatis, in fructum patientiæ & humilitatis! Ex hac Ecclesia militante tandem nos provehe ad Ecclesiam triumphantem: portatile hoc tabernaculum convertatur tandem in pulcerrimum ac perpetuum cœlestis Hierosolymæ templum! Amen.

(a) *Es.* 5, 2.

CAP.

CAP. II.

PRO PASTORIBUS ET AUDITORIBUS SUPPLICAT.

O Jesu Christe, Fili Dei vivi, Mediator ac Redemptor noster unice, qui ad dextram Patris exaltatus, a Pastores & Doctores verbi tui mittis, quorum opera Ecclesiam tibi inter nos colligis, te unum verum cum Patre ac Spiritu sancto Deum supplex oro, ut Ministros illos tuos in via veritatis, ac corda auditorum ad veram fidei obedientiam flectas. Nullus est vitæ humanæ status, nullum genus hominum, quod odio ac insidiis Satanæ tam sit obnoxium, quam Ecclesiasticum verbi Ministerium. Defende igitur membra illius scuto gratiæ, & instrue robore patientiæ, ne Satanicæ supplantare eos possint insidiæ. Da, quæso, ministris tuis necessariam scientiam, & priam in omnibus actionibus vigi-

Ff 5 lan-

(a) Eph. 4, II.

lantiam, ut à te prius discant, antequam alios docere præsumant. Corda ipsorum per Spiritum tuum rege ac illumina, ut loco Dei nihil aliud prædicent, quam divina eloquia; pascant *a* commissum sibi gregem, precioso tuo *b* sanguine emtum ac redemptum, ex vera & sincera dilectione, non ex avaritia vel ambitione: pascant *c* mente, ore & opere; pascant animi oratione, verbi exhortatione, & exempli exhibitione, ut insistant illius vestigiis, cui tribus vicibus commendabatur cura Dominici gregis. Excita eos, ut super animas sibi commissas vigilent, utpote *d* rationem pro illis gravem reddituri in districto examine ultimi Iudicii. Quicquid *e* verbo sanctæ prædicationis monent, ad illud ipsi prius studio bonæ actionis evigilent: ne in seipsis opere torpentes, alios excitare fru-

(*a*) 1. Pet. 5, 2. (*b*) Act. 20, 28. (*c*) Job. 21, 17. Bernh. serm. 2. de resur. col. 134. (*d*) Hebr. 13, 17. (*e*) Greg. lib. 3. pastor. cura c. 6. stra

stra laborent. Ad quæcunque opera bona alios inflammant, in illis ipsi prius Spiritus fervore ardeant: Antequam verba exhortationis insonent, quicquid locuturi sunt, prius operibus clament. Extrude *a* in messem tuam fideles operarios, ut multos sanctorum colligant manipulos. Aperi *b* etiam auditorum corda, ut semen verbi recipiant sancta fidei obedientia. Da illis gratiam tuam, ut sanctum verbi depositum in corde puro *c* custodiant, ac fructum copiosum in patientia ferant. Audiant attente, audiant solícite, audiant fructuose: ne sermo, *d* qui prædicatur eis, fidei non admixtus iudicet eos in novissimo die. *e* Extat disertum benignitatis tuæ promissum, quod verbum tuum non debeat reverti *f* ad te vacuum, huius promissionis tuæ

FF 6 me-

(a) Matth. 9, ult. (b) Act. 16, 14.
 (c) Luc. 8, 15. (d) Hebr. 4, 12. (e) Joh. 12, 48. (f) Es. 55, 18.

memor effice, ut benedictus sit *a* plantantium ac rigantium labor. Prohibe, quæso, ne infernalis corvus sanctum verbi tui semen *b* ex agro cordium humanorum eruat, nec spinetum voluptatum ac divitiarum illud comprimat, nec petrae durities fructificationem ejus impediat, sed rore gratiae tuae desuper infuso, coeleste illud semen irriga, ut bonorum operum seges exinde surgat largissima. Pastorum & auditorum corda invicem constringe arctissimo charitatis vinculo, ut mutuis simul pugnent precibus, ac mutuo sese erigant solatio, Amen.

(*a*) 1. Cor. 3, 7. (*b*) Matth. 13, 4. Luc. 8, 12. 13. 14.

CAP. III.

PRO MAGISTRATU AC SUBDITIS ORAT.

OMnipotens, æterne ac misericors Deus, Domine exercituum, qui *a* trans-

(*a*) Dan. 2, 21.

transfers & stabilis regna , à quo *a*
omnis potestas in cœlo ac in terra,
quem in cœlis adorant Angeli, lau-
dant Archangeli, venerantur Throni,
cui subiectæ sunt dominationes, ser-
viunt principatus, quem colunt po-
testates, reverentur virtutes, cum il-
lis sanctis ac potentissimis spiritibus
hæc qualiacunque mea vota conjun-
go & humiliter invoco, ut nostrum
quoque in terris Magistratum Spiritu
sapientiæ impleas, ac robore fortitu-
dinis tuæ protegas. Adsis tua gra-
tia omnibus Christianis Regibus ac
Principibus, ut, quo in majori ver-
santur periculo propter status sui sub-
limitatem, eo majorem erga se ex-
periantur benignitatis tuæ uberta-
tem. Accende in cordibus ipsorum
cœlestis sapientiæ lucem, ut agnoscant
se tibi, omnium Domino, cujus va-
salli audiunt, esse subiectos, atque ad
reddendam olim regiminis sui ratio-
nem obstrictos. Paci studeant, cum
tibi

tibi pacis Principi serviant : justitiæ studeant : cum tibi justissimo judici serviant : clementiæ studeant , cum tibi benignissimo Patri serviant. Custodes sint utriusque Decalogi tabulæ , & nutricii afflictæ in hoc mundo Ecclesiæ : induant paternum erga subditos affectum , & rectum semper administrent judicium. Abstrahe corda ipsorum à splendore terrenæ & egenæ illius potestatis , ne surrepat illis oblivio cœlestis regni ac veræ pietatis. Rege eos Spiritu tuo sancto , ne forte animo efferantur , ac potestate sibi concessa ad malum abutantur : da , *a* ut partes officii sui in hoc seculo ita administrent , ut sine fine in perpetuum cum omnibus electis regnent , ac de fugacissima gloria hujus seculi transeant ad æternam gloriam cœlestis regni. Prohibe , quæso , ne tyrannidem in populo tuo exerceant , ac propterea post vestium fulgorem , gemmarumque nitorem
nudi

(a) *Isidor. lib. 3. sent. c. 48.*

nudi & miseri ad infernum torquendi descendant. Nobis vero, quos vicariis illis tuis subjectos esse voluisti, da cor obediens & omni promptitudine serviens, ut *a* sub imperio eorum vitam agamus quietam & tranquillam, in omni pietate ac honestate: præstemus illis honorem & obsequium, quorum agnoscimus justum in nos imperium ac dominium: obtemperemus honestis eorum mandatis, ut legibus serviendo participes reddamur veræ libertatis. Namque ea demum vera libertas est, Deo, Magistratui & legibus servire. Honoremus illos corde, ore, & opere, quos, ô benignissime Deus, tui vicem in terris voluisti gerere. Sint *b* oculi Magistratus vigilantes ac videntes, sint aures subditorum apertæ atque audientes, sint utriusque cœlorum portæ olim reclusæ ac patentes, Amen.

(*a*) 1. Tim. 2, 2. (*b*) Prov. 20, 21.

CAP. IV.

PRO STATU OECONOMICO
PETIT.

OMnipotens ac misericors Deus, Pater Domini nostri Jesu Christi, qui sapientissimo consilio præter ministerium Ecclesiasticum ac regimen Politicum instituisti etiam statum œconomicum, te adoro ac precor toto pectore, ut conserves sanctum illud Ecclesiæ ac Reipubl. seminarium. Da virginibus, viduis, ac conjugibus veram animi sanctitatem ac puram corporis castitatem. Virgines absque ulla distractione tibi adhæreant: *a* Viduæ orationibus *b* nocte ac die insistant: conjuges sincero amore sese invicem diligant: omnes justitia & sanctitate ex toto corde tibi serviant; sit *c* conjugum torus impollutus, sit omnium animus, immaculatus. Sint violæ humilitatis & lilia castitatis: sint rosæ charita-

tis.

(a) I. Cor. 7, 34. (b) I. Tim. 5, 5.
(c) Hebr. 13, 4.

tis, & balsamum sanctitatis. Con-
stringe piorum conjugum corda casti
amoris vinculo, ut mutuo sese com-
plectantur obsequio, & in sancto suo
perseverent servitio. Custodi illos
ab *a* Asmodæi insidiis, ne mutuis in-
vicem exardescant odiis. Uxor *b* viro
sit adjutorium, & in adversis præbeat
solatium. Conjugii indissolubile vin-
culum sit nobis omnibus amoris
inter Christum & Ecclesiam *c* Sacra-
mentum. Conjugum societas quo
est arctior, & zelus ipsorum in ora-
tione sit ferventior: quo majoribus
obnoxii sunt periculis ac calamitati-
bus, eo conjunctiori animo versentur
in pietate ac precibus. Adsis piis
parentibus tua gratia, ut liberos suos
educant in *d* sanctis admonitionibus
ac disciplina. Fructus illos conjugii
donum tuum esse agnoscant, eos-
demque per piam ac fidelem institu-
tionem vicissim tibi reddant. Prælu-
ceant

(*a*) Tob. 3, 8. (*b*) Gen. 2, 18. (*c*) Eph.
5, 32. (*d*) Eph. 6, 4.

ceant eis sanctæ vitæ exemplo, nec gravissimo se obstringant scandali peccato. Flecte etiam liberorum corda, ut parentibus suis debitæ obedientiæ præstent obsequia: sint suaveolentes cœlestis Paradisi plantulæ, ne fiant inutilia ligna obnoxia flammis gehennæ. Spargant ex se gratissimum pietatis, obedientiæ, reverentiæ ac omnigenæ virtutis odorem, ne in teterrimum peccatorum ac inferni incidant foetorem. Memores sint præcepti de honorandis parentibus, solliciti sint de rependendis ἀντιπελαργίας vicibus, memores sint δεσπότηριων reddendorum, ne semetiplos præcipitent in profundum variorum malorum. Parentes ac liberi conjunctis studiis in hac vita te verum Deum colant, ut in æterna vita conjunctis laudibus te extollant. Servi & Domini suis promte obtemperent, ac in timore, ac simplicitate cordis sui illis non ad oculum tantum

(a) Eph. 6, 5. 6.

rum servire, vel hominibus placere studeant, sed Christo hæc servitia dependi statuant. Vicissim vero Domini complectantur eos paterna benevolentia: ne ex justo imperio fiat crudelitas Tyrannica. Societas œconomica sit Ecclesia domestica, DEO & Angelis dilecta, Amen.

CAP. V.

*PRO COGNATIS AC BENEFAC-
TORIBUS INTER-
CEDIT.*

SANCTE ac misericors DEUS, à quo largissimus variorum bonorum ad nos descendit cumulus, qui per cognatos ac benefactores plurima hujus vitæ mihi contulisti subsidia, oro te, ut æterna illis vicissim rependas præmia. Quos speciali quodam Naturæ ac sanguinis vinculo mihi voluisti esse conjunctos, eos specialiter tibi commendo servandos. Quibus specialem quendam amorem ac singularem curam debeo, illorum salutem

tem seriis & credentibus precibus tibi defero. Da, ut conjunctis animis & studiis cognati mei in vera fide ac pietate tibi serviant, ut immarcessibilem æternæ gloriæ coronam omnes olim accipiant. Parentibus meis, quos secundum te vitæ autores mihi dedisti, ac in vera pietate informatores, nequaquam possum reddere condigna præmia. Te igitur, omnis boni autorem, omniumque beneficiorum remuneratorem, humiliter precor, ut temporalibus ac æternis præmiis compenses illorum beneficia. Doceat me exemplum Christi, Filii tui, qui circa agonem mortis discipulo suo commendavit matris curam, ad ultimam usque respirationem parentum habere diligentiam. Doceat ipsa Natura in ciconiæ exemplo, quod perpetua debeatur gratia parentum merito. Tibi quoque, benignissime Pater, fratrum ac sororum, adeoque omnium cognatorum meorum incolumitatem commendo.

Sine

Sint fratres ac sorores Christi, sint hæredes cœlestis regni. Coniungantur mecum in regno gratiæ, quos coniunxisti mihi in vita Naturæ, & quos cum lachrymis & doloribus jam dum à me sejunxit mortis violentia, eos novissimus tuus adventus cum æterna mihi reddat lætitia. Fac nos omnes cives cœlestis Hierosolymæ, quemadmodum in hac vita fecisti nos membra veræ Ecclesiæ. Id ipsum quoq; omnibus benefactoribus meis ex animo precor: quorum seria cura ac desiderio salutis ipso Naturæ jure teneor; recipe & eos in æterna supernæ civitatis tabernacula, per quos tam varia & copiosa mihi exhibuisti beneficia. Cor *b* meum proponit tibi infallibile verbi tui promissum, quod ex gratia remunerari velis etiam frigida *c* aquæ potum, quanto magis æquum erit, ut liberalem ac beneficium te sentiant, qui tam larga manu

omnis

(a) *Luc. 16, 9.* (b) *Pf. 27, 8.* (c) *Matth. 10, 42.*

omnis generis beneficia indigentibus præstant. Non cesset gratiarum tuarum ad eos recursus, à quibus tantum fiunt beneficiorum ad alios decursus, perpetuo eis scaturiat fons tuæ bonitatis, à quibus tam largi promanant rivuli benignitatis. Effice, quæso, misericordissime DEus, ut qui carnalia tam *a* large seminant, spiritualia magno cum fœnore recipiant: adimple eorum animas lætitia, qui esurentium pascunt viscera, fructus beneficentiæ illis non pereat, quamvis de bonis pereuntibus fiat: da illis, qui dant aliis, dator omnis boni in seculum benedicte, Amen.

(a) 1. Cor. 9, 11.

CAP. VI.

PRO INIMICIS AC PERSECUTORIBUS ORAT.

Domine JESU Christe, Fili Dei unigenite, qui in verbo tuo hanc charitatis regulam nobis præscripsisti: *Diligite (a) inimicos vestros, benefa-*
cite

(a) Matth. 5, 44. Luc. 6, 35.



Ad montes properat ceu tepestata
 columba,
 Divisum latus est sic mihi CHRISTE
 quies.

Wie ein taublein rühe find
 hier in Donner freiten
 Also treibt mich meine sünd.
 HERR Zu deiner seiten.

*cite his , qui oderunt vos , ac orate pro persequentibus & deosentibus vos : te , benignissimum condonatore , pro meis etiam oro hostibus atque Ecclesiæ persecutoribus. Da mihi Spiritus sancti gratiam , ut inimicis meis non solum ex corde condonem , sed etiam pro ipsorum salute ex animo orem. Ne , quæso , exuas super eos gladium severæ ultionis , sed impingua caput ipsorum oleo miserationis. Extingue in cordibus ipsorum iræ atque odii favillas , ne excrescant in infernales gehennæ flammæ. Agnoscant vitam nostram esse *a* vaporem ac fumum cito evanescentem , corpus nostrum esse *b* cinerem ac pulverem fugientem , ne in corpore mortali immortales iras gerant , neve in fragilem testacei corporis domunculam hostem animæ suæ recipiant. Agnoscant , quod inveteratum istud odium sit hostis ipsorum maximus , cum animam occi-*

(a) Jas. 4, 14. (b) Eccl. 10, 9.

cidat, & vitæ coelestis participatione ipsos excludat. Illumina ipsorum mentes, ut divinæ misericordiæ speculum intuiti, iræ atque odii deformitatem agnoscant: rege ipsorum voluntates, ut divinæ condonationis exemplo moti, ab irascendi ac lædendi proposito desistant. Concede mihi propitius, ut quantum in me est, & cum omnibus hominibus pacem possim habere, & corda inimicorum meorum ad fraternam reconciliationem converte. Ambulemus concordēs in hujus vitæ via, cum unum speremus *b* locum in coelesti patria: ne diffideamus in terris, cum aliquando una vivere desideremus in coelis. Te unum invocamus in coelis Dominum ac Deum: unius Domini ervos invicem diffidere haud est æquum. Unum sub Christo capite sumus corpus mysticum: unius corporis membra invicem pugnare admodum turpe est, atque ignominio-

niosum. Quorum una fides atque unus baptismus, eorum etiam, convenit, ut unus sit spiritus atque animus. Nec solum pro privatis meis inimicis oro, sed etiam pro publicis Ecclesiæ hostibus ac persecutoribus. Ad veritatis viam, ô summa veritas, illos converte, & sanguinarios ipsorum conatus, ô summa potentia, evertē! Fulgor cœlestis veritatis claudos ipsorum oculos feriat, ut rabiosus persequendi furor tandem in ipsorum animis conquiescat. Agnoscant, agnoscant, non modo frustraneum fore, sed etiam periculosum, si a calcitrare pergant adversus stimulum. Cur luporum imitantur furorem, qui norunt Christi, immaculati Agni, pro nobis effusum esse cruorem? Cur innocuum illum sanguinem effundere sitiunt, pro quo ipsius Filii DEI sanguinem in ara crucis effusum esse sciunt? Converte illos, ô Deus, ut ad te ex animo convertantur, & fructum

G g

con-

(a) Act. 9, 5.

conversionis suæ in hac & futura vita consequantur , Amen.

CAP. VII.

PRO AFFLICTIS ET ÆRUMNOSIS SUPPLICAT.

OMnipotens, æterne ac misericors Deus, qui *a* es Salvator omnium hominum, maxime fidelium, ac *b* preces pro omnibus hominibus fieri mandasti per Apostolum, oro te pro omnibus afflictis atque ærumnosis, ut consolatione gratiæ tuæ illos fulcias atque auxilio potentiæ tuæ illis subvenias. Indue illos cœlesti virtute ac robore, qui in gravissimo Satanicarum tentationum sudant agone, redde eos participes victoriæ tuæ, ò Christe, victor Diaboli potentissime. Quorum ossa tristiitiæ ignis exsiccat, eos refrigerium cœlestis tuæ consolationis erigat, sustenta *c* omnes corruentes, atque erige omnes
in-

(*a*) 1. Tim. 4, 10. (*b*) 1. Tim. 2, 1. (*c*)
Ps. 145, 14.

incurvatos. Ægrotis concede propitius, ut morbus corporis ipsis sit medicina spiritualis, & carnis adversa sint illis animæ remedia: Agnoscant, morbos esse pedissequas peccati, prodromos autem lethi. Da illis robur fidei ac patientiæ, ô animarum ac corporum Medice verissime: restitue eos pristinæ sanitati, modo commodum sit sempiternæ ipsorum salutis. Protege gravidas, subleva puerperas. Tu es, qui ex materni uteri angustiis fœtum liberas, ac benedictione tua genus humanum propagas. Adsis parturientibus, ô amator ac dator vitæ, ne immodici dolorum opprimantur mole. Orphanos, omni auxilio destitutos, ale, viduas, omnium opprobrio subjectas, defende, qui teipsum appellasti orphanorum benignissimum patrem, ac viduarum justissimum vindicem.

a Viduarum lachrymæ, quæ per genas defluunt, nubes perrumpant, nec

G g 2 con-

(a) Eccles. 35, 19.

conquiescant , donec ad solium tuum veniant. Exaudi illos, qui in maris periculis constituti ad te clamant, & naufragio proximi seriis gemitibus ad te suspirant. Redde captivis libertatem, ut grato corde tuam prædicent benignitatem. Confirma illos, qui *a* persecutionem patiuntur propter justitiam, ut ab omnibus inimicis suis reportent victoriam, & æternam Martyrii acquirant coronam. Adsis omnibus, quotquot in periculis & calamitatibus constituti sunt, ut in vera *b* patientia animas suas possideant, ac voluntatem *c* propriam abnegantes, crucem suam tollant. Sequantur eum sub cruce, in quem credunt pro nobis mortuum in cruce. Cum primis vero, benignissime Pater, illos tibi commendo servandos, qui circa portas mortis constituti, inter tempus ac æternitatem versantur, & cum extremo

(a) *Matth.* 5, 10. (b) *Luc.* 21, 19.
(c) *Matth.* 16, 24.

nlo isto hoste totis viribus luctantur :
Confirma eos, ô mortis victor poten-
tissime : libera eos , ô vitæ Dux
gloriosissime , ne tentationum flucti-
bus obruantur , sed ad portum æter-
næ tranquillitatis perducantur. Mi-
serere omnium hominum , qui es
Creator omnium ! miserere omni-
um , qui es Redemptor omnium ! Tibi
sit laus & gloria in sempiterna
secula ! Amen.

FINIS.



Histe

MEDITATIONIBUS
SACRIS


insuper

BENEDI-
CTIONES MATU-
TINÆ ET VESPER-
TINÆ,

EX

JOHAN. AVENARII
MANUALI,

*In Usum Studiosorum ad-
junctæ sunt.*



*INGRESSURUS TEM-
PLUM DICAT ET
ORET.*



Mnipotens DEUS, Pa-
ter cœlestis, in multitu-
dine misericordiæ tuæ
introibo donum tu-
am ; incurvabo me
versus templum sancti-
tatis tuæ, in timore tuo. Jehovah,
duc me in justitia tua ; dirige coram te
viam meam. Deduc me per semitam
mandatorum tuorum, quia tu es DEUS
meus, & Dominus salutis meæ. Dilexi
habitaculum domus tuæ, & gaudeo in-
teresse Ecclesiæ sanctorum, laudantium
te, & confidentium tibi. Quam amabi-
lia tabernacula tua, Jehovah exerci-
tuū ! Concupiscit & deficit anima mea
ad



[Faint, illegible text, likely bleed-through from the reverse side of the page.]



Cur ego desperem! video meliora
reposita;
in verbo monstras hæc mihi,
CHRISTE, Tu.

Meine stadt ist schon bereit
in den Himmel oben.
Da ich wil in Ewigkeit
dich, Herr Jesu loben.

ad atria Jehovæ. Venite, proster-
namur & incurvemus nos: genu flectam⁹
coram Jehovah, factore nostro: quia
ipse est Deus noster, & nos populus e-
jus, ac oves pascuæ ejus. Exaltate Jeho-
vam, Deum nostrum, & incurvatē vos
scabello pedum ejus, quia sanctus est.
At ego orationem meam ad te con-
verto, Jehovah, tempore beneplaciti
tui, Deus, propter multitudinem mise-
ricordiæ tuæ exaudi me, propter veri-
tatem salutis tuæ, Amen.

*INVOCATIO AD DEUM PRO
SPIRITU ET GRATIA RECTE
ET VERE ORANDI.*

Æterne, misericors DEUS, cum
non noverimus, quid & quan-
tum oremus, ut oportet; Tu autem
infinita cum redundantia facere po-
tes omnia, super ea, quæ mente con-
cipimus, aut petere possumus: Cla-
mo igitur ad te, effunde super nos,
secundum promissionem tuam, Spi-
ritum in coriæ, & precum, qui inter-
cedat nobis gemitibus inenar-
ar-

rabilibus; ut te ore & corde devoto, serio & ardenter invocemus, & holocaustum laudis gratum tibi offeramus.

Domine, labia mea aperi, ut os meum annunciet laudem tuam. Excita mentem & animum meum, ut non saltem ore meo adpropinquem, & tantum labiis meis te honorem, cor autem procul a te absit: sed concede propitius, ut te quemadmodum veri adoratores, Spiritu & veritate adorem, cum intima cordis attentione, sine hypocrysi, & ambitione. Et ut nihil à te petam, quam quod divinæ tuæ voluntati, laudi & gloriæ tuæ, nec non animæ meæ saluti conveniat.

Largire etiam, ut quicquid à te petiero, firma fide & certa fiducia, à bonitate tua propitia me impetraturum, indubitanter sperem: nec tibi tempus, modum aut terminum auxilii & exauditionis præscribam; sed clementi voluntati tuæ, quæ semper est optima, in rebus omnibus — firma spe

spe & patientia, me totum in humilitate cordis subijciam.

Adhæc tribue nobis gratiam, ne in conspectu tuo prosterneamus deprecationes nostras in justificationibus nostris, sed in miserationibus tuis multis, & in nomine Jesu Christi Filii tui, per quem cum fiducia accedimus ad thronum gratiæ, & filiorum affectu, clamemus, Abba Pater.

Da nobis fortitudinem, ne indignitate vitæ nostræ ab orando segnescamus, nec deterreamur.

Succurre igitur, clementissime DEUS, ut in quovis loco attollamus manus sanctas, absque ira & discepratione, & instanter apud nos fiant deprecationes, orationes, postulationes, gratiarum actiones, pro quibusvis hominibus, ut secundum promissiones tuas propitias tam corporalia, quam cœlestia bona accipiamus, Amen.

Pro vera fide.

Domine, Deus omnipotens, Pater luminum, apud quem non transmutatio, aut conversionis obumbratio, à quo omnis donatio bona, & omne donum perfectum superne ad nos venit: rogo te, quoniam non omnium est fides, ut per Spiritum sanctum tuum veram agnitionem filii tui Jesu Christi in corde meo plantes & conserves, ac de die in diem uberiores & auctiores reddas, quo implear omni agnitione voluntatis tuæ, cum omni sapientia & intelligentia spirituali; ut incedam sicut Domino dignum est, ut per omnia placeam, omni opere bono fructum ferens & crescens in agnitione DEI omni robore corroboratus, secundum gloriosam vim ejus, ad omnem tolerantiam & animi lenitatem cum gaudio.

Da mihi virtutem pro divite gloria tua, fortiter corroborari per Spiritum
tum

tum tuum in interiori homine, ut inhabitet Christus per fidem in corde meo. O bone DEUS, quoniam nemo Filium tuum novit, nisi tu solus Pater; neque te Patrem quisquam novit, nisi ille idem Filius tuus, & cuicumque voluerit revelare: propterea te oro, trahe me ad ipsum, & ipse me perducatur ad te. Da mihi scientiam salutis per remissionem peccatorum. Succurre, quæso, infirmæ fidei meæ, quæ grano sinapis minor est, ut illa indies succrescens augmentum adsumat, & ego in te radices agam, superstructus, adhæc firmus & immobilis subsistam.

O piissime DEUS, qui scintillam fidei in nobis accendisti, & in nobis opus bonum cœpisti: ad te clamo, ut perficias quoque usque ad finem, quo magis atque magis redundemus in cognitione omnique iudicio, ut simus sinceri, ac inoffenso cursu pergamus ad diem usque Christi, pleni fructibus iustitiæ, in laudem & glo-

riam ejus. Confirma quod operatus es in nobis, ô DEUS, ne sub cruce & tentationibus fides mea decrescat.

Confirma me in vera & Christiana confessione, ut præfixum salutis scopum adprehendam. Protege me, DEUS meus, ne inter tot errores, schismata & hæreses hujus seculi seducar. Custodi me à superstitione & omni impio cultu, ne in aliquo articulo fidei errorem committam sive dubitem.

Adhæc quoque gratiam largire tuam, ne eadem fides mea mortua, operibus nuda, sive infirma inveniat, sed efficax & operibus adornata, & per charitatem operans, ut finem fidei reportem, nempe salutem animæ meæ, Amen.

*Benedictio Matutina
die Solis.*

Domine, Pater coelestis, æterne DEUS, benedicta sit majestas & omni-

omnipotentia tua divina, laudetur infinita bonitas & misericordia tua; celebretur sapientia tua æterna & veritas; quod me hac nocte manu tua protexisti, & sub umbra alarum tuarum secure quiescere & dormire dignatus est: tum etiam quod contra hostem infernum, & ab omnibus imposturis atque insidii ejus me custodire & paternè defendere voluisti. Propterea laudo te propter mirabilia tua, quæ filiis hominum fecisti, & celebrabo nomen tuum in Ecclesia: laus tua semper in ore meo erit; benedicat anima mea Domino, & omnia interiora mea nomini sanctitatis ejus, & nunquam obliviscar beneficiorum tuorum, quæ mihi præstitisti.

Placeat ergo tibi nunc hostia oris mei, quam tibi mane in simplicitate cordis mei offero, ex intimo cordis adfectu invoco te, digneris me hac die ab omni periculo corporis & animæ defendere, & Angelis tuis de me

H h 2 man-

mandare, ut custodiant me in omnibus viis meis.

Circumda me clypeo tuo, & deduc me in semitam mandatorum tuorum, ut innocens ambulem, tibi serviendo, tanquam filius lucis, secundum beneplacitum tuum. Arce hostem malum, & omnia hujus mundi scandala repelle. Carnem quoque & sanguinem meum compesce, ne captus ipsorum malitia graviter contra te delinquam, & te peccatis meis offendam.

Rege me Spiritu tuo sancto, ut nihil aliud proponam, faciam, loquar aut cogitem, quam quod tibi placeat, & in honorem divinæ tuæ Majestatis cedat.

Ecce, bone DEUS, totum me tibi & voluntati tuæ, corpore & anima, cunctis corporis & animæ viribus, tam internis, quam externis, hodie offero & consecro. Effice, ut sim & maneam tibi hostia viva, sancta & acce-

accepta; ut cultum rationalem & gratum tibi præstare possim.

Iraque sancte Pater, omnipotens DEUS, fac, ut sim tua sola possessio. Guberna cor, mentem & animum meum, ut nihil aliud, præter te, sciam & intelligam. Jehovah, mane audias vocem meam; mane præparabo tibi orationem & speculabor, mane laudabo te, & vesperi non desistam, per JESUM CHRISTUM, Filium tuum, Dominum nostrum, Amen.

Benedictio Vespertina
die Solis.

ÆTerne DEUS, misericors Pater, elevo manus meas, ut sacrificium vespertinum in conspectu tuo, te laudo, te adoro, tibi gratias ago, quod me hac die & omni tempore vitæ meæ, ab omni malo ac periculo, per Angelorum tuorum custodiam, contra insidias Satanæ clementer protexisti.

Oro te, ut velis mihi condonare omnia peccata mea, quæ injuste perpetravi, velisque me hac nocte Angelis tuis circumdare, ut mihi adstantes instar propugnaculi me muniant; ut eo facilius retia fallacia & latentes Satanæ insidias effugere possim.

Fac, ut ego, manuum tuarum opus miserum, bonitati & misericordiæ tuæ commendatus sim. Custodi me extenso brachio tuo. Nam ex intimo cordis adfectu nocte te desidero: adhæc spiritu meo semper ad te vigilo.

Exspecto bonitatem tuam, & anima mea sperat in te, DEUM vivum. Tu enim es Salvator meus & refugium meum.

Ecce Domine, sive vegilamus, sive dormimus, tui sumus: sive vivimus, sive morimur, tu noster DEUS es, qui creavit nos.

Ad te igitur clamo, ne procul à me sit gratia tua, protege me scuto tuo.

Con-

Conserua me, ut in pace quiescam;
placide dormiam, & rursus sanus
evigilem.

Absconde me in tabernaculo tuo
in die malo: absconde me in abscon-
dito tabernaculi tui, & exalta me in
petra: non timebo mihi mala. Nam
etsi ambulavero per vallem umbræ
mortis, non timebo malum, quoniam
tu mecum es: virga tua & baculus tu-
us, ipsa consolantur me. Concede mi-
hi gratiam tuam, ut dormiente corpore
anima mea semper ad te vigilet; ut te
semper in corde meo habeam, & nun-
quam ex animo meo elabaris. Con-
serua me à malis & turpibus insomni-
is, à vigiliis inquietis, à curis inutilibus,
à noxiis & gravibus cogitationibus, &
tandem ab omni anxietate.

Ecce DEUS meus, clementissimæ
protectioni tuæ commendo corpus
& animam, charissimos parentes, fra-
tres & sorores, & omnes, qui mihi
aut consanguinitate, aut adfinitate

conjuncti sunt. Extende super nos manus tuas, & bonitate tua hac nocte nos protege; circumda nos undique gratia tua, suppone nobis misericordiam tuam, ut anima & corpore defendamur, per JESUM CHRISTUM, Dominum nostrum, Amen.

*Benedictio Matutina
die Lunæ.*

LAudo te, mi Pater cœlestis, & ex-
altabo nomen tuum in seculum
seculi: benedicam te in omni tem-
pore, semper laus tua in ore meo:
in te laudabitur anima mea, quod me
gratia & misericordia tua magna, hac
nocte, ab omni malo ac periculo cor-
poris & animæ conservasti, & contra
adversarium meum satanam paterne
custodivisti. Nam si tu scutum &
auxilium meum non fuisses, infinita
mala me perdidissent, quo minus sa-
nus surrexissem.

Merito igitur tibi gratias ago, pro
clementi tua protectione.

Por-

Porro ad te clamo ex intimo cordis mei adfectu, oratio mea mane prævenit te, mane quæro te, & obsecro, ut me & omnia, quæ ad me pertinent, hodie ab insidiis & omnibus malis defendere velis. Præveni me, hac matutina hora, gratia tua, quandoquidem te sine nihil præstare possum.

Adjuva me, ut hodierno die omnia opera mea in nomine tuo religiose incipiam, & pie perficiam, in honorem majestatis tuæ divinæ, & ad utilitatem proximi. Custodi animam meam, intellectum, rationem, sensus & cogitationes meas, omnia denum opera mea, dicta & facta, ne scelestus ille diabolus mihi obesse valeat.

Protege me à peste, quæ vastat in meridie: defende me ab omnibus inimicis meis, tam visibilibus, quam invisibilibus, ne insidiis & malitiis suis, incantationibus & veneficiis, neve potentia atque nequitia sua, sive clam, sive aperte, mihi obesse & nocere valeant.

Hh §

Do.

Domine DEUS Pater, & Domine vitæ meæ, conserva me quoque a quocunque immodesto adspectu, & averte à me concupiscentias pravas. Fac, quæso, ne me comprehendat appetitus commensationum aut incontinentiæ, nec animæ impudenti permittas me. Largire precor, ut ex gratia tua oculum, qui me offendit, eruam, & à me objiciam, amovendo noxias & impuras concupiscentias cordis. Aufer à me, quicquid tibi displicere, & mihi abesse poterit; tribue vero mihi, quod tibi acceptum, & mihi utile erit, ut tibi vera fide serviam. En DEUS fidelis, offero & dedico me tibi hodie totum, ut secundum voluntatem tuam vivam. Effice me tibi acceptam hostiam, ut acceptum sit tibi servitium meum in JESU CHRISTO, Domino nostro, Amen.

*Benedictio Vespertina
die Luna.*

Fortis & vive DEUS, Pater Domini nostri JESU Christi, gratias tibi ago, qui me hoc die per divinam tuam protectionem, ab omnibus malis ac periculis clementer custodivisti, quod nec in periculum ignis inciderim, nec aquarum undis submersus, nec ferarum sævitia decerptus, nec gladii acie percussus fuerim: quod etiam hostes me non interemerint: nec homines malitiosi vulnerarint; quod nec fures, nec raptores me occiderint, aut aliquid mali mihi intulerint. Adhæc quod nec lapsu aliquo gravi extinctus, aut inopinanter impingens, aut aliis quibuscunque modis læsus fuerim: Et, ut unico verbo comprehendam, quod nec in corporis nec vitæ periculum ullum inciderim: Hoc totum divinæ tuæ misericordiæ acceptum fero, qui solus in omnibus viis ac semitis meis

me protegis. Oro præterea, ut mihi remittere velis omnia mea peccata, quæ contra te commisi, & me una cum cognatis & domesticis omnibus, hac nocte & posthac omnibus diebus vitæ nostræ clementer conservare velis, ab omni angustia atque offensione, ab insidiis & fallaciis satanæ, quibus nos noctesque diesque illaqueare conatur.

Protege nos à peste nociva, quæ in caligine ambulat, à gravibus infirmitatibus & doloribus, à metu & terrore satanæ, ab omni denique tam corporis, quam animæ periculo: quia tu præsidium mei potens, firmamentum validum, tegumentum ab æstu, umbraculum à meridie & offensione tutio, & in ruina auxilium.

Propterea, fidelis DEUS, sis speculator noster, protectione tua nos circumda, ne callidus dæmon nobis obesse valeat. Nam in te solo salus nostra est; ad te solum levo oculos meos, unde veniet

niet auxilium meum. Auxilium meum à Domino, qui facit cœlum & terram. Ecce sicut oculi servorum intenti sunt ad manum Dominorum suorum; sicut oculi ancillæ ad manum Dominae suæ : Ita oculi nostri ad Jehovah, DEUM nostrum, donec misereatur nostri. Miserere nostri, Jehovah, miserere nostri, quia pauperes sumus & egeni. Leva super me lumen vultus tui, Domine, & illumina oculos meos, ne forte obdormiam in morte, qui vivis & regnas in seculum seculorum, Amen.

*Benedictio Matutina**die Martis.*

BENEDICTUS DEUS, Creator cœli & terræ! Benedictus Jehovah, qui facit mirabilia solus; & benedictum nomen gloriæ ejus in seculum! qui diem & noctem sapientia sua divina creavit & divisit; Adhæc constituit, ut donec terra erit, nox & dies non cessarent, quo homini nocturno tempore

pore quiescere , diurno autem laborare liceat.

Quam multiplicata & magnificata sunt opera tua, Domine ! omnia ipsa in sapientia fecisti: impleta est terra possessionibus tuis. Pro his beneficiis Solem ad gratias tibi agendas prævenire oportet, atque te sub lucis ortum salutare: itaque te nunc quoque laudo, quod hac nocte me secure quiescere & dormire, & rursus lætum & sanum excitare, nec non contra omnem hostis potentiam ac malitiam paterne defendere volueris.

Obsecro te, ut animam meam in manus tuas includere, corpus meum, pro beneplacito tuo, sanum conservare, & me ab omnibus malis ac periculis custodire velis.

O misericors DEUS, cum tempestivum jam sit, nos à somno peccatorum & omnis injustitiæ expergisci, quandoquidem salus nostra jam proxima est: succurre igitur, ut abjiciamus

mus opera tenebrarum, & induamur habitu, qui luci conveniat, ut interdium composite ambulemus, non in commensationibus & ebrietatibus, non cubilibus ac proterviis, non lite & invidia: sed induamur Domino JESU CHRISTO, in vera fide, & Christiana conversatione.

Quotidie itaque me excita : excita mihi aurem ad audiendum corde credulo verbum tuum sanctissimum, ut illud memoria firma retineam, & ut aurem meam ad clamorem & gemitus pauperum & afflictorum inclinem, ne eos in tribulatione deseram; & cum in die angustiarum mearum ad te clamavero, ausculta orationem meam, intende voci deprecationum mearum, & gemitus meos in extrema necessitate noli despicere.

Mane praeveniat te oratio mea, inclina aurem tuam ad clamores meos. Satura nos mane misericordia tua, & exultabimus & lætabimur in te omnibus diebus nostris : per-
eun-

eundem Filium tuum dilectum JESUM CHRISTUM, Dominum nostrum, qui tecum & Spiritu Sancto vivit & regnat in secula seculorum, Amen.

Benedictio Vespertina.

Domine, misericors DEUS, sancte Pater, in die clamo coram te voce mea, in angustia mea invoco te, & vespere recordor bonitatis ac misericordiae tuae, quam praestitisti mihi: jam vero, quod maximum est, laudo te, qui me ex sola gratia & misericordia, sine ullis meis meritis, aut ulla dignitate, elapso hoc die ab innumeris damnis ac periculis, quae me potuissent invadere, tam paterne custodivisti; quod Satan subitanea aut improvisa morte me non interemerit; quod tempestate aliqua, grandine aut fulgure, non sum perterritus; quod turbines saevientes mihi non obfuerint, & quod hostis malitio-

malitiosus in esu ac potu, veneno aut aliis suis mille artibus, me non perdidit: quod nullum etiam brachium aut pedem lapsu aliquo fregerim.

Propterea jam tibi & omni tempore gratias ago maximas, & oro propter amaram passionem JESU CHRISTI, ut velis mihi condonare omnes iniquitates, quas hodie contra te perpetravi; velisque me futura nocte clementer defendere, contra adversarium meum diabolum, contra pavorem & terrorem noctis, ne larvæ mœsto aspectu tristes mihi illudant aut noceant.

Conserva me cum omnibus, quæcunque possideo, ab aquæ ignisque periculo, ab omni corporis & animæ malo. Concedas, me placide absque omni cura atque angore obdormire, ut & in tenebris lucem splendoris tui divini super me lucentem oculis cordis mei videam. Tu enim lux illa vera es & clara, quæ cunctas
te-

tenebras, quæ circumdederunt nos, illuminat.

Tu, Domine Deus, mecum es, tu petra mea, & arx mea, liberator & adjutor meus, in quo sperabo, scutum meum, & cornu salutis meæ, & susceptor meus. Domine, Deus meus, nocte expando ad te manus meas, velociter exaudi me, & protege me hac nocte, ne spiritus meus in peccatis obdormiat, & corpori meo aliquid mali contingat. Excita me convenienti & opportuno tempore, ut lucem crastini diei, pro clementi voluntate tua, rursus vivus aspiciam. Tu enim solus vitam meam servare, & mihi omni benedictione spirituali benedicere potes, in JESU Christo, Domino nostro, Amen.

*Benedictio Matutina
die Mercurii.*

OMnipotens, misericors DEUS,
cum tibi serviat universum opifi-

ficiū tuū, & omnes creaturæ sine intermissione te laudent ac celebrent, quod etiam aviculæ sub cœlo præstant, quæ mane exorto Sole, quam suavissime linguis & vocibus suis te, æternū DEUM & Creatorem suū, laudent: Et ego jam tibi ex intimo corde gratias ago, quod me præterita nocte, & toto vitæ meæ tempore, sub protectione, & tutela, in præsentem usque horam conservare, ex somno & tenebris hujus noctis excitare, atque hilarem & sanum resurgere voluisti.

Oro te per salutarem resurrectionem JESU Christi ex mortuis, ut in posterum quoque me conservare velis ab omni malo ac periculo, una cum omnibus iis, qui mihi adfinitate, aut quacunque ratione juncti sunt: adhæc matutina hac hora misericordia tua replere me digneris, ut cum gaudio hodiernū diem in mandatis tuis, absque omni mortali peccato, transigam.

Ex-

Exhibe mihi gratiam tuam, ut sicut nubes aquosa sub aurora, & ros matutinus, sese extendunt, & terram humectant: Sic bonitatem tuam super me extendere & animum languidum mihi reficere digneris, ut promptus & alacer voluntati tuæ satisfaciam.

Guberna me Spiritu Sancto tuo, ut tibi puro corde inservire queam, cum iustitia & sanctitate, coram te, cunctos dies vitæ meæ.

Custodi me, Domine, ne hoc die aliquod peccatum contra te admittam aut conscientiam meam carnis cupiditatibus, quæ militant adversus animam, polluam. Custodi etiam linguam meam à malo, & labia mea, ne loquantur dolum sive mendacium: Obscœnitates & stultiloquia, quæ non conveniunt Christianis, procul sint à me.

Præsta auxilium, ne labiis meis cuipiam sim scandalo, aut aliquem traducam, judicem sive damnem, nec
quo-

quoque aliquem objurgem, aut convitiis diffamem. Quis adponat ori meo custodiam, labiisve meis sigillum prudentiæ? ne subito his corruam, nec lingua mea perdat me?

Concede mihi gratiam, obsecro, ut ego ipse defectus meos agnoscam & corrigam, ne in severam tuam sententiam & judicium horrendum incidam. Hæc mihi, æterne DEUS, largire, per JESUM Christum, Filium tuum dilectum, Amen.

Benedictio Vespertina.

O Sancta Trinitas, in una eademque divina essentia, tu vita es mihi, salus & perpetua consolatio, gratias tibi ago, ore & corde, quod me per hunc diem clementer tutatus es.

Oro divinam bonitatem tuam, ut omnes iniquitates meas tegere velis, maxime vero quicquid hodie contra te & contra sancta præcepta tua, lingua mea, inutilibus & futilibus verbis,

bis, detractiōe aut alio quocunque modo peccavi: velisque me hac futura nocte quoque conservare ab omni damno & periculo.

Quia in te solum confido, tu Dominus meus es, & Deus meus: in manus tuas commendo corpus & animam meam.

Benedicat igitur nunc me divina majestas; protegat me sancta Trinitas; conservet me sempiterna unitas; tueatur me immensa misericordia; defendat me ineffabilis clementia, lætificent me infinita dulcedo; contegat me suprema veritas DEI; confirmet me profunda cognitio JESU CHRISTI, custodiat me ineffabilis bonitas Domini!

Gratia Patris regat me; Sapientia Filii reficiat me; Virtus Spiritus Sancti illuminet me! Creator meus succurre mihi: Redemptor meus adjuva me: Consolator meus fer mihi opem.

Bene-

Benedicat mihi Jehovah & custodiat me; Lucere faciat Jehovah faciem suam super me, & misereatur mei. Attollat Jehovah faciem suam ad me, & det mihi pacem!

Hæc protectio, & hæc invocatio unius & sempiternæ Deitatis sit hodie, & nunc & semper inter me & omnes inimicos meos, visibiles & invisibiles, ne ad me accedere, me occidere, vel lædere valeant; quemadmodum columna nubis in deserto stetit inter castra Ægyptiorum, & castra filiorum Israel, nec adpropinquavit alter alteri, quo minus aliquid mali filiis Israel evenire posset: ita inter me & omnes inimicos meos murus igneus & interstitium esse velis, ne adpropinquent inimici mei ad lædendum me.

Conserva me etiam in ultima hora vitæ meæ, tunc quando oculi mei non videbunt, aures non audient, nec lingua amplius loquetur: quando etiam manus nihil adprehendere, & pedes

des non amplius incedere poterunt,
tunc mihi succurre, benedicta Trini-
tas Sancta, ne satanas aliquid potesta-
tis in me inveniat, Amen.

*Benedictio Matutina
die Jovis.*

Domine JESU Christe, qui es vera
& æterna lux, quæ repellit noctis
tenebras & umbram mortis, laudabo
nomen tuum, tibi psalmum dicam &
gratias agam, quod me hac nocte
tam clementer protexisti, & ex
tenebris ad lucem hanc deduxisti,
Custodivisti me à timore noctis, &
terrore & spectris diaboli, à peste, quæ
in caligine ambulat, à variis morbis
& infirmitatibus, quæ mihi obvenire
potuissent.

Scuto etiam tuo animam meam
circumdedisti & protexisti, sicut pa-
stor gregem suum protegit & pascit.
Adhæc omnia, quæcunque possideo,
illæ-



Vulnera contemplor. stillantia sanguine
 serata:
 quantum CHRISTI tui pignus
 amoris adest.

Sich Herr Jesu das dein hoh
 In dornen Trank und schlage
 Mir trost geb. und so lehre Fron
 in mein herz einprege.



THE UNIVERSITY OF CAMBRIDGE
LIBRARY
1875
1876
1877
1878
1879
1880
1881
1882
1883
1884
1885
1886
1887
1888
1889
1890
1891
1892
1893
1894
1895
1896
1897
1898
1899
1900
1901
1902
1903
1904
1905
1906
1907
1908
1909
1910
1911
1912
1913
1914
1915
1916
1917
1918
1919
1920
1921
1922
1923
1924
1925
1926
1927
1928
1929
1930
1931
1932
1933
1934
1935
1936
1937
1938
1939
1940
1941
1942
1943
1944
1945
1946
1947
1948
1949
1950
1951
1952
1953
1954
1955
1956
1957
1958
1959
1960
1961
1962
1963
1964
1965
1966
1967
1968
1969
1970
1971
1972
1973
1974
1975
1976
1977
1978
1979
1980
1981
1982
1983
1984
1985
1986
1987
1988
1989
1990
1991
1992
1993
1994
1995
1996
1997
1998
1999
2000
2001
2002
2003
2004
2005
2006
2007
2008
2009
2010
2011
2012
2013
2014
2015
2016
2017
2018
2019
2020
2021
2022
2023
2024
2025

illæsa conservata sunt per magnam misericordiam tuam.

Pro hac clementia & protectione, & omnibus beneficiis tuis, sit tibi laus, honor & gloria.

De fortitudine tua cantabo, & laudabo mane misericordiam tuam; tu enim refugium es & virtus mea, fortitudo mea, et fidelis D E U S, in quem confido. Tu dedisti mihi lætitiā in corde meo, & lætificasti faciem meam.

Oro te per sanctam incarnationem & nativitatem tuam, ut sinas hoc die super me misericordiam tuam oriri, quæ procedat tanquam aurora lætificans, & ad me veniat, tanquam pluvia matutina.

Illumina cæcam meam naturam, & cor obtenebratum splendore tuo, ut in corde meo exoriatur Lucifer ille verus, & vera lux, quæ homines illuminat ad vitam æternam.

Protoge me quoque hodie ab omni malo, miserere mei, Jehova, quia te ex-

I i spe-

specto : Esto brachium meum in matutinis, salus etiam mea in tempore angustiae.

Defende corpus & animam meam, ne accidat mihi malum aliquod, neque plaga mihi appropinquet.

Omnes Spiritus noxios à me procul repelle : fer mihi opem contra sceleratos. DEUS in adjutorium meum intende adversus maleficos, & ad auxilium meum festina : quia anima mea expectat te à vigilia matutina usque ad aliam vigiliam matutinam.

O Domine DEUS noster, opus manuum nostrarum dirige super nos, opus, inquam, manuum nostrarum dirige, & brachium nostrum confirma; digitos quoque nostros doce mandata tua observare, ne hodie contra te peccemus. Hæc omnia propter misericordiam tuam concede, Amen.

Benedictio Vespertina.

Benedictus DEUS ac Pater Domini nostri JESU Christi, in Spiritu Sancto, unus & æternus DEUS, qui multiplici sua misericordia, me miserum peccatorem, & hominem egenum, hodierno die clementer defendit, ab omnibus ignitis sagittis Satanz, volantibus per diem; à peste, quæ vastat meridie; subitanea & improvisa morte, & ab omnibus malis paterne custodivit.

Bone DEus, quam magna est supra cœlos bonitas & misericordia tua, & usque ad nubes veritas tua! Oro te, DEum munificum, ut ex gratia mihi condonare velis, quicquid contra te, tam operibus, quam verbis sive cogitationibus perpetravi. Misericordiam quoque tuam largiri mihi velis, & me futura hac nocte obdormire & quiescere sinas, ut te, qui es æterna requies, nunquam nec in omnem æ-

ternitatem relinquam, sed in te maneam per fidem, & sub protectione tua securus habitem, ne malignus hostis ad me adpropinquare, & damni aliquid mihi inferre valeat.

Jehovah, lux mea & salus mea, à quo timebo? Jehovah, fortitudo vitæ meæ, à quo pavebo? In te confidit cor meum, & adjutus sum. Tu firmamentum meum es & potens præsidium, dextera tua roborat me, dextera tua consolatur me, & sub umbraculo brachiorum tuorum refugium meum est.

Ecce mi DEUS, clamo per diem & respondes mihi, et nocte non sileo attamen exaudis me. In cubilibus meis recordor tui, & in vigiliis meditor de te: quia fuisti mihi auxilium, & in umbra alarum tuarum exulto. Adhæsit anima mea tibi, dextera tua sustentat me.

O benigne DEUS, gratiam mihi concede, quæso, ut si extrema hora

vitæ meæ adpropinquabit, & ego me in lecto mortis ad sempiternam requiem componam, ut fretus auxilio tuo, in vera & firma fide, constans & intrepidus, pie & ad æternam vitam obdormiam.

Interea conserva me, ut semper vigilem, sobrie & compositè vivam, & paratus in Christiana pietate inveniar; quandoquidem plane ignoro, qua hora tu, DEUS noster, veniens, me hinc avocabis. Hæc largire mihi, quæso, per JESUM Christum, Dominum nostrum, Amen.

Benedictio Matutina
die Veneris.

BENEDICTUS sit DEUS, Creator meus, benedictus sit DEUS salutaris meus, benedictus sit DEUS, summa consolatio mea; qui dat mihi sanitatem, vitam & prosperitatem; qui protector & auxiliator meus est;

qui me in corpore & anima, secundum magnam & infinitam misericordiam suam, hac præterita nocte, à variis satanæ incommodis defendit, & saluum ad hodiernum diem resurgere voluit.

Oro te, mi Pater cœlestis, per sanguinem sudorem Filii tui dilecti J E S U Christi, digneris & me hodie in divinam protectionem tuam recipere, me tueri atque custodire, tam interne, quàm externe, ne quid mali mihi eveniat. Quia in manus tuas hodie & omnibus diebus vitæ meæ commendo animam meam indigentem, corpus meum infirmum, sensus meos, mentem, intellectum & consilia mea. Adhæc omnes cogitationes meas, verba & opera, dicta & facta, introitum meum, & exitum meum, me ambulanti & stanti, me sedenti & cubanti, meam voluntatem & consilia, meas imaginationes & postulationes, fidem & confessionem, & quicquid tam exter-

ternis, quam internis viribus sum & valeo; finem vitæ meæ, diem & horam mortis, mortem & resurrectionem meam.

O Domine DEUS, tu mecum agito sicuti vis & nosti, quicquid in honorem nominis tui & animæ meæ salutem cedere poterit.

Et si forte contra te ex infirmitate peccaverim, obsecro te, ne recedat à me misericordia tua, neve gratia tua declinet à me, & ne subtrahas mihi auxilium tuum.

Nam præter te non est DEUS, neque Servator, ante te non est formatus alius, neque post te alius erit. Tu, inquam, primus & novissimus, & præter te non est DEUS. Itaque te solum invoco, præsto sit mihi bonitas tua.

Fac me audire manè misericordiam tuam, quia in te spero. Deduc pedes meos per semitas justitiæ, ne ambulem in consilio impiorum, nec in via peccatorum stem, nec in Cathedra derisorum sedeam: sed ut in ver-

bo & lege tua totius cordis mei voluntas & beneplacitum sit, & in ea mediter die ac nocte, per Dominum nostrum JESUM Christum, qui tecum & cum Spiritu S. vivit & regnat in secula seculorum, Amen.

Benedictio Vespertina.

Benedictus Jehovah, qui facit mirabilia solus, & benedictum nomen gloriæ ejus in seculum, & repleatur gloria ejus universa terra. Celebrabo nomen DEI per singulos dies, & vesperi semper laus ejus erit in ore meo. Nam cum clamavero, exaudit me: cum deprecatus fuero ipsum, inclinat ad me aures suas: & cum oravero, ad vocem meam intendit. Dominus mihi protectio & fortitudo, auxilium in angustiis invenimus abunde.

Quapropter æterne Deus, tibi laudem & gloriam dico, quod me hoc die paterne defendisti ab omni damno & pe-

periculo, quæ mihi accidere potuissent. Cor meum exultat, & anima mea laudat te propter bonitatem & misericordiam tuam. Loquetur lingua mea eloquium tuum, & dicat semper: magnificetur Dominus, denedictum sit nomen ejus sanctum.

Oro te, ut velis mihi hodie, quicquid contra te peccavi, ex clementia remittere, & me, adventante nocte, cum omnibus, quæ ad me pertinent, protegere.

Jehovah, custodi me, Jehovah umbra mea stans super manum dexteram meam: Custodi me ab omni malo; custodi animam meam. Miserere mei, quoniam in te sperat anima mea: spero in Dominum, & clamo ad DEUM altissimum, qui finiet misérias meas. Ecce non dormitabit, qui custodit me: Ecce non dormitabit, neque dormiet, qui custodit Israel. Sustentabis gressus meos, in viis rectis, ne declinent pedes mei, neve vestigia mea movean-

veantur. Pedes meos à lapsu eripiet; quia lucerna pedi meo verbum suum, & lumen semitæ meæ.

Quapropter si lecto incumbam, non timebo, sed suaviter dormiam neque formidabo subitos terrores, neque turbines impiorum, si qui forte irruere conantur.

O Domine Deus, eleva super me lucem vultus tui, ut accubem & in pace pariter dormiam: quia tu Jehovah solus confidenter habitare me facies sub protectione tua: Tu Domine solus adjuvas me. In nomine tuo ascendam super lectum strati mei, dabo somnum oculis meis & palpebris meis dormitationem. Tu Domine Deus alacrem me resuscitabis, in laudem & gloriam divinæ majestatis tuæ, per JESUM Christum, Filium tuum dilectum, Dominum nostrum, qui tecum vivit & regnat in unitate Spiritus Sancti, in secula seculorum, Amen.

*Benedictio Matutina
die Saturni.*

VEre & immortalis DEus, Pater Domini nostri JESU Christi, ad te elevo animum meum, debita gratiarum actione: tuam justitiam non abscondam in corde meo, veritatem & salutem tuam dicam. Non celabo misericordiam tuam, & veritatem tuam in cœtu multo, & omnia bona, quæ fecisti mihi, non tacebo. Quoniam bonum est celebrare Jehovah, & psallere nomini tuo, Altissime; annunciare mane misericordiam tuam, & veritatem tuam in noctibus.

Propterea laudat te anima mea, quod hac nocte per superabundantem misericordiam tuam me protexisti. Benedictus es Jehovah, DEUS exercituum, qui clementem te præbes omnibus, qui quærun't te & salutem tuam diligunt.

Benedictum sit nomen tuum magnum in omni terra, quod protectio atque adjutorium nobis est. Benedicta sint omnia opera tua, quæ filiis hominum præstitisti. Oro te, ut velis me hac die quoque conservare, ne fantas aliquid damni mihi inferat, & manus impiorum mihi noceat.

Domine DEUS, Salutare meum, mane te quæro, mane oratio mea prævenit te, da mihi, ut opera vocationis meæ, & quicquid mihi demandatum est, diligenter & fideliter expediam, ad nominis tui laudem, ad proximi emendationem, ne hujus diei luce ad peccandum abutar, neve te vel dictis vel factis offendam, & sancti Baptismatis mei fœdus violem.

Concede quoque mihi gratiam, ut fugiam sex ista, quæ tu odio habes, & septimum, quod abominationi est animæ tuæ, nimirum oculos sublimes, linguas mendaces, manus effun-

effundentes sanguinem innocentis, cor, quod molitur cogitationes iniquas, pedes festinantes, ut currant ad malum, testem mendacem, qui loquitur mendacia, & immittentem jurgia inter fratres. Ab his & similibus delictis protege me, DEUS meus, & gratiam clementer largire, ut omnia mea opera & vita tibi placeat, in JESU CHRISTO, Filio tuo dilecto, Domino nostro, qui tecum vivit & regnat, in unitate Spiritus Sancti, in secula seculorum, Amen.

Benedictio Vespertina.

LAus tibi sit summo & immortalis DEO! laus sit bonitati, clementiæ & misericordiæ tuæ! Laus sit æternæ sapientiæ & veritati tuæ, qui me hodierno die ab omni detrimento & malo protexisti.

Oro te, ut velis bonitatem tuam, cujus in me initium fecisti, clementer perficere, & me hac quoque nocte

quiescere finas sub abscondito Altissimi, meque alis tuis regere velis.

Sit refugium meum sub umbra brachiorum tuorum, ne mihi malum timeam.

Custodi me, DEus meus, ut nigrum pupillæ oculi, in umbra alarum tuarum absconde me. Jehovah, tu es pars portionis meæ: in manibus tuis salus mea est. Adjuva me per bonitatem tuam, ne timor & tremor super me veniant, neve noctis timor me operiat.

Miserere mei, quoniam in te confidit anima mea, & sub umbra alarum tuarum sperabo.

In die angustiarum mearum Dominum quero: manus mea noctu ad eum expansa est, nec quiescit, renuit consolari anima mea, neque etiam alium auxiliatorem scio, in cœlo & in terra, nisi te solum.

Media nocte surgo, & recordor nominis tui, quod tam suave est, & bonitatis ac veritatis tuæ, quam præstitisti mi-

mihi , & gratias ago tibi , pro iustitia justificationis tuæ. In die tribulationis recordor Dei , & si angustiis adficatur cor meum, loquor de salutari meo. Quoniam eripit animam meam ab interitu , & a laqueis mortis liberat me.

Domine, Deus salutaris meus, noctesque diesque coram te clamo & invoco te, ut velis mihi condonare omnes iniquitates meas , quas præterita septimana & hodie contra te perpetravi. O Domine , libera animam meam propter misericordiam tuam: Tu clemens & iustus es, & Deus noster miseretur: Custodit simplices Jehova, attenuatus eram, & me servavit.

Propterea gloriabor , exultabo & confitebor tibi in cubili meo. Itaque commendo in manus tuas corpus & animam meam, redemisti me , Domine , DEUS veritatis , per Jesum Christum , Dominum nostrum, Amen.

C O N F E S S I O
P U B L I C A.

DEus iuste, Pater misericors, ego miser & indignus homo confiteor, me non solum in peccatis conceptum & natum esse, sed etiam totum vitæ meæ temp⁹ ab ineunte ætate, usq; ad horam præsentem, in multis & gravissimis peccatis transegisse.

Non enim te, Dominum ac Deum meum, ex toto corde, ex tota anima, ex totis viribus & ex tota cogitatione mea dilexi ac timui, in te etiam super omnia non sum confisus, nomen tuum sanctum ex toto corde non invocavi neque laudavi: sed eodem abusus sum blasphemando, jurando, mentiendo & defraudando.

Concionem verbi tui sancti sæpius neglexi, contemsi, & juxta illam parum admodum vitam composui & emendavi. Parentibus charissimis, & superioribus meis inobediens fui:
ad-

adhæc proximum meum non dilexi
ut meipsum: sed odio eum sum pro-
secutus, eum contemsi, offendi, detri-
mento ipsi fui, & ut alii ipsi damna in-
ferrent, permisi. In verbis & operi-
bus levis & obscœnus fui: in negotiis
& actionibus meis quotidianis variis
usus sum imposturis contra charitatem
proximi: proximum quoque meum
falsis mendacijs involvi, prodidi, tra-
didi, & infamia quacunque affeci.
Summa, malis cum delectatione irre-
titus fui. Superbus, avarus, libidi-
nosus, iracundus, luxuriosus, invidus
& desidiosus fui: Insuper proximo
ad peccandum incitamento & adju-
mento fui: & ita pactum & fœdus sa-
cratissimi Baptismatis mei transgressus
sum.

Et si quid unquam contra te pecca-
vi, aut verbis, aut operibus, aut cogi-
tationibus, clam vel aperte, omnia
item dilecta mea tam occulta, quam
abscondita, quorum tu, cordium scru-
tator, me reum agnoscis, melius,
Kk 3 quam

quam ego mihi ipsi conscius sum : Ea, inquam , omnia corde contrito & humiliato confiteor : imo inutilis sum servus , & peccavi in cœlum & coram te , neque amplius sum dignus vocari filius tuus , aut oculos meos ad te attollere.

Multis enim & gravissimis peccatis te vehementer offendi ; animam meam miseram & conscientiam meam supra modum gravavi iniquitatibus perpetratis ; quæ me premunt , & sicut onus grave graviores fuerunt me. Venio itaque gratiæ & misericordiæ tempore , & à rigida tua justitia ad infinitam misericordiam appello. O Domine Deus , propitius esto mihi misero peccatori , dimitte mihi peccata mea , in eorundem per solutionem accipe , obsecro, innocentem JESU Christi, Filii tui dilecti, mortem , & mihi vitæ meæ emendationem concede , Amen.

*ORATIO ANTE COENAM
DOMINICAM.*

Domine JESU Chrifte, Dei æternæ
Fili, qui in vera humanitate tua
pro nobis mortem passus, à peccatis,
& damnatione æterna nos redemisti.
Et ut tantæ bonitatis tuæ nunquam
oblivisceremur, in ultima Cœna tua
sempiternam memoriam fundasti,
novumque fœdus erexisti, in quo cre-
dentium peccata oblivioni sempiter-
næ traduntur, ubi constituisti & lega-
sti verum corpus in pane edendum,
& sanguinem sacrosanctum in vino
bibendum, cum annexa promissione
remissionis peccatorum. Nos mi-
seri ac ærumnosi homines ad te, o-
mnis gratiæ & misericordiæ fontem,
venimus, orantes, ut omnia peccata &
iniquitamenta nostra abluere, con-
scientias nostras purgare atque refi-
cere velis, ut vera pœnitentia & con-
tritione in vera ac firma fide, cum

intentione pia, & decenti reverentia, præparati ac digni, sacrosanctum tuum corpus & sanguinem ad salutem nostram accipiamus. Adjuva nos, ut per hoc Testamenti Novi mysterium fides in nobis augeatur, spes corroboretur, charitas accendatur, conscientia debilis consolationem accipiat, omnis afflictio superetur, ac in cordibus nostris divinæ tuæ gratiæ & sempiternæ redemptionis participes confirmemur, ac obsignemur, ita, ut supereminentem obtineamus gratiam, quæ in hoc abscondita est sacramento. O clementissime DEus, da nobis illuminatos oculos mentis nostræ, ut cognoscamus, quæ sit spes illa hæreditatis nostræ, & quænam sint divitiæ Coenæ tuæ magnificæ, in qua una cum corpore & sanguine tuo nobis quoque communicas remissionem peccatorum, veram justitiam & omnia bona cœlestia, ut sæpius ex intimo cordis affectu, & desiderio pio sacramentum hoc di-

digni accipiamus, tuamque dulcedinem degustemus. Aufer à nobis, quicquid tibi displicet, aut quicquid nobis impedimento est, nosque à te avertit. Largire vero nobis, quicquid nos ad te convertit atque promovet, ut fructus hujus salutaris mensæ participes, animæ nostræ esurientes & sitientes, hic cibum potumque consequantur, & in futura vita pane & potu cœlesti tecum in omnia secula fruantur, Amen.

*Gratiarum Actio post Cœnam
Dominicam.*

O Jesu Christe, vere ac æterne pontifex noster, qui sedes ad dextram throni majestatis illius cœlestis, minister sanctuarii ac veri illius tabernaculi non manu facti. Tu per proprium sanguinem ingressus es semel in sacrarium, æternam redemptionem nactus, ubi obtulisti te ipsum inculpatum patri tuo dilecto,

purgare conscientias nostras à mortuis operibus, ad serviendum Deo vivo. Gratias agimus tibi ex toto corde, quod maledictum pro nobis factus mortem crucis ignominiosam, obedientia voluntaria erga Patrem tuum cœlestem, ex ardore charitatis, & patientia ineffabili, innocens pro nobis miseris peccatoribus passus es; adhæc quoque venerandum corporis & sanguinis tui sacramentum, in sempiternam memoriam & recordationem divini favoris & benevolentiae tuæ erga nos, nec non in pignus, sigillum & confirmationem remissionis peccatorum nobis instituisti, tum etiam, quod nos ad societatem & communionem ejusdem vocare & venire dignatus es, & esurientes ac sitientes conscientias nostras ad vitam cibasti & potasti. O Domine Deus, quam magna est charitas tua, quam ineffabilis est misericordia tua, quam imperscrutabilis est gratia tua, quandoquidem neminem à Coena
hac

hac tremenda excludis, modo nemo seipsum ab ea separet, & se indignum reddat. Si ergo quis esuriens ac sitiens derelinquitur, is hic satiatur: si quis egestate & paupertate premitur, is hic consequitur omnes Thesauros & divitias vitæ: si quis angustiis & ærumnis afficitur, is hic requiem invenit: si quis male afficitur, aut valetudine adversa laborat, is hic pharmacum & animæ suæ sanitatem impetrat: si quis peccatis fatigatus & oneratus est, is hic refocilationem conscientiae suæ reperit: si quis in morte est, is hic vitam æternam habet. Adjuva igitur nos, o bone DEus, ut sacrosanctum ad salutem nobis eveniat, & ut posthac confessionem fidei retinentes non declinemus. Fidelis enim es in promissionibus tuis. Adhæc ut etiam inter nos salutis nostræ curam mutuo geramus, ad charitatem & bona opera nos incitando, non deferentes congregationem nostram, sed nos invicem admo-

neamus, idque eo magis, cum omnes videmus, diem iudicii extremi & finem vitæ nostræ appropinquare, ut latè exspectemus tuum adventum, Amen.

*PRO FELICI EX HAC
VITA EXITU.*

Plissime Deus, homini terminum vitæ constituisti, quem præterire non potest: quia definiti sunt dies, & numerus mensium ejus tecum est. Cunctos vitæ nostræ dies numerasti, qui tamen cito recedunt, instar torrentis & fluvii decurrentis, haud secus, quam si avolaremus. Defecerunt sicut fumus, aut umbra, quæ velociter præterit, omnes dies nostri. Omnis homo est ut gramen, quod cito exarescit, & velut flos graminis, qui facile decedit. Fac igitur me scire, Jchovah, finem meum, & mensuram dierum meorum, quæ sit, ut sciam, quam temporalis sum. Ecce

ut

ut palmos posuisti dies meos, & ævum meum tanquam nihil coram te: profecto universa vanitas omnis homo stans.

Domine, scire fac nos, ut numeremus dies nostros, & civitatem manentem hic non habemus. Notum mihi fac per brevem & caducam vitam meam, ut in omnibus, quæ dicam, quæve faciam, meminerim extremorum meorum, ut in hoc mundo non mihi soli, sed tibi vivam & moriar, in fide alacris & hilaris, expectans diem meæ ex hoc ergastulo emigrationis; & apparitionis Filii tui dilecti, Jesu Christi, ac paratus ad eam in sanctis conversationibus & pietatis officiis quasi festinem.

Largire quæso mihi exitum salutarem & felicem ex hac vita, ut adventante extrema hora mea, placide obdormiam, & in vera confessione, integro rationis usu, vitam finiam; ne mens & sensus debilitati, more delirantium, erumpant in voces blasphemias,

mas, impias vel absonas à professione Christiana, contra te Dominum meum, & contra salutem meam.

Custodi me à subitanea & improvisa morte, & ab æterna damnatione: ne præter expectationem subito, extrema hora mea præventus, obruar; sed ut vera conversione & vera fide paratus inveniar.

Et cum eadem extrema hora mea venerit, fortem & intrepidum me facito ad mortem temporalem perfrendam, quæ mihi januam ad vitam æternam aperiet.

Et me servum tuum in pacem tandem dimitte, secundum verbum tuum.

Quia viderunt oculi mei salutem tuam, quam parasti in oculis omnium populorum. Lumen ad revelationem gentium & gloriam populi tui Israel.

Da, ut verbum meum ultimum sit illud, quod Filius tuus dilectus in ara crucis locutus est: Pater, in manus

nus tuas commendo spiritum me-
um. Et cum sermonis usu prorsus
destituar, ultimos, quæso, geni-
tus cordis mei exaudi,
Amen.

F I N I S.



HODEGUS

AD

USUM

MEDITATIONUM

SACRARUM

ut &

EXERCITII PIETATIS

B. D. J. GERHARDI.



U S U S

I.

Diurnus.

De Precum efficacîâ	pág. 164
Quotidiana mortis consideratio	297

Mane.

De Angelorum custodiâ	173
De insidiis Diabolicis	180
Piè vivendi Regulæ	187
Vitæ Christi imitatio	202
De Conscientiæ puritate	224

Vesperî.

De verâ quiete animæ	217
De Vitæ fugacitate	262
Lapsus quotidianos recenset	389
Grates pro omnibus bonis	444
Grates pro custodia à malis	453

Prandens.

Spr. Piorum resectio.	106
-----------------------	-----

Cœnans.

Grates pro sustentatione	417
--------------------------	-----

II.

In dies Septimanæ.

Die Solis.

De Sp. S. illuminatione	pag. 142
De Ecclesiæ dignitate	150
Grates pro vocat. per Verb.	429
Pro Verbi conservatione	505
Pro Pastoribus & Auditoribus	509

Die Lunæ.

De amando solo Deo	62
De natura & propr. Fidei	80
De vitæ Christi imitatione	202
Pro statu Oeconomico	516
Pie vivendi regulæ	187

Die Martis.

Pro Victoriâ Mundi	491
Quomodo vincenda tentatio	291
Pro Victoria in tentatione	497
Utilitas tentationum	278
Pro inimicis ac persecutoribus	527
Pro dono Mansuetudinis	479
Pro Patientiâ	476

Die Mercurii.

De vitæ fugacitate	262
De	



De Mundi Vanitate	270
De Conscientiæ puritate	224
Pro mortific. vet. Hominis	461
Pro custodia in bono	441

Die Jobis.

De studio veræ Humilitatis	232
De avaritiâ fugiendâ	238
Pro contemptu terrenorum	485
Pro abnegatione sui	488

Die Veneris.

Pro Castitatis studio	254. 482
Grat. pro Nativit. & format.	415
Pro Animi, Corp. Fortunæ bonis	444

Die Saturni.

Pro verâ quiete animæ	217. 494
Grates pro sustentatione	417
Gr. pro Custod. à variis malis	453
Lapsus quotidianos recenset	389
Pro beato Vitæ exitu	501

III.

In Dominicas & Festa.

Ad6. I.

De Certitudine Salutis	57
Pro Incarnatione	423

II. De

II.

De Iudicio extremo	311
De Vitæ æternæ desiderio	318
De mundi vanitate	270

III.

Vincenda tentat. de Persever.	291
-------------------------------	-----

IV.

De baptismi fructibus	113
Grates pro baptismo	447

Fer. I. Natis.

De myster. Incarn.	94
De salutari fructu Incarn.	101

Fer. II.

Pro victoriâ in tentatione	497
Pro inimicis ac Persecutoribus	522
Utilitas tentationum	278
Pro consolatione in adversis	494
De visione Dei in cœlo	326

Fer. III.

De amando solo Deo	62
De sancta Christi imitatione	202

Post Natis.

Fundamenta Patient.	284
Pro incremento Spei	467

Fest.

Fest. Circumc.

De Nomine Jesu 36

Post Circumc.

Pro Custod. Angel. 173

Utilitas tentationum 278

Pro Victoriâ in tentatione 497

Fest. Epiph.

Pro Vocatione per Verbum 429

Pro expectatione Conversionis 433

Pro ipsa Conversione 435

I. Post.

Alienis pecc. nos particip. 398

Consolatio in morte amicorum 303

Peccatorum Juvent. memoria 386

II. Post.

De spr. Conjugio Christi 88

Grates pro sustentatione 417

Intercessio pro Cognatis 519

Pro Statu Oeconomico 516

III. Post.

De sal. precum efficacia 164

Peccati Origin. gravitas 384

Pro afflictis & æumnosis 526

IV. Post.

De utilitate tentationum. 278

Pro

Pro incremento Fidei & Spei 464.467

De Ecclesiæ dignitate 150

V. Post.

De insidiis Diabolicis 180

De Prædestinatione 157

De Securitate excutienda 194

Septuag.

De Ecclesiæ dignitate 150

Pro Pastoribus & Auditoribus 509

Pro Magistratu & subditis 512

Pro statu Oeconomico 516

Sexages.

Pro Verb. conf. & Eccl. incr. 505

Pro incremento Fidei 464

De naturâ veræ Fidei 80

Quinquag.

Grates pro Redemptione 420

Grates pro Christi Passione 426

Invocab.

De utilitate tentationum 278

Pro victor. in tent. & insid. Diab. 497

Reminisc.

De salutar. prec. efficac. 164

Pro increm. Fidei & Spei 464.467

Pro victor. in tent. & insid. Diab. 180

Ocu-

Oculi.

Pro formatione in utero	415
Pro Redemptione per Christum	420
De insidiis Diabolicis	180

Letare.

Grates pro sustentatione	417
Pro anim. Corp. ac Fort. bonis	444

Judic.

De abnegatione sui	209.488
De Conscientiæ puritate	224

Palmar.

Dei beneficia monstrant peccata	407
Exercit. Fidei ex amore Christi.	40

Die Virid.

De S. Cœnæ mysterio	125
De seria præparat. ad Cœnam	131
De salutari Cœnæ perceptione	119
Grates pro sacramento Cœnæ	450

Die Parasç.

Consol. ex Passione	46
Exercit. Fidei ex Passione	40
Pœnitentia ex Passione	24
De fructu Passionis	51
Severitas Iræ Dei	410
Grates pro Passione	426

Fer. I. Pasch.

De spirit. Piorum Resurrect.	353
Pro mortificat. veter. Hom.	461

Fer. II.

Pro beato vitæ exitu & Res. ad vit.	501
-------------------------------------	-----

Fer. III.

De vera quiete animæ	217
----------------------	-----

Quasimodog.

De certitud. Salutis	57
Pro incremento Fidei	464

Misericord.

De Prædestinatione	157
De spirituali piorum refectione	106

Jubilat.

Pro increment. Patientiæ	476
Pro consolatione in adversis	494

Cantat.

Undiq; peccatorum nos convinci	404
Pro victoriâ Mundi	491

Rogat.

De Precum efficacia	164
---------------------	-----

Ascens. Fest.

De Christi Ascens.	136
--------------------	-----

Exaudi.

Pro inimicis ac persecutoribus	522
--------------------------------	-----

Fer.

Fer. I. Pentecost.

Homil. de Sp. S. 142

Fer. II.

De amando solo Deo 62

Fer. III.

Pro Pastoribus & auditoribus 509

Pro custodia à variis malis 453

Fest. Trinitat.

De baptismi fructibus 113

Grates pro baptismo collato 447

I. Post.

Proprietates veræ Charitatis 246

Pro incremento Charitatis 470

Pro contemptu terrenorum 485

II. Post.

Spir. piorum resectio 106

Spir. Christi Conjugium cum an. 88

De tormentorum infern. gravit. 338

De Ecclesiæ dignitate 150

III. Post.

De nostra cum Deo reconcil. 70

Pro condonatione peccatorum 438

IV. Post.

Lapsus quotidian. recens. 389

Exam. Vitæ sec. Decal. utramque Tab. 112

392-395 Un-

Undiq; peccatorum nos convinci	401
<i>V. Trin.</i>	
Pro anim. Corp. ac Fort. bonis	444
<i>VI. Trin.</i>	
Pro dono Mansuetudinis	479
<i>VII. Trin.</i>	
Grates pro Sustentatione	417
<i>IX. Trin.</i>	
Pro Pastoribus & Auditoribus	509
Pro custodiâ in bono	441
<i>IX. Trin.</i>	
Pro contemptu terrenorum	485
Pro benefactoribus	519
De Judicio extremo	311
<i>X. Trin.</i>	
Dei beneficia peccata arguunt	407
Grates pro expectation. Convers.	433
<i>XI. Trin.</i>	
De verâ peccatorum agnitione	18
De fructu Pœnitentiæ	28
Pro Humilitatis studio	232-473
Contritio peccata arguit	404
<i>XII. Trin.</i>	
Pro formatione in utero	415
Pro custodiâ à variis malis	453
	XIII.

XIII. Trin.

De certitudine Salutis	57
Utilitas tentationum	278

XIV. Trin.

Peccati Original. gravitas	384
Precum efficacia salutaris	164
Pro an m. Corpor. ac Fort. bonis	444

XV. Trin.

De avaritia fugiendâ	238
Pro contemptu terrenorum	485

XVI. Trin.

Quotidiana mortis consideratio	297
De vitæ fugacitate	262
Pro beato exitu & resurr. ad vit.	501

XVII. Trin.

De studiô veræ Humilitatis	232
Pro conservanda Humilitate	473
Pro afflictis & ærurnosis	526
De propriet. veræ Charitatis	246.470

XIIX. Trin.

Examen sec. Decal. tabulas	392.395
De amando solo Deo	62

XIX. Trin.

Grat. pro remissione peccat.	438
Pro æternæ salutis promissione	456

XX. Trin.

De Prædestinatione	157
De conjugio Christi sp. & anim.	88
De spiritali piorum refectione	106
De Ecclesiæ dignitate	150

XXI. Trin.

Gr. pro ætern. Salut. promiss.	456
Pro afflictis & ærumnosis prec.	526

XXII. Trin.

De satisfactione pro peccat.	75
Dei beneficia peccator. arguunt	407
De poenarum infernal. æternit.	346

XXIII. Trin.

Pro Magistratu & subdit.	512
--------------------------	-----

XXIV. Trin.

Quotidian. mortis-confid.	297
Pro beato vitæ exitu & res. ad vit.	501

XXV. Trin.

De securitate excutiend.	194
Pro conservatione Fidei	464

XXVI. Trin.

De Judicio extremo	311
Tormentor. infernal. gravitas	338
De vitæ æternæ desiderio	318

Fest.

Fest. Purif.

Pro expectat. Conversion.	433
De r oprietatibus Fidei	80

Fest. Annunc.

De mysterio Incarn.	94
De Conscientiæ puritate	224
Pro studio Castitatis	254
Pro incremento Castitatis	482

Fest. Johann.

Gr. pro format. in utero	415
--------------------------	-----

Fest. Michael.

De Angelor. custod.	173
De Angelor. in cœlo association.	332

IV.

Quoad Capita Catecheseos :

Decalogum.

Vitæ juxta primam Tab. examin.	392
Juxta normam secundæ tab. conf.	395
<i>Præc. I.</i> De amando solo Deo	62
<i>II.</i> Meditatio de nomine Jesu	36
<i>III.</i> Pro verbi conservatione	505
Pro Pastoribus & auditor.	509
<i>IV.</i> Pro Magistratu & subditis	512
Pro cognatis, benefactoribus	519

<i>V.</i> Pro dono Patientiæ	476
Pro dono Mansuetudinis	479
<i>VI.</i> De studio Castitatis	254
Pro dono Castitatis	482
<i>VII.</i> De avaritia fugienda	238
Pro contemptu terrenorum	485
<i>III.</i> Pro inimicis ac persecutorib.	522
<i>IX.</i> Pro mortific. veteris Homin.	461
<i>X.</i> Pecc. Orig. gravit. expendit	384
Undiq; peccator. nos convinci	404
Generales pie vivendi regulæ	187
Severitas iræ Dei adversus peccata	410

Symbol. Apostol.

Pro conserv. & increm. Fidei	464
De natura ac propriet. veræ Fidei.	80

Art. I.

Pro format. in utero & Nativit.	415
Grates pro sustentatione	417
Pro Animæ, Corp. ac Fort. bonis	444
De certitudine salutis nostræ	57

Art. II.

Pro redemptione per Christum	420
De mysteriis Incarnationis	94
De fructu Incarnat. Christi	101
De fructu Passionis Dominicæ	51
De	

De satisfactione pro peccatis nostr.	75
De Christi Ascensione	136
De Iudicio extremo	311

Art. III.

De Sp. S. Homilia	142
Grates pro Conversione	435
De Ecclesiæ dignitate	150
Pro Ecclesiæ incremento	505
Pro vocatione per Verbum	429
Pro expectatione Conversionis	433
De nostra cum Deo reconciliat.	70
De fructu Pœnitentiæ	28
Pro peccatorum condonatione	438
Pro beato vitæ exitu & resurr. adv.	501
De Vitæ æternæ desiderio	318
Pro æternæ salutis promissione	456
De certitudine Salutis nostræ	57

Oration. Dominic.

Prel. & fin.

De Salutari Precum Efficacia	164
------------------------------	-----

Pet. I.

Pro verbi. Conservatione	505
Pro Pastoribus & auditoribus	509
Generales piè vivendi regulæ	187
De sanctâ vitæ Christi imitatione	202

Pet.

Pet. II.

Pro vocatione per verbum	429
Pro Conversione	433. 435
Pro incremento Fidei, Spei &c.	464. ff.
De Ecclesiæ dignate	150
Pro Ecclesiæ incremento	505

Pet. III.

De abnegatione sui	209
Pro mortific. vet. Hominis	461
Pro abnegationi sui	488

Pet. IV.

Pro omn. Anim. Corp. Fort. bon.	444
Pro sustentatione	417
De avaritia fugienda	238

Pet. V.

Peccati Origin. gravitas	384
Peccata Juventutis	386
Lapsus quotidiani recensentur	389
Pro peccatorum condonatione	438
De verâ peccator. agnitione	18
Pro inimicis ac persecutoribus	522
Pro incremento Patientiæ	476
Manfuetudinis	479

Pet. VI.

De insidiis diabolicis	180
De	

De utilitate tentationum	278
Pro custodiâ in bono	441
Pro victoria in tentatione	497
Pro victoria Mundi	491

Pet. VII.

Pro custodia â variis malis	453
De quotidiana mortis consider.	297
Pro beato vitæ exitu	501
De vitæ æternæ desiderio	318

Baptism.

Pro Baptismo sibi collato	447
De Baptismi fructibus	113

Confessus Poenitens

<i>Ante.</i> De vera peccat. agnitione	18
Peccati Original. gravit. expendit.	384
Peccata juventut. in memor. rev.	386
<i>In.</i> Lapsus quotidianos recenset	389
Vitam juxta Tabulam I. Decal.	392
juxta II. Tab. examinat.	395
Alienis peccatis nos sæpius partic.	398
Undique peccator. nos convinci.	401
Ex contrit. eff. de pec. grav. conv.	404
Omnia Dei ben. de pecc. grav. test.	407
Sev. iræ div. adv. pecc. ex Dom. Pass.	410
Exercitium Poenitent. ex Dom. pass.	24
<i>Post.</i>	



<i>Post.</i> De fructu veræ Pœnitentiæ	28
Grates pro peccat. condonatione	438
Consolatio Pœnitent. ex Passion.	46
De nostrâ cum Deo reconciliat.	70

Cœnæ Domin. conviva.

<i>Ante.</i> De feria præparatione	131
De fructu Passionis	51
<i>In.</i> De spiritali pior. refectiōe	106
De salutari particip. Corp. & Sang.	119
De Cœnæ Dom. mysterio	125
<i>Post.</i> Grates pro Sacram. hoc	450
De Spirit. Conjug. Chr. & Anim.	88
Pro incremento Fidei	464
Spei	467
Charitatis &c.	470

